

HW120

3  
US  
0  
0  
0  
0

BIBLIOTHEK  
der k.k. Sternwarte

WIEN


(Währing, Türkenschanze.)

Nº

672

H

IV, 5





TYCHONIS BRAHEI DANI  
**HYPERASPISTES,**

ADVERSVS SCIPIONIS (LARAMONTII  
(æsennatis Itali, Doctoris & Equitis

ANTI-TYCHONEM,

In aciem productus.

IOANNE KEPLERO, IMP. CÆS.  
FERDINANDI II. MATHEMATICO.

Quolibet doctrina præstantissima de Parallaxibus, deque Nouorum  
siderum in sublimi æthere discursionibus, repetitur, con-  
firmatur, illustratur.

Cum INDICE rerum memorabilium.



FRANCOFVRTI,  
Apud Godefridum Tampachium.





INCLYTAE ET GENEROSAE

B R A H E O R V M  
GENTI, VETVSTA NOBI-  
LITATE, HONORIBVS, OPIBVS,  
per DANIAE SVECIAEQUE Regna  
clarissime.

RANT hæc olim nobilitatis Cimbricæ  
studia, Generosissimi Nobilissimique  
Viri, Regibus suis militare, fines latè  
proferre, vicinos expellere aut subiu-  
gare, cum gentibus rerum dominis de  
Imperio contendere. Si fas est, diui-  
nam prouidentiam legibus astringere humanis: neces-  
saria fuisse videtur, implendo, secundum leges diuisio-  
nis, à Noacho sanctas, Orbi terrarum, (an malumus  
maritando) ferocitas ista. Nam & præcipua fœundi-  
tas fuit ab omni seculorum memoria, populorum fri-  
gidi Septentrionis, qui Gomeri Cimbrorum conditori  
fortitò obtigit: & deserta, aut ab incertæ originis bar-  
baris habitata, denique reconditior, longinquierque  
fuit Germania magna, venientibus per aduersum Da-  
nubium, Tirasí, vel per Alpes, Iauani posteris: quam

## D E D I C A T I O.

Gomeris filio Ascenez , ex Ponto per aduersum Borysthenem subeunti , deinde secundo Dunâ in Ballicum Mare defluenti , & Scandinauiam vestram , Chersonesumq; Cimbricam , ob opportunitatem tot littorum vietusq; spontanei ex venatura piscium , incolenti.

Postquam impletæ prouinciæ , non Septentrionis tantum , sed & Germaniæ vniuersæ , sed , ex Septentrione , Gronlandiæ quoq; (subsidio sciætiæ nauticæ , cuius schola erat Mare Balticum) ex Gronlandia , totius noui Orbis , quin (vt quibusdam placere video ) ipsius etiam Iaponiæ : iam tempus erat , vt vetera illa studia nobilitatis Cimbricæ , Christianis imbuta legibus , mitigarentur : neq; arma Cimbrorum Idola coientium , armis Gothorum & Francorum Christo militatiū (qui & ipsi , ex illa primæua Cimbrorum Patria profecti , exq; eodem Parente Gomere progeniti erant ) opponerentur : quod vsq; ad Caroli Magni tempora fieri à Nortmannis , maioribus vestrīs consueuerat : quin potius ut finibus gens unaquæque suis contenti , pacem inter se sub obsequio Christi domini colerent vniuersi .

Arma tamen adhuc cùm genti vestræ , tum Germaniæ nostræ , sola erant exercendæ virtutis materia ; armis solis decus famæ quærebatur . Sed erant innoxia cordatorum arma , studiaq; Christianæ Reip. utilia ; defendere imbecillum opes , contra raptores ; asserere fœminei sexus pudicitiam , cōtra violatores ; famam suam innocentiamq; contra criminaciones iniustas , vindicare ; scelera degeneribus exprobrare , ademptis armis , interdictis

## D E D I C A T I O.

terdictis hastiludiis, aut negantibus oblato duello.

Successerunt secula, quibus & his moribus fraus obrepdit, & altrinsecus ingenio quoq; prosecit genus humanum: pulchrumq; haberi ceptum nobilitati, arma in promptu habere, literis à pueris imbui, famam ingenio quærere. Ex quo tempore nulli prouinciarum Germaniæ cessit patria nobilitasque vestra. Est in Dania Hafniensis Academia, quæ cum Germaniæ singularum penè prouinciarum singulis Academiis æquiparetur: sunt quotannis crebri per Academias Germaniæ, crebri per Italiæ atque Galliæ, adolescentes Cimbrici nobilissimi, quos inter, vt gemmæ in auro, splendet frequens nomen Braheorum.

At non contentus vulgari eruditionis laude, gentilis ille vester Tycho Braheus, exarsit animo generosissimo, vt eam partem, quæ totius literaturæ cum sit difficilima, præstantissima tamen certissimaque est, non occuparet tantum, sed penitus perficeret, àque næuis suis vindicaret: eaque ratione, vt olim Cimbri illi antiqui, mortales cæteros armis anteire gloriari haud vano præconio sunt soliti, sic ipse Philosophorum vulgus promiscuum scientia operibusque superaret, vereque esset id, quod hodie celebratur, Phœnix Astronomorum.

Etsi verò constantissimi vir propositi, cū intelligeret, hanc ad metam sibi properanti impedimento futuros patriæ suæ mores, diuerso proposito, laudabili tamen & illo, tendentium, magno & fortis cōsilio, munia-

## D E D I C A T I O.

Nobilitatis haec tenus recensita , vobiscum gentilibus suis ita partitus est , vt vobis cæteris laudem relinqueret rei militaris insolidum , vitæq; genus illi gloriæ consentaneum (veneratus equidem hæc ipsa in vobis;) ipse vitam potius amplecteretur Philosophicam , scorsim à strepitu collocatam : ea tamen in vobis est iudicii dexteritas , ea prudentia in rerum æstimatione , is virtutis omnimodæ amor ; vt tanti talisque gentilis vestri vos pudeat nequaquam : quin potius , vti viuum adhuc , inque patria versantem coluistis vos ipsi : ex ea digressum , coluere Ranzouii cognati , populosissima gens , tanto maiori caritate viri , quod essent & ipsi consimilium decorum in sua gente sibi concii : rursum Pragam euntē , ibique versantem , coluistis è Danica nobilitate promiscui , si quibus occasio veniendi transeundive ; (quos inter memini fuisse , præcipuiq; honoris causa nominandum mihi video , Illustrem & Generosum D. Ericum Brahe Suecum , Comitem de Wittehorn , Poloniæ Regis consiliarium ; cuius in vlnis ; aspectante me , summus vir expirauit :) sic etiam eo vita laudabiliter functo , cæteris Nationibus Opera eius vel admirantibus , vel expectantibus nondum edita , famamque Nominis eius , magis magisq; concelebrantibus : vos quoque honore eius , Gentilitatis iure gaudetis meritò : eum igitur sarcum atque tectum , custodire , quantum in vobis situm , paratos vos esse , mihi etiam absenti fit consentaneum .

Hæc reputans Ego , cum exortum viderem Tycho- ni vestro , post totiam annos , aduersarium in Italia per iniquum ,

D E D I C A T I O.

iniquum, qui & falsa crimina ingereret, & doctrinas eius præstantissimas imperitè argueret : quorum illud more veteri Germanico purgandum esset duello, si authoris natales dignationem tantam haberent: istud verò non esset vestræ professionis: relicto vobis de illo & iudicio & arbitrio ; alterum hoc, imagine quadam vetusti illius moris, in me suscepi, onus scilicet, homini deschola, respondendi ex arte : Magistroq; olim meo, vobisque consanguineis eiūs, Nominiq; Braheo præstandum hoc officium : eiusque præstiti documentum hoc, publicæ dedicationis, edendum censui: quod, ubi à Christiano Seuerini Longimontano olim quidem Tychoni à calculo, per annos benè multos, nunc verò Professori Astronomo in Academia Hafniensi, amico meo, comprobari collaudariq; videritis, hilari vultu acceptaturos vos & spero, & ut grata vobis hæc mea strenua sit, etiam atque etiam rogo : omnibusque & singulis Vobis, Viris nobilissimis, officia mea promptissima denuncio. Valete. Viennæ Austriæ Calendis Ianuariis anni Christianorum Occidentis M. DC. XXV.

G. G. Nobb. V. v.

*Cultor obsequiosus*

IOANNES KEPLERVS Ger-  
manus, Astronomiæ Ty-  
chonicæ Professor.

LVSVS



LVSVS DE TITVLO DE QVE  
stylo Libri.

**R**ES est ingenii, cur sunt verba horrida Martis,  
Hærentq; arma armis, per pede, virg; viro<sup>z</sup>  
Nimirum quia claret Equo, qui scripserat ANTI:  
Alter hic in signum scripsit honoris, ΥΠΕΡ.

Alius in Claramontium.

**D**OCTOR, Eques: Mirum. Si causam queris honoris:  
Rem gerit in Néxus fortiter Anti-Tycho  
KEPLERIDES cur non sit Eques, quem pellere viuus  
Non pote defuncti corpore: Doctor-Eques

Paulus Prunmaister filius, f. Viennæ  
Austriæ in gratiam Authoris,  
Hospitis sui.

VXX. OC. M. DCC. CCC. LXXXI. Octogenarius

TYCHO-



# T Y C H O N I S H Y P E R A S P I S T E S

## Præfatio.

I. **A**NTI-TYCHONEM Scipionis Claramontii, Equitis & Doctoris perillustris, librum & prolixum pro re, & splendidum, ante tres annos editū Venetiis, tardius quidem quam vellem, & auditione & oculis usurpavi, tempore tamen opportunissimo, cum absolutis tandem Tabulis Rudolphinis, de earum editione ad Ferd. I. Imp. Augustum retulisse, vacatione interim oculis eorumque morbo partā à studio grauissimo ; ocioque dato & cognoscendi librum opera lectoris, & dictandi quid super eo videretur.

2. Quod si Tycho Brahe, Magistri quondam mei, partes suscipere defendendas in causā etiam perdita ; credo non veniam tantum defensioni, sed laudem insuper officio non fuisse defuturam. Nunc postquam totos triginta annos hujus possessionem scientiæ, Cometas supra Lunam spectari, securus & imper- turbatus continuavi, jamque & Posteritati, si qua operum meorum curā tenebitur, possessionem hanc in hereditatis partem ac- censere decrevi : ecce ex inopinato oritur vir doctus, Geometria peritus, in doctrinā Triangulorum consummatus, in doctrinā

Parallaxium, quæ mei juris fundamenta continet, non ut quondam Antonius Fabricius Montepolitanus, pueriliter hallucinans (quem ego authorem ante annos 18. libro de Stellâ Nova Serpentarij, fol. 79. 80, pro meritis suis excepit) sed totam illam Doctrinæ sideralis partem toto operis sui primo libro accuratissimè pertractans. Hic inquam tot prejudiciis armatus, tot clientelis pollens, litem mihi intendit, de hac meâ possessione me dejeturus. Enim verò & universorum, qui mea legerunt, profectus, & privatæ meæ existimationis interesse puto, ut vigilem, ut inquiram diligentissimè, num quideorum quæ juvenis didici, vir docui, jam etate inclinata dediscre, ceterosque dedocere debeam. Mos hic gerendus est viro perillustri, ad veritatis studium vocanti: nec tam ne author Magistro meo Tychoni, falsas crimina ingerendo, quam ne ipse mihi, errores detectos fovendo, injuriam faciam, cavendum.

3. Quanquam hæc optima officiorum discrimina non Claramontius demum me docet: jamdudum cum in aliis disciplinæ partibus, tum quod hanc attinet, de Cometis, duobus præcipue libris, altero de Stellâ Novâ, supra allegato, altero de Cometis, hanc me viam ingressum esse, lectores mei fatebuntur. Nunquam enim neque sic laudandos esse Præceptores censui ut error stabiliatur, neque sic parandum iis, ut veritas lateat.

4. Postquam hunc campum essem ingressus; perlustrato indice, cum ad ejusdem Appendicem venisset, aliquantis per restiti, quod viderem polliceri authorem examen meorum etiam operum. Tribus autem annis ex eo lapsis, cum hic liber est editus, consentaneum erat, vel jam emissum esse aliquid à Claramontio, contra meos libellos, vel in propinquò esse ut emittatur. Dif-

ferenda igitur videbatur hæc responsio in eum usque eventum, ut una & eadem opera, & de Tychonis & de meis libellis satisficeret Claramontio ejusque lectoribus. Sed recollegi me, sic reputans, aut eadem me forma ratiocinationis uti cum Tychone, super loco novorum Phænomenon, aut diversa. Quantum igitur ad identitatem, cum Claramontius ipse speret, mea illa argumenta solvi ex iisdem fundamentis, ex quibus in Tychonem ipse consurrexit: hinc igitur & Ego facile prævideo, eadem contraria machinatione, murum hunc mihi cum Tychone communem, elusis aut enervatis hujus Scipionis arietationibus, defendi posse. Quod verò ad diversitatem pertinet, si ve omittam ego probabilia illa & speciosa, quæ Tycho præmittit necessariis, de iis igitur, cum ad mea opera nihil pertineant, non rectè actum iri in meorum defensione, & verò necessariò agendum esse in Examene hoc libelli Claramontiani: si ve nova insuper afferam, quibus Tycho non sit usus: at iis securitatem ab hoste Claramontio præstatum iri, quantisper ipse hæc, quæ sunt mihi cum Tychone communia propugnacula Parallactica, meis hisce præsidii resistentibus, non expugnaverit.

5. Ut jam non illud dicam, meas Cometarum Observatio-  
nes, ob visus defectum, nequaquam esse cum Tychonicis accu-  
ratissimis comparandas; eaque de causa neq; conclusiones meas  
sese propriarum virium amplitudine in tantam sublimitatem  
erigere, sed in morem viris imbecillis, gaudere proceris illis ulmis  
Tychonicarum Observationum adhærescere, quas qui ceciderit,  
inclinauerit, everterit, non is opus habeat, ad meas subvertenda,  
novam operam conferre.

6. Nihil igitur in præsens impeditus Scipionis pollicitatio-  
nibus,

nibus, an maris minis; transeo cum bona Urania ad Examen ejus libri; pedemque cum Anti-Tychone conseruo Tychonis Hyperaspistes, ubiunque vel à veritatis illum invenio partibus pugnare, vel in propriâ etiam opinione, dolo potius quam virtute adversarij, oppugnari.

7. Sequar autem dispositionem veluti aciem, quam Claramontius magno instruxit negocio. Et primum quidem ejus librum, qui occupat facies plus quam centum, quietus præterverbis. Video enim lectis definitionibus & præcipuis problematisbus de Parallaxibus, ipsum in via esse, campique ejusdem secum nobis copiam facere. Nulla est præcipua Scriptoribus circa materiali hanc controversia. Fruatur Lector perme, licet, copius doctrinæ Claramontianæ: quæque in Regiomontano, Vægelineo, Tychone, Magino, cæteris; in meis etiam opticis, Capite libri nono, brevius quam Scipioniplacet, aut sparsim force, prout usus fert, traduntur, Lector in Scipione, si potest, & prolixius & sub unum aspectum coacta, plenis hauriat oculis, plenis digerat cogitationibus, continuat à plurium dierum lectione, contenta meditatione, ab omnitudine inexpugnabilis: nec pigeat alicubi etiam vel assuescere privatis Scipionis definitionibus & phrasibus: vel schemata de quibus textus loquitur, toto libro quærire, emendare, de novo delineare. Ego totum hunc librum, ut dixi, unico saltu traiicte. Nam et si etiam in eo fit Tychonis passim mentio, eorumque quæ ipse perperam statuisse arguitur fol. 49.  
 51. 96. 99. 105 106. authortamen ipse plenam illarum mentionum tractationem in sequentia  
 reijcit.

*Ad lib. II. Anti-Tychonis Cap. I. II. III.*

**P**RIMAM Tychonis rationem cur credat, Cometæ metum incessisse per sublimia Ætheris spacia, Scipio com- memorat istam, à fol. iii in 115. Quia deprehensum esset obser- vationibus Astronomicis ad calculum Geometricum revoca- tis, Cometam toto durationis & trans cursus sui tempore spe- ciatum fuisse, sub unius & ejusdem circuli per fixas maximi tra- du directissimo.

2. Hujus observationis sensus latè patet: sequitur enim, ut motus Cometæ fuerit geminus, unus diurnus cum ipsa tota Sphæra fixarum, quo quotidiè ex Horizonte fuit ortus, subque eum exacto arcu diurno rursum conditus: alter proprius, qua- les Planetæ, per se quisque suos obtinent. Sequitur etiam ut motus iste Cometæ proprius, duos in Sphæra polos observave- rit, quos nullus præterea Planetarum observat, ab hisque Co- metæ in tertium usque Mensem equalem distantiam inter eun- dum custodiverit.

3. Quod si neque planetarum ullus, neque ulla fixa stella Co- metæ dux fuit ordinatissimæ viæ; duorum alterum necessarium esse videtur, aut ut Deus peculiarem Cometæ Sphæram stru- xerit, eamque, ut cæteras, ab his suis Polis suspenderit, ut ita cir- cumactione Sphæræ, Cometa, quippe illi affixus, nullam in par- tem ab orbita, quæ totius cœli media spacia metabatur, defle- cteret: aut si hoc est incredibile: ut igitur in ipso corpore Co- metæ, vel circa corpus, spiritualis aliqua fuerit essentia, ratio- nis particeps, & doctrinæ Sphæricæ, circolorumque in ea ma- ximorum, Polorumque à quibus quilibet eorum describitur, gnara, corporis etiam Cometicæ, ad cursus ejus moderandos, potestatem arbitriūmque obtinens.

4. Est autem verisimile, siquidem dotes istæ statuantur in- ditæ fuisse ipsi corpori Cometicæ; ut id corpus in loco subli- miori nobiliori, tranquilliori, nobiliorumque creaturarum pa- tria fuerit, quam hæc nostra Elementaris regio sit?

5. Auget op. ior. is verisimilitudinem au:horitas cùm Phy- sicorum, tum Astronomorum, ipsiusque adeò Ptolemæi, prin-

cipis Astronomorum, qui super motuum cœlestium speculatōne de mobilibus globis perfectæ divinitatis opinionem concepit. Nec abhorrent Scholæ Christianæ, tantum illud carent; Ne Astrolatriæ fundamenta struantur, ut igitur divina ista opera circa sidera, potius Angelis transscribantur. Nihil hic attinet, ex meis operibus repetere, quid ipse sentiam de hujus apparentis divinitatis gubernatrice causâ: manendi mihi, in vestigiis Magistri, legem ipse hac vice statui.

6. Itaque diurnus quidem Cometæ motus ad minimum instantam illum altitudinem evehit, ut in illam regionem inferatur, quæ secundum concessionem Aristotelis, & ipsa raptum primi mobilis patitur, cumque totâ machinâ circa terram immobilem intra 24. horas, gyrata revertitur ad initium: proprius verò motus, Ptolemaicâ disciplinâ consideratus, planè cœlestem facit.

*Ad lib. II. Cap. IV. fol. 116.*

**Q**UID ad hæc Claramontius? Quid? Neutrum largitur, neque hunc sub circulo Sphæræ maximo motum, idoneum esse loci cœlestis argumentum: neque probatum esse, Cometæ motum intra metas unius circuli maximi sese continuisse.

Sequamur vestigia pugnantis, & priorem ejus conatum nos quoque primum examinemus.

1. Quod igitur negat, necessariò sequi, ut quod omnem cursus sui tractum sub uno certo circulo Sphæræ maximo spectandum exhibet, id propterea per cœlestes incedat campos: hic quod meram necessitatem attinet, neque me habet adversarium (quamdiu ex unico Mundi loco Cometa spectatur, & seclusis Parallaxibus consideratur) neque Tychonem admodum ferit. Nam Tycho incipiendum sibi ratus, ab iis arguento, quæ speciem haberent egregiam, ad excitandos lectorum animos super propositâ quæstione; contentus esse potuit illâ probabilitate, quæ & existimatione populari & authoritate præstantissimi Artificis niteretur; secundum doctrinam Topicam, quam Aristoteles ipse plerumque in disquisitionibus suis observat. Et in hujus quidem argumēti usurpatione Tycho tantò

potui

potuit esse securior, quantò majoris roboris erat sibi **conscius** per argumenta sequentia.

Sed, nos dimissa propositionis omnimodā necessitate, transēamus ad instantias, quibus vis hujus probabilitatis oppugnat.

2. Poterat author uti illa, quæ sumitur at extento filo Mestlini, adjudicandum, quam stellæ in eundem circulum maximum incident. Filum enim res & oculo planè proxima, minimeque in æthere sita. Quod si Cometa aliquis impulsu quo-cunque secundum fili ejusmodi ductum trajiceret hic in nostro aëre futurum utique fuerit, ut trajectio ejus sub uno circulo maximo ordinaretur. Inveniet Lector hoc genus argumenti passim in meis operibus. At nihil hujusmodi objicit Claramontius: negligenter, si non vidit; sapienter, si quibus operibus huic instantiæ contraveniatur, præ vidit.

3. Nimirum oculus ad sensum immotus, locus ejus unicus sit oportet, prætereaque, trajectio neque diem integrum, neque horas duodecim, adeoque ne ultra horam quidem continuari debet, & si vel solam horam durat, ad ipsum recta verticem contendat oportet, ne Parallaxeos misceatur negotium: cùm contra Cometa plus quam duos menses durans, ortum & occasum quotidie fecerit, ad altitudinem ab Horizonte non exiguum enitens.

4. Poterat & disciplinam ipsam Adversarius in controvrsiam trahere, ostendere nihil esse divinitatis, in trajectu rectilineo, si is Cometæ concedatur, cùm pleraque in filia, vi corporæ in spaciū aëris excussa, regularitatem rectæ tueantur: aut si omnino placeat pro Cometâ circulus, poterat in dilemmate nostro desiderare membrum dissimulatum: nam neque subtractione novi orbis opus esse, neque divinâ in corpore Cometæ scientiâ; quin Angelorum unum concedi posse, qui corpus Cometæ etiam in hoc nostro aëre, ut quondam stellam Magorum, regularissimâ transportet agitatione. Nam etiam Tycho ipse alternat in suis scriptis, nunc ingenitam scientiam statuens, nunc Genium subjiciens,

5. At nihil horum Scipio. Crederes etiam hic illum sibi à parallaxibus metuere; quibus similiter etiam Angeli opera, in elementari regione signaretur. At non est hoc; non metuit sibi à Parallaxibus, ne in iis quidem, quæ ipse producit.

6. Quid igitur tandem Scipio? Velim e quidem audire coram præsentem, quidque sibi velit fol. 116. 117. clarus edifferentem. Facilius enim naturæ rerum profundum aliquod arcanum extorseris, quam his ejus verbis, sensum clarum. Quod si tamen non omnino frustra desudavi in eruendo sensu, hoc videtur dicere Scipio: Posito quod Cometa gyretur ab aliquo sidere cœlesti, quod non omnino aduersetur Tycho, jam id simul, & sub circulo maximo incedere & in elementari regione esse posse. Argumento indigebat instantia, ut in qua afferitur aliquid multum remotum à communi notitia. Ecce igitur & argumentum oppugnatoris,

Quicquid motum habens circularem, circa centrum universi flectit, id incedit sub circulo maximo. Cometæ Aristotelici, hoc est sublunares, circulari motu ab aliquo sidere incitati, circa centrum universi flectunt. Ergo Cometæ, quamvis sub Lunâ sint, sub circulo tamen maximo incedunt.

7. Quis priorem neget propositionem oculo in circuli plano constituto? cum non ea tantum quæ circulari perfecto motu (non ad latera fexo) circa centrum universi tendunt, sed etiam circuli in se reducti supra terram, in plano transeunte per terræ centrum & oculum, quinimò & rectilinei motus, à medio & ad medium, omnes hi, quod jam ante ultro ingessi, sub circulo sphæræ maximo possint apparare?

8. At ut posterius probet Scipio, hoc opus hic labore est, Cometas illos suos sublunares, & in circulum agi, perfectum à stellâ, & circa centrum universi flecti. Nam qui tu probas, circulum illum, cœlestis causæ sobolem, esse circa centrum? Ob gravitatis, inquis, momenta, quæ sunt in materia Cometæ nihilo minus residua? Dico tibi ego, pugnantia esse physicè, motum deorsum & motum circularem: itaque si vincitur vis naturæ deorsum tendens (vel etiam sursum) à causâ cœlesti & pro sua natura

naturæ ingenio, in gyrum torquent; vincetur etiam, ne totum circulum è supernis acceptum, circa medium ordinet, perinde ac si eum propriæ potestatis haberet. Adhuc igitur per hanc à te dictam causam, poterit Cometa vi stellæ circumire in circulo Almicantarat, Horizonti parallelo, nihil impediente ponderi vel levitate corporis Cometici; aut si hic vincit pondus vel levitas, vincet omnino causam cœlestem ad circulileges vocantem, tandemque flexu ex curvo & recto mixto in terram impinget, ut globi è Bombardis solent.

9. Expectabam, ut illud potius causarèris, sidera quæ motum Cometæ inferunt, ipsa quoque circa centrum universi ire; ita causa observati centri non in gravitatis & levitatis momentis esset sita, sed in ipso sidere. Ethic Aristotelem speciosius allegasse, circularem motum definientem, qui circa medium: de Astrorum enim cœlique motu loquitur. Expectabam inquam, sed ex insidiis; habebam enim quod reponerem.

10. Nam sive motum primum spectamus, pateretur utique secundum Aristotelem, Cometa, raptum istum toti mundo communem, etiam sub Lunâ & in confiniis aëriæ regionis existens: at pateretur eum cum jacturâ centri, & cum damno circuli maximi, nam primo motu Cometa, quemadmodum & cæterarum stellarum pleræque, plerosque suos diurnos descripsit minores, & parallelos maximo: sive proprium Cometæ motum intueamur; jam dixi, nullam in cœlo stellam esse, quæ eosdem cum Cometa isto polos, eundem circulum observaverit in motu suo proprio. Non sequitur igitur, ut sidus aliquod cœlestè centrum universi quod ambit, cometæ etiam suo det ambeendum, si inclinationem, si polos, si cætera, quæ ipsum habet, ei non transcribit.

11. Et ut ad gravitatis libramenta revertar si hæc in causa sunt, cur quod à causa superna incitatur in orbem, id centrum interim observet: debuit utique hoc circa motum primum potius efficere, quam circa secundum seu proprium. Quicquid enim hujus efficit pondus vel levitas in ordinando (ut rationis usum ei indulgeam) circulo motus proprii (id est, à stella sibi tributi)

buti) totum id à motu communī totius machinæ per quem his ejus inclinationibus est transitus, n si gulashoras rursus interturbatur: quicquid moliatur circumacta materia, centrum e minus limis oculis inspectare cogitur; vix semel uno cō totius durationis die consecuta hoc est, ut in Æquinoctialem delapsa, centrum observaret in circumactu diurno. Adeoque si ex ingenio ponderis accidit, ut tandem in æquatore scilicet cūm venisset hoc, conserueretur, cur quæso conditionem non retinuit? cur ultra pertexit in circulos superiores, semper minores minoresque sese ejiciens, centrum iterum deferens? Nam à Tropico Capricorni trans æquatorem in Tropicum Canceris iter proprium fuisse in confessio est. Certè equidē ex inclinatione naturali Materia circulo acta, hunc circa centrum non ordinavit, causa hac nulla est, cur sublunarī Cometa sub circulo magno eat: adhuc per Scipionem quidem, quippe dejecta hujus instantiæ turri, stat inconcussus murus sententiæ per se claræ: Id quod sub circulo magno totum cursum ordinat, supra Lunam esse. Nec mei, ut propugnatoris, partes sunt, ostendere muri hujus vitia vel imbecillitatem: expecto iactus reliquis scio temporis opportunitates, quando me ex ejus ruina, si metuenda est, intutare recipiam, scio quæ illi firmamenta ex parallaxibus adjiciam, quibus nixus perstet invictus.

*fol. 118.* 12. Transeo ad alterum Claramontii conatum, quo nititur incertum saltem efficere, ne per demonstrata Tychonica cogamur omnino recipere, Cometæ cursum sub circulo magno fuisse. Primum ille cum ratione Tychonis (quia omnium ejus punctorum eadem inclinatio ad Eclipticam fuit) velatatur levi prælio, cavillatus *ἀνυρολογίας* nonnullas, cūm ipse, qui hoc toties in Magino in Tychone reprehendit, frequenter eodem crimine, si crimen est, teneatur. Hoc erat ingenuitatis vim affirmationis claris verbis, si Tychonica non sufficiunt, exprimere. Hoc aio Tychonem probare. Per quæcunque duo puncta cursus Cometæ apparentis simul & per centrum sphæræ planum

planum agatur, semper idem planum esse; eoque & sectionem plani hujus continuati, & sphæræ extimæ semper eundem esse circulum maximum: semper, hoc est, in singulis punctorum brigis, eodem angulo Eclipticam secare locis usdem.

13. Quid vis tibi Scipio cum inclinationibus, quæ sunt inter circulos non maximos: vis demonstrationis per bina quæque puncta cursus apparentis, circulum dicit, non nisi maximum: nulli hic neque Scriptori, neque Lectori in mentem venit, quicquam aliud intelligere, nisi per duo puncta maximum. Tu verò, qui *ἀνυπολογίας* aliorum corrigendas putas, valdè hic loqueris *ἀνύγας*, etiam circulos minores omnibus suis arcibus tuerie eandem inclinationem ad circulum alium. Nego tibi de minoribus, nemo de quocunque etiam minoris arcu, nemo denique de universo minori, præterquam de unico punto in quo concurrit minorum alio aliquo: ejus enim solius puncti inclinatio considerari potest, neceea aliter, nisi mediante rectâ quæ circulum minorem tangit in punto concursus. Cùm è contrario Inclinationis inter se, maximorum mensura, vel sine rectis tangentibus habeatur, ex arcu maximi tertii per polos duorum ducti, quod in minorum inclinationibus locum habet minimè.

14. Sed ecce seipsum corrigit author, fatetur Tychonem in aptiori sensu accipiendum: Quo verò eo? Quo scilicet ipse Tychonis rationem acceperit lib. I. fol. 105. Et quo tandem sensu Sci *fol. 105.* pio Tychonem intellexit loco allegato? Amens sim, si tres futuri sunt, qui mentem ex ejus loci textu eruant, et iam si cerebrum frangant. Nam & Schema deest, nec qua lege describendum sit addidit author, & literæ ipsæ, ut appetat, vitiosæ, denique *textus* omnis perplexus est.

Illud quidem propositione decimâ capitî illius ultimi de libro primo, nimis clarum est, authorem in errore gravissimo versari, contraque, quam toto reliquo primo libro præ se fert, vim usumque doctrinæ parallaxium ignorare penitus. Anticipemus sanè hanc mentionem, quamvis ad doctrinam Parallaxium pertineat, quia sic placet Claramontio quia miscet

parallaxes ratiocinationibus de circulo maximo. Remittite-  
nim nos ad fol. 105. ubi contendit, quantis per sumus incerti,  
num Phænomenon aliquod patiatur parallaxin, adempta nobis  
esse principia, parallaxeos indagandæ, totamque methodum  
incertam esse.

15. Non potuit clarius, non significantiori locutione totam  
Astronomiam è fundamentis subvertere. Quid igitur frustra  
laboravit author toto libro primo, in explicando parallaxeon  
ingenio, quomodo scilicet ante cognita earum & certitudine  
& quantitate, ipsæ porrò sint tractandæ, si nunquam fieri potest  
initium hujus antecognitionis. Quid est tune censes primis A-  
stronomis per Angelum fortasse fuisse revelatum, an Lunalo-  
cum permutet in visione, & quantum? Aut erat ipsis forte nota  
via alia, dimetiendi intervallum inter Lunam & Terram, ut ex  
eo deinde Parallaxium quantitate judicium ferri posset? Non  
jubetur Astronomus, parallaxium doctrinam aggressurus, non  
jubetur, inquam, præsupponere parallaxin Lunæ veluti à Ma-  
gistro traditam, sed adducitur ad observationes, exque obser-  
vationibus, vel longitudinis vel latitudinis (gemina enim est via)  
si hæc cum eo comparentur, quod æquale, horisque interiectis  
respondens est, docetur quantitatē permutationis hujus con-  
stituere, ex quantitate parallaxeos, intervallum centrorum  
Lunæ & terræ indagare. Sed plus verborum non est facien-  
dum, in re clarissimâ; nisi velim ab universis Astronomis irri-  
deri.

*fol. 105.* 16. Ad rationem veniamus propositionis incertissimæ. Cum  
*lib. I.* enim de parallaxi, inquit, sumus incerti; sumus etiam incerti de  
circuli genere, num in maximo an in minori feratur. Quid fa-  
cias homini peripatetico, quem perturbat doctrinæ Mathe-  
maticæ genus insuetum, ut omnia perperam hoc loco aggre-  
diatur?

17. Audi me peripatetice, propterea attendimus, num in  
maximo circulo Cometa incedat, ut de Parallaxi statuere pos-  
simus, ideo parallaxin quærimus, ut ex ea discamus & locum in  
Mundi diametro. Circuli genus in hac indagine præcedit, non  
sequi-

sequitur: quo proprius circulum Maximum manet, hoc minus Cometa locum permutare, per diversos in primo motu suis intelligitur.

Sed quod propriam hujus loci controversiam attinet, confundis etiam te circa circulos primi motus & secundorum seu priorum. Verum est, in motu diurno, sidus quod parallaxin facit, eâ velut ejici de circulo suo parallelo, in circulum Australiorem: qui si verus círculus & velut ex centro mundi inspectus inter maximos erat, minorum unus omnino fit, veroque vel parallelus (habitantibus sub Polo) vel Parallello proximus (in sphærâ inclinante) & hoc, quantisper sidus in altissimum cœli locum enisum, non inter Zenith & Polum, transit: hoc enim si fiat: jam visibilis circulus diurnus, secat verum diurnum locis duobus. Hoc inquam verum est de circulo minore: at nihil ad rhombum nihil ad illum circulum maximum cursus Cometæ, qui à fixis signatur, in motibus cujusque planetæ, ut Cometæ propriis: Nihil hic inquam est opus imaginatione circuli Paralactici totalis in motu primo considerandi.

19. Haud paulò vitiosior est reliqua ratiocinatio, dum ait Scipio, si nesciamus in maximo ne circulo feratur Cometa an in minori, non etiam constare nobis, num arcus quem exhibet calculus sit motus ipsiusmet, an eo arcu minor. Nihil ne hodiè clare? Quid est illud, Arcus quem exhibet calculus? cur nō nominatur arcus, quem exhibent duas observationes, ad principium arcus altera, reliqua ad finem? Nam Observationum testimonia calculo Geometrico examinari, id vero pernotum est: nec ut hoc loco inculcetur Lector expectat, alios sensus captans.

20. Iam illa ridicula cura est, videre utrius ex duobus inter se planè vicinissimis circulis portio sit id, quod ex binis observationibus elicetur, dummodo constet, quanta ea sit totius circuli sui portio: Ut non repetam, quod modo dictum est, de diurni motus parallelo hic non esse cogitandum: esto etiam de proprio motus circulo sub fixis, incertum sit initio cuiusmodi is omnino sit, at nihil hoc impedit, sufficit vel cogitatu, per obser-

vationum puncta perfectum maximum ducere , sufficit scire, quanta ejus portio cadat inter illa duo puncta : quod reliquum est,jam ex his arcubus ultrò discitur.

21. Nunc illa propositione,ad quam nos disputator remiserat,sic obiter excussa,redeundum est ad subjunctam expositio-  
fol 119. nem rationis Tychonis, *Arcus distantiarum inter loca visa opere triangulorum sumptos,in idem punctum Eclipticæ collimare*: hæc verba tribuit Tychoni.

Nominat igitur Tycho arcus distantiarum. Distantias duorum punctorum inter fixas , omnis Astronomia censet esse arcus circuli maximi , per utrumque punctum ducti , mundum sic in centro secantis. Apud igitur circulos minores. Arcus operæ triangulorum sumpti quid sunt? Intelligis,ne tu quid hic dicas? dubitarem nisi caput tuum VI. per volitassem : dubitabit vero Lector, qui nondum eo usque progressus est.

Explicabo igitur in hunc eventum , quid dixeris, verbis clarioribus. Duo Cometæ loca duabus observationibus explorata, quodlibet per suam in Ecliptica longitudinem, àque eâ latitudinem; hæc inquam sunt illa duo puncta, per quæ fingimus traduci arcum circuli magni , tunc ex his datis per præcepta Triangulorum elicimus arcum Eclipticæ inter loca Ecliptica duorum horum Cometæ situum, & inter sectionem hujus magni circuli,cum Ecliptica. Hoc igitur pacto arcus quilibet distantiae duorum locorum, id est , circulus magnus per illa duo loca traductus, collineat, id est, continuatur,ad Eclipticæ certum punctum,ad mutuam nimirum sectionem.

Partim igitur fatetur ipse author, Tychonem de circulis maximis loqui, partim ipsum fatentem hoc, sed balbutientibus labiis ego adjavi. Frustra ergo fol. 118. vulnus inflxit existimatio- ni Tychonis, ut in ipso vestigio sanare iterum posset : præstitis- set, in illo, pepercisse Tychoni, in hoc, suæ operæ.

Sed nimium propriè reversus sum ad fol. 118. Rursus meli-nea ultima rejicit ad folium 105. dicit, ibi se aliam indicasse instantiam; cur non sequatur, ut arcus distincti cursus Cometici, propterea subordinentur circulo magno, quia ad idem Eclipticæ punctum omnes collineant.

Regre-

Regredimur igitur ad fol. 105. ut omnis illa expositio rationis Tychonicæ examinetur, instantia repellatur.

Initio mirabile Tychoni dilemma tribuit author. Si duo arcus EL, LS. in idem collineant Eclipticæ punctum, tunc motus ELS est arcus circuli maximi. Hæc bene habent. Iam porro ar-

*Rursum*  
rige aures. Sic facit Tychonem per. fol. 105.  
gentem. Si enim ELS non est arcus  
circuli maximi, ergo EL, LS vel sunt  
duorum diversorum circulorum ma-  
ximorum arcus, vel unius & ejusdem.  
Nullus unquam Dialecticorum, por-  
recta adversario sua negatione, & sic  
posito quod illo vult, ut ad impossi-  
bile ducat, nullus inquam fuit, qui  
ex eo, quod si largitur, statim, nullo

alio interposito consequenti, inferat ejus quod largiebatur cō-  
tradictorium velut confessum; quippe quod ideo remittebatur  
adversario, quia sine longiori dedu ctione confessum nequa-  
quam erat. Velut hic in altera parte dilemmatis sit: si ELS non  
est in maximo, ergo EL, LS, vel sunt in duobus maximis,  
vel sunt in uno maximo. Ecce resumptum quod remitteba-  
tur, in uno maximo. Nam quid est aliud ELS, quam EL, LS, si  
in L, nulla fiat divulsio, ut hic in altera dilemmatis parte? & pri-  
mi quidem membra remotio ex Tychonis sententia, transeat  
sine vituperio. Secundi vero membra refutatio, non est aptior,  
quam ipsius membrorum velut consequentis, jam modo erat assum-  
ptio. Dicit enim hoc positio secuturum, aliquid absurdum, nec ta-  
men causam indicat, cur sit secuturum. Injuriam Tychoni fa-  
cit, ineptissimam illi formam tribuens arguendi.

22. Viscere Scipio quæ causa sit, cur si EL, LS, collineent, in  
eundem locum Eclipticæ, propterea ELS sit portio maximi?  
Dicam: quia cum EL, LS communitermino L, copulētur, sint  
que circuli maximi, ELT (vt T sit in sectione) & LST, trans-  
eunt igitur eorum plana per centrum O. Est ergo planum unū  
ELTO, planū itidem unum LSTO. Tria igitur puncta L. T. O.  
insunt

insunt communiter in utroque; cumque semper tria puncta ponant planum, sequitur utraque illa cum LTO planum unum circuli maximi unius esse. Habes claram rem.

*fol. 106.* 22. Quid tu vero? Concludit inquis fol. 106. hæc ratio, sed non nisi in aliquo casu & aliquo modo. Imò verò concludit in omni casu & omni modo, in quibus duo arcus EL, LS, communiter in L, copulantur. Hanc enim conditionem ponimus, cum dicimus, *quæcunque duo cursus Cometici puncta*, quod nescio an tu animadverteris. Et quinam sunt illi casus, qui modi, in quibus concludit ratio Tychonis? *Cum, inquis, totus LS, est ultra EL.* Et omnes casus dixisti & aliquid amplius, quod est de nimio. Omnes, quia semper contiguorum EL, LS, alter totus est ultra alterum. Nimium, quia etiam disjunctis terminis arcuum, largiris idem, ut si CE, & LS, uterque in T, colliment, & si totus LS, est ultra CE nulla tamen necessitas cogit eundem maximū ambobus statuere, quantisper non etiam illud alterum adjungitur: ut, si TP Ecliptica, cum ea uterque pro se in T, continuatus, eundem facit angulum, STP, & ETP, quam rationem tutè ipse paulò post usurpas, sed in alia parte dilemmatis: quam audiamus.

23. Negas rationem concludere simpliciter. Non equidem concludit generalius, quam ferre possunt hæc verba, *quæcunque duo, cursus Cometici puncta*. Nam qui dicit *quæcunque duo*, is assumptis CE pro uno arcu, LS pro altero, cogetur etiam EL pro tertio sumere, si postulet adversarius, & sic copulare arcus. Tu verò sub voce, *simpliciter*, tollis hanc necessitatem copulandi arcus, quæ sublata, enervat vim propositionis.

24. Contra hanc igitur tuam sic debilitatem propositionem insurge sanè argumento: bonum id est: Solum infelicitas illa in referendo displicet, quod nec prescribis verba necessaria, & admisces non superflua tantum, sed obscurantia vim argumenti. Cum enim incepisses *ex eodem punto*, quid attinuit adjicere, *extracirculum datum?* Duo sunt dati, Ecliptica & via Cometæ: punctum igitur quo de loqueris, est in uno datorum, in Ecliptica scilicet: quicquid præterea circulorum detur, extra quos sit

hoc

hoc punctum, id nihil ad rem; & valde contra rem clarandam, obscurat enim.

25. Sed aliam habet hic textus instantiam ad quam etiam ex fol. 119, provocatur. Sensus hic est, malo enim meis verbis, brevitatis causa: Nos quidem de punctis E. L. S. & cæteris, fieri certiores, quod ordinentur in uno circulo maximo, at de ipsis interjectis arcubus, certos non esse. Nam fieri posse, ut Cometam iis tantummodo videamus momentis, quibus est in his punctis, (puto in consimili situ revolutionis diurnæ) temporibus vero intermediis, fieri posse, ut parallaxin patiatur, quæ nos lateat, inque sinus hos arcuum, interjectos interpuncta, lese abdat, & sic iter Cometæ, non sit in circulo maximo, quamvis in paucis aliquot momentis, quibus observatur, puncta ejusdem circuli maximi obtineat.

26. Ad hanc instantiam, sic ego respondeo. Primum illa non dicit, *Non esse, sed posse non posse*. A posse vero non esse, ad absoluere non esse minus sequitur, quam apud Tychonem à Probabile esse, ad Esse, per hoc quidem argumentum, in quo nunc versamur.

Sed pressius; si Tychonis propositioni relinquatur sua vis, verbis, [quæcunque duo puncta] involuta, nec ea vis perperam dissolvatur: omnis ista sollicitudo circa arcus inter puncta, penitus excludetur. Datur enim optio Claramontio, proferendi punctum unicum arcus intermedii, in quo Cometa sit observatus extra circulum per cætera puncta maximum. Nam, ut infra dicetur, in parallaxibus, omnes promiscue situs Phænomeni, ratione Horizontis & verticis, observandi diligentia per vadit, in eorum autem uno aliquo, intra id tempus, quo Cometa de nocte supra terram spectatur, hæc parallacticarum flexionum varietas, si qua parallaxis esset, conspicienda daretur. Sed non jam hic de parallaxibus agimus: in sola probabilitate versantes. Quantisper igitur exemplum dissimile non datur, summa verisimilitudine pergitimus credere, Cometam è suo maximo non excedere ne in iis quidem cursus sui punctis, in quibus à nemine est observatus. Omnis autem Astronomorum expe-

rientia de punctis est, etiam cum de Planetis agitur; Omnesque inde deductæ argumentationes vim inductionum obtinent; à punctis enim tam multis, in quibus obseruamus, fiducia capta notionis vniuersalis (vt est apud Aristotelem) prouocamus, vt dissimile detur exemplum. Quæ argumentandi ratio, si non valet in Astronomia, nullam habemus Astronomiam.

*fol. n<sup>o</sup> 27.* Ultima instantia folio centesimo decimo nono, ex folio centesimo septimo, est ista, si Cometa trium minutorum parallaxin fecit, non potuit exacte sub eodem maximo spectari, posito, quod motu vero sub maximo incesserit: multo minus sine vero quidem motu maximum sit tuitus.

28. Respondeo probabilitatem Tychonici argumenti suis niti gradibus: sic vt de Luna valeat nihilominus, et si ne hic quidem cœlestis Planeta, vt diserte fassus est Tychon, plane sub eodem maximo incedere videatur, tam propter parallaxin satis magnam, quam propter alias causas. Quo propius igitur maximi circuli tramitem manet Cometa; hoc maior est probabilitas naturæ in eo cœlestis: & si vicesima saltem particula deviationis Lunaris deprehenditur exceedere metas maximi, adhuc vige cuplo probabilius in cœlo esse credetur, quam ipsa Luna, per hoc quidem argumentum.

Eadem fere responsio est ad Cramben hanc eandem folio n<sup>o</sup> 119. inferius recoctam. Verum enim est, si Cometa vero motu tenuit maximi semitam, viso motu non tenuisse, si quidem parallaxin fecit.

At minori ambage verum est & illud, si viso motu designarat arcum maximi, quod nondum refutauit Scipio, et iam vero motu designasse, quia sic Parallaxis ei adimitur sensibilis.

29. Nullam Claramontius erexit instantiam, qua per-

frin-

fringere posset hoc Tychonis propugnaculum ; Cometam sub circulo maximo , saltem ipsa Luna exactius incessisse.

Ad extremum igitur eius Propugnaculi fundamenta conuellere tentat ; negans rationem à Tychone dictam esse veram ; non enim ad idem Eclipticæ punctum omnes viæ Cometicæ partes collineasse : sed ita negans , vt confutacionem eius in sequentia reiiciat. Interim quasi iam subruato & corruenti muro , vim vltro inferre meditatur. Non , inquit , in idem Ecclipticæ punctum partes viæ Cometicæ tendebant ; non erant igitur eiusdem circuli maximi arcus.

30. Ego vero & fundamentum hoc defendere & à muro ipso eidem innixo insultantem repellere vicissim meditor. Interim dum vires vterque suos experimur , stet inconcussa assertio , Cometam sub Maximo circulo incessisse ; eoque videris supra Lunam fuisse.

## DE SECUNDA RATIONE TYCHONIS.

*Ad Librum Secundum Capitis Quinti  
fol. 120.*

1. SECUNDVM probabilitatis argumentum Tycho duxit à motu Cometæ specie ordinata , credidit qualem mobile altiorem quam Elementarem sapere originem , & domicilium plane cœleste.

2. Claramontius gemino & hic conatu insurgit. Ac primo negat consequiam quam ipse maiorem propositionem fecit.

At regularitatem incrementi & decrementi compete-re etiam Elementaribus.

C 2 3. Et

3. Et si non defuit Tychonis oratio causæ suæ, plura tamen ea innuit quam dicit. Quas enim cogitatione asscutus erat objectiones, diluit ; quas insuper alii de propriis quisque mentis suæ tenebris escent adjecturi, diluendas veritatis studiosis reliquit meditatione & deductione fundamentorum , quæ ipse primus posuit. Id hac in objectione diluendâ usu venit. Duo enim ultrâ ea, quæ Tycho tetigit, inculcanda sunt, unum ex parte Elementarium, alterum ex parte cœlestium. Sic enim loquitur hoc loco Tycho, ut magis non fuisse Elementarem, quam ut fuisse cœlestem asseveret. Inferiori enim ei loco adempto, vidit ultrò jam superiorem relinquì. Iam in hac assertione probanda, contentus fuit dicere, Cometam nec ignem fuisse in regione igneâ, nec aërem in aëria. De locis Aquæ vel Terræ Elemento non erat ut cogitaret, quia de Meteoro disputavit, id est, de re in sublimi.

4. Sed quia Claramontius aliique, quos inter & meipsum profitear, exempla non loci, sed naturarum Elementarium proferunt, in quibus inest regularitas incrementi decrementique, Claramontius fluxus & refluxus maris , Ego ponderum vel libratorum, vel vi projectorum , quæ non vagis impulsibus, ut flammæ ventique, de quibus Tycho, sed ordinatis successibus & tendunt ad fastigium celeritatis, & remittunt iterum : explicandum igitur est huic probabilitati, cornu hoc aciei latius, ut & his instantiis occurritur.

5. Et aquarum quidem exemplum facile profligatur. Non enim tranquillo libramentite tenore terris infunditur mare & refunditur, sed fluctuum reciprocorum, pulsationibus continuis utitur, in morem & venti & flammæ, quorum agitationes turbatas Tycho jure obtendit. Idem dicendum de certis periodis animalium alternationum, ex Aristotele ablatis ; quas ideo apposito Epitheto Proclus πολύφλοισθν γενέθλην, variè fluctuantem appellat.

6. De missilibus verò & seu nervo seu nitri spiritu in altum excussis sic responsurus fuit Tycho rogatus : motus illorum & brevissimos esse, & à causa terrestri: Cometam in septuagesimū diem

diem usque perstisset in hoc motus sui decremento ; nec utique terris excussum, nec terrestri mole fuisse, in quam violentia posset impressio fieri. Quod si concedatur omnino Cometa ex aliqua terrestri caverna, vis spiritus nitrosi subito coorti, ex inflammatione in sublimem aërem explosus esse, exemplo faxi illius, quod ex cœlo cum delapsum esset ad Capraria fluenta, Aristoteles censuit, vis spiritus (opinor talis nitrosi subterranei) prius in altum ejectum fuisse : jam perpendendum, impetus vim, affectare lineam rectam; quæ cum à missilium ponderibus ab ipsâ origine paulatim inslentatur, quanto magis illam rectitudinem perturbatum penitusque profligatum iri continuis septuaginta  $\pi\chi\vartheta\eta\mu\epsilon\gamma\omega\zeta$  raptibus, Ætheris, Ignis, Aërisque supremæ regionis ; quos raptus suppeditat doctrina Aristotelis? Quibus firmamentis, non tam Naturæ, in Cometa eiusque motu diversitas à terrestribus, quæm comeatus ex terrâ in aërem impossibilitas in aciem producitur. Atque ut aliquid hic ex meis operibus adducam; sancè ipse ego, qui terrestrium missilium exemplis utor in adumbrandâ regularitate motus Cometici, his iisdem de causis diurnitate, præcipue & cœlestem impulsus causam, terrestrium similem, & traiectorionis locū cœlestem statuere fui coactus. Adhuc igitur stat sententia, id quod ordinatis incrementorum decrementorumque successionibus in dies tam multos sine fluctuatione promovetur in ipso sublimi æthero discurrere.

7. Sed superest in Claramontio vocula unica quæ peculiarem meretur refutationem. Ait incrementa & decrementa stata potius elementaribus competere motionibus, quam cœlestibus. Cœlestium enim & medios motus esse æquabiles, & veros seu apparentes, stata diminutione incrementove carere. Erat hīc locus ut circa medios motus meas demonstrationes proprias Claramontio opponerem, quas & Ptolomæo & Aristoteli opposui. At nihil est necesse ad propugnandam hanc argumenti Tychonici probabilitatem, sufficit commonefacere Claramontium, nos hic neque de mediis Ptolemæi neque de veris meis motibus loqui, sed de apparentibus: qui motus appa-

rentes ipsorum etiam cœlestium cum à pleno velocitatis suæ modulo sensim decrescentes in meram stationem desinant, apparente puta, quid tenebrarum est, quod Claramontium involvit, ut non videat, cœlestium etiam motus apparentes seruare tenorem eundem diminutionis, ut Elementaria?

8. Nam q̄ Tycho vtitur vocula, *proportionaliter*, & *defectionis ordinaria proportio*, satis seipsū explicat, & voce simili & tota oratione, luculentisque expolitionibus quod hic non agat de proportione cōtinua Geometrica, quæ sextam verbi causa partem remittens, de diurno præcedenti, finem diminutionis faceret nullum, stationem nullam exactam, eoque sensibilem perpetuam, & quæ nunquam in motum retrogradum conuerti posset. Hoc si voluisset Tycho, stationis equidem Planetarum nequaquam mentionem inieciisset. Est non omnis, non prima omnium in quantitatibus proportio, usū Magistro, statuēda; primum. n. vocem hanc Geometræ ex usu communi mutuati, ad quantitates singulari modo affectas transtulerunt. Est igitur ēt in hac similitudine agnoscendus, Proportionis aliquis sensus, vt sicut est in tempore durationis Cometæ, principium, mediū & finis; sic etiam, si Cometa in principio velocissimus visus est, in fine tardissimus, in medio fuerit mediocri velocitate, & in posteriori quoq; die tardior; quocunque tarditatis modulo, modo continue decrescat motus, nec noua in progressu & veluti extraordinaria sumat incrementa: si verò Cometa tam initio q̄ fine videatur tardus, vt tunc sit unus solus dies in medio, in quo appareat velocitatis summum fastigium, cæteritam ante q̄ retro, ordine iam dicto tardiores. Et qd de cœlestibus dicimus? Osten dat Claramontius, si vocem vrget, in missilibus terrestribus, proportionis Geometricæ æqualitatē, qua motus eorū decrescunt. Non ostendet: non potest: non ēt vult: non n. exemplo Refluxus Oceani vteretur, si vellet vox ipsa, *Proportionis statæ*, inter initia fortuito ipsi videtur excidisse, nihil sensu Geometrico cogitati.

9. Hactenus de consequētia secundi Enthymenotis Tychonianii dictum. Nunc in ipsum Antecedens, seu in Minorem syllogismi à se formati Claramōtius impetū faciet. Negare debuit cursum

cursum Cometæ ordinate decreuisse: negat & conuellit, illum  
decreuisse in proportione sesquiuncta seu 6.ad 5. (q̄ ipse varie  
& vitiose effert, sextæ partis fol. 121. Sexcuplæ fol. 122. quæ esset  
proprie vt 6.ad 1. nam Sextuplā scribere Orthographia iubet,  
& sic lego: sesquiplæ, ibidem, quæ esset proprie vt 3.ad 2.) Quid  
in mentē tibi venit, Scipio, vt omīsa Tychonis ppositione, qua  
nititur assertio de cœlesti Cometæ loco, alienam tu assultares,  
inque ea proruenda speciem vincētis p̄reberes? Vbi q̄so Tycho  
dixit proportionē decrementi continua? vbi vel sesquiunctam  
vt dicere vis, vel sextuplā, vel sesquiplā vt enūcias? aut sicuti,  
hoc scripsit Tycho, age profer locum: prolixus liber est, nō iam  
vacat totū euoluere: tu me opera liberato, & extorquebis mihi  
confessionem contradictionis. Nam quatuor locis vbi de hoc  
argumento Tycho agit, proportio certa Geometrica non tantū  
exponitur nulla, sed et destruitur continua: quia vbi continua  
est proportio, statio nulla exacta est, nec in retrogradationē per-  
mutatur: Tycho vero illis locis talem introducit proportionē,  
qualem habent Planetæ, stationem facientes. Primus est, fol. 94.  
libri Tychonici vbi afferitur, secundus fol. 102. fine, tertius fol.  
103. 104. vbi comprobatur, quartus fol. 105. vbi concluditur.

10. Achaut scio an yspiam totis illis foliis mentio fiat Sextæ  
præterquam hoc: Tychonicilib. 98. ibi ad 20. Novemb. affirmat,  
Cometā in dies singulos, ex quinq; illis, non totos trinos gradus  
fortiri deficiente, inquit, quasi sexta parte subintellige vnius grad⁹:  
sicut modulus diurnus æquabilis per hos dies 5. fuerit Gr. 2. M.  
50. Absit vero vt tantam tibi tribuam vel supinitatē in legendō  
vel imbecillitatem in capiendo, vt ex hac non p̄pria sede senten-  
tiæ Tychonis collegiis hunc sensum erroneū, toto durationis  
tempore, vel illis saitem quinque diebus, defecisse de diurno  
priori partem sextam in succedenti proxime.

11. Quid igitur habes præterea, quo tuam hanc falsam p̄bes  
affirmationē? Quid? Tu qui in præfatione tua prima scriptis Ty-  
chonicis demonstrandi necessitatē eripiusti, Falsigrapha, (sic  
enim tibi labuit exprimere ψευδογραφίατα) tribuisti; quid tan-  
dem vicissim à Tychonicis discipulis expectes, qui hic criminis,  
Tychoni falso imputati, te conuictum agnoscis?

12. Illud etiam non poterit non summopere mirari Lector, quanam ratione peripatetico sollertissimo, dum studio debelandi Tychonis incōsultius provehitur, potuerit excidere crassissima hæc contradic̄tio, quod cum fol. 121. 122. ultrò imputet, non tantum non decrevisse continuo motum Cometæ, (quod Tycho contenderat) à 14. in 15. Nove: sed etiam crevisse, factum Gr. 3. 53. cum pridiè esset 3. 48. statim fol. 129. contrarium ipso calculo demonstret. Cometæ motum tunc fuisse 3. 25. & sic minorem, non 3. 53. majorem.

13. Quæ fol. 122, veluti supplementi loco intentatur à Scipione instantia, qua regulatum Cometæ motum neget, eanitetur inutilibus ruderibus instantiæ prioris argumenti, à me jam prostratæ, quâ falso hic gloriatur, se obtinuisse lineā ipsam, motus Cometæ fuisse irregularem. Nec obtinuisti Scipio, nec tentasti tantum obtainere, contentus futurus eras probasse; posse irregularem esse, posita scilicet parallaxi: A posse verò ad esse non sequebatur, ne quidem si obtinuisses hoc posse.

*Ad Caput Scipionis VI.lib.II.*

1. IN hoc capite Claramontius calculum suum exponit oculis; inque eo se ait probasse arcus viæ Cometice, non ad idem Eclipticæ punctum tetendisse: quod supra facturum promiserat. Bonus est Calculator Claramontius, at calculi sui usum vel nescit imperitè, vel dissimulat, malignè affectus in adversarium. Videamus summam septem ipsius Operationum sic igitur invenit, sic concludit.

Arcus inter 13. 14. Novemb. tendit in 20. 19. ♡. fol. 126.

Arcus inter 14. 15. Novemb. tendit in 21. 14. ♡. fol. 131.

Arcus inter 15. 20. Novemb. tendit in 21. 0. ♡. fol. 135.

Arcus inter 20. 21. Novemb. tendit in 20. 58. ♡. fol. 138.

Arcus inter 21. 23. Novemb. tendit in 20. 34. ♡. fol. 142.

Arcus inter 23. 25. Novemb. tendit in 20. 51. ♡. fol. 146.

Arcus inter 25. 29. Novemb. tendit in 20. 20. ♡. fol. 150.

Ergo non tendunt in idem punctum, sed in vaga puncta inter 20. 19. ♡. & 21. 14. ♡. quæ distant ab invicem spacio minorum in 55, nec sunt unum punctum.

2. Concedo totum argumentum , vel sine examine hujus calculi: largitur idipsum Tycho , dum assumpto puncto 20.55. ¶ quod ipsi crebrius exibat, aut inter potiores exeuntes, mediabat, computat, quantum differat loca ab iis quæ ipse prius ex observationibus computaverat. Quid verbis opus est, contenti sumus Tycho & ego, fatetur Scipio arcus non uno gradu deprehendi inter se dissidere sectionibus. At verò si unicum tollas minutum , quod Claramontius ipse contemnendum putat de declinatione minori, jam repetito calculo plus quam viginti minutis promovetur sectio. Quis verò ab observatione Cometæ tumultuaria , præsertim primis illis diebus, quis inquam unius minutis certitudinem exiget. Esto verò ut ne minutum quidem decedat certitudini observationis ; sint hi arcus verè flexuosi, deflectant alter ab alterius circulo maximo , dummodo non plus minuto unico: non refugit hoc Tycho : nec his minutis convellitur probabilitas ejus affirmati, Cometas supra Lunam esse: quippe fatetur hic ipse Scipio, illos vix sexagesimâ parte ejus, quod facit Luna, è circulo suo maximo excedere.

3. Omnis Claramontio victoria sita est in verbis, dum exprobantis oratione magnificâ usus , hominum oculos & ora in se convertit: dissimulans interim Tychonem , idipsum quod exprobratur, in probri parte: minime ponere, sed iam dudum in libro suo ultro largitum esse ; præsertim quia parallaxin trium minutorum concedit: nec ea re vel tantillum damni pati. O vel tandem illum diem videamus, cum circa perennium siderum, circa planetarum in quam omnium præsertim ad tempora antiqua intersectiones , circaque Aspidas , intra unius gradus angustias, ut in hoc negocio, ambiguitatem omnem restringamus. O fœlicem Astronomiam, futuram, si hoc etiamnum possemus consequi.

4. Septem sunt operationes sex operationū copulæ & sexies etiam negat Claramontius sextas petire partes diurnis : totiesque Tycho em erroris arguit, perinde ac si hoc ille affirmasset, quod falso illi tribui, iam t' praestit us sum : ut mirer, qua redementatus Scipio id ausit totiesque repetere, quod est

vna vice, vnoque perpetui tenoris verbo purum putum Claramontii de Tychonis textu figmentum.

*Ad Corollarium fol. 151.*

s. **I**AM Q V E in eo res est, vt Claramontio pro Corollario suo ad Caput 6. sane quam insolenti, quod tamen retexuimus hactenus, ne etatur aliud corollarium flosculis inuersis: Ut nimirum ex hucusque dictis constet, hanc Claramontii inquisitionem, in ea quæ bene sunt à Tychone demonstrata, domi quidem suæ laudabilem, foris vero superuacuam esse: assertiones Tychonis oppositas temeritatis esse plenas, non tantum quod nodum in Scirpo quærunt, imperfectiones motuum in figura & tempore caussatæ, notas æque & contemptas ab omnibus & omnino tantulas, vt maiores in ipsa Astronomia, diuinissima scientia tollerare cogamus; quod quine scit, is usum eius disciplinæ non habet. Sed etiam quia super fluctuationem motui Cometæ adscripta, seiphas fœdissima contradictione coarguunt, quia à destructione alicuius regularitatis, cuius assertionem Tychoni per summam iniuriam tribuunt, ad negationem regularitatis omnimodæ, per αὐλογίαν intollerabilem, cæco impetu irruunt, denique quia de Elementarium motuum regularitate minori talia iacent, quæ nulla vñquam Exempla præstare possint; quæque vel ipsiis, pro exemplis allatis Oceanī fluctibus (quibus is accedit receditque plenior & feruentior, in interluniis & pleniluniis, remissior in quadris nec quidem semper constanter modulo) facile diluuntur. Defensa sic est Tychonis ratio vt disputator numerat, secunda.

### AD TERTIAM RATIONEM TYCHONIS.

*Ad Cap. VII. fol. 152.*

i. **T**ANTO magis Tycho Cometæ cursum supra Lunam fuisse credere voluit, quia motum eius apparentem proprium deprehendi minorem motu Lunari. Argumentum Tycho ipse peculiare non fecit, sed cum duobus antecedentibus & uno sequenti in unum caput coniecit, uno communis titulo insigniuit.

in signiuit, quasi generali ratione ex iis de loco cœlesti Cometæ opinionem firmari.

2. Hic omnis Claramont' o cura est Capite VII. in maiore Syllogismi (à se completi) destruenda : negat scilicet, ex quantitate motus semper ferri iudicium de loco.

3. Argumentum, Claramonti, seu membrum argumenti, probabile est ; sufficit ei propositio maior, quæ potiori parte sit vera & inductione constans. Sufficeret sola bipartita inducțio exemplorum, supralunarium quidem, quæ tardius, quam Luna, sublunarium verò Meteororum, quæ velocius incitan- tur; vt quorum non integros diurnos, sed momentaneos tan- tummodo cursus sub fixis, de nocte conspicimus.

4. Sed quia Tychonis inducțio particularius perstringit ordinem Planetarum; ad sciscatur & hæc pars inductionis, vt particuliarioris: quid in ea desiderat Peripateticus ? Nonne Tycho cum Aristotele, sectæ illius Principi ratiocinatur & illius argumento vtitur? propositionem suam maiorem, ab illo mu- tuatur?

5. Exemplum dissimile Sphærarum Solis, Veneris, Mercurii, altitudine differentium, motus celeritate parium, Tycho non obiicitur, Aristoteli obiicitur. Et tamen Aristoteles cum sciret de hac disparitate, propositionem nihilominus istam sta- bililuit, tanquam de potiori veram. Tychoni, vt causam dissimi- litudinis indicet in Exemplo, opus non est; cum alias sequatur rationes Hypotheseos, in qua quem Aristoteles quæsiuit ordi- nem Sphærarum à Terra, ipse a Sole non querit tantum, sed obtinet.

Quod si etiam hæc eius Hypothesis à Sole ad Terram , vt in Ptolomæo referatur; nihilominus effugiet incommodum, quo cum Aristoteles conflictatur. Vnus enim Tychoni est or- bis trium horum imò omnium fere planetarum, non tres vel sex vt Aristoteli , vnum ergò communem ipsis motum annum esse ( ipsis inquam orbibus, non planetis in suis orbibus ) nihil habet absurdum. Ita perfecta erit inducțio: Fixæ tardissime ince- dunt, cum sint loco altissimo. Sol cym systemate planetarum

loco medio, annuos facit reditus, Luna menstruos, cum sit infima.

6. Et tamen in hac probabilis argumenti parte, cum attigisset Tycho sublimia ista & recondita sideralis scientiae Mysteria, non utitur tamen: contentus solâ apparentiâ motuum. Diversis enim verbis, eo tardiores, inquit, *siderum motus, nobis apparent: eo celeriores &c. conspicuntur.* Nec patetur instantiam. Fixæ enim dietim ḡtertia prorepunt, ex planetis cum velocissimi sunt, Saturnus ḡ prima, ♀ 15° 47'. ☽ 61° 76'. ♀ 131°. At Luna infima cum tardissima ultra 10° gradus. Si ergo Cometa sub Lunâ fuisset, posito etiam quod rapuum primi motus communem patetur, vñā cum Aeris suprema regione (imo si Scipionem audiimus, etiam cum imâ in qua aves) consentaneum etiam erat, ut, quia motu proprio in contrarium more cæterorum, nitebatur, celerius quam Luna sele ex eo euo lueret.

7. Sed lubuit Peripatetico meditatione propositionis huius ambulare diutius. Vellem equidem cum illo ambularem, auditurus ab eo coram, quis sensus esset eorum, quæ toto fol. 153. verbis profert obscurissimis, & quibus aut meæ mentis tenebræ, aut Typographi forte atramentum contagione nocuerunt. In fine hoc cap. 10. quod negat inductionem à veris sideribus ad Cometas procedere, cum adhuc sit in controuersia, sintne Comæ vera, hoc est cœlestia sidera.

Principium ait Tychonem petere: 8. Ipse imperitius finem petit, hoc est consequens negat, quod non est disputatoris legitimi. Nam nisi aut destruatur antecedens, *Cometam fuisse tardiorum Luna,* aut dissolutur consequentia, *quod tardius est idem & superius esse:* proculdubio consequens ipsum, *Cometam esse Lunâ superiorem,* consequetur, id est, obtinebitur citra controuersiam, lege Dialectica.

9. Ex hoc iam respiciens ad priorem partem dilemmatis, quod Scipio facit, penè capio, quid id sibi velit. Nimis rūm consequentiam videtur negare. Non enim omnia promiscuè Phænomena, si sub Luna ponantur, necessario & celeriora futura. Nam, inquit, si fixa aliqua reuulsa de sua sphæra poneretur in aëre:

aëre: exerceat hic motum sibi ingenitum non minus quam aues ibidem suum.

10. Atqui nulla hæc est instantia, ut quæ singitur, potestque æque facile negari. Nam aubus quidem volatus in arbitrio est, sydera incitantur aliunde, modulis ad locum proportionatis. Ait quidem Peripateticus, astra vi propria motus suo perficeret, ut aues volatum, habetque aliquatenus assentientem Typhonem, quatenus manet astrum quodque suo loco: ait vicissim alias, sidera ab orbibus vehi, orbem inferiorem à superiori rapi; sumum ab angelo moueri, inferiorem ex raptu superioris ab angelo secundo, &c. eripi: Ait Aristoteles celeriores esse qui inferiores, quia minus impedianter à contrario motu primo, ut remotiori: ait Kepplerus Cœlestia vis speciei Solaris in gyrum euntis incitari, ut nauem à flumine, celeritatis modulos cum abscessu, mobilis à fonte motus dispensari. Astronomi certant & adhuc sub iudice lis est. Duo posteriores modi, postremus præsertim, verisimiles sunt, & tollunt libertatem sideribus exercendi motus suos invariatos per loca varia primus, qui libertatem hanc iis relinquit, aut comprobetur necesse est, aut instantia nulla erit. *Videri enim sic abigitur à non videri, ut Mūscæ pīctæ ab umbræ verbere.*

11. Eodem modo nec illud sufficit, ut Peripatetici ponant, Cometas motum tardum perficere etiam sub Lunâ: Braheus enim in hanc positionem torquet absurditatis zelum, inductio- nis pinnis alatum, petit ut aut simile detur exemplum aliud, mo- tus apparentis in elementari meteoro tardioris, quam est Lu- narum, aut recipiatur inductio sua Exemplorum in contrarium: quæ omnia sunt de cœlestibus Luna tardioribus. Adhuc igitur fas vel seipsa opinabilis est huius tertiae rationis probabilitas: et si Tycho eam non aliter nisi coniunctam cum duabus præcedentibus, valere, omnesque vim vnius argumenti obtinere voluit.

*Ad quartam Typhonis rationem Cap. VIII. fol 154.*

1. **H**Ac parte argumentationis Tycho generale, quid infert, videri diuini quid inesse huic motui Cometæ; quia

Tropici terminos ei motus sui constituerunt. Quænam verò diuinitatis species ea esset, iudicium ex præmissis tribus membris fieri voluit; loci nempe ætherii.

2. Evidem ut nolim rigidè pro hac ratione pugnare, sic friuolam eam à Claramontio capite VIII. appellari, non equo animo sustineo. Notus est ordo τὸ ξασῶν in humanis notitiis, notus usus ad constituendas denique scientias. Et cur obliuiscitur Peripateticus Topicorū, sui Aristotelis, quæ potissima parte friuola suppeditant argumenta, si hæc, si omnia, quæ non penitus necessaria, friuola sunt. Nihil nunquam pro friuolo reiciendum, quod pro veritatis defensione, collocatur in aciem quantumuis per se sit imbecillum.

3. Loci quidem ætherii argumentum ex hoc solitario, neq; Tycho dicit neque ego vñquam duxero, vel quia finis cursus Cometici Tropicis aptasse casus Geometricus & materialis necessitas videri potest: vel quia Tropicos origine Terrestres potius quam cœlestes esse, ex eo conjicio, quod superficiem duab. zonis temperatis comprehensam, proxime faciunt æqualem ei, quæ est in tribus intemperatis; at diuinitatis opinionem, circa hunc Cometæ & Tropicorum responsum exuere, non ante possum, quam omnem Teratoscopiam funditus tollam.

4. Claramontius Tropicos inter commune parallelorum genus abiicit, vt admirationem minuat.

5. At insigni vi præ cæteris parallelis præditos esse, Tropicos, ignorare non potest, aut non debet. Et Nilus si sub Tropico Capricorni exacte ortus, rursum exacte sub Tropico Cancri effunderetur in Mare, excitaret vtique ingenia, ad suspiciendam cōgruentiā, & causas eius, in rationibus Archetypicis quærendos.

6. Nec sequitur si (ex Aristotelis sententia) natura hæc inferior, cōtinuata est motibus cœlestibus; vt propterea statim Cometa, sublunar is si esset, à Tropico exire, inque Tropicum desinere posset. Scimus enim Aristotelem præcipue loqui de vicissitudinibus diei & noctis, quarum illi vigiliæ, huic somni animalium fere sunt connexi: nec non & de vicissitudinibus æstatis & hyemis, ad quam prouidentia creatrix accommodauit omnium

animan-

animantium terraque nascentium naturas. Hæc vero tempus quidem sunt & qualitates temporum, Loci vero seu veri seu apparentis communionem cum cœlestibus, nullam talem important, qualis fuit hæc cursus Cometæ cum Tropicis conuentia. Nondum igitur sistitur admiratio: videt in effectu maius aliquid mens philosophi, desiderat igitur etiam in causas aliquid sublimius.

7. Sed & retorquet Claramontius, si incepit sub Tropico uno, desit sub altero; incepit igitur & desit: in æthere igitur non fuit qui incorruptibilis ex Brahei sententia.

8. Respondeo ex eadem sententia: *Globi figura, coire materiam cœlestem ad Caput Cometa effigiandum, iterumque dissipari; & materiam globi, more elementarium generari & corrumpi, sunt diuersa.* Tycho verbis à Scipione productis illud potissimum spectauit, ut commeatum æthereorum & Elementarium in regiones mutuas refutaret: ætheream materiam, intra fines ætheris si dissipatur, non propterea & corrumpi concedit. Incepit igitur & desit species seu figura Cometæ, materia ipsa non ideo esse desit, sed in sinum ætheris, vnde primo sumpta, recepta fuit, si Tychonem sequimur. Si hæc dissipatio, Peripateticis corruptio dicenda videtur, dicitur sane modo nobilitati materiæ cœlestis analoga cogitetur. *Quid vetat, inquit Tycho, in amplissimo & immenso illo æthereæ Regionis theatro, idem vel simile quid nonnunquam contingere, &c. in caelo cœlesti modo, è cœlesti materia, quod in Elementis Elementariter, &c.*

### *Ad Caput IX fol. 155.*

I. **B**E N E F I C I O videor affectus à Scipione, quod quæ ipse ex Tychonicis Epistolis transscribit ad confundendum auctorem, eadem à me transscribenda fuissent ad confirmandum. Homo scilicet vafer, confessionem Tychonis ingenuam, quod rationes istæ non sint necessariæ, qua illa munitus esse debebat, contra obrectatorum luorem, hanc inquam confessionem trahit Scipio in firmamentum criminationis suæ, ex ea probans id, quod probatu non erat opus. Sed qui, cum hæc Tycho-

Tychonis verba mente teneret, parcere poterat & suæ operæ in impugnando Tychone, & meæ in defendendo; idem tamen postquam omnino sibi Tychonis librum statuit impetendum: rectè sibi consuluit, quod hæc auxilia in postrema acie collocauit, ut speciem propugnatorum sustinerent, quæ in fronte si fuissent ad Tychonem transfugium fecissent. Nam quid quæso effecit disputator hactenus, totis 47. foliis, aut quid obt. nuit, quod non vltro largiatur Tycho in ipso adeò libro, qui oppugnatur?

2. Neque tamen si Tycho à Tertiâ ratione solitariè removet necessitatem, si quartam adducit obiter solum; si probabiles dicit primam & secundam, separatas & veluti se iunctas à parallaxibus in hoc vsu, ideo & falsæ sunt iunctæ: nec si essent, ideo fana fuerint, quæcunque Claramontius in eas hactenus dixit: nec pœnitet igitur has Tychonicas probabilitates, paucularum pagellarum verriculo purgasse, scrupulosque Claramontianos excusisse.

*Ad Caput decimum Lib. II. fol. 156.*

*Et cap. XI. fol. 164.*

1. IN enarranda Claramontius dissecandaque Tychonis Ratione, vt ipse numerat, quinta, sedulus est, laboriosus est, fidem & perceptionis, & ingenuitatis aucupatur: octo faciebus vix se expedit. Fruatur eius diligentia Lector, non intercedo, nisi quod Purius ex ipso fonte bibuntur aquæ. Ego saltu facto, recta ad fol. 165. scilicet ad instantias eius me confero. Earum tres pollicetur, sane quam hostiles: Secunda est miles, prima militis umbra, tertia eius instar ex armis concinnatum. Tycho prima & secunda, vt Scipio numerat, rationibus hactenus usus erat, vt probabilibus: nunc hoc ingressu facto, quod est in ipsis necessarium transsumit vt ante demonstratum, ad demonstrationes necessarias, Cometam enim ex eo probat supra Lunam fuisse, quia parallaxin vel nullam habuerit, vel ipsa Luna minorem. Parallaxin vero nullam habuisse, probat ex eo, quia sub circulo magno incesserit: quod ex eo fuit demonstratum, quia arcus omnes in idem Eclipticæ punctum, eodem angulo ad

scenius

sensus subtilitatem examinati , tendere sunt visi.

2. Instat Scipio , & consequentia principali concessa , ut par est (inuicta enim est) parallaxin , seu loci permutationem , sub fixis asserit è contrario , ex eo quod non sub circulo maximo Cometa incesserit. Ait enim , se demonstrasse ex ipsiusmet obseruationibus , Cometæ motum fuisse irregularēm , qui vel expluribus arcubus plurium maximorum , in locis longè dissipatis Eclipticam secantium , constiterit , vel etiam tortuosus fuerit , & id quidem alternis curuitatibus. Ita Scipio Tychonem sese munientem ante demonstratis , oppugnatum it , ante confutatis vel quasi. Ego quidem minanti obuiam eo exante defenso hoc Tychonis oppugnaculo : nec plurib[us] verbis opus est : cum ne ipse quidem ultra affirmationem progrederiatur. Videatur igitur nostra velitatio circa rationem primam.

3. Illud solum addo , Scipionē hic insolentius gloriari , quam supra concludere fuit ausus. Ibi enim quod Tycho *Esse* dixit & demonstrauit , ipse contentus fuit *Possesse non Esse* , contendere : at ne hoc quidem obtinuit , nisi de re minutissima , & plane contemptibili per totam Astronomiam , de qua nemo contendit : at nunc hic iactat se demonstrasse *NON ESSE* simpliciter.

4. Sed geminam facit Scipio primam hanc instantiam. Tycho enim non tantum ex identitate circuli maximi , sed etiam ex æquabili admensione portionum visibilium vnius diurni ad horas diei , demonstrat Cometam caruisse parallaxi. Ad hanc vero demonstrationem adsciscendum ipsi fuit , & hoc ante demonstratum , Cometæ motum visum & sic etiam verum , quod integros diurnos , fuisse celeritatis ordinatim remittentis. Hoc enim demonstrato de totis diurnis , iam causa nulla est , cur non valeat etiam de vnius diurni partibus seu de horariis veris.

5. Scipio , ut hoc eripiat Tychoni , horarios veros , intra unam diem vel æquales fuisse , vel in decremento continuo & æquabili , ait se deduxisse , non fuisse regularitatem temporis in diurnis proportionalem. Deduxit sane , non decreuisse diurnos apparentes , in proportione sesquiinta : at non deducit , eos non fuisse celeritatis , ordinate & continue remittentis. Illa dedu-

ctione nihil fuit opus: hoc non deducto, stat firmamentum Ty-  
chonis, eique innitens coincidentia horarii visi & veri tam ac-  
curata, ut parallaxin Lunari æqualem excludat, vix vicesimam  
Lunaris partem relinquat.

6. Sed aliud Scipio ait subesse, quod superius non deduxerit.  
Quid illud? Nihil certi ait pronunciari posse; fueritne enor-  
mior aliqua inæqualitas velocitatis & tarditatis temporibus in-  
ter momenta obseruata intermediis. Ego verò hoc quoque iam  
supra ventilatum esse memor sum. Sed examinetur hæc exce-  
ptio, ut noua. Hoc vult dicere, si maxime loca Cometæ in qui-  
bus est visus ad horas continuorum dierum, distare deprehen-  
sa sint, arcubus ordine decrescentibus; at quid diuersis vnius  
diei horis sit factum, id ignorari, Tychonem verò supponere se  
hoc scire, propterea diuersis horis admetiri suos arcus eadem  
proportione, quam suppeditet proportio diurnorum inte-  
grorum: Ita Tychonem sumere inconcessa nec dum demon-  
strata.

7: Quid ad hæc Ego? Subtilitatem sane agnosco & acumen  
opponentis; at attentionem in eo maiorem desidero ad ea quæ  
dicit: qua dimissa quid efficeret, non vidit.

Primum Tycho ex apparentium locorum ordinatis inter-  
uallis ad horas dierum easdem, intellexit, etiam verorum lo-  
corum interualla ordinatim decrescere, quorsumcunque vera  
illa loca recidissent. Quantacunque enim parallaxi posita, ne-  
cessè est, differentiam locorum veri & visi, in situibus Phœno-  
meni consimilibus, hoc est ad easdem proximorum dierum ho-  
ras esse semper eandem ad omnem sensus subtilitatem. Neque  
hoc demum à me in subsidium Tychonis profertur: diligenter  
hac de remonuit ipse Tomo Epistolarum fol. 301. Deinde sicut  
ad horas diuersorum dierum easdem, sic etiam ad horas eius-  
dem diei diuersas, loca Cometæ non alia, quam rursum appa-  
rentia suis explorauit obseruationibus; deprehenditque hæc  
quoque loca diurnum vnum dispescientia eundem tueri ordi-  
nem in interuallis cum diurnis totis, quam proximè: sicut nihil  
ultra tria scrupula desideraretur in horario apparenti, ab eo  
quem

quem horarum numerus de vera diurni quantitate largiretur?

8. Hic si est, quod Scipio interloquitur; si nimirum veri Comæ diurni toti quidem, metas æquabiliter dispositas, vnuis vero verus partes enormi inæqualitate celeritatis habet dis- punctas: sequitur igitur ex aduersarii dictis, vt æquabilitas locorum apparentium per horas diei, conficiatur & effigietur & repræsentetur per enormem inæqualitatem, locorum vero- rum. Esto diurnus apprens seu visibilis E F, diuisus ad obser- vationum testimonia in partes æquales horis æqua- libus respondentes: sit autem concessa parallaxis a- liqua insignis, qua efficiatur, vt horis æqualibus re- spondere debeant, pro partibus motus veri æquali- bus, partes motus apparentis inæquales, paruæ in ortu & occasu, magnæ in medio cœli, vt in A B. Respondebunt igitur viceversa, partibus visi mo- tus æqualibus, in E F, partes veri motus inæqua- les, magnæ in ortu & occasu, paruæ in medio cœ- li, vt in C D. Ita inæqualitatem, quam posita pa- rallaxis veris partibus inducit in A B, contraria ve- rorum inæqualitas in C D tollit, vt confletur vi- forum æqualitas in E F: repeteturque hæc enor- mitas motus veri quotidie, quod miraculi erit instar, eodem tenore; vt omnino scientiam Cometes habere debeat eius, quod factura est parallaxis, vt id suis intensionibus & remis- sionibus compenſet. Quinimo, ne non omnibus diebus eu- dem præster effectum hæc enormitas veri; oportet vt paralla- xis cum ipso diurno minuatur, constantissimo consensu pro- portionis.

Et tamen his verbis omnibus concessis in magnum discri- men restota coniicitur, si forte sint in vtrisque Indiis Obser- uatores alii, qui eodem nobiscum momento Cometam ob- seruent, qui nobis culminat, ipsi hic Orientem ibi Occiden- tem, deprehendatque & ipsi partes vnius diurni visibiles, horis interlapsis proportionales: quo deprehenso, colligunt ipsi cum

Scipionen ostro, Verum Cometæ motum enormiter incitari eodem momento, quo non eundem verum statuamus enormiter languescere. Vides Claramonti quibus te negotiis intrices cum ista temeritate, excipiendi contra demonstrationes Astronomicas, quam irritatentes effugia? quantum operè redimunt Astronomi, dum statuunt diurnum apparentem, sicut in E F, partes ostendit horis proportionales, esse ipsissimum verum diurnum, atque Phœnomenon Parallaxi carere?

9. Nec vel hilum profici, dum pergis excipiendo, mensuram motus Cometici, statui circulum imaginarium, neque de figura motus quicquam constare. Qua enim figura sit Cometæ motus (vt iam ponam vel minorem circulum vel tortuosam lineam esse, quod tamen tibi supra est ereptum) id ad diurni longitudinem vel ad parallaxis mensuram non pertinet, nisi quod figura circuli maximi parallixin omnem perimit. Omnis vero parallaxis, omnis omnino distantia binorum in cœlo punctorum, mensuratur arcubus circuli alicuius maximi Sphæræ, quem tibi placet appellare imaginarium. Tolle hanc imaginationem; Astronomiam, quin & Geometriam vniuersam funditus sustuleris: omnes in ea quoque anguli ad centrum, omnes ad visum, circulorum arcubus, si libet, imaginariis, mensurantur. Sic igitur profligata est prima de tribus instantia.

*fol. 166.* 10. Secunda Claramontii instantia particularis est Magno molimine, magno & hiatu, circumdat copolas Tychonis auxiliares, longius ab acie digressas; quas etsi conciderit: ad summam rei proficit nihil, spectemus tamen & earum virtutem.

Tycho postquam comprobationem suam, quam ipse quidem secundam, aduersarius vero quintam numerat, sufficienter & exposuisset & demonstrasset, Cometam scilicet parallaxi maiori quam est Lunæ, caruisse, eoque supra Lunam fuisse, firmamento super obseruationibus distantiarum ab ore Pegasi extructo: iam porro ad maiorem rei euidentiam ponere iubet aduersarium, fuisse Cometæ, parallaxin æqualem Lunari: scilicet ut rem, ad contradictionem deducat, si ex eo sequatur, aliquid, quod à manifestis obseruationibus cōfutetur. Videtisne,

iam

iam Tychonem in auctario solum versari ratiocinationis prioris? Videtisne ipsum fingere seu in gratiam aduersarii ponere, quod non erat? Quid igitur peccauit in huius deductione positionis? quemnam errorem commisit, cuius delectione, Peripatetica de Cometis opinatio sese speret, in integrum restitui? Dicam.


II. Doctrina triangulorum hoc loco multa schemata postulante, prout eatunc temporis erat trita, & magnis ab obscuritate difficultatibus imminentibus, à quibus Tycho Lectorem suum cupiebat defensum, ipse viam ingressus est eam, quam compendiosissimam est ratus: ex via Cometæ apparenti, veram fecit (vt erat quidem sine hac suppositione) ex locis visis veros (& erant veri, nisi differentiam iam supposuit) etiam vtrorumque, hoc est, parallaxin) deinde veris sic suppositis applicavit parallaxes hac vice concessas; ostendens, si Cometa hos arcus, vt erant visi, vere decreuisset, quos igitur alios videndus fuerit decurrere; confecitque in demonstrationis exitu, differentiam duorum visorum futuram fuisse nequaquam 12. minutorum, quanta obseruatio dedit, sed plane nullam, sicut Cometæ per tres intermedias horas, quoad longitudinem, plane stationarius permansurus fuerit.

12. Hic vero exclamat Claramontius: *Mirum in modum Tychonem nobis imposuisse?* Quid ais Clamanti? Imposuit vero nobis Scriptor? Dolone an bona fide? Et cui bono, cuive malo? Satin' causa est nobis Brahei discipulis, vt immodestiam hanc, luculenta cum iniuria coniunctam, iusta cum vehementia retusum eamus? Sed me reproto. Sufficit ut sciant Lectores, Tychonem neque nescium quid ageret, neque studio fucum obtrudendi, fecisse, neque veritatem vlla in parte laesisse. Res enim, vt iam dudum aliis etiam responsum est, redit eodem ad unguem, rediretque multo adhuc minori opera, si etiam penitus neglexis- set Tycho declinationem oris Pegasi à via Cometæ; si etiam ex triangulo Sphærico parallaxeō, merum rectilineum faciamus, ut ego soleo, compendii causa.

13. Age enim supponamus, ut queritans flagitat Scipio: cir-

culum in quo visus est Cometa, tunc etiam esse visum eius iter, quando aduersarius parallaxin aliquam supponit.

Esto BEFG hoc visum iter. Faciamus ad nutum huius suppositionis, initium à postremo Tychonis Schemate, & sint E, F, duo loca visa distinctis horis eiusdem diei. Sit O, os Pegasi: perpendicularis ex O in FE, cadat in B, & sit OB  $4^{\circ} 50'$  ut Tycho assunit fol. suo 119. Inuentæ verò sint distantiae OF.  $21^{\circ} 8'$  & OE.



$20^{\circ} 56'$ . proueniunt igitur BF.  $20^{\circ} 35' 49''$ . BE,  
 $20^{\circ} 23' 33''$ . Quare EF.  $12^{\circ} 16'$ . cum differentia  
 obseruatarum distantiarum OE, OF. sit  
 $12^{\circ} 0'$ . Ecce quam nihil nocuerit, si viam  
 Cometæ vel per ipsam stellam Oris Pegasi  
 O, per fictionem traduxisset.

14. Ducatur iam Verticalis AH per E  
 visum locum, posterius & inferiorem ra-  
 tione motus primi, ut vult aduersarius: &  
 supponatur Parallaxis æqualis Lunari in  
 hac altitudine, sitque ut Tycho computat,  
 in una quidem F,  $57^{\circ} 36'$ . in altera vero E,  
 $1^{\circ} 54' 30''$ . Tantus igitur erit ibi arcus ET. Et

igitur EC longitudinis Parallaxis erit, & CT (in polum viæ ten-  
 dens) latitudinis, iam in septentrionem. Cumque maneat an-  
 gulus TEC, idem ut in Tychone, prodeunt ergo CE ut in plano  
 triangulo  $1.0.25$ . CT,  $25^{\circ} 17''$ . Et in F. cuius situs respectu primi  
 motus est altior, erunt FO  $46^{\circ} 11''$ . & DQ.  $34^{\circ} 26'$ . Ecce eos-  
 dem proxime arcus cum Tychonicis: etsi ego ut plana Trian-  
 gula computo.

15. Iam igitur sit G sectio viæ Cometice cum Ecliptica, &  
 arcus GF.  $46^{\circ} 30'$ : eijam, vt viso, adde parallaxin FD, quia sub-  
 trahebatur ab eo, vt vero, apud Tychonem: prodit GD  $47^{\circ} 16'$ .  
 II. verus. Et quia E, est locus visus posterior, eo queratione primi  
 motus humilior: adde ad GF priorem verum, minuta  $15'$ , debita  
 temporis interlapso: prodit verus supra E, scilicet GC.  $47^{\circ} 31' 11''$ .  
 Quia verò in E parallaxis long. EC est  $1^{\circ} 0' 25''$ , & C verus, aufer  
 igitur, vt & in Tychone, GE, à CG vero, restat visus GE  $46^{\circ} 30'$ .  
 $46''$ . Prius

16. Prius vero erat visus in F, 46°.30'. Nihil igitur ultra o. 46°. visus fuisset Cometa promoueri in longitudine, quod redarguit obseruatio: deduximus enim, quod sit promotus per FE 12.16'. visibiliter. Tychonis quidem parallaxis long, hic etiam minorem facit visum GE, quam GF, sed id est ex diuersitate deducendi parallaxes, quæ nihil facit ad instantiam Scipionis; nec ullius pensi habenda est differentiola ista cum de maioribus agitur, vt norunt Astronomi.

16. Quid nunc tibi videtur Claramonti? An tibi etiamnum Tycho imposuisse Lectoribus videtur? an vim veritati fecisse? An non sequitur idem, si, quid tu maluisti, supponatur? Apage cum friuolis istis subterfugiis (repono tibi verbum tuum) quibus te tuamque Peripateticam opinionem huius demonstrationis cassibus nunquam extricabis.

17. Agnosce etiam te fol. 168. valde deceptum esse, (nam quis de veritatis amante credit, ipsum studio fraudem facere velle Lectoribus) quod credidisti, Tychonianum fuisse, sic simpliciter motum Cometæ verum in hac parte Argumen-  
ti quærere, quod non nisi ex hypothesi falsa fecit, qui que cau-  
lis quodeum non inuenierit, qui tamen ab eo, ex instituta Hypo-  
thesi, per me iam quaesito, ne minutum quidem aberrauit in ef-  
fectu: qui denique asseueras necessarium esse totum eius progressum  
*ex hoc unico Capite ruere*, qui progressus dudum se ipso nixus sta-  
bat, priusquam Tycho hanc ei appendicem faceret de su-  
perfluo.

18. Fol. 68 usque in 171. Multis insuper modis inuoluit se in-  
foelix speculator. Cum viam Cometæ, qua Tycho, in Hypothesi  
loquens, pro vera erat abusus, ipse ut visam arripuisse mordi-  
cus: accipit tamen, ut in motu veri proportione, quod nam sit  
utriusque loci visi interuallum, scilicet 15. At Tycho visarum di-  
stantiarum interuallum inuenit non 15, sed 12.

19. Deinde cum calculum per duo folia diligentissime sibi  
deduxisse videretur, concludit tandem sicut duo latera trian-  
guli FE, EO æqualia sint tertio OF, quod è contra principia  
Geometriæ. Claudit tamen hanc deductionem his verbis; quæ  
exce-

*fol. 17<sup>1</sup>.* ex cerebro vertiginoso profecta videntur. *Vnde* ( quia scilicet distantiam posteriorem tanto inuenit minorem , quantum posuit arcum visi motus ) inde igitur *Parallaxis Lunaris non tantum non tollit plus quam subtrahebat conspecta distantia* ; quæ subtrahebat tria minuta, *sed nihil omnino*. Existimauit nimirum stultus, se quia Parallaxin repræsentauit in Schemate literis D F, C E, propterea & computasse per illam: quam calculo ne attigit quidem.

20. De hac tamen deductione ait fol. 169. Rationem Tychonis concidere, contrarium enim eius deduci quod Tycho dixerat. Positis enim visis locis, quos Tycho veros posuerat, deduci distantias à fixa inæquales , & minorem eam quam Tycho deduxerit maiorem paulo. At qui non intellexit infelix, ad hoc calculo non fuisse opus, vt sciatur quæ distantia minor, hoc enim Tychoni suppeditauit obseruatio. Nec Tycho in deductione secuta, suis obseruationibus utique quicquam affirmauit contrarium, sed supposuit parallaxin Lunari æqualem, tunc dixit futurum fuisse, vt non minor tantum, vt obseruatio vult, sed plane maior aliquanto esset posterior distantia: & ego paulo antea, posito viro loco, vt vult Scipio, deduxi, secundam distantiam primæ proxime æqualem , quia scilicet ex hypothesi parallaxeos processi & ipse : noster vero calculator parallaxin illam, quam supposuit Tycho, plane non adhibuit in calculum. Non mirum igitur quod posteriorem deducit minore multò. Breuiter, *ἐν οἷς ἀγνοῦσι βλασφημῶντες*.

21. Ne te nunc tibi, Claramonti, corollaria, nulla equidem fili syllogistici necessitate reuincta, ea que tuis refer Lectoribus, nequaquam hercè inuidenda. Nam quid illa tria minuta, quæ Tycho in parallaxi relinquit, ad te, qui ne semel quidem respicias ad fundamenta, vnde illa Tycho eliciat? qui processum, quo ille detegit hæc tria minuta, explodis? & cur illa addis ad differentiam parallaxeos æqualis Lunari? quæ exulat à tuo calculo: quæ si esset, illa tria minuta Tychoni in mentem non venissent. Hoccine est, parallaxin Lunari maiorem, fabricari? ex duabus nimirum partibus, quarum altera quæ dat 12. minuta, à te in calculum

culum nunquam recepta est, altera quæ dat, dudum reiecta & explosa?

22. Tertiam instantiam incipit adversarius fol. 172. tantæ fol. 172.  
quidem eam amplitudinis, ut ei explicandæ non sufficiat totus  
liber primus; quin adiiciendæ fuerunt duæ facies, quibus au-  
thor suæ doctrinæ vbertarē de variationibus Horizontalibus in  
plures riuos deduceret. Verum inauspicato structa est hæc in-  
stantia; quo magis enim author prouocat, ad Parallaxes & Re-  
fractiones, hoc clarius demonstrat, se, si vspiam, hic certe toto  
cœlo aberrare.

Rursum autem carpit extreum agmen; ad summam rei  
proficit nihil. Tycho contentus demonstrasse, Cometæ Paral-  
laxin haud æqualem fuisse Lunari, concedit tamen, ad sum-  
mum trium scrupulorum effectum se Parallaxi transscribere  
posse.

23. Negat Claramontius hunc esse Parallaxeos effectum.  
Quid dannii infertur Tychoni, si hoc ei negetur? Ex abundanti  
concesserat, non tanquam deductum ex sua conclusione.  
Nam qui contendit Cometas supra Lunam esse, argumento  
Parallaxium; is quominus relinquit in Parallaxi, hoc altius su-  
pra Lunam eos euehit.

24. Tu vero insanis Claramonti, qui te tuopte gladio feris.  
Si enim hæc tria minuta non sunt effectus Parallaxeos cur igi-  
tur in Corollario proximo ea transsumpsisti à Tychone ad con-  
struendam Parallaxin Lunari maiorem? Cur supra ex accepta-  
tione huius Parallaxeos negasti, Cometam sub circulo magno  
incepsisse, quippe Parallaxin passum? Cur denique tu Paral-  
laxin introducis effectus maioris, si ne tria quidem minuta to-  
lerare potes? Fatere igitur Cometas in altissimo æthere esse,  
quia plane omni Parallaxi carent.

25. Atque etiam audes imputare, hunc effectum esse à cau-  
sa Parallaxi contraria. O Cimmerias tenebras, quis faciem mihi  
porrigit, ut has discutiam? si contraria parallaxi causa distan-  
tiæ posteriore tribus minutis præter modulum æquabilita-  
tis decurtat, etiam ea quæ quindecim minutis eam decurtat, e-

rit Parallaxi contraria. At qui supra ex calculo demōstrauit, Parallaxin æqualem Lunari hoc causari: idem igitur est ex causis contrariis & contrariam in plagm operantibus: Parallaxis nimurum mihi Cometam humilem factum depresso ultra modulum, & causa Parallaxi contraria eundem Claramontio deprimit parte prioris differentiæ quinta. Quænam vero causa contraria? Refutatio. Agnosco eius effectus contrarios, eleuat enim quod Parallaxis deprimit, at ob id ipsum non poterit idem efficere refractio in simplō, quod efficiebat mihi supra Parallaxis in quintuplo.

26. Fallor? an video quid Claramontium perturbauerit? Dixit Tycho Cometam visum esse progredi versus Pegasum, minutis 12. debuisse quindecim, differentiam minutorum esse à Parallaxi minor quam est Lunaris: At si statuatur Parallaxis æqualis Lunari, visum iri Cometam non progredi, sed è contrario potius aliqua parte minutū regredi à fixa. Hic Scipio præcipitato mentis ardore sic videtur argumentatus.

Refractio efficit contrarium eius quod solet Parallaxis, attollit scilicet illa, ista deprimit.

Causa quæ trina Tychoni minuta suppeditat, efficit contrarium eius, quod Parallaxis Lunari æqualis erat factura, posteriorem scilicet distantiam à Pegaso minorē esse finit non maiorem efficit.

Ergo causa, quæ Tychoni trina minuta suppeditat, est refractio, non Parallaxis,

Mirum nisi me omnes explodant Logici, diuinent igitur ipsi, quid sibi voluerit aliud Claramontius. Evidem humanitatis erat meæ, balbutientem adiuuare, præeundo formam argumenti.

27 Quod si igitur hoc voluit, primum non sufficit, Syllogismum affirmatum arguere in secunda. Habent enim & hi, in formam Enthymematum corrupti, probabilitatis aliquid; nec eam simul cum necessitate deperdunt. Insuper igitur respondendum, quatuor terminos esse. Est enim in maiore quidem contrarietas perpetua plaga, in minore vero contrarietas perpetua

petua quantitate resultans. Illic omnis Parallaxis deprimit, quod est refractionis contrarium: Hic sola parallaxis nimio magna, distantiam posteriorem (depressione quidem & hanc) maiorem efficeret, minor parallaxis permisit esse minorē distantiam. Maius vero & minus non sic opponuntur, ut attolli & deprimi: et si sit per accidēs, ut illa duo, maius & minus, comparata ad tertium aliquid, causentur etiam plagas contrariae.

28. Verum hanc minorem Scipio concepisse videtur non sic distincte, sed confusius, sic nimirum: Causa trium illorum minorum, efficit contrarium parallaxeos. Hoc vero modo concepta, est insuper etiam falsa. Non est enim hic effectus contrarius omni parallaxi, non certe paruæ, sed solum magnæ, quæ superat Lunarem. Deceptionis Scipioni occasio videtur hæc esse, quod idem quidem Tycho est, & qui tria illa minuta imputat alicui paruæ parallaxi, & qui propter deductionem ad impossibile, ponit magnam aliquam parallaxin, quæ Cometam in viso motu non tardum tantum, sed plane retrogradum ab ore Pegasus præstat: Idem inquam author est, at non eadem propterea est hæc superior magna, cum illa parua parallaxi, quæ tria minuta efficit.

29. Videbatur quidem initio, cum de Refractione inciperet, dicturus esse aliquid, ad quod aures arrigebam; quod cum non eloqueretur, dubitauit num ipse eius loco panderem cum Tychonis partes suscepisset hac vice, non prodendas, sed defendendas. Verū dubitationem exemit recordatio; Tychonem id ipsum pandisse, fol. 205 libri sui. Nimirum hoc verissimum est, Refractio turbat argumentum à Parallaxibus, sed turbat nil nisi terminorum quantitatem, vim argumenti non debilitat. Etenim Cometa in posteriori situ fuit altus Gr. 7 48. Refractionem igitur est passus quæ tamen in hac altitudine à Tycho ne in loco suo nunquam comprehensa est maior, quam minutorum 7. at bene interdum (cœlo bene defœcato, ut illa nocte) minor. Et igitur distantia eius à Fixa quæ altior & extra Refractiones fuit & quodammodo versus verticem, diminutior fuit aliquot minutis. Quod si addas hoc nomine 4. ad distantiam

2056. prouenit distantia posteriori, 21.º. tantum 8. scrupulis minor priore; cum deberet per 15. esse minor: ita effectus Parallaxeos, à Refractionis effectu liberatus, fuisset 7, non tantum 3: maior igitur etiam Parallaxis ipsa totalis; Sitamen omnino illa nocte tanta fuit refractio. Hanc ipsam ob causam Tycho in Hypothesi Cometæ fol. 206. inter initia admittit Parallaxin totalem 20 minutorum. Hæc omnia verò adhuc multò sunt minora, quam vt Parallaxibus Lunaribus æquiparari possint. Adhuc igitur Cometa supra Lunam fuit.

30. Eluctatus mihi videor è palude multifariarum hallucin.

*fol. 175.* nationum Claramontii, postquam 15. *fol. 175.* me conspectu demonstrationis Mathematicæ nonnihil recreauit. Non possum tamē mihi temperare, quin etiam residuas errorum fæces hinc expurgem. Bene quidem demonstrat Claramontius, in singulis Observationibus distantiarum Cometæ humilioris à fixa altiori, visam distantiam per Parallaxin fieri maiorem vera.

31. At non hoc solum volebat Tycho, cum de tribus scrupulis scriberet: Aliud aliquid accessit, quod irrequieta Peripateticæ mentis agitatio, non capit, quippe tantæ attentionis impatiens. Tycho non tantum unam veram distantiam cum una visa, sed etiam duas visas inter se comparat unam altiorem & unam humiliorem: neque hoc tantum, sed admiscet etiam, res sic exigente, variationem verarum distantiarum, per motum Cometæ, competentem inter uallop temporis, quod inter utramque observationem intercedit. Cum enim Cometæ, in occidua cœli parte conspecti, motus proprius tenderet, quasi versus verticem & fixam: priore igitur observatione nondum tantum ad eam accesserat, motu vero, quantum posteriori; Computatque Tycho ex proportione temporis, quod in posteriori, Cometa vero quidem motu 15. minutis accesserit proprius ad stellam supra se: at visibili seu apparenti motu, observationem ait testatam esse, quod fuerit non 15. minutis propior factus, sed quod tribus minutis remotior, manserit, tantummodo 12. minutis approximans. Vides Claramonti quantum in tenebris mentis tuæ à quæsita ianua deerraueris. Prior distantia sceleribus

ribus altioribus, fuit 2<sup>o</sup>. 8', posterior, vero quidem motu debuisset esse 2<sup>o</sup>. 53'. vt colligit Tycho extempore, vfa verò fuit 2<sup>o</sup>. 56'. Hæc infer in tuum Schema folii 175. vt vera sit A B, vfa AD.

32 Et agnosce, te iniuriam Tychonis rationis facere, dum totam eam subuersam scr. bis: agnosce te errare in ambiguitate vocis imminutio, que relata vox est, verus enim accessus 15. minutorum fuit visibiliter imminutus, at vera distantia 2<sup>o</sup>. 53'. hæc ipsam ob causam fuit aucta totidem minutis, vt esset 2<sup>o</sup>. 56'. Aliud est distatia, aliud accessus vel appropinquatio. Sic igitur tu singulis tuis instantiis seorsim sumptis Rationem hanc Tychonis sustulisti, vt omnibus tribus coniunctis sumptis efficias minus quam nihil.

*Ad Caput XII fol. 176. & XIII. fol. 184.*

**A**RCE demonstrationis defensa, hoste depulso, magnisque incommodis affecto, de infirmioribus præsidiis laborandū magnopere non est: danda hosti licentia hæc, vt in receptu agrū populetur, incendiis grassetur: vbi vel observationum fides argumentationi, vel argumentatio demonstrationis suppositis, vel supposita, schematibus, vel schemata denique verbis, verba menti non ad amissim respondent. Hoste, denique profligato facile sarciemus ista damna, proque tactis vetustate obsoletis & vitiosis noua & firma reponemus.

Tycho equidem proptiis suis obseruationibus innixus de alienis vltierius non laborauit, quam vt ad qualemcumque consensum eas adduceret. Rationis, quam ipse tertiam numerat, Scipio quintæ partem facit conclusio hæc est, ex collatione Obseruationum Hæggeci & Gemmæ, cum suis eodem temporis momento, institutis, vel nullum vel exiguum resultare discrimen, eoque Cometam non sane propinquum terris & Elemento aëris fuisse, sed plane altissimum, & proculdubio, si fides obseruat, plane supra Lunam: sæpe etiam rem in contrarium, idem ad impossibile deduci, vnde vitium alterutrius ex obseruationibus inter se comparatis manifestum fiat.

Ad hanc conclusionem refertur omnis Demonstrationum Tychonis apparat<sup>9</sup>; & quo aliquot membra sunt de superfluo.

Atque in earum demonstrationum repetitione & transcri-  
ptione placuit Claramontio totum caput XII. insumere, Eo i-  
gitur transmiso, confero me ad caput XIII. fol. 184.

*fol. 185.* 1. Primam in eo facit instantiam Claramontius, negans,  
Tychonem obseruasse die 16. & 24. Nouembri; quibus illo  
diebus Haggecii obseruata cum suis, quasi profitetur, com-  
pararat.

2. Si plane non obseruasset Tycho, si nuda deductione &  
proxime antecedentium dierum obseruatis, distantias, quas  
comparat, constituisset: num ideo vis argumenti nulla futura  
fuerit: præsertim cum hic non tota res constituatur, sed de con-  
sensu saltem alienarum obseruationum quæratur?

3. Nunc postquam Tycho ipse suis quas hic adhibet obser-  
uationibus, quod impeditius essent sumptæ, non fudit, nisi eas  
cum proxime antecedentium dierum animaduersionibus con-  
ciliasset; tanto candore demonstratoris, tam nullo commodo in  
venditatione facti, quod factum Scipio negat: utriquæso fides  
habenda? Tychoni affirmant? an Scipioni negant?

4. Tychoni ostentationem, puto, & si diis placet, etiam  
mendacium exprobrat, sane quam operosum, ut quod instru-  
xerit simulatione dissensus in uno minuto, ab eo quod ex ante-  
cedenti die deductum. Nam plane moralis hic oritur quæstio,  
nihil ad argumentivim pertinens. Viro equidem bono, de re-  
bus à se gestis testandi, nullius vel odio personæ vel spe com-  
modi, qui fidem derogat; ipse vir bonus esse, si non desistat à  
pertinacia, nequaquam potest.

5. Sed conuincit ecce Scipio hoc Tychonis de seipso, testi-  
monium, contradictionum ei casses circumdans. Quid ergo  
dixit Tycho, vnde concludat Scipio, Cometam ibi diebus, 16. &  
24. Nouemb. plane non obseruatum: De qua triduo inter 15. &  
20. Nouemb. hoc adducitur, densas aëris obscuritates Cometæ  
aspectum interclusisse.

6. Non omnem, inquam, non æqualiter per totum quatri-  
duum; addit enim in vestigio noctem 18, non tenebroso tantum  
aëre, sed nebulis etiam sequentem, 19. tempestatibus vento-  
rum

rum & pluuiarum acriter sœuentibus, infestatas fuisse: unde intelligis, noctibus 16, 17. neque pluuias neque nebulas fuisse, ac proinde nihil nisi tenebrosum aërem: dum paulatim is in nubes coiret eoque Cometæ conspectum vltimis potissimum diebus interclusum, minus prioribus.

7. Sic de 24. Nouemb. hoc adducitur, nullam Horizonti Tychonis affulsiſſe serenitatem.

8. At non dixit, nimbis, vt fit hoc anni tempore, transcurrentibus, nunquam ne momento quidem temporis, viſas fuisse de hiscere nubes ad breue temporis momentum. Aut forte Claramontius loquendi magister, iubebit nos securitatem affulgere fateri, cum inter crebros nimbos, ventis agitatos, ad momentum aperiunt se nubium volumina?

9. At cur non retulit Tycho in Catalogum, si quid his diebus obſeruauit? cur his excusationibus vsus, relinquit nos in opinione, nihil omnino fuisse obſeruatum? Dicam.

10. Quia foeculento aere multa obſeruationem ipsam circumueniunt incommoda. Nec relinquit Lectorem in hac opinione, præterea nihil esse obſeruatum. Nam statim in Catalogo capitum primo verbo pollicetur Obſeruationes tantum certiores. Et fol. 1. tantum illas quas & Radio & Sextante (iunctis) assecutus sit. Contempſit igitur furtiuos istos Cometæ conspectus, vt minus certos, contentus certissimis, dierum circumstantium.

11. At dixeris, non tamen eas contempſit hac vice, sed adhucuit? Videtur igitur eas omnino in Catalogo referre debuisse. Cur omisit illas quibus vti cogitabat?

12. Regero ego. Cur vsus est iis, quas meminerat omissas in Catalogo? Qui causam hanc viderit, illam non ignorauerit. Multorum annorum liber est, partes eius typis mandatae, vt quæque confecta; sæpe etiam refecta; sæpi typi repetiti; quippe quos in potestate habebat; exemplaria passim imperfecta inter Astronomos Germanæ distributa: Non cogitabat initio, cum Paginam, A, vt scriberet vel, vt videtur, excuderet, his interioribus vti. Postquam ea iam scripta vel excusa, nactus Thaddæi & Gemmæ libellos, incertioribus illis) cum non haberet alias, quas

quas cum horum authorum obseruationibus sociaret ) vtendum statuit; non erat operæ pretium facturus in rescribenda vel recudenda pagina, integra, paucolorum verborum causa; sufficere putabat, si se explicaret pagina R; *non usque adeo serenum fuisse*: fidem suis verbis habitum iri sperauit: nullius tantam oris immodestiam existimauit futuram, qui sibi falsi crimen ( si hoc in propriis monumentis in re priuata locum habet) imputaret. Facebat hæc non Philosophi, sed rabulæ forensis instantia, ne stomachum mihi, dudum motum, è fundamentis conuellat. Loquantur sua fide Obseruationum libri, si quando prodierint: si modo istæ priorum annorum ante 1582. adhuc suspensunt.

*fol. 186.* 13. Secunda Instantia fol. 186. aduersarius comprobacionem obseruationum Tychonis assultat, deductionemque ex diebus antecedentibus, quæ vice ipsarum obseruationum ad dies proprios, si hæc defuissent, esse poterat. Dicit eam inniti exquisitæ regularitati motus, & perfectæ circuli magni speciei; quæ firmamenta sint à se in superioribus euersa.

14. At eadem à me sunt in superioribus stabilita hostis reiectus. Quid quod ibi ne quidem in hanc partem incubuit Scipionis impetus, vt viæ Cometæ vel figuræ, vel celeritatis inæqualitatem, in consimilibus dierum monumentis, de quibus hic agitur attribueret? Si ergo his nititur deductio, bene nititur. At non nititur iis sic; vt, nisi ad certitudinem Geometricalm, ipso sensu maiorem, illa vera sint, propterea ista fiat erronea, aut illegitima censi debeat: cum de vnius solius diei arcu agatur, in qua exilitate mutatio in fundamentis satis magna, effectum habet nullo modo sensibilem. Denique euentum deductionis, ipsæ dierum priorum obseruationes, quæ sine impudentia negari non potuerunt, reciproca opera comprobant, omnemque Scipioni ansam præcidunt de ea dubitandi.

*fol. 193.* 15. Huc coniiciam etiam illa, quæ Scipio fol. 193 ad infirmandam vim huius argumenti adducit. Quoties enim inuenitur inter Tychonis & aliorum obseruationes, discrimin duorum vel trium vel sex Scrupulorum, quibus Cometa aliis longius à fixa abfuisse

abfuisse visus est, q̄ Tychoni, toties id Scipio, quasi certissimis obseruationibus, in argumentum maioris Parallaxeos, quam est Lunaris, retorquet: Quoties vero vel consentiūt, è diuersis locis obseruata vel in contrarium dissentient, rem ad impossibile deducentes: toties, ne errorem obseruationum cogitat, ut fateri, refractiones causatur. Dico primo idem quod antea: Tycho summa rei non creditit his aliorum obseruationibus, contentus, sex hac Ratione qualecumque consensum elicere cum priori. Tractat igitur hoc argumentum ut commune, quantum ad has Scipionis Exceptiones, sed id iure non communī cum aduersario Nondum enim Scipio aliis argumentis certis demonstrauit suam sententiam; at demonstrauit Tycho iam dudum.

16. Quod vero Claramontius hic rursum Refractionum nebulas expirat, quibus argumenta Parallactica reddat inconspectua: dicit, quid esse possit, at nec, quid sit, dicit, nec quantum. Fates. fol. 193. bitur cum Tychone, In notationibus authorum illorum desiderari horas expressas Est igitur ignota Cometæ altitudo, quare & Refractio ignota, & effectus eius inturbandi Parallaxibus. Quid nisi Cometa proxime Horizontem fuerit, nimirum etiam Refractioni tribuet Scipio. At contra, summa probabilitate nitimus, si dicamus, ipsos obseruasse Cometam, quam potuit fieri altissimum, statim scil. post occasum Solis, cum & tempus ad obseruandum inuitat & impedimenta prospectui Horizontali nondum obstant. Est igitur verisimile Cometas extra Refractiones illis fuisse, nullasque earum in causando hoc diffensu, fuisse partes, omnes vero erroneæ Observationis in quam sententiam abit Tycho. Vide eius libri fol. 133 & passim, ingenuam de his aliorum Obseruationibus confessionem, lamque absoluī omnia in unum locum coacta, quæ Claramontius argumentanti Tychoni sic interloquitur, ut vim argumentipetant.

17. Reuertar nunc ex fol. 194. ad fol. 186. & instantiam Sci fol. 186. pionis tertiam.

Tycho ad maiorem rei euidentiam, non quod omnino necesse esset (in tractatione quippe argumenti per se solum imbecillis) statuit hic iterum ob oculos ponere, quantum diuersis

locis variatura fuisset distantiam Cometæ à fixa , parallaxis maior Lunari.

Minus vero fæliciter , quam in comprobatione priori , cessit ipsi hoc opus . In hac igitur conflicitatione Scipio oculatissimus , cum sex omnino deprehendisset Tychonis errores , vt ipse indiget : hinc , puto , occasione sumpta , censuit sibi librum crassum scribendum , Peripateticam , de Cometis , opinionem magna solemnitate restituendam : quasi non perinde statura esset Tychonis demonstratio , si vel totæ hæ pagellæ , ex eius libro reuelarentur .


18. Sed audiamus tamen Claramontium , in iis etiam quæ vere arguit ; tempus equidem est , vt aliquando vera dicere incipiat ; nimio multa hactenus aberrauit . Monet initio Lunam horizonti vicinam in diuersis altitudinibus , 5. vel 6. gradus differentibus , non variare parallaxin  $6\frac{1}{2}$  minutis .

19. Si de Parallaxi altitudinis loquitur , vt puto : vera monet . Tanta enim variatio Parallaxi Lunari non nisi circa ipsum verticem potest contingere . Bonum argumentum est ad conuincendum , necessariò errorem irrepsisse in hanc quidem huius loci demonstrationem , vt cuius conclusio  $6\frac{1}{2}$  minuta altitudinis infert in ipso Horizonte . Qua vero re deceptus sit Tycho , vt hoc non videret , se ( in præsentia quidem ) perperam agere , aut quibus omnino se obstrinxerit erroribus , à quibus vicissim sit immunis ; hinc puto non nihil apparitum .

20. Nihil dicam de tempore , quo concepta vel elaborata fuerit hæc demonstratio : & quomodo non semper proficiamus cum æate , sed interdum etiam regrediamur , harumque subtilitatum , quod & mihi crebro accidit , obliuiscamur , aut multitudine studiorum , aut domesticis negotiis distracti ; vt erat quidem Tycho , voluntate sua , vt homo nobilis & locuples , erat , inquam , occupatissimus annis posterioribus , in apparatus instrumentorum , in substructionibus , in distillationibus , in Observationibus continuis in regenda numerosa familia , multis opificibus , plurimisque studiosis , in excolenda Insula , in Typographia ,

pographia, officina papyraria, Horologiaria, instruendis, literis  
scribendis, &c.

21. Sed cum Cometæ conspectus, in meridiano versantis,  
daretur nunquam: Loca vero duo, Praga & Vraniburgum, sub-  
iacerent eisdem meridiano: ex hoc videtur Tycho primum af-  
fectasse Schema solidum, in quo (respiciendo ad fol. 125. Ty-  
chonis, & ad fol. 179. Scipionis) A B



quidem esset Meridianus Tellu-  
ris, at vero DDAB planum ad Me-  
ridianum cœlestem inclinatum in  
Occidentem, ubi erat Lueida vul-  
turis, & forte ABCEF planum a-  
liud distinctum à priori, & adhuc  
inclinatus versus horizontem oc-  
ciduum. Et fieri potest, ut Schema

hac intentione delineatum, dederit excusandum, eoque post  
aliquid tempus resumpto, suæ intentionis huic Schemati pro-  
priæ vel oblius vel pœnitudine ductus, ne iam excusatum  
frustra abiiceretur, censuerit potius adiuuandum verbis, & sic  
applicandum ad aliam suam, quam est huius loci, intentionem,  
qua fatetur fol. suo 128. se supponere hoc falsum, quasi Cometa  
in ipso Horizonte fuerit constitutus inter obseruandum, pro-  
pter parum distantiam ab Horizonte; quæ verba inferius ad  
Cap. xx. num 8. penitanda erunt diligenter, ut quæ nouam de-  
monstrationem sapiunt: ut omnino Schema hoc nouæ illius de-  
monstrationis causa conceptum esse videatur, non vero eius  
causa, quo de hic agitur. Est enim hic alienum à proposito, fate-  
ri Cometam fuisse propinquum occasui.

Nimirum hoc erat Tycho in animo, simul fateri, se suppo-  
nere Cometam in ipso Meridiano, (quod & factum videmus)  
qui tamen vergebatur ad occatum. Hoc igitur cum factum, duæ  
intentiones in unam permixtæ essent, non mirum est ex utraque  
aliquid in Schematis explicatione adhæsse; denique totam e-  
uasisse monstruosam nec defendi posse, respectu quidem præ-  
sentis demonstrationis,

22. Etsi tamen res citra magnum ipsius authoris errorem consistat. Ut est iam hoc primum, quod cum ignorare non posset, Luna in Horizonte versantis, non esse tantam parallaxum altitudinis varietatem, quæ  $6\frac{1}{2}$  minuta in duobus assumptis locis efficeret; cum tamen perpenderet, in aliqua eius altitudine varietatem hanc esse maiorem, quam in Horizonte & vero. Comebam etiam altiorem fuisse quam ipse (fassus hoc) in Schema posuerat; tanto minus pensi habuit se etiam maius aliquid conclusisse quam in Horizonte vere esset.

fol 189.  
23. Sed errores, quos percenset Scipio, consideremus ordine. Primus nullus est error, quod scilicet Tycho duas à Vulture in duoterra loca deductas vendit pro parallelis.

24. Nam excusat se Tycho ipse de errore, dum fatetur, se hoc perpendisse, cum vero cur parallelas statuat, dicit communem cum omnibus Astronomis: quia scilicet distantia duorum locorum terræ non sit sensibilis, ad distantiam fixæ à Terra.

25. Nisi forte tibi, Scipio, propterea Tycho cum hac causa non satis fecit, quia dudum, monstratore Francisco Gheuara, subtilissimam illam distinctionem inter speculum parabolicum merum, & speculum Ellipticum, proportionis diametrorum, immensæ, quippe cuius longior diameter superet ipsam distantiam Solis à Terra, qui hanc inquam subtilitatem deperire cœperis, spretis Archimedis, Alhazeni, Vitellionis, Portæ, Magini, Ghetaldi, Clauii, &c. iudiciis. Res enim per quam affinis est; tanto tamen à tua parte absurdior, quanto altior est orbis stellatus: orbe Solis.

26. Aliud hic Galilæus arguit, meliori quidem, quam tu, iure; videri Tychonem hoc dicere velle, fixas parallaxin facturas fuisse, spectatas ex duabus terræ partibus, si Terræ ad distantiam fixarum proportionem esset sensibilis.

27. At nimium rigidus est hic quoque verborum Tycho-nis excusor. Etsi enim Tycho omnino his verbis utitur: *O di-stantiam insensibilem duorum locorum Telluris, Terram spectari, utrin-que eodem loco subfixis, eo que binas à fixa lineas esse parallelas: Ignarissi-*  
mus.

mustamen eruditionis, quæ fuit in Tychone, sit oportet, qui putet, Tychonem ignorasse fixas in fixis, hoc est in octaua Sphæra parallaxin facere non posse, vnde cunque tandem inspectas.

28. Itaque verborum horum hallucinantium sensus alius esse nō potuit, quam iste; propter quidem diuariationem duarum linearum quæ ex Vulture in terram ducuntur angulum inter Vulturem & Cometam, mutari plane nihil, eo quod duæ à Vulture pro Parallelis habeantur. Lingua m igitur corrigat Tycho, si viuat, mentem teneat.

26. Secundum errorem imputat Scipio, quod Tycho rectos faciat angulos, quibus duæ ab utroque loco Terræ educantur *fol. 189.* in Vulturem, cum illæ sint obliquæ ad subtensum ab uno loco in alium; quippe Vulture humili existente, non in vertice. Dictum putas labes est omnino corrigenda, respectu quidem præsentis huius demonstrationis.

30. At vide occasionem, & libera Tychonem ab errore mentis. Nemo est quin videat Tychoni Globum inspectum, qui obseruator erat tam diligens. In eo reperit sane, vulturem ad horam nequaquam in Medio cœli, sed longe infra. Ergo perspicuum est, hanc angularum rectitudinem residuam esse ex intentione prima, quæ Vulturem rudi imaginatione à vertice versus Ortum æquinoctialem recta declinantem cogitabat. Hoc enim si esset, anguli inter emissas in Aquilam & subtemsum duobus locis Terræ terminatum omnino recti essent, sed ii in plano inclinato ad planum Meridiani. Quæ vero tunc vis futura fuerit argumenti, dicam infra, ad Caput xx.

31. Tertium error em rursum abstergo non à mente tantum *fol. 189.* Tychonis, scilicet etiam à verbis, in quantum nouis error numeratur. Quis Tychoni hoc tribuat, ignoratum ipsi fuisse, duas rectas, præterquam in uno puncto concurrere non posse?

32. Attende igitur *ἀναγορεύων*, quam interdum, ineptientes circa analogias Geometricas, solemus adhibere. Audis à Tychone, extremas DB, DA esse perinde ac vnam lineam, sane quam crassam, quæ sc̄. totam spaciū A B latitudinem occupet, quarum si altera recto angulo incidit in AB, reliqua quoque sic

incidit: ac proinde cum totum spaciū sit vna linea: media vero spaciī in centrum terræ incidat ( positis rectis angulis ) tota igitur hæc tam lata linea in centrum terræ, & versus centri plагam tendit; & à centro vicissim, vel à centri plaga in AB normaliter incidit : sed hoc iam est de præsentis comprobationis intentione, qui fuit tempore posteriori, in qua fixa D. supponitur in Meridiano.

33. Detracta vero tunc rectitudine angulorum, quod bene facit Scipio, subaudi iam, monere velle Tychonem, rectam utramque eodem angulo ( scilicet obliquo non recto ) in AB incidere.

*fol. 190.* 34. Hic Scipio in commemoratione quarti erroris non bene diuinavit, Tychonem dicere, rectas incidere normaliter in circumferentiam ; dicit enim expresse, *incidere normaliter rectæ AB, à centro in vel versus circumferentiam ( intellige, progre- diendo. )* Hunc igitur, perperam numerat errorem quartum, qui coincidit cum tertio, nihilque aliud est, quam *Ακυροζία*, dum Tycho Schema, ne frustra sculptum aut reparandum sit ( forte non præse ne aliquo sculptore ) verbis qualitercumque adiuuat, sed cum damno demonstrationis præsentis.

*fol. 192.* 35. Atque hoc i. m etiam quintum & sextum errores peperit, falsam scilicet magnitudinem lineæ BG, & Anguli BCA, respectu quidem huius demonstrationis: Quamuis, vt uno dato inconuenienti, sequuntur multa, sicut hi tres errores, vnicus sunt, & ab hallucinationibus iam annumeratis pendent. Denique, vt repetam quod initio Examinis huius tertiae instantiæ dixi; eiusmodi est error, vel in parte tali argumenti : vt ea tota abolita, stet tamen argumentum, sufficiens ad probandum consensum qualemcumque, diuersorum obseruatorum, de parallaxi insensibili Cometæ.

36. Interim tamen & hanc accipiat satisfactiunculam Claramontius: quod cum ipse quoque differentiam Parallaxeon inueniat *2 18* supponens Cometam cum Tychone in Horizonte, maiorigitur ea vere fuerit, quia Cometa supra Horizontem altus fuit. Hæcadiungantur cæteris, que fol. 193 sequuntur iam paulo


paulo ante dissipata. Sicque de hac infirmiori Tychonis comprobatione, nec valde necessaria conclusum esto. Plura de ea ad Cap. xx dicam: vbi de observationibus agitur primæ Tycho-nis intentionis, magis accommodatus.

*Ad Caput XIV. fol. 194.*

*Et XV. fol. 199.*

1. **T**AM Tycho reuertitur ad obseruationes proprias, tertia comprobatione nullius Parallaxeos, quam Claramontius Rationi quintæ accenset, repetitque more suo, per totum Caput xiv. ratus se lucem ei afferre. Viderit Lector, mihi Bra-hæus ipse satis facit luculentius. Quemadmodum vero Tycho hic resumit visitatum demonstrationum robur, sic Claramontius redit ad elumbes suas astultationes.

2. Tycho, cum ex distantiis Cometæ à stellis opportunis elicuissest Cometæ longitudinem & latitudinem folio suo 55. ex his declinationem fol 71. ad horam 6. iam fol 135. commemorat etiam Obseruationes Azimuthi & altitudinis, ad horam 5° 28". Summa demonstrationis Tychonis est hæc. Cometa in diuersis eiusdem dierum Azimuthis & altitudinibus, non est deprehensus varia esse declinationem vsam, plusquam in proportione motus horarii. Primum enim obseruatuit Tycho diuersas altitudines CE, DF inuenitque earum differentiam 17°. 6. Deinde computauit easdem altitudines, CE, DF, per Azimu-



tha HAC, HAF, simul obseruata horis 5° 26. & 7°. 54 & per declinationem, BC, BD. obseruatam quidem ad horam 8. accommodatam vero per au-gmentum horariorum, ad momenta præscripta: Inuenitque earum altitudinem differentiam 17°. 9. Tertio suppo-sui Parallaxin æqualem Lunari, & sic iterato computauit altitudines CE, DF, inuenitque, veras tunc altitudines de-buisse

buisset differre per 16 57' Ex his porro differentiis, conieeturam fecit de Parallaxi, sic argueret: Hæc Azimutha & hæ declinationes sine quidem parallaxi, faciunt differentiam altitudinum verarum, æqualem ferè differentiæ altitudinum visarum: at cum parallaxi Lunari, faciunt differentiam visarum per 9 scrupula maiorem, quam verarum. Si igitur obseruatum per instrumenta altitudinum differentia fuisset maior, quam differentia computatarum sine parallaxi, tunc argueretur Cometa parallaxin aliquam fecisse: at non tantum non maior, sed insuper etiam minor est animaduersa, scilicet 17. 6. Ergo plane nullum deprehenditur vestigium parallaxeos.

3. Notandum est hic, quod computationem utramque ingrediatur declinatio obseruata, in prima tantum proportiona-liter aucta, in secunda etiam per Parallaxin fermentata.

Et quia in priore hæc proportionaliter aucta, declinatio præstat altitudes obseruatas, ergo procul dubio fuit illa ipsa, quæ & instrumentis fuisset obseruata per distantias à fixis si eæ distantiae ad momenta duo seorsim fuissent repetitæ.

Omnis enim vis Demonstrationis per Azimuth & altitudinem, recumbit in Declinationem, quæ altitudinem præstat. Si ergo declinationis augmentum horarum, tenuit proportionem augmenti diurni, circa illos dies: sequitur Parallaxeos effectum per has horas fuisse nullum, proinde & ipsam nullam, & sic Cometam in altissimo æthere constitisse.

4. Operæ pretium igitur est hic considerare qua in re differat vis ipsa huius argumenti à præcedentis. Cum igitur ea derivetur ex declinatione, declinatio vero potissimum eliciatur ex latitudine ab Ecliptica; prior igitur Argumentatio potissimum fuit occupata circa longitudinis, ista est circalatitudinis parallaxes detegendas; illa nitebatur regularitate potius celeritatis, ista magis de specie lineæ motus, scilicet de circulo maximo participat: nisi quod illic longitudinis celeritas fuit desumpta ex circulo Cometæ proprio, hic non à circulo proprio, nec ab Ecliptica, sed ab æquatore deflexio in consilium adducitur.

5. Atque hoc ego discrimen propterea inculco, ut opportune moneam, si omisssis etiam Azimutho & altitudine, tantummodo fixarum à Cometa distantia fuisset in secundo tempore repetita, præsertim earum, quæ magis arguunt latitudinem vel declinationem ; nihilo secius hoc ipsum in conclusione fuisse exiturum. Nam etiam ex priore Capituli Tychonis demonstratione, potuit argumentum vicissim à latitudinis Parallaxi (latitudinis sc. à via Cometæ) deduci, si tempore posteriori distantia Cometæ à stella idonea, ut à capite Ophiuchi, capta Cap. XI. fuisset. Vidimus enim ibi, supposita magnitudine parallaxeos, num. 14. equa Lunari, existere differentiam parallaxium latitudinis, respectu viæ Cometæ 9° 9'.

6. At nunc declinationis argumentum, non à distantia à fixis trahitur, et si potuisset, sed ab altitudine; idque vel ad imitandum Regiomontanum & alios, vel quia altitudinum obseruatio parabilior & expeditior habetur (quæ tamen sine Azimutho correctissimo propemodum est inutilis) vel quia parallaxis altitudinis est maxima, eoque ad arguendum plus posse censemur, vel denique, ut diuersitate instrumentorum & modorum obseruandi, de eadem ad Orbitæ Cometicæ latus deflexione, constaret tantò certius. Quicquid huius sit, illud solum teneamus, altitudinem non per se, sed quatenus de declinatione vel ab æquatore vel à circulo Cometæ testatur, Medium demonstrationis ingredi terminum. Quales enim altitudes successiue prouenire debeant ad eiusque parallaxeos positionem, aliter nobis non innotescit, quam ex applicatione circuiti motus sideris proprii.

Sed nos iam Caput xv. & ex eo Claramontii instantias examinemus: fol. 199.

fol. 199.

1. Prima est obscurissimi sensus: magnasque effundit tenebras rei, Arguit, Tychonem adhibere in primo calculo visas altitudes, prolixaque probat; ut solet, quoties aduersarium non habet; ut scilicet aliquid etiam agere, nec parum sudoris impendere videatur.

2. Quid vis tibi Scipio? Altitudes in primo calculo com-  
H putantur

putantur visæ, Azimutha enim sunt visa, testantur ergò de declinationibus visis. Declinationes hæ visæ propiores sunt iis, quas aliquis ex obseruatis altitudinibus eliceret: quam illæ visæ quas Parallaxis, Lunari æqualis repræsentasset, adeò ut vtræque computatæ stent à latere eodem obseruationis: nulla igitur parallaxi fuerunt fermentatae. Non video quid ex hac confessione visarum altitudinum obtineat aduersarius ad qua-

tiendum argumentum.

*fol. 200* 3. At visæ altitudines inquit Scipio *fol. 200.* non sunt veræ, quia extra Meridianum?

4. Dico tibi Scipio, nec extra Meridianum, differre vias à veris Parallaxi perempta, nec in Meridiano quoad vim huius argumenti easdem esse, visam & veram, concessa Parallaxi. Quanquam hoc nihil interest, negem an affirmem: ex visis enim procedit argumentatio ad veras.

5. Porro & ridiculum se præbet author in demonstratione, dii boni quam necessaria, Cometam à vertice longe distitisse: Langrauius, inquit, Cassellis inuenit Cometam nunquam vertici appropinquasse proprius 46° 50'. Tycho vero ait illius obseruationes à suis vix pauculis scrupulis differre,

26. Hic si licet nobis imperfectam orationem supplere Differentiam scilicet altitudinem Poli minorem esse hac distantia 46° 50' ridebitur Author cum tanto molimine, nam quis hoc nesciat?

7. Si non licet sic excusare huius probationis mentem; idem explodetur, vt surdaster. Tycho enim de effectu calculi, ex variisque loci obseruationibus deducti, testatus est, illum citra paucolorum minutorum dissensum consistere. At quid hoc ad obseruationes ipsas, distantiae Cometæ à vertice? num propterea etiam ipsæ vix pauculis minutis inter se distant?

8. Quorsum verò tandem erumpet tibi Claramonti reli huius impetus? quem scopum ferire instituis? Vix tandem *fol. 201.* 201. Si sunt visæ, inquis altitudines; debebat esse æquales, & quæ obseruatæ, & quæ ex visa declinatione computatæ: at non sunt

æqua-

æquales. Ergò, vult dicere, tota argumenti structura inuoluit seipsum contradictionibus, ruitque ideò.

9. Respondeo, et si maximè in hoc errasset Tycho; at non omnis error admixtus, propterea soluit argumentum, si separari error potest stante argumento. At non errauit Tycho. Plerunque mihi labor geminatur, dum non tantum est defendantus Tycho, sed etiam Aduersarii hallucinationes seorsim detegendæ. Ita hic quoq; primum respondeo, non sequi: deinde arguo.

10. Scipionem errare, et si hoc nihil ad argumentum. Largior enim; non sunt æquales altitudines. Differentia est, in prima comparatione, minuti vnius partem vnam, in secunda duorum in alteram. At quomodo tu probas debere esse æquales? Parallaxis, inquis, differentiam efficit nullam? imò vero, inquam ego, efficeret Parallaxis differentiam omnino aliquam: vtrum autem hanc ipsam efficeret dicam posterius. Siquidem enim ex eodem temporis momento depromerentur tam altitudo quā declinatio: verum contenderes. Tunc enim esset, quod mones; quantacunq; parallaxis esset, vna tñ esset & eadē, siue ex obseruatione depromas altitudinē, siue ex calculo p declinationem.

11. At nunc destituimur litigantes, identitate momenti, & hoc quidem in vtraq; comparatione. Nam prior altitudo capta fuit Hora, §. 26. cum declinatio sit obseruata Hora §. à qua ad Horam §. 26. per veri argumenti modulum, qui assumptus est dīmidii minuti, fuit deriuata, perinde ac si Parallaxis in declinatione nihil interea mutauerit, vltra id quod mutauerat Hora 6: cum tamen Parallaxis, si quis aliquam poneret, ni continua sit effectus sui intentione à vertice usque in horizontem. Sic posterior altitudo capta fuit hora §. 54. declinatio vero, vt prius hora §: à qua ad illam horam deducta fuit declinatio illi competens; additione  $\frac{3}{2}$  minutorum, quantum requirebat tempus interlapsum, ad analogiā veræ promotionis Cometæ diurnæ; perinde ac si Parallaxis interea nihil addiderit vel diminuerit, vltra quā hora §. His de causis non debent, vt Scipio vult, æquales esse altitudines, pro visis computatae, visis ipsis & obseruatis, neq; priori momento, neq; posteriori. Non n. eadē declinatio admissa est in

calculum per Azimutha quæ causabatur apparentiam obseruatam posita parallaxi.

12. Ita Claramontius , dum membrum vnum Tychonicæ demonstrationis, quam non intelligit, impertinentibus obiectionibus vellicat, suos ipse prodit errores , redditq; rem ipsam obscuram , & me coniicit in necessitatem prolixitatis. Defendens enim est Tycho per omnes flexus suspicionum. Hactenus enim est ostensum, non errasse Tychonem in hoc membro, quod computauit altitudines differentes quippe per declinationes differentes.

13. Quid igitur? Nonne peccauit in hoc Tycho quod declinatione aliena usus est in calculo? Nequaquam aliena: sed prima computatione , cum parallaxin Cometæ nullam crederet iure etiam nullam in declinationem intulit. Hoc illum effectu ipso præstissem probabo , si non possum breuibus , at tu Scipio verboitatem necessariam , cuius tute causa extitisti patientibus auribus hauri. Assumamus initio: primam quidem altitudinem in Azimutho suo  $\frac{3}{4}6.20'$ . obseruatam esse, applicatione igitur iusta declinationis  $\frac{9}{7}8'$ . ex hora  $\frac{6}{5}$ . computabitur sine parallaxi altitudo  $\frac{3}{4}6.11'$ . Pro eo, quod Tycho obseruauit  $\frac{3}{4}6.10'$  iam secundi momenti declinationem faciamus , vt vult proportio horaria, 4. scrupulis auctiorem , rursum sine Parallaxi , vt sit  $\frac{9}{7}12'$ . computabitur in suo Azimutho quod erat  $\frac{7}{4}4.10'$ . altitudo  $\frac{1}{19}9.$  2 pro eo quod Tycho in obseruando deprehendit  $\frac{1}{19}4.$  Et sic computatarum differentia erit  $\frac{1}{17}9.$  quæ obseruatarum inuenta est  $\frac{1}{17}6.$  Iusta quidem est hæc Tychonis computatio, repetii calculum : nec Claramontius in eo, quod desideraret inuenit : quia censendus est calculus quilibet ex sua hypothesi, quæ hic est, nullitas Parallaxeos.


14. Cum hoc pacto emerget altitudinum obseruatarum differentia 3. scrupulis minor , quam erat earum , quæ ex oberratis Azimuthis & declinationibus computabantur; exque hoc discrimine elucere videretur prima fronte fol. Tychonis 137. aliqua Parallaxis, sed perperam : et igitur sciret Tycho, quanta per tantulum discriminem fieret Parallaxis totalis: censuit sibi aliquid iteratò computandas , per positionem Parallaxeos

magnæ, & quæ esset Lunari æqualis, tantæ nimirum, quantum aduersarius aliquis ponit ad minimum: ex ea (Lunari parallaxi totali) competebat primæ altitudini modulus  $\delta. 53. 22.$  secundæ  $i. 2. 30.$  Has Parallaxes Tycho, sua quadam ratione usus, visis altitudinibus addidit: ut iam sic in verarum (ex hac suppositio-ne) altitudinem differentiam redundaret differentia etiam v-triusque parallaxeos  $9. 8.$ : quæque obseruatarum erat  $17. 6.$  ea esset iam verarum differentia  $16. 57.$

15. Quod hic fecit Tycho obseruatis altitudinibus, censendus est fecisse etiam iis, quas prouisis computauit: tunc enim (non minus atque prius) ex differentia  $17. 9.$  altitudinem prius prouisis computatarum iam fieret differentia  $17. 6.$  tanquam ve-rarum in hac parallaxeos positione altitudinem.

16. Hoc igitur dum fecit Tycho altitudinibus, in esse etiam declinationibus ipsis pro modulo suo fecit: ex veris declinationibus, quas sine consideratione Parallaxeos ex Hora 6. deduxerat, visas & Parallacticas declinationes fecit: quia Paralla-xis altitudinis, spargitur in declinatione & Asc. Rectam; vt Claramontius ipse libro primo fatetur. Vides igitur, quod Tycho vtrobique declinationem constituerit, prout positio quævis requirebat, vel sine Parallaxi, vel cum aliqua in quantitate aduersario placenti. Neutrobisque igitur peccauit: Et adhuc ab omnibus Scipionis criminationibus manet intactus. Multo mi-nus argumentum ipsum vel minimo digito tetigit aduersarius: quia hæc pleraque nihil ad rhombum, vt dictum est.

17. Sed lubet hic percontari, nunquid habes Claramonti, doctrinæ Parallacticæ Architecte, quod in hoc processu desi-deres? Nunquid is tibi sa-nus videtur? Annues opinor. Qui tacet consentire videtur. Nihil desideraviisti in essentialibus, vt sic dic-am. Nec opinor cuiquam temere contradices, sic Ra-tiocinanti, Differentia vi-



larum

sarum altitudinum C E, D F, in datis duobus Azimuthis H A E, H A F, constat ex differentia verarum in iisdem, & differentia Parallaxium altitudinis cuiusque. Ergo ablata differentia Parallaxium à differentia visarum, vt fecit Tycho, relinquitur differentia verarum Altitudinum in duobus Azimuthis.

18. Enim verò vigila Scipio ; insidiosissima est hic Parallaxeos machinatio. Decepit ea omnes hactenus doctrinæ Paralacticæ magistros, decepit Tychonem ( salua tamen qualitate effectus ) decepit & te Claramonti, vt non videres Paralogismū quem quanti redimeres tibi cognitum fuisse , vt aduersarium delectum, tantò pluribus vulneribus conficeres ; decepit denique & meipsum ad hanc usque horam. Quam deceptionem dum pango, ades dum, Claramonti, Auctuarium ecce suppedito tuis Astronomicōn libris, quos passim , vt & fol. 194. allegas. Nego veram esse ratiocinationem. Falsitatem primum operare deprehendi, causam erroris vix multa meditatione tandem sum asscutus. Sit primum Azimuth seu angulus ad verticem H A E  $36^{\circ} 20'$ . in eo sit obseruata altitudo C E  $36^{\circ} 10'$ : ponatur magnitudo Parallaxeos : de ea huic altitudini competit  $0^{\circ} 53' 22''$ . Quæritur quanta debeat apparere altitudo in secundo Azimutho H A F  $74^{\circ} 10''$ ? Ergò ex altitudine vera iam constituta & Azimutho inuenitur declinatio vera  $7^{\circ} 57'$ . ad prius momentum. Erit igitur vera declinatio ad secundum momentum  $8^{\circ} 1'$ . additis scilicet 4' ex analogia mutationis diurnæ. Per hanc & secundum Azimuthum quæratur secunda altitudo, vera, eritque  $20^{\circ} 0'$ . cui aufer competentem Parallaxin  $1^{\circ} 2' 30''$ . Erit secunda visa altitudo D F  $18^{\circ} 57' 30''$  & differentia visarum  $1^{\circ} 12' 30''$ . quæ sine parallaxi erat paulo superius, tantum  $1^{\circ} 9'$ . minor scilicet.

19. Hic igitur pro differentia vera altitudinum  $1^{\circ} 9'$ . prodit visarum maior differentia  $1^{\circ} 12' 30''$ : cum Tycho conuersim ex visa  $17^{\circ} 9'$ . computauerit veram  $17^{\circ} 0'$ . vel quod idem est, ex visa  $17^{\circ} 6'$ . veram  $16^{\circ} 57'$ . Effectus qualitas, vt vides, est eadem; quantitas discrepat. Causa igitur est eruenda,

20. Nimirum Tycho Mæandros istos, quos meus processus perrepat, declinaturus, & pulchrum Operæ compendium fa-


caturus, prolapsus est in insidias. Verum quidem est antecedens Enthymematis præmissi. At in eo de longe aliarum altitudinum differentia Parallaxium agitur, quam in consequenti. Nam altitudines, de quibus in

Antecedenti, sunt in circulis Verticalibus diuersis, fol. Tychonis 140. in AC & AD: at in consequenti agitur de altitudinibus in circulo eodem, vt, fol. Tychonis 141. in BN quod es-  
set fol. 140. in BAH.

21. Et ne mihi quis ex Aristotele occlameret, μὴ τὸ γὰρ τὸ συμ-  
βαίνει τὸ ψεῦδος, ecce rem ipsam. Alio angulo Parallaxis altitu-  
dinis in D applicat complemento declinationis BD, alio  
item in C, complemento BC. At vero in BAH utraque  
Parallaxis altitudinis applicatur huic complemento, angulo  
nullo, sed plane ad unum arcum continuum. Quare fol. 141. Ty-  
chonis singulæ quidem Parallaxes DC recte computantur,  
& omnino tantæ, quantæ sunt etiam fol. 140. in DC: at iungi  
non possunt ad perdendam differentiam altitudinum vera-  
rum, nisi illas veras intelligamus, quæ essent fol. 140. in circulo  
eodem BAH.

22. Ut non dicam de hac etiam dissimilitudine, quod ipsum  
etiam augmentum declinationis horarum in diuersis vertica-  
libus diuersimode laxat Azimutha, in Meridiano plane nihil  
contulisset ad hanc rem. Hoc inquam quia minimi est effectus,  
dimittatur.

23. Illud alterum vero, quod de angulis dixi, inter verticalem  
& circulum declinationis, tantum valet, ut sex circiter minuta  
efficiat. Nam utamur eadem methodo, Cometa velut in Meri-  
diano existente, & ponatur altitudo meridiana Cometa obser-  
uata 36°. ii. addatur ei parallaxis sua 53°. 22"; ut sit altitudo vera 37°.



4 22. Iam vt Parallaxis altera sit  $1^{\circ} 2' 20''$ . oportet veram altitudinem esse minorem priori per  $1^{\circ}.27'$ . vt computauit Tycho. Vera ergo posterior est  $20^{\circ} 7'.72''$ . Aufer ei Parallaxin  $1^{\circ}.2'.20''$ . restat  $19^{\circ} 5'.0''$ . quæ differt à priori  $36'.11'$ . per  $17'.6'$ . cum sine Parallaxi differentia per  $16'.57''$ . discriminem est  $9'$ : Cum hoc tamen discriminem differentiarum supra eadem methodo in suis Azimuthis diuersis, esset non maius quam  $3\frac{1}{2}'$ . Verarum enim altitudinum differentiae  $17'.9''$ . respondebat visarum (statuta parallaxi Lunari)  $17^{\circ} 12'.$

24. Scilicet hoc facit angulorum C.D prius designatorum variatio. Nam Parallaxis in Meridiano, tota fit declinationis Parallaxis, mutatque eam tanto, quanta est ipsa parallaxium differentia extra Meridianum, nec tota cedit declinationi, & quæ maior, Horizontique propior, ea minus imbuit declinationem: Ex declinatione vero B D (complemento) & Azimutho B A D elicitur A D complementum altitudinis: Ex minus variatis per Parallaxin declinationibus, minus variatæ altitudines: Quod equidem voluere est, tandem post inquisitionem tam sollicitam deprehendisse.

25. Sed nos iam ex hac interposita mentione reuertamur ad instantias Claramontii. Nam si de hoc defectu demonstracionis quem ego iam detexi, Claramontio suboluisset, tunc sane poterat ille iure suo, verbis paululum mutatis, sic arguere; non fol. 200 recte factum esse (puta in hac argumenti parte, in qua Tycho expositione alicuius parallaxeos computat) quod Parallaxes ambæ sunt addictæ ad visas altitudines, debuisse enim primam solum ad suam visam altitudinem addi ut existat vera, postea cum vera elici declinationem veram: tunc vera hac declinatione per horarium augmentum temperata, vice versa debuisse quæri in Azimutho secundo, veram altitudinem alteram, & ab hac demum vera iam auferri suam Parallaxin, ut existat visa.

26. Hæc si obiecisset Claramontius, effecisset quidem aliquid circa quantitatatem differentiæ parallaxium: at non ideo prostrauisset ipsum totum Tychonis argumentum, Nam attinuisset

nusset hæc instantia tantummodo particulam aliquam non adeò necessariam, quæ computat expositione magnæ parallaxeos.

27. At vero Claramontius non hoc voluit hactenus, cum vi-  
fas pro veris altitudines earumque differentias obiiceret : Nec  
ille hanc partem argumentationis impugnauit, sed aliam mul-  
to diuersam, quippe quæ computare iubet altitudines vias ex-  
positione parallaxeos nullius. Tum etiam ad scopum longè a-  
lium collineauit, eversurus scilicet totum argumentum, à quo  
scopo longissime aberrauit hactenus. Iure igitur à me repulsus  
fuit in superioribus, Numero 2. 9.

28. Restat tamen etiamnum scrupulus unus, qui aduersarium, in id quod agebat, sollicitum habere possit. Probaui pau-  
lò superius, ante hanc digressionem, Numero 10. 11. non iure il-  
lum postulasse, ut prodeant ex computatione altitudines equa-  
les iis, quæ sunt instrumentis obseruatæ, etiamsi, inquit fol.

201. maximam parallaxin passus esset. Demonstrauimus e-  
nim ego, repetitione calculi Tychoniani, si parallaxin passus es-  
set Lunari æqualem, prodire debere altitudines vias  $36^{\circ} 10' & 18^{\circ} 57\frac{1}{2}'$ , vel  $36^{\circ} 11' & 18^{\circ} 58\frac{1}{2}'$ . At si nullā parallaxin esset passus, tunc  
prodire debere  $36^{\circ} 11' & 19^{\circ} 2'$ . Dixerit igitur Aduersarius ; at ob-  
seruatas esse  $36^{\circ} 10' & 19^{\circ} 4'$ , quæ altitudines à calculatis abeant  
in partes contrarias, & differentiæ illarum  $17^{\circ} 6'$  accidere, & sit  
minor, quam  $17^{\circ} 9'$  computata sine parallaxi, cum per parallaxin  
computata debuerit esse maior  $17.12\frac{1}{2}'$ . In hac igitur obseruata-  
rum altitudinum differentia contingere aliquid contrarium  
parallaxi : ac proinde recte se conclusisse fol. 201. hoc discriminem  
totum ex aliquo vel obseruationum vel calculi errore proficiisci  
oportere.

29. Respondeo et si verum est, hoc proficiisci ex obserua-  
tio-  
num vitiolo ; quod scilicet differentia obseruatarum inuenta  
est, non maior quam  $17^{\circ} 9'$ . ut volebat positio Parallaxeos, sed  
minor potius  $17^{\circ} 6'$ : Claramontius tamen nec veram rei causam,  
adduxit ( putans hoc ideo fieri, quod Tycho in visi, versetur )

nec errorem hunc suopte Marte animaduertit, sed transscripsit ex ipso Tychone fol. eius 139. non intelle& tam rem : non enim veluti in suum commodum hoc allegaret, quod est eius intento è diametro contrarium. Quantò enim minor est deprehensa differentia Observatarum, quam computatarum, tantò validius destruitur omnis omnino Parallaxis.

30. Sed Claramontius furentis instar, non dubitat, vel seipsum laedere, dummodo hosti noceat. Sat habet si Lectorem non intentum ad totum negocium saltem in extrema particula pascat inani specie, quasi hoc ipse ex propria sapientia deprompsierit, ignoratum scilicet Tychoni, quod ipse tamen vltro fateatur, & excusationem facile mereri dicit ; siquidem in prima observatione uno scrupulo in altera duobus, sensum falli procluefuerit: vel potius occasione refractionis, quæ maior fieri soleat in decliuore altitudine quam in aktiori.

31. Iamque totus Claramontii verborum impetus est effusus, neccum tamen pertulit iustum: supplendum est meis verbis quod ipse reliquum fecit ad mentem explicandam. Ergo, vult dicere, si vel obseruatio vel refractio vitium fecit, nihil hinc extruere potest Tycho, non potest his adeò fallacibus indicibus confutare parallaxin: quinimò potuit vel obseruandi error vel refractio tanta fuisse, vt superaret hoc discriminem trium minutorum in tantum, vt de excessu fieri possit parallaxis maior Lunari ? Hæc cine igitur illationis tuæ, Claramonti, mens est: aut hæc est, aut nulla est.

32. At immane, quantum adhuc absis ab isto scopo. Primum enim et si de tribus minutis habes facilem Tychonis confessionem, nondum tamen de sex vel septem habes. Est suus obseruationibus singulis modis, intra quam se continet, quicquid errari potest. At nisi obtineas sex vel septem minutorum esse peccatum obseruationum, adhuc parallaxeos, Lunari æqualis indicium nullum erit.

33. Deinde tres hi scrupuli, quos Tycho permittit obseruationum incertitudini, à duabus causis sunt. Pars enim est ab ipsa obseruandi difficultate, quod constitit ex prima, in qua

cum

cum dimidia hora distarent momenta obseruatæ & declinationis & altitudinis , cui dimidium scrupulum augmenti declinationis competebat , discrimen tamen inuenitum est altitudinum vnius minuti in contrarium eius , quod factura erat Parallaxis. Hæc refractio nocuit in tanta altitudine 36. graduum. Fuit igitur id discrimen sane ex obseruationum vi-  
tiolo.

34. Veruntamen ea ipsa re comprobatur earum fides de cæ-  
tero, quod maior non deprehenditur hic dissensus.

35. Pars residua de tribus scrupulis, est attribuenda secundæ  
obseruationi, estque ex Refractione potissimum. Radius enim  
à sidere, in 19° gradu altitudinis versante, proficiens, iam refrin-  
gi incipit.

36. At eam refractionem, quinque sex vel septem minuto-  
rum esse in hac altitudine Tycho in suo loco nunquam depre-  
hendit. Nihil igitur habes, Claramonti, quod in subsidium Pa-  
rallaxibus petas ab huius refractionis excessu supra 1. vel 2. mi-  
nuta, cum minor illa omnino sit 2. minutis.

37. Nituntur obseruationes huiusmodi quamuis subtiles,  
sua multitudine & consensu; vt quamuis singulæ sollicitum ha-  
beant Lectorem, quin & artificem ipsum initio: iunctæ tamen  
fiduciam acquirant in acie consistendi, vt de notionibus uni-  
uersalibus philosophatur Aristoteles.

38. Denique si cui minus firmam fidem faciunt istæ subtili-  
tates, de loco Cometæ supra Lunari: cogitet is, & in hoc mo-  
mentum esse non leue, si per huiusmodi obseruationes, vt cre-  
bro inculcat Tycho, propinquitas ei terrarum maior adima-  
etur. Quid enim ? Quinquaginta millibus milliarium Ger-  
manicorum in profundo ætheris distat à nobis Lunaris glo-  
bus : quantulam huius spaciï partem occupat altitudo aëris,  
& si placet ignis sphæræ ? Nonne summa nubium altitudo de-  
cem stadiorum est ? Nonne concedit Aristoteles, raptum com-  
munem totius machinæ cœlestis , usque in aërem pertinge-  
re ? Quantulum igitur discrimen esse putas inter ætherem,

qui supra Lunam & illam sub Luna, millia, si non quinquaginta, aut quadraginta nouem, & præterea nongenta nonaginta nouem singula: aut sunt sola quadraginta nouem millia? Et si Cometæ semel eripueris patriam istam elementarem sanè quā humilem, si saltem ad dēna millia eleuaueris: quid porro intererit ad integratatem disciplinæ Physicæ, supra Lunam ipsum locaueris an in sublunari æthere?

39. Hoc igitur commodi consequi possunt ex hac minus principali Tychonis demonstratione, illi ex Claromonte Peripatetici, vt si circa minutissima sunt nobis Astronomis minus creduli, si, vt lippi oculorum, sic hi, mentis imbecillitati diffisi, dæribus manifestissimis dubitant; saltem Lunæ confiniis Cometas admouere assuescant: si muscam nequeant, at trabem saltem conspicentur.

40. Priusquam hanc Tychonis comprobationem missam faciat Claramontius, regerit nobis fol. 201. In hac ratione supponit motum Cometæ regularem; quod abunde iam refutauerit ipse.

41. Sufficeret inanem gloriationem reiicere, vera exprobatione repulsæ, quam est à me passus: at illud auget huius imbellis pugnæ dedecus, quod iam hæc Tychonis ratio nequam detrectat irregularitatem viæ per parallaxin inducitam. Ei si enim sumit augmentum declinationis ex regula: at illud postea transformat in irregularitatem tantam, quantam postulat quælibet supposita parallaxis.

42. Ad extreum Scipio tyro, Tychonem veteranum docet arma tractare: subtilitatem illi minutiarum paucularum exprobrat; pro differentiis parallaxium, parallaxes ipsas totas requirit, exemplum Ptolemæi proponit; quid seipsum miser cum minutiam paucis exponat contemptus;

43. Nimirum alii egregii bellatores, qui parallaxes quatuor, quinque sex graduum cum statuissent, institutum tenere non potuerunt, magnis & vanis & que ausis exciderunt. Detur Cometa perennis, cuius motus verus circularis & uniformis, constanti angulo ad Eclipticam inclinatus, qui crebro eandem viam recurrat, quod de Luna sæculorum consensus testatur:

non defuturum est Astronomiæ consilium.


44. Quinimò dentur solum obseruationes à locis longius dissitis, obseruetur aliquis Cometa eodem momento, tam ad Promontorium bonæ spei, quam in Nordvvegia, locis sub eodem Meridiano sitis; iam Tycho demonstrauit in comprobatione antecedenti, quid fuerit facturus.

45. At Scipio hæc iniqua postulata proponens demonstrat, se ingenio nequaquam esse parem, neque capiendis huiusmodi demonstrationibus, neque æstimandi præstantiam ingeniorum, qui cum totalibus parallaxibus excluderentur, paucolorum tamen scrupulorum veluti remigio, viam per niuum hoc mare & affectare sunt ausi fortiter, & inuenerunt fœlicissime.

*Ad Caput XVI. folio 202.*

*Et XVII. fol. 206.*

1. HACTENVS in Schemate Tychonis Cometice. fol. 147.  
ex latitudine loci ZH Azimutho AZO & complemento altitudinis Cometæ ZO, quærebatur complementum Declinationis HO, aut vicissim ex complemento declinationis HO, latitudine loci ZH & Azimutho AZO complementum altitudinis Cometæ ZO, & additis ad altitudines parallaxibus, aut ablatis, pro re nata, veræ vel visæ efficiebantur altitudines,



& cum obseruatis comparabantur, vt de quantitate Parallæeos iudicium ferri posset.

2. Atiam Tycho Regiomontanum sicutus, nec quicquam initio de Parallaxibus supponens, ad eas eruendas via directa graditur, ex duobus iterum eiusdem diei momentis in plaga

cœli occidua, in quorum utraque Cometæ tam Azimuth quam altitudo fuerit obseruata.

Altero igitur momenso rursum ex latitudine loci Z H, Azimutho AZO & complemento altitudinis Cometæ ZO quaerit Declinationis complementum HO, & simul Elongationem à Meridiano ZHO, denique etiam angulum HOG, quam complementum altitudinis ZO facit cum HO, declinationis complemento. Quia verò incertum est, num Cometa in eodem loco sub fixis O sit, quando in alterius obseruationis statione M obseruatur, & quia siquidem Cometa parallaxin fecerit, puta ex G in O, tunc translato vero loco G in verum L, locus visus Cometæ M, certo inuenitur sub eodem Azimutho ZL, ideoque totum triangulum HOG deducitur ad locum obseruationis alterius per subtractionem interualli temporarii OHN ab OHA, vt HN sit æqualis ipsi HO, & HL ipsi OG, & HNL, ipsi HOG. Nam si nullus committitur error, neque in interuallo temporis OHN neque in Azimuthis AZO, AZM, eorumque differentia OZM obseruandis, tunc illa utique alternis non dissentient ab inuicem, sed O loco Cometæ viso deplato in N per angulum OHN datum, et G locus Cometæ verus per æqualem angulum GHL translatus in L, certo incidet in verticalem obseruatum ipsius M loci visi. Nisi hoc sit, error erit in alterutra obseruatione vel temporum vel Azimuthorum.

Dato igitur ZHN per applicationem NHO interualli temporis ad ZHO obseruatum & HN æquali ipsi HO inuento, & ZH: inueniturZN loci N, iam vacui, distantia à vertice, quæ debet esse maior distantia Cometæ à vertice obseruata ZM, siquidem Cometa sensibilem habeat parallaxin. Hoc igitur si fiat, tunc porro quaeritur etiam Azimuth AZN necnon & angulus ZNH. Adhunc angulum comparatus LNH, qui est æqualis ipsi GOH, notum facit angulum ZNL. Similiter ad angulum AZN, iam inuentum comparatus AZN obseruatus, id est, AZL, notum facit angulum LZN, Tribus ergo datis in Triangulo LZN inuenitur & latus LN, æquale ipsi GO. Cometæ Parallaxi in O. Si etiam ZL quaeratur & à ZM obseruata

altitu-

altitudine subtrahatur, datur Parallaxis LM, quando Cometa est in M.

3. Ita per hanc secundam altitudinem Z M poterit explorari obseruationum fides. Nam habita parallaxi GO, quæ competit distantiæ à vertice Z O, iam vltro computari potest etiam Parallaxis LM, competens distantiæ à verticæZN, quæ conuenire debet cum ea quantitate, quæ ex triangulo LN Meliciebatur: nisi fecerit, obseruationum imperfectionem arguet.

Hunc processum Claramontius Capite xv i. suo more com- memorat: Capite verò xvi i. se contra illum accingit. Quid igitur contra excipiat operæ premium est videre.

1. Initio obseruo nihil iam illum de motus irregularitate, ni- hil de specie motus tortuosa obiicere, quamuis & hic Tycho miscuerit motum Cometæ proprium necessariò. Metuit sibi nimirum ab acumine Regiomontani, ne imprudens incurrat in ea, quæ sunt ab hoc authore bene constituta. Tychonem supra nullius pensi habuit, nec tanti fecit demonstrationes eius proprias.

2. Deinde, quod instantias ipsas attinet, vnicam Claramon-*fol. 207* tius affert à Refractione desumptam. Non sufficit liber Primus, nondum exhaustus est Claramontio omnis cognitionis in hac materia penus: tantum superfuit Corollariorum, quod quatuor aut quinque facies impletet. Summa est: fieri posse ut Refractio aliqua intercesserit Parallaxibus, quæ contrarium eius præstiterit, quod facere solet Parallaxis.

3. Rursum igitur à *Possit ad Eſſe*. Si nihil affers aliud Scipio, nunquam conficies, ut Cometas sub Luna agnoscamus, quod in titulo libri polliceris te demonstraturum: suprâne sint an infra, semper dubitare nobis per tuas has conclusiones licebit, et iamsi eas tibi citra intercessionem largiamur, ut demonstratas.

4. Quod rem ipsam attinet, verum est, officere refractio- num suspicionem, quo minus in Cometa adeò humili, possimus obseruationibus ad omnē subtilitatē fidere. Tres sunt hoc loco Tychonis operationes in quarū prima Cometa in consideratione

priori M fuit altus  $28^{\circ} 56'$ . in posteriori O fuit  $12^{\circ} \frac{1}{5}$  gradus altus; Huic verò altitudini competit ex Tabula Tychonis refractione ordinaria  $4\frac{2}{5}$  minutorum; cum in priori fuerit altior quam ut refractionem pateretur. Nisi ergo simul instrumenta, in observatione vtraque tandem peccauerint in partes contrarias, bina scilicet vtrinque minuta circiter, sic ut prior altitudo obseruari debuerit  $28^{\circ} 54'$ . posterior  $12^{\circ} 14'$ . quod facile largitur Tycho, præsertim quia obseruatio temporum demonstracionem simul ingreditur; tunc hoc processu in prima operatione parallaxis aliqua colligeretur. At cum sint operationes tres, ut dictum est; quærela hæc in secunda & tertia non occurrit: præterea que non est hoc argumentum fundamētale, sed quod disertè testatur Tycho, excutitur tantum in gratiam Regiomontani, & ut ostendatur consensus qualiscunque diuersorum argumentorum. Quam ob rem neque censuit Tycho necessarium, ut totam methodum absolveret, sed ibi constitit, vbi res ad impossibile redibat: cum tamen potuisse supponere aliquid tanquam obseruatum, quo supposito, dabatur progressus ad finem demonstrationis.

5. Cum igitur Tycho id intermiserit: libet hic eius loco continuare processum Regiomontani, vbi Tycho destitit, supponendo priorem altitudinem fuisse visam non  $28^{\circ} 56'$ . sed  $29^{\circ} 0'$ . Complementum ZM  $61^{\circ} 0'$ . Nam et si Refractio non priori, sed posteriori altitudini nocere potuit, restamen reddit eodem modo diuellantur ab inuicem altitudines: Est ergo sol. 150. TychonisZN inuentus  $61^{\circ} 4'$ . & ZH erat  $34^{\circ} 7'$ . & HN  $76^{\circ} 21'$ . Et ZHN est  $5^{\circ} 8' 3''$ . inuentus. Ut vero in sinibus ZN ad

---

$\begin{array}{r} 16424 \\ - 13332 \\ \hline 3092 \end{array}$ $\begin{array}{r} 2865 \\ - 57825 \\ \hline 5957 \end{array}$ $\begin{array}{r} 60917 \\ \hline \end{array}$	$\begin{array}{r} 3092 \\ - 57825 \\ \hline 5957 \end{array}$ $\begin{array}{r} 60917 \\ \hline \end{array}$
---	---

---

sic HN ad AZN  $70^{\circ} 25'$ . sic etiam HZ ad HNZ  $32^{\circ} 56' 26''$ . Inuenit verò Tycho HOG, id est HNL  $35^{\circ} 0' 4''$ . Ergo ZNL residuus est  $2^{\circ} 3' 38''$ . In triangulo igitur ZLH datur ZN  $61^{\circ} 4'$  ZNL.  $2^{\circ} 3' 38''$ . & NZL. Nam AZN erat modo  $70^{\circ} 25'$ . & AZM vel AZL obseruando est inuentus  $70^{\circ} 15'$ . Ergo hoc substracto manet NZL  $0^{\circ} 10'$ . Cum hic

hic angulus sit adeò par-  
uus manifestū est, quod  
ZL, LN iuncti non  
multum superentZN.

61. 4' Nec complemen-  
tum ipsius

ZLN	multum
superabit	iunctos
LZN, LNZ.	

13332

589000

602332

324780

277552

Vt igitur sū

ma 2 13' 38". ad latus ZN, sic LZN ad latus LN  
fere: quod fieri 3 54' circiter graduum. Et ZL circiter 57.10'.  
Atqui etiam ZM ponebatur obseruata 61° 0'. Ergo LM Pa-  
rallaxis in M. esset 3 50' in O. 3.54'. utrinque fere æqualis,  
quod fieri non potest. Nam si fol. 143.

Tychonis, Angulo BFD existente  
77.48'. FDA est 3 54'. tunc AD ad  
AF erit vt 14. ad 1. quare posito iam  
BFC 61° 0'. fieri FCA parallaxis su-  
perior 3.29'. Viginti scrupulis minor  
quā ex obseruata altitudine prodiret.

266035

2284

263751 -- dat 140.666

13397 \*

277148 \*

6. Hunc ergo processum ideo continuaui, ut appareret, ve-  
rum esse quod Tycho de eo scripsit fol. 145 r. 1. 156. Ex minimis  
maxima strui. Nam ex differentia inter ZN & ZL vnius  
minuti sequeretur parallaxis LN 24'. minuta sequeretur in-  
quam si standum esset huic calculo, & si sanus esset angulus  
LZN, duabus diuersi generis obseruationibus non satis inter  
se consentientibus, expressus. Itaque non tantum in minimis  
parallaxibus, quod Tycho dixit, demonstratio ista locum non  
habet: sed ne in magnis quidem, de quibus Tycho concedere  
Regiomontano paratus erat, securitas vlla speranda est. Breui-  
ter, temporarii interualli tantus consensus cum Azimuthis ab  
obseruatoris diligentia sperari non potest, ut vtraque simul in  
eadem demonstratione possint misceri, alterumque ex altero,

quod demonstrationis Methodus postulat, ratiocinando colligi, & eum obseruatis proximis, angulorum LZN, LNZ, constitutendorum causa comparari. Nam in horum proportione e angulorum summa rei versatur.

7. Longè præstabilius esset, dimittere interuallum temporis, & ex Azimuthis obseruatis eruere declinationes, aut dimissa alterius Azimuthi obseruatione, per interuallum temporis constituere Azimuth alterum. Tunc enim ex comparatione declinationum posset iudicium fieri paulo certius de parallaxi.

83. 40.	-	612.
77. 48.	-	4284 - 155436.
76. 16½.	2896	- 143860
27. 2. 34.	- - -	11576
34. 7		
7. 4. 36	- - -	764
76. 23	-	144624

70. 15	-	6062
61. 4	-	13332 - 72610
55. 28½	-	19394 - 56738
31. 26	- - -	15872
34. 7		
65. 33.	- - -	88213
76. 25. 20.	- - -	144951.

nihil est. Et de huius calculi continuatione & transformatione hactenus.

8. Nunc ad institutam solutionem instantiæ reuertar. Igitur nisi concedamus, Cometam in posteriori consideratione refra-

Hoc insinuat Tycho folio 156. Mentione Paralleli Cometæ. Ut in altero Triangulo complemetum Declinationis HO est inueniendum ex obseruato Azimutho 6.20'. & altitudine 12.12'. Inuenitur autem 76.23'. Et in superiori triangulo, similiter obseruatum est Azimuth 19.45'. altitudo 28.56'. Hinc complemetum Declinationis inuenitur 76.25.20'. At qui debebat ibi esse 76.23.20' quia illo secundo momento declinatio ad analogiam Motus diurni Cometæ proprii maior fuit facta 2 minutis quam hoc primo momento. Non tantum ergo nihil sic relinqueretur parallaxi, sed insuper etiam circiter semissem ut trientem minuti abiret in contrarium, refractione vel obseruandi subtilitate excusandum: quanquam id pene

refractionem esse passum: non poterit argui ex his obseruationibus, si certissimæ supponantur, aliqua parallaxis. Certè Parallaxis, ipsi Lunari æqualis, multo maiorem fecisset differentiam. At concessa refractione 3. vel 4. scrupulorum quam non vici-  
sim compensauerit errorculi obseruationum: tum vt cœpi su-  
pradicere; ex hac quidem prima operatione, sequetur aliqua  
parua Parallaxis; habeat hoc Claramontius: quantis per in pro-  
cessu Regiomontani manet. Sed quomodo probabit, omni-  
no fuisse hoc posteriori momento in tantum refractos Come-  
tæ radios? Maiores quidem fixarum Refractiones Tycho in lo-  
co suo non reperit; at minores contingunt sæpe, præsertim die-  
bus serenis. Hæc ad primam operationem.

9. Secus est cum duabus reliquis. In his enim Cometa fuit  
altior quam in prima operatione, & in ipso limite, vbi desinunt  
Refractiones. Et tamen in iis recedit res in contrarium ipsi Pa-  
rallaxi. Nam quod contingit, si procedamus cum Tychone se-  
cundum præscriptum Regiomontani, contingere etiam mul-  
to certius si simpliciter indagaretur parallaxis declinationis, vt  
egi in hoc transformato processu feci. Cum igitur Refractio in  
his non potuerit excedere minutum, de ea nihil relinquatur pa-  
rallaxi: Tycho sane ne hanc quidem diuersitatem binarum eius-  
dem diei obseruationum in his duabus posterioribus operatio-  
nibus rigidè asscripsit Refractioni, sed dubitanter, vel in ratio-  
nes obseruandi Mechanicas, reiecit fol. 154. vel in Refractiun-  
culam illam quam Cometa in altitudine fuerit passus, fol. 155.  
quæ verba Claramontius exscripsit.

fol. 210.

10. Quid ergo tibi superest Claramonti, ex hac tua Refra-  
ctionum inculcatione, quod Cometam parallaxi imbuat, quod  
Ætherem vanescientibus corporibus liberet? Tycho, inquis,  
ipse concedit, vt possibilem, Refractionem vnius minuti, ergò,  
infers in Corollario secundo, & potuit esse Refractio quinque fol. 208  
minutorum, aut plurium (quo profundius sub Lunam collocas  
Cometas) & constat ex ipso Tychone omnino fuisse tantam,  
quæ non tantum parallaxin absumperit, sed etiam supra eam  
aliquid superfluū peccauerit: & omnino Refractionem, quæ

cunque fuerit, Parallaxis sola sibi vindicat, nihil interceptum de ea fuit ab incertiudine obseruandi. Tanta omnino te mole moues in enunciatione consequentis tui.

ii. Videsne autem quid responderim? Repetamus. Cum tres sint operationes: in prima quidem concedit Tabella Tychoonis Tomo I. Progymnasmatum, concedit inquam in genere 4, ad summam scrupulorum Refractionem, in secunda & tertia concedit Tycho his in particulari obseruationibus vnius fortè minuti refractionem, at neutrobius omnino stabilitatam. Hæc ad antecedens. Ad consequentias verò: quamuis stabilisset Tycho tantam Refractionem, nondum tamen æqualis conceditur diminutio altitudinis irrefractæ; potuerunt enim instrumenta (quibus tunc Tycho usus fuit, nondum ad tantam perfectionem elaboratis, ut posterioribus viginti annis) potuit obseruandi ratio in operatione priori binis vtrinque scrupulis peccare, quod citra confessionem maioris alicuius erroris facile Tycho largitur; quo errorculo concesso, (vt is quidem omnino detegitur, si dimissa via Regiomontani, quæramus declinationem) rursum eripitur parallaxi, quod Refractio illi videbatur in operatione prima largiri. In secunda verò & tertia operatione, ne quidem si sola Refractio culpam sustineret, certissimis ad unguem instrumentis, & obseruandi actibus, quicquam ex hoc vicino minuto lucraretur Parallaxis; quia hic res ad impossibile recideret.

fol. 209

12. Illius verò deconsequente partis, quæ ex Refractionis vnius minuti concessione ad magnum eorum numerum procedit, omnibus modis nego consequentiam. Nam et si alius fortè terrarum locis, & sub certa constitutione auræ, refractionem magnitudine insigni contingere posse, Scipionis Corollario I. concesserim: Nunquam tamen obseruauit Tycho in loco suo Refractio fixarum maiores, & tantas quidem, quantum sufficiat Claramontio ad demonstrandum Cometas in aëre esse. Nimium hic peccat temeritate corollarium tertium authoris, affirmans *incertum, & fluctuans & plerunque falsum esse, quod absque consideratione Refractionis enunciatur*. Nam et si magna refractio

con-

contemni non debet; at parua potest aliquousque. Et scimus, hic magnam non fuisse.

13. Denique si, vel in uito Tychone, sum pserit hoc Claramontius, possibilem fuisse Refractionem pro lubitu magnam, nondum tamen obtinuit & actu fuisse hac vice tantam; quod & initio huius solutionis cepi dicere.

14. Multo verò minime obtinuit, quod tanta cum securitate noscitur & patientia affirmare non dubitauit: *Constat scilicet ex ipso Tychone, quod Parallaxis omnis huius Cometæ, intellige magna a liqua, à Refractione fuerit absorpta; præterea que de Refractione adhuc integrum minutum superfuerit.* Gratis tu hæc tibi sumis, Scipio: Minutum vnum ob refractionem abundasse concedit Tycho, non in parallactica aliqua magna, sed plane in vera ad sensum altitudine.

15. At enim verò dices, tantumne dogma tam infirmis superstrui firmamentis? cum & detur possiblitas Refractionis, & Tycho ipse negotium hoc agnoscat valde *subtile* (non *futile*, ut Claramontius fol. 210. transscribit.)

16. Evidem si de uno vel altero pede, decempeda, iugero, milliari, quin imo si de una aliqua semidiometro terræ ex magno illarum numero reiicienda vel addenda controuerterimus, nihil afferret momenti in partem ullam, solitaria isthę argumentatio. At nunc de sexaginta terræ semidiometris agitur, cis an ultra Cometa constiterit: nec solitaria est hæc argumentatio, nec familiam dicit.

17. Sed cum Tycho noster id, quod contendit, sufficienter (fol. 144.) arbitraretur demonstratum esse in aliis antecedentibus comprobationibus (quas hactenus ab instantiis Claramontii vindicaui & firmas esse demonstrauui) tandem etiam hanc Regiomontani Methodum ad unxit, causa comprobationis non primaria, sed tantum *ulterioris*, & ne vel ignorasse, vel data opera *præterisse* atque neglexisse eam videretur. Hoc proposito operaciones auspicatus, non plus etiam de iis affirmauit in conclusione. fol. 151. Satis, inquit, liquido constat ēt per hanc Regiomontani viam, Cometam hunc omni sensibili caruisse Aspectus diuersi-

tate. Quæcunque enim huius magnitudo fuerit illi concedenda , omnis illa per obseruandi conditiones , seu Physicas , seu „ Mechanicas fuit oblitterata. Itaque sufficere sibi , dixit Regio- „ montani viam , quamuis huic negocio minus accommodam , „ idipsum tamen quod prius comprobauerit plenius conte- „ stari. Et fol. 156. Non quod per hanc Regiomontani speculatio- „ nem aliquid certius , quam in antecedentibus enucleare spera- „ uerit , &c. vide totum locum.

18. Et quid multis ? deprehensus est hactenus Tycho circa suæ professionis materiam , author fide dignus , eluxitque in eo plurimus veritatis amor. Is igitur , quid de toto hoc negocio „ affirmet , audiamus , fol. 156. Aliis , inquit , plurimis experimentis , „ satis laboriose examinatis , quæ breuitatis causa omittit , se ex- „ pertum esse ; Cometam , quacunque Methodo examinatum , „ nullam tamen sensibilem habuisse Parallaxin.

19. Non minori dedecore finit Claramontius hanc pugnā , quam eam hactenus depugnauit. Postquam enim omnes ma- chinas contra hanc Operationem , ad Regiomontani præscri- ptum institutam , contorsit : tandem fatetur fol. 211. se illam non intelligere.

20. Egregium verò bellatorem , qui cum hoste pugnam con- serit in tenebris , nec eum prius extrahit in lucem. Fallor an ille non hosti , sed laruis occurrat?

*fol. 211.* 21. Quærit de eo , quod infert Tycho , quid ita ? Cur id ? Vo- ces sunt discere cupientium. Si ad pulpita docentium accede- ret , laudarem. At nunc respondeam dubito an stomacher ? Quid ? Tunc sine didactro discas ? Nec tantum sine didactro , sed cum impendio nostrilaboris , in extrudendo libro publico ? Ethocine discenti competat ? vt librum & ipse scribat publi- cè , cum Tychone expostulantem super iis , quæ ipse infelici- tate ingenii non capit ? vt principii petitionem , aliaque Tyro- num peccata , doctori discipulus , veluti pro authoritate Magi- stri obiiciat ?

22. Sed remittatur sanè discipulus ad explicationem su- riorem

riorem viæ Regiomontani. Ibidiscere poterit cur, cum  $ZN$  deprehendatur æqualis obseruato  $ZM$ , cur inquam ideo & ipsi vero  $ZL$  sit æqualis? Scilicet cum in altitudinis visæ complemento  $ZO$ , supponeretur parallaxis  $OG$  magnitudinis incognitæ, positum esse veræ altitudinis complementum  $ZG$ , & veræ declinationis complementum  $HG$ , incognita & ipsa: Proinde toto triangulo  $HOG$  translatio in  $HN L$ , sic ut  $L$  simul & in tempore tantum distaret à  $G$  quantum obseruatio indicauit,  $N$  distareab  $O$ , & in Azimuthalem  $ZM$  incideret, illum, quem alia socia obseruatio, eodem momento peracta, Cometæ ascripsit: hac inquam translatione facta, certè  $HL$ , rursum erit complementum declinationis veræ, quia æqualis ipsi  $HG$ : (nisi quantum interea declinatio veri motus proportione fuit mutata) quare necessario  $ZL$  iam erit complementum altitudinis veræ, &  $LM$  parallaxis. Cum igitur Tycho

per  $ZN$  inquisitus quantitatem  $NL$  (hoc est  $OG$ ) deprehendeat  $ZN$ , tantam esse, quam obseruatio dedit  $ZM$ , Cometæ viam distantiam à vertice: Ex hoc intellexit  $GO$  &  $LN$  (hactenus ignotum) plane esse nihil: proinde  $GHO$  vel

$LH N$  angulum nullum, & coincidere illic  $GO$ . hic  $LMN$ , in idem utrobique punctum. Sic enim  $GO$  fuisset aliqua parallaxis sensibilis; equidem  $GO$  in  $NL$  translata, iam  $LM$  fuisset sensibiliter minor: hunc enim morem tenet Parallaxis. At  $LM$  non prodit sensibiliter minor, sed æqualis ipsi  $LN$ , quippe uterque nihil. Ergo Parallaxis sensibilis fit nulla.

23. Dixeris verò, quantacunque sit  $LM$ , manere tamen triangulum  $ZLN$ , quippe figuratum, non per  $ZM$ , sed per Azimuth

Azimuth AZK, & per interuallum temporis LHG, vel NHO, mediante æqualitate ipsarum HG, HL, Proinde non posse coincidere puncta LN, vt pote angulos trianguli?

24. Nimirum hic apparet, quod supra dixi in repetitione huius viæ, ex hoc ipso argui, quod obseruationes binæ non exactè consentiant, altera interualli Azimuthorum, altera interualli temporum. Si enim vtrumque exactum, si angulus MZN 10' minutorum verè esset, sic vt LN vel GO, sit 3° 54'. tunc LM futuram fuisse 3° 29'. At nunc Tycho deprehendit, vt ex obseruatione applicata patet, ipsum LM, 3° 54' æqualem ipsi LN, vtrumque scil. nihil esse? & ego concessione refractionis 4' minutorum, inueni LM 3° 50'. Quare cum certus sit angulus HOG, translatus in HNL, & (subtracto ZNH certo) certus itidem ZNL, posito, igitur pede circini in z: & scripto per M Cometam arcu, secabitur eo arcu LN, Tychoni quidem in ipsissimo N puncto, mihi verò, dum pono 4' minutorum Refractionem paulò supra N. Ergò Tychoni tam L quam M, coincidunt in N, & totus angulus MZN, 10' minutorum, est devitio, hoc est, de aberratione interualli temporarii NHO, ab interuallo Azimuthorum MZO. At mihi Refractiunculam 4' minutorum ponenti, differunt puncta M. L. N. minimo, manetque angulus MZN fortasse sesquiminuti, manere vero posset 10' minutorum, si ZM, obseruando deprehensus fuisset, 60° 39': vt sic LM, 3° 29' & LN, 3° 54' esse posset. Ad cuiuslibet enim Parallaxeos positionem in O, vt saepius rem eandem dicam, sequitur commensa Parallaxis in M, quæ duæ ablatae ZO, ZM alternis, reliquunt ZG, ZL tantas, vt HG, HL, æquales esse possint: & tunc quælibet ZL demissa in LN, suum proprium constituit angulum, LZN; vt ita fiat is necessarius non liber, & ex obser-

*fol. 2II.* uatione petendus. Habet ergo Scipio, quod petisti, causam nempe, cur si ZN prodeat æqualis ipsi ZM obseruato, necesse sit ZL, ZN, æquales fieri, angulum scilicet LZN consumi penitus.

*fol. 2II. 225.* Quod denique non placuit tibi, calculum non esse deductum

ductum ad finem, à Regiomontano destinatum: iniquus rerum æstimator esse videris. Evidem aliis fortasse tui similis exprobrasset Tychoni ~~τελεγραφας~~ inutilem, si positis iis, quæ non dederat obseruatio, continuasset calculum nulli usui futurum. Habes tamen quod desideras à me supra suppletum.

26. Hæ ne igitur sunt tuæ Claramonti, clarae & solidæ solutiones Rationum Tychonis? quas ego tenebrarum & ignorantiarum plenas esse demonstravi; quas æstu veritatis ut glaciem penitus colligauim? Hoccine est peccata alterius detegere? peccata sua plenis libris publicè vendere? Hoccine est expoliare Tychonicas comprobationes gloria demonstrationis Atlanteæ, certitudinisque inuidæ Geometriæ & Arithmeticæ?

Quam illæ gloriam tanto illustriorem, tantoque latius apud Geometras & Arithmeticos propagant, defensæ, quanto furiösius inuaduntur? Hoccine sit fallas eas & fallaces deprehendere? si quis eas ne quidem intelligat? si hoc fateatur? si eas ad iudicii pusilli, nulloque in Mathematicis subtilioribus, usu exercitati conceptus examinet? Nam de *Pseudographo* vnico quid in re insit, quamque crimen hoc partim alienum à Tychone, partim nullius momenti sit, in ipso collectionis exitu: dictum est satis ad Caput XIII, à Numero 21. in 36. ut nihil sit opus multitudinis hic vocabulo assurgere. At verò te, Claramonti, pudeat veltandem, cæcus cum sis in his subtilitatibus, de aliorum videntium erroribus, in colorum aptatione iudicare: Pudeat te inquam, non ignorantiae, vulgaris illa est, nec omnibus damnsa, sed temeritatis, in professione philosophica turpissimæ: pudeat te morum viro graui indignorum, malignitatis scilicet in depravandis studio, vel benedictis, vel non omnino male; maledicentiae in calumniando, exaggerando, criminatingo, exprobrando. Aristotelemadi Principem, Peripatetice, quidque Philosophum à Mathematico, quo certitudinis dilectu, qua gratitudinis & amoris etiam in errantes significatione, quo veritatis obsequio, petere oporteat, si iuuenis contempsisti, vel senex disce.

27. Et hactenus quædam Tycho de solo Cometa anni 1577.

agit: de reliquis verò, qui suo æuo (id est, memoria sua) conspecti fuerunt, fol. 441. dicit, vel potius pollicetur, se toto Opere, puta non primo tantum Tomo de stella Noua, & secundo de Cometa vno, sed & tertio, de Cometis reliquis, siquidem eum quoque ederet, eadem demonstrare irrefragabiliter. Huius occasione inductionis, de pluribus suæ ætatis, indicat, se hanc concepisse sententiam, nullos vnquam Cometas sub Lunam venire: Rationes huius sententiæ pollicetur se dicturum alibi. Quid ad hæc Claramontius? Plenus calumniarum est, nihil intactum relinquit. *Tychonem, ait, extendere conclusionem harum suarum Rationum ad omnem omnino Cometam qui fuerit quique futurus sit.*

28. Iniqua mens, iniqua oratio. Non his, sed similibus harum probationibus, cuique Cometæ propriis, ait se demonstrare eadem de pluribus, quisua ætate fuerint; non defuturis, non de omnibus. At de omnibus iam ait se idem *animo presumere*, non ait se *demonstrare*: nam quæ lingua præceps adeò diuersa abit à mente, ut dicat se vidisse, quod non vidit, non visura est, parallaxes sc. Cometarum, qui præcesserunt, quique secuturi sunt? cū demonstrationum istarum principia sint obseruationes? Non dixit hoc Tycho, non voluit; non demonstrationes ex obseruationibꝫ iactat, veluti iam ablatas de omnibꝫ: sed rationes cur ita statuat de omnibus, in futurum demum tempus reiicit, alibi se indicaturum pollicitus. Ego verò, et si in diuersa ab illo sum opinione, nihil impedire ratus, quin etiam quandoque Cometa quispam propius terram, & citra Lunæ confinia, traiiciat. nihil tamen causæ video: cur, ipsum, philosophicè & omnino (quod requirit Scipio) physicè statuentem, rationesque pollicentem probabiles, acerbius exagitem.

29. Vniuersæ philosophiæ hoc est ingenium, ut axiomata vniuersalia primum ex inductione singularium nonnullorum, animo præsumpta, deinde paulatim stabiliantur, & fermentur, si nullum dissimile reperiatur exemplum. Quo in profectu sit, ut plurimæ conceptarum opinionum, veluti flores, in ipso ortu defluant; pauci, quos mulcent auræ, firmat Sol, educat imber, in pomum desinant.

fol. 211.

30

*Ad Caput XVIII. fol. 212.*

**D**ISPUTATOREM se initio professus Claramontius, inde paulatim incensus, denique in apertum hostem transit, nec vlla circumitione vtitur. Puerilia haec tenus erant probra ista, Rationes fallæ, inefficaces, non consistentes. Pandite nunc Helicona, paulo maior acanenti. Tycho in *obseruando indiligens, iactator dubia veritatis, id est, nulla fide;* Nimirum omnino mēdax, adeò, vt quia *semel malus, semper presumendus sit malus,* circa obseruationes, Nimirum *Obseruationes comminiscitur ad utilitatem & affectum suum, nimio scilicet amore suarum positionum & studio nimis acri conceptæ animo sententiaæ, Cometas cœlestes esse, ruit cæcus comminiscens omnia, inconstans est, nunc ait, mox negat.*

2. Dii tibi dent Scipio, quicquid solida virtute mereris, vti tute te ipsum; in hac Tychoni tributa persona, viuis depinxisti coloribus; nec potuisset Apelles melius, nec totus reliquus liber tuus, quamvis vndiquaque plenus huius tui ingenii. Dignum est Hercole caput hoc, quod non calamo Mathematici, sed duello refutetur, more veteri Germanico. Quod quidem duellum, si eius tibi copia vel à Brahei filiorum uno, vel à quocunque Nobili Dano vel Germano, super afferendo Tychonis nostri honore offeratur; repudiare, conditionem non, puto, poteris, cùm geminam personam geras, non tantum Doctoris, sed & Equitis: cum persona, super cuius honore controuertitur, è præcipua nobilitate, Danica sit, cum gens ipsa Braheorum Sueciæ Reges necessitudine contingat. At mihi interim cum Doctore res erit. Nam quæ mala verba ego in authorem suum retorqueo; illa sunt de Schola vtique, quippe ex Doctoris ore, è Scriptoris calamo primum profecta: nunquam puto, qui Equestrem dignitatem gerit solam, in hanc linguæ stilive intemperantiam sese profuderit. Quare meas has retorsiones, Equestris ordo splendidus, vt qui Claramontium non totum sibi vindicat, ad suam dignitatem, nihil pertinere meminerit.

3. Prima Tychoni obiicitur inconstantia, cū huius libri principio probauerit ex motus Cometæ tarditate, Cometam fuisse

supra Lunam, postea verò Rothmannus eodem argumenti genere ex motus Cometæ Regiomontani velocitate probaret, fuisse illum infra Lunam, Tycho Palinodiam cecinerit, negans hoc genus argumentandi illius esse roboris.

4. Atqui iam supra dictum, nunquam Tychonem ne quidem inter initia prima Operis, robur demonstratiuum, adscripsisse huic comprobationi, sed solum pro argumento probabili, illam venditasse. Quando ergo contra Rothmannum excipit, ratum, se hoc velocitatis argumento demonstrare scientifice, ubi fuerit Cometa; nequaquam sibi contradixit. Atque ego ipse, et si valde moueor velocitate Cometæ Regiomontani, ut negare non audeam, eum sub Lunam venisse: non ausim tamen ne affirmare quidem, id omnino necessariò confici. Nam cum etiam in cœlo motus nunc intendantur, nunc remittantur, quid mirum, extraordinarii alicuius sideris motum extraordinario velocitatis intendi modulo, ut quamuis supra Lunam sit, triplo tamen & amplius sit ipsa Luna velocior? Quanto magis hic Tycho assensum ab hac probabilitate retrahere debuit, cum fuerit sibi conscius, facultatis longe exactioris, demonstrandi locum sideris, per parallaxes? Ad cautionem equidem hoc pertinet, sane quam necessariam, ne, si quando in Cometa veloci nulla appareret parallaxis, Rationes Tychonis superpatæ inter se depugnarent, cum authoris ludibrio, si eam, quæ probabilis saltem est, concessisset Rothmanno, ut necessariam.

5. Vt non dicam, quod videri vtique possit alicui, probabilitatem consecandi, Cometas ex tardo quidem motu supralunares recte probari, ex veloci vero non æque sublunares. Fuit enim illius Cometæ, Regiomontani motus valde inæqualis; qui que erat in medio velocissimus, ab initio tardus, & in fine quoque est factus paulò tardior & omnino tardissimus. Qui igitur initio & fine probabiliter supra Lunam creditus est, in medio quoque supra fuisse videri potest: ne cogamur, traiecti nem concedere & ex æthere in regionem sublunarem, & vicissim; quod refudit Tycho, suas rationes secutus: mihi absurdum

non est. Ita non sequitur, quod, qui prius extarditate locum supra Lunam est coniectatus; is, si postea neget, ex velocitate sublunarem probari locum, propterea sibi ipsi contradicat aut sententiam mutet.

6. Sed Claramontius omnibus verbis odia illinit, ut venena sagittis; *Palinodiam*, ait cecinisse Tychonem. Quid si emendasset in posterioribus sententiam, veluti initio non satis expensam, quod nec fecit, nec necesse habuit? Num hoc in philosophia dedecus est, verbis æquiparandum illi dedecori, quod Claramontio iura omnia imponunt, ut qui Tychonem dubiæ veritatis & fidei & deceptorem pronunciauerat, iam dilutis criminibus, veracem fateatur, iniuriæ illatæ confessionem edat?

7. Secundum crimen ingeritur Tychoni, quod *grauia criminis animi* sæpe in Aristotelem erumpat. fol. 212.

8. Nulla fuit Tychoni res cum Aristotele ipso: quicquid acerbatis elucet ex Tychonis oratione, cum de Philosophia agitur Aristotelica; totum id inturbam dirigitur sectatorum Aristotelis, qui contra quam Aristoteles est solitus in suos antecelfores, contraque quam ipse sibi arrogauit, iurarunt in verba Magistri; qui vt oves, stupidum pecus, ducem sequuntur, etiam cum de rupe is se in præceps agit; qui non seipso tantum, hoc inepto Magistri studio decipiunt, sed ne alios quidem, si ius habent cathedræ per Academias, patiuntur eluctari ex ignorantia communi: qui, vt Claramontius iste, quicquid altius aliquid captu suo sapit, si rationibus non possunt, saltem verborum probris protelant.

9. Huiusmodi moribus hominum Tycho, veritatis, quam authoritatis, obseruantior, infensus; non mirum, si cum ætate, crescentibus negotiis, paulò euasit morosior: si fiducia artis sue nixus, tardius cedentes impulit, commotus; pertinaciter obloquentes, increpuit importunius; fastum quorundam, variamque artis iactantiam sub verborum comitate latitantem, retudit liberiori oratione: denique si Magister superciliosus est, veluti in discipulos. Infelix equidem iuuentus, quæ vitiorum

magis in doctoribus quam doctrinæ memor est : ingrata quæ beneficia profecta à volentibus , rependit exprobatione eorum, quæ exciderunt nolentibus.

10. Tertio loco commemoratur *excedens in Tychone positio-*  
*num suarum amor, & acre studium tuenda sententia, de cœlesti Cometæ*  
*loco.*

11. Atqui position non est nuda , quæ demonstrationibus est  
 suffulta: quæ cum ob id à veritatis stet partibus: nullus equidem  
 eius amor modum *excedit* nulla viro forti probrofa est , in *tuenda*  
*ea*, constantia. Hic est ille laudabilis *affectus* , qui vrget omnes;  
 quos coelestis sospitat genius : ut quod ipsi didicerunt, *aliis ven-*  
fol. 212.  
*comminiscendum* quicquam primum non reddit: Veritas seipsa tuta  
 est, *commentis* non indiget. Ut qui dulciariis vescitur sal interim  
 respuit: sic si cuius animus assuevit vero, ei nulla vnquam ex fal-  
 sa assertione scienti venit voluptas.

12. Quæ Tycho vel *commentus* sit, vt tu , vel scientifice com-  
 mentatus , vt ego ad defendendum hoc commune iam philo-  
 sophiæ dogma , dari in cœlo noua corpora : non æquum est,  
 Lectores, ex tuis vaniloquiis discere: non etiam opus est meis, si  
 quis dubitat, tuorum refutationibus, loquantur ipsa proau-  
 thore suo opera, cohibeat verò os Claramontius , iudiciumque  
 Lectoribus sese exercitatiōribus permittat.

13. Et tamen vir egregius Claramontius, hoc iam capit is ex-  
 ordium , dii boni quam Mathematicum , traducit ad causam  
 Observationum: primum scilicet argumentum dixit , cur cre-  
 damus , Tychonem comminisci observationes in hunc finem,  
 vt positionem defendat , quia de 13. & 24. Nouembris varia-  
 uit.

14. At verò summum hoc ipso in loco Tychonis candorem  
 in referendis & discernendis suis Observationibus fœdissima  
 calumnia denigrari, supra demonstrauit ad Caput XIII. primis  
 12. Numeris, Reuertere eodem Scipio , & quoties calumniam.  
 hanc, vt cramben terque quaterque recoctam ingeminas : to-  
 ties erubescet.

15. Non nego Tychonem ipsum, inter suas ipsius eiusdem rei observationes interdum aliquod tenuisse discrimen, inque una potissimum observatione Lectoribus commendanda, iudicio usum: sed nec hoc nego, potuisse illum in hoc iudicio, quod circa minima occupabatur, falli: praesertim si studiosorum aliorum opera esset usus.

At quicquid huius fuit ex mero candore, mero veritatis studio profectum fuit, studio vero & exproposito illum voluisse decipere Lectorem, ut sua placita stabiliret, id vero verè piaculum mihi est, concedere cuiquam.

Nec enim quicquam illi placuit unquam, in quod vel minimam falsitatis suspicionem coniecisset: nec si quando falso aliquid opinionibus suis, dudum conceptis subesse posterius didicisset, ab ingenua retractione & correctione abhorruit.

Id adeò crebris & evidentibus demonstrari potest documentis: ut Claramontius hoc ipsum ei in crimen inconstantiae passim imputet.

Nulla hinc macula fuit aspersa Tychonis observationibus: nihil super iste repudet posteritas, libri ipsi observationum plerique in saluo, inque mea custodia sunt: diuino monitu Tycho sic eas muniuit, instrumentorum varietate, vicuum repetitione, dierum continuatione, copia denique ipsa, ut locus calumniis huiusmodi hostilibus relinquatur nullus, fidemque illæ apud posteritatem mereantur, omni humana maiorem.

Atque ego, qui hactenus, inde ab excessu Tychonis per annos 23. earum testis & custos fui penè unicus, iam dudum in id enitor, ut Cæsare sumptus faciente, libri observationum, thesaurus nimis antiquitatis in arte nostra pretiosissimus, sub mea aliorumque fide dignorum inspectione & correctione multiplici, bono aliquo numero Exemplarium excudantur, ea queratione tutius, & minori interitus periculo, nec minori fide, quam sunt Autographa ipsa, ad posteritatem transmittantur.

16. Prima hac calumnia depulsa, iam porrò secunda exceptionis nullius est momenti. Septentrionalem aërem satis esse crassum, & nebulosum, refractiones magnas; saepe enormes seu irregulares; minorem obseruationibus fidem habendam sub hoc cœlo habitis, quam sub puro & tenui.

17. Enim verò audire mihi videor locum ipsum super hoc conuicio sibi factō exclamantem, illudque regerentem; nullum ad hanc usque diem tam subtile ingenium protulisse cœlum illud Italiæ purum & tenuē, quod nobis indicare, vel potuerit, veletiam generoso animi impetu attentauerit, quantæ, quamvè constantes sint in Italia Refractiones. Quid igitur Scipio absens, de cœlo Cimbrico dicere possit, contra Tychonem sub eo natum? qui viginti annorum obseruationibus pene continuis, tantam sibi comparauit cœli sui experientiam, quantum Italici cœli Scipio comparabit nunquam.

18. Landgrauius ex Epistolis ad Tychonem in societatem huius obiectionis adducitur.

19. At æquum erat, ut Claramontius etiam ad illa attenderet, quæ Landgrauio Tycho respondit. Maiores sane ut plurimum in Insula Huenna refractiones deprehendit Tycho, ab aëre maribus superfuso, quam Landgrauius suas, ordinarias quidem, in interiori continente est fassus: at deprehendit idem Tycho, suas & constantiores, & minus versus Horizontem precipitas: hoc quidem, quia profundius est aëri immersa insula, quam continens; illud, quia locus maritus, montes vaporum pluivialium officinas & expiracula spectat eminus, altitudines eorum apparentes minores, liberiorem scilicet Horizontem.

20. Et quid multis? quæcunque sit difficultas in qualitate aëris Cimbrici; omnem illam superauit Obseruationis diligentia: qui quoties ferè planetas obseruauit in ea humilitate, quæ refractos præstet radios; fixas adhibuit declinationis antea notæ, obseruans earum declinationes, vel altitudines in eodem situ, eodem loco Horizontis: ut quantum his officere deprehenderet refractiones, tantum & in illis corrigeret.

21. Sed de tota hac materia luculenter egi in Astronomiæ parte

parte Optica, ante annos iam viginti, Capite toto IV. Numero præsertim 8 & 9 Lege Claramonti quæ sunt fol. 126. 127. illiuslibri, tibique ea dicta puta.

22. Tertio imputat Claramontius Observationum vitio, *fol. 213.* quod Tycho motum Solis primò simpliciorem, postea compo-sitiorem tradiderit.

23. Rursum nauita de Tauris, de fluctibus arator, & omnino cæcus de coloribus : Tychoni, quoad vixit, simplex in Sole Eccentricus, semper sufficit, quantisper de solo Sole agebatur: ultimis annis ego, cum ad ipsum venissem, & ad extruendas Theorias Martis, Veneris, Mercurii animum adiecissem: ostendie e rebus euidentibus, Eccentricitatem Solis esse bisecandam, in subsidium planetis cæteris. Ex ea bisectione natus est circulus æquans, ut in veteri Astronomia dici solet, cuius munia prestat mihi in hypothesibus Physicis, planum Eccentrici simpli-cis. Atque hoc est, quod in appendice ad Progymnasmata, hæredes Braheani dicunt, illum recepturum & fecuturum fuisse. Nulla huius mutationis causa deriuatur ex Observationum vitio, omnis ex earundem in Planetis certitudine exacta : sed id sit longiori riuo, quam Claramontius rationis oculo conse-quip possit.

24. Quartò, mutationem loci oris Pegasi, detractis, 6. mi-nutis de longitudine, additis 2, ad latitudinem in vitium obser-vationum confert.

25. Rursum hoc non diceret, si Astronomiam intelligeret. Illa mutatio pendet ex locatione circuli Zodiaci inter fixas, & diuersa præcessione æquinoctiorum ; quam methodum satis longam, per totam Solis Theoriam traductam, Claramontius non explicauerit integro libro, æque longo, atque est primus, quem de Parallaxibus scripsit, scribendo discens, tyrocina sua priuata publice ostentando ineptiens. Lege super hac re Ty-chonem ipsum fol. 31. 32. Progym. Tom. I. quæ si non Tycho ipse publice scripsisset ex ingenuo candore: nunquam Claramon-tius neque tantum ingenii attulisset, neque tantum laboris im-pendisset, ut suopte Marte, quod hic obiiceret, inueniret. Sed

ille quidem generose iste verò nequiter, suo vterque more: ille philosophiam agit, iste Momum.

26. Vttamen digitum proprius intendam, ad nexum arena-  
rum Claramontii, Tycho prioribus illis annis fatetur, imperfe-  
ctionem instrumentorum tantulam, quæ vnum fortè scrupu-  
lum vitiare possit obseruationem. Hic scrupulus in longissimam  
methodum, immisus, vt fit, principia omnia demonstrationem  
ingredientia varie afficit, auctusque iis errorculis, qui sunt ab  
Obseruatione temporis, specie diuersissima & lubrica, qui que  
à Refractione non satis explorata, tandem in exitu totius viæ,  
locum Solis vel stellæ & minutis variat. At idem ille errorculus  
instrumenti, in demonstratione, quæ obseruationem distantiarum  
Cometarum à fixa assumit, efficit plane nihil: quātum enim erratur  
sic in loco Cometarum, hora priore, tandem erratur & poste-  
riore, in plagam eandem: discrimen inter obseruationis utri-  
usque manet sine labe; eiverò discrimini, non longitudinibus  
ipsis ad omnem scrupuli subtilitatem, demonstratio innititur.  
Nihil igitur prodeisset Scipioni, Cometam sub Lunam attractu-  
ranti, si vel imperfectiora adhuc Tychonis instrumenta fuissent;  
locaque fixarum adhuc magis vitiosa præstari possent.

*fol. 213.* 27. Quinto transit Claramontius ad obseruationes Come-  
tarum, Demonstraturus, eas falsas esse, ac proinde Tychonis com-  
probationem ruere, subtractis fundamentis. Dubites, consilium laudes, vt in hoste; an scelus detesteris magis, vt in docto-  
re; quod is adeò pugnat illegitime, vt calumniam nequissimam  
struat sciens; dum interim veritatis detectæ gloriam aucupa-  
tur. Scilicet homini propositum est, Anti-Tychonis gloriosum,  
& superbum titulum semel conceptum, strenue comprobare;  
fidem Tychoni Obseruatori etipere apud Astronomiae impe-  
ritos: sat habet, si hoc iis persuadeat: quo iure, qua iniuria, id  
quidem nec quenquam detecturum, nec si quis detegat, suos  
Lectores curatores speravit.

28. Prima eius fraus in eo est, quod se abdit in dumeta, ne  
conspiciatur, Tycho primas obseruauit distantias Cometarum à fi-  
xis, *fol. 4.* Ex his ei locum assignaturus, fixarum prius loca expo-  
nit

nit fol. 30. Tertio locum assignat fol. 52. Scipio via contraria, assumit loca Cometæ & fixæ, per calculum elicita; exq; iis extruit distantiam Cometæ à fixa, quæ obseruatione patescit citra calculum. Si errasset Tycho in calculo: iam hunc errorem Scipio transcripsisset Obseruationi, magno sui instituti commodo Obseruationes enim iam venit oppugnatū: & fieri potest, ut sit aliqua Tychonici & Claramontiani calculi minima diuersitas, q̄ neclubet inqrere, nec opus est: ad manifestiores fraudes ppero.

29. Altera igitur est (nam Scipio me docuit ei, qui in vno fal. fol. 212. lit sciens, etiam in altero errore fraudem adscribere) quod locum Cometæ assumit illum, quem is obtinuit hora inter quatuor obseruationes intermedia, ipse vero adsciscit momentum Obseruationis primæ. Nam Tycho fol. 52. ex omnibus 4. Obseruationibus, locum extruit  $\frac{3}{2} \cdot 31\frac{1}{2}$  post horam sextam. Hora præcise sexta ponit locum  $\frac{3}{2} \cdot 30\frac{1}{2}$  fol. 86. Ergo Hora  $\frac{1}{2}$ . fol. 4. Cometa fuit ante  $\frac{3}{2} \cdot 30\frac{1}{2}$  scil. in  $\frac{3}{2} \cdot 27\frac{1}{2}\frac{1}{2}$ .

30. Tertia capitalis & explorata fraus est in eo, quod cum sciret Claramontius, & prius in quarta obiectione commemo- rasset ipse Tychonem vitum esse loco oris Pegasī  $26^\circ 8'$  ex fol. Tychonis 30. ipse iam vitur loco eius  $26^\circ 2'$  ex fo. 33. vbi Tycho indicat quas longitudines fixarum adhibere debuerit, nō quas adhibuerit. Differentiam igitur longitudinum HK, adhibet Scipio  $23^\circ 31'$ . at liquidò sciuit se adhibere debuisse differentiam  $23^\circ 40\frac{1}{2}^\circ 9\frac{1}{2}'$  scrupulis maiorem: sibi igitur ipsi imputet, quod ēt distantiam AB colligit  $20^\circ 59'$  quam Tycho obseruauit  $21^\circ 8'$  sc. 9'. itidem scrupulis maiorem. Quid meritum dicemus hunc calumniatorem, qui vt Tychonis obseruatis fidem detrahatur, falsum id, quod ipse in fundamenta calculi sui adoptauit sciens, Obseruationibus transscribit?

31. In secunda Tychonis obseruatione, ex iis quas vexat Claramontius, quanto minus quam circa priorem, committitur fraudis, tanto maior iam est aduersarii petulantia, in turban- do Lectore, Tychonis studio. Neque tamen vēl hoc solum in Tychonem potuisset Scipio, nisi Tychonis arasset vitulo. Ex hoc enim cum didicisset (Tomo II. Progymnasm, fol. 145. 156.

& alibi) breuibus temporis momentis magna verti, multum sc. in altitudinibus peccari posse ; vt, nisi tempore scrupulosissime dato, altitudines per calculum haberi citra errorem non possint: in hanc partem potius incumbendum sibi est ratus, quam ex ipsis Tychonis iudicio comperit esse infirmissimam. Ac cum Tycho inter fundamenta demonstrationum receperit; die 30. Nouembris, Cometam Hora §. 26. fuisse altum grad. 36°. 10' ipse hoc assumpto horæ momèto, & declinatione, Ascensione neque recta Cometæ, quantas Tycho dixit, computat, altitudinem eius esse debuisse, non 36°. 10'. sed 36°. 21'. Ex hoc arguit, Tychonem errasse 11. minutis in obseruanda Cometæ altitudine.

32. Dissimulat verò 1. se scire, si vel Solis quinquaginta pulsibus Arteriæ, quæ sunt Res circiter vnius minuti temporarii, fuerit obseruatio posterior, scilicet non hora §. 26'. 0". sed Hora §. 26'. 40": iam omnino prodire altitudinem tantam, quandam obseruando inuenit Braheus: dissimulat 2. Tychonem, ob id ipsum quod vnum scrupulum temporis in dubio poneret, recusasse continuationem calculi, vsque ad finem à Regiomontano [præfixum]: dissimulat 3. niti demonstrationem Tychonis, non huius certitudine interualli, inter duo momenta, quo cunque interuallo temporis à Meridiano distantia: dissimulat 4. altitudinis obseruationem esse priorem, quippe & parabiliorēm, obseruatione temporis ipsius ante vel post meridiem: dissimulat denique 5. Tychonem, ob causas explicatas, non fuisse occupatum in exquirenda & limanda temporis pomeridiana acurata certitudine: neque tamen ob id vitiosam esse villo modo Cometæ altitudinem, vt quæ instrumentis capit, non tempore, nec propter relationem ad temporis sui momentum accuratissimum, fuisse exquisitam, inque demonstrationem transumptam; sed propter relationem ad altitudinem aliam, certo vel Azimuthi vel temporis interuallo distantem. Omnia idem peccatum committit, quod in examine præcedentis Obseruationis, loco primo sum quæstus: ordinem scilicet peruerit; ex Asc. recta & declinatione computat altitudinem, cum

Tycho

Tycho ex altitudine, ut prius, innotescente, computare doceat declinationem & Ascensionem rectam. Has potius ventilare debuit, si candide agere voluisse, non obseruationem altitudinis.

33. Non habes igitur, Claramonti, ne minimā quidē causam, cur hic adeō insolenter te contra Tychonem efferas, *instrumenta sua extollentem* (pro eo quod alii de vitiis & sceleribus suis gloriātur. (Nam si vel horam integrā aberrasset Tycho, fidem horologii secutus, pro eo, quod nonagesimam horae partem damus, pertineret ea res ad instrumenta Tychonis alia (puta quadran-tes & Armillas, quibus altitudo vel declinatio obseruatur) plāne nihil: nec est *Tychonis fallax & supina altitudinis obseruatio*: sed tua hæc impudens & calumniosa est in eam animaduersio.

*Ad Caput XIX. fol. 218.*

*Et XX. fol. 219.*

HÆC duo capita valde sunt futilia. Pollicetur in priori Claramontius spicilegium aliquod rationum Tychonis: earum tamen capite posteriori, partem reiicit in antecedentia, aītum agens; partem in sequentia. Sed liber augendus fuit numero capitum. Sequamur eius vestigia, quando ex hoc Augiæ stabulo non datur aliter eluctari, nisi peruda & cœnosa.

1. Prima harum rationum desumpta dicitur ex Cap. 10. Co. metici operis. Nam ex eo quod distantia Cometæ ab Aquila die 29. Nouemb. visa est Cornelio Gemmæ in Brabantia 16. 46'. Tychoni in Huenna 16. 49'. & die 30. Haggecio Pragæ, & Tychoni Huennæ, similiter non uno scrupulo differens, collegiſe dicit Tychonem capite sui libri 10. Cometam parallaxi sensibili caruisse. Hoc etsi ego dicto loco iam non inuenio: at scio hanc fuisse Hypothesin Capitis V. præsertim fol. 126. in obseruatio-ne Haggeci, quæ diebus 14. præcessit.

2. Hanc rationem, si sufficientibus instruatur obseruationibus, ego luculentiorem existimo omnibus aliis, quas haec tenus attulit Tycho. Id existentiis Scipionis, exque meis defensio-nibus elucescat.

*fol. 219.* 3. Primum ille, sic respondet, ut generalem quidem aliquam propositionem reddat eneruem, quam à Tychone non puto usurpatam esse: restrictam verò ad sidus Aquilæ, finemque Nōuembris, quam habet Tycho, non attingat vel extremo digito.

Ait dari casus, vbi, si vel sex graduum sit parallaxis, ea tamen distantias à sidere, in Germania & Huennæ visas, non variet ad vnius minutus magnitudinem. Et format casuum species duas, totas sex facies implens à fol. 222. in 228.

*fol. 223.* 4. In prima Cometa est in Meridiano humilis, fixa ab ea distat vetus ortum vel occasum. Verum hic casus assumptioni Tychonis locum non facit; vt in qua, locus vterque Terrarum sub eodem ferè meridiano, Cometa longè extra meridianum est.


*fol. 227* 5. Altera species casuum, Cometam quidem extra meridianum habet, at rursum in verticali, qui est vtrique loco terrarum communis, Fixam verò rursum ad latus: vt sic distantia Cometæ à fixa sit propemodum parallelia Horizonti. Nec ad hos casus quadrat exemplum nostrum: vt in quo id ipsum in lucro est, plurimum distare verticales Cometæ à verticali loci terrarum vtriusque communi.

6. Age igitur, formemus Claramontio casus plures, in quibus magna potest contingere parallaxum in vtroque loco diversitas. Proderit forsitan olim hoc iam monuisse. Sit primo Cometa inter duorum locorum vertices, sub eodem verticali, & cum ipsis & cum stella, sitque Parallaxis maxima  $58\frac{1}{2}$ . different Cometæ distantiae à fixa totidem minutis, quot gradibus distant loci, vt videre datur in Tabula Parallactica meorum Opticorum. Sed transeat & hic casus, minus quadrat ad nostrum exemplum.

7. Sint igitur secundò, & Cometa & Fixa, Horizonti proximi, in eodem Almicantarat, vicini æquatori, & bina Terrarum loca sub eodem meridiano: quæ quo longius ab inuicem distant, hoc erit melius: variabuntur distantiae, visæ ex vtroque loco, tanto arcu in latum, quanto prius propè ipsum verticem in altum: prætereaque & immunes erunt à Refractionum documentis.

cumentis. Et hunc ad casum se proprius accommodat nostrum exemplum: sunt n. sub eodem ferè meridiano Praga & Huen-na; nec multum differunt Cassellæ & Huenna: fuit Cometa in medio ≈ cum latitudine Sept. magna, eoque ferè in æquilibrio Horizontis cum Aquila; fuerunt denique sidera occasui vicina.

8. Atque hic demum locum habet Schema illud, quod supra in Responsione ad Cap. XIII. Nu. 19. 21. 35. respectu quidem demonstrationis ibi expeditæ, concessi Pseudographum esse; locum in quam hic habet, duarum intentionum in illo effigian-do, prima: vt si fol. 125. Tom. II. Progym. DEF horizon eslet aut



circulus aliquis positionis, paulo altior Horizonte, & circulus AB ad illius planum rectus, & DD occasus vel ortus æquinoctialis, inque eo stella, & C Cometa in plano, quasi eodem cum fixa. Videsne igitur Claramonti quibus tormentis hoc Exemplum, distan-tiarū ab Aquila, si veras eas vtrasq;

supponamus, pertinacibus confessionem veritatis exprimat. Nulla patent effugia, per refractiones; eadem enim fuit & in fixa & in Cometa, ob eandem eorum altitudinem: differentia igitur insensibilis distantiarum, obseruando deprehensa, Paralla-xin efficit insensibilem. Vides hoc ipsum supra Tychoni in ani-mo fuisse, cum Parallaxeos, Lunaris quidem, differentiam in Horizonte admitteret, inter Pragam & Huennam, minutorum 6. Nimirum id in casu hic formato, cum omnes conditiones ad-funt, verum est exactè; at verum est de parallaxi non altitudinis, sed Azimuthali, vt sic appellem. Nimirum hic demum locum habet illud, quod supra obseruaui Tychonem monere fol suo 128. Has discrepantes distantias in diuersis locis, se præsuppo-nere, a o si contingent in minima altitudine, iuxta Horizon-xiii. Nu-tem. Nam supra, in alia intentione circa hoc Schema, non Ho-riizontalem, sed Meridionalem potius situm præsuppositum esse conuenientius erat instituto, fateri.

*fol. 219.* 9. Secundam ex sparsis Tychonis rationibus, Scipio refert hanc; quia Tycho parallaxin magnam, quinq; vel sex graduum refutat, ex eo, quod aspectu simplici, sine instrumentis & calculo, fuerit apparitura motus eius inæqualitas.

*fol. 220.* 10. Scipio primum suam Cantilenam repetit, supra extin-  
*Ad Cap.* etam peri us: Non moueri Cometam sub circulo magno: quod  
*IV.* dum dicit, nihil ad rationem dicit, nisi quod conclusionem ne-  
gat, vitio Tyronibus Dialecticæ familiari.

11. Deinde excipit, prolato Exemplo, ex libro suo I. fol. 102, paralleli Solis in Solstitio, cuius curuitas & deflexio, à tramite circuli magni, cum sit longè maior quinque vel sex gradibus, non incurrere tamen eam in oculos.

12. Atqui de via motus proprii agimus, quatenus ea de no-  
cte ad fixas circumstantes comparari potest: parallelus Solis per fixas quidem traducitur, at eum motus Solis per fixas non sequitur, vt nec cuiusquam ex planetis: quia paralleli non de-  
signant motus eorum proprios. Nec habemus ullas notas, ad quas referamus motum diurnum, nisi tantum, si fabricemus instrumenta in terra: vt rectè in sequentibus Scipio contendit:  
Secus vero est cum motu proprio per fixas.

13. Et quia video, Scipionem desiderare modum, quo Paral-  
laxis tam magna possit simplicibus notari oculis, dicam. Non  
equidem id consequimur oculis plane nudis: Esto ut instru-  
mentis ii careant, at non carent rationis usu, non ipso fixarum  
globo, instrumēto diuinitus ad hoc factō. Hic facile est, ex duo-  
rum vel trium dierum intuitu obseruare, quam in partem, quas  
versus fixas, Cometa ruat, præsertim si quibus ipse Cometa ap-  
propinquauerit. Datis igitur duabus fixis, in linea motus Co-  
metæ proprii, facile apparet num Cometa diuersis diei horis,  
ex eo tramite, serpentinis flexibus, vt Claramontio placet, hinc  
inde fluctuet, excedatque & reuertatur.

14. At Scipio de volatu aiium somniat, aut de traiectio-  
ne momentanea rapidissima; propterea & variationes alti-  
tudinum & diurnum motum interiicit: vt quod ipsum turbat  
in capiendo, idem & nobis in respondendo negocia facessat.

13. Claramontius præuidit, hoc ipsum responsumiri: regeritigitur, modum, de quo dico, non esse humanæ diligentia.

16. Omnino cœli es inexpertus, Scipio: dicam exemplum vulgaris diligentia, vbi non sex, non quinque, sed uno solo gradu excedit sidus. Insigne exemplum transcripti ex obseruationibus Bernhardi Waltheri, in Optica mea fol. 410. Vbi id quod in σ Δ cum ḥ obseruauit author: Non visum est ipsi possibile, considerando viam Lunæ. Nam cum esset alta, fuit bona parte supra Saturnum, ante & post infra. Hac oculari inspectione contenti, neque instrumentis, quæ requiris, in tanta evidentia indigemus, neque illa scrupulosa artificum diligentia. Sed satis de hac ratione, quia illa magnas solummodo parallaxes destruit: quibus ademptis, non ideo statim Cometa supra Lunam elatus est.

17. Tertiam rationem Tychonis Physicam, quod Cometa *fol. 221.* non habeat ortum ex terra, reiicit Aduersarius ad Caput sequens XXX. Damus inducias.

18. Quarta de genere optimarum est; de Cometa anni 85. de quo iam *fol. 228.* sequitur peculiare caput. Referamus ergo eodem etiam solutionem huius rationis, *ex fol. 221. 222.* Et si author *fol. 222.* in antecedentia reiicit, potissima parte.

19. Nouum argumentum pro situ Cometa Annis  
1577. in sublimi æthere, propositum  
Claramontio.

Pollicitus est Claramontius, se comparatis meis Operibus inquisitorum in ea, quæ Ego de eadem materia scripserim. Id si quando fecerit: totum me quidem in eo inueniet, ut Comes passim in æthere traiicere statuam: at contra eum qui suo vel aliorum iudicio positiones meas negat, me non disputaturum, facile videbit. Ipse tamen in positione famosa refutanda paginam primam & ultimam faciet.

20. Si tamen locum hunc pugnæ mihi tutum præstabit, & si

stante positione ad interiora venire volet; age ut tātō plus quod agat habeat, ostendam, me non tantum in Cometis annorum 1607. 1618. hoc meo demonstrationis genere vti; sed etiam in hoc ipso Cometa anni 1577, qui in optimum Observatorium incidit, viam eandem multō quidem efficaciori ad persuadendum probabilitate, ingredi posse.

21. Etsi verò, nisi positione mea nixus, demonstrare non possum, quibus documentis in notitiam lineæ trajectoriæ Cometæ venerim, attamen id, quod iam est inuentum in Tychonicam Hypothesin transponere facile possum. Idque adeò faciam in præfens, decoro seruiens; vt quia Tychonem hac vice suscepi defendendum; eiusdem etiam argumentorum numerum, accommodatione vnius mihi proprii, vt Tychonicum & ipsum quadamtenus per Hypotheses eius videri possit, auxisse videar.

22. Hypothesin igitur Tycho suam descriptis ipse fol. 187 operis Cometici. Vim vero eius oportet ante omnia in conspectu esse. Est autem ista: Regionem ille planetarium totam, excepta Lunari Sphæra, facit cum anno Solis motu Luxatilem, non secus ac si ultra sphærā Saturni esset alia sphæra decuplo amplior sphæra Solis, nequaquam conuertibilis circa centrum, sed singulis suis punctis, singulos circulos annuos scribens, circulo Solis & æquales & respondentes exactissimè, quæ sphæra omnibus intra se comprehēsis (excepta terra & orbe Lunæ) speciem præberet meræ quietis (Tycho fol. suo 187. concomitantiae voci vtitur, quia materialem orbium soliditatē nullam agnoscit.) Et in hac deferente sphæra, vt quiescente; Sol quidem in eius meditullio, portans illam, vt axis rotam, locum quem in ea sortitus est, non mutat vel exuit, cæteri verò planetæ circa Solem & centrum motus suos proprios suis quisque legibus exercent, in plagam quidem omnes eandem, in quam Sol totum sistema Luxans, circa Terram intus comprehensam circumvit. Quod si fingas animo, quod re ipsa quidem non est, putat soliditatem aliquam parietum in hoc spacio luxatili, de reliquo inconuertibili; futurum equidem est, luxatione totius, & quiete telluris,

vt Terra attritu suo ad illos fictos parietes, designet per eos, circulum æqualem ei, quem Sol circa terram describit in plagam ex opposito eandem. Hoc modo cuiuslibet planetæ motus componitur, ex motu proprio, quem Planeta in systemate conficit tanquam quiescente, & ex motu, vt Tycho appellat, concomitantiæ, id est, ex motu obliquo, Solis æquali & contemporario; qui Planetæ, si vel quiesceret in systemate, inferretur nihilominus à luxatione systematis. Vnde fit, vt Solius Lunæ motus (vt qui ab hac luxatione manet liber) de Solis motu per concomitantiam, cæteris usitatam, in motus sui compositionem, transsumat nihil.

23. Exposita vi Tychonicæ Hypotheseos iam struam argumentum.

Quo in loco mundi non datur recta, diuisa in partes æquales, quæ faciant apparentiam diurnorum Cometæ in longitudine & latitudine; in eo loco Cometa motum suum non exercet: & vicissim, quo in loco Mundi Solo datur talis recta, ibi est Cometa.

At in spacio sublunari quiescenti, & libero à concomitantia seu luxatione systematis, nuspian datur talis recta, quæ sit apta demonstrandis motibus diurnis Cometæ nostri anni 1577. datur verò talis recta in spacio systematis Planetarii luxatili & in unico eius loco.

Ergò Cometa anni 1577. non fuit in regione sublunari, sed in regione systematis Planetarii luxatili cum Sole, cætera inconuertibili, inque illo ipso eius loco: Cometæ nempe motus, vt aliquius ex Planetis, fuit compositus, ex proprio, & ex communi systematis, scilicet ex traiectione rectilinea & ex motu concomitantiæ, seu æquali motui Solis circa terram.

24. Maior propositio nititur hac probabilitate, quæ alias est contra usurpationes Tychonis & Mœstlini, & Roeslini, Cometæ scilicet moueri motu proprio rectilineo, vt traiectiones. Nam motus circulares corporibus perennibus aptioris esse, agnoscit Aristoteles ipse: corporibus igitur orientibus & intercuntibus, non conueniunt motus circulares: at neq; flexuosi; &

irregulares; quia in talibus, inquit Aristoteles, immixtum est aliquid de circulo, circularis vero pereuntibus nullatenus competit per se: relinquitur ergo merus rectus.

25. Idem colligitur etiam à proprietate motus recti in plagam semper eandem. Talis enim tempore perennis esse non potest, nisi spacio traiciendi detur infinitum. Motus igitur species illa, quæ ex sua ipsius definitione finem sortitur, corporibus, quæ finem habent propriè conuenit.

26. Alio erit nititur eiusdem rectilinei motus probabilitas, etiam causa motus Cometarum. Cum enim desinat iste motus: credibile est esse aduentitium, non ex insito principio: & esse violentum, speciem scilicet seu exemplar motus illius, quem fecit mouens extrinsecum: ut in telis, in iaculis immisilibus omnibus, arcus quidem & chorda, primum motum fecerunt, species vero huius motus transiuit in sagittam, & durauit in ea aliquandiu. Iam vero omnis excussio siue à neruis, siue à spiritu igneo &c. rectitudinem affectat in plagam, in quam excutitur mobile: & nisi aut impingeret in aliquid solidum, aut grauitas in telo accederet, aut venti interflarent; duraret rectitudo usque ad extremum vigoris omnis expirationem. Materia vero Cometica in sublimi, non habet ubi impingat, non habet  $\rho\pi\eta\tau\eta$  in ullam plagam, praeterquam ad quiescendum seipsa ( si non impellatur) in quocunque loco ponatur, extra virtutes globorum attractorias: neque fluctus ventorum sunt altiores montium summis iugis, vt experimentis probat Aristoteles.

27. Ergo si materia Cometica, posita extra virtutes tractorias, ad suam materiam trahendam appropriatas, primum à quacunque causa fuerit excussa, qualis est repugnantia naturalis & fuga mutua contrariorum, (vt si in terris quidem, æs liquatum impingat in lutum humectum, aut si, minori cum tumultu, in aëre pinguis spiritus in sublimi inflammetur, excutiatur à frigido circumstanti) tunc ea Cometæ materia, totus motus tempore manebit in linea recta. Poterit autem esse etiam alia causa impellens, eam rationem habens ad locum Cometæ, quam habent dictæ iam causæ, ad locum quæque suum.

28. Quod

28. Quod illam maioris particulam attinet, ut recta traiectoria sit diuisa in partes æquales; probabilitas maior est ab æqualitate: quamuis consentanea sit motibus extrinsecus illatis, clangescientia successiva; quam in Cometa anni 1618 sum sectus; & quæ mihi etiam ante 20. annos in Astronomiæ parte Optica placuit, fol. 335. Nam languor quidem in excussis, extrema magis occupat: extrema verò de Cometis, raro videntur, propter longum eorum à terra recessum. Præerea posita æqualitate partium perpetua, non efficitur multò alia apparen-tia; quam si in fine languescant motus, partesque traiectionis minuantur. Nam circa finem motus Cometarum apparentes fiunt tardi, & durani parui; paruarum autem quantitatum par tes aliquotæ paruae sunt, possuntque in calculo contemni, & sic pro traiectione diurna longa sumi & usurpari breuiuscumla.

29. Secundæ partis in maiori, quæ affirmatiua est, probabi-litas est multò maior. Esset enim res portento similis, dari tales locum rectæ trajectoriæ describendæ, quæ satisfaciat apparen-tiis Cometæ, non in longum tantum, sed, quod in maximum pondus adiicit, in latum etiam; dari inquam tales locum, cum que vnum & solum, non nimium laxè patentem: nec tamen in eo moueri Cometam, sed alibi illum vel circulari vel irregulari motu incedere. Casus enim non potest concinnare tantas aptitudines.

30. Est etiam consentanea pars ista Brahei iudicio, in hoc, quod & ipse folio suo 136. non satisfactum existimat rei, nisi etiam, in qua parte ætheris Cometa fuerit, discernatur. Sic igitur omnes partes maioris probabilissimas feci.

31. Et quamuis circularitas motus Cometarum, apud Tychonem nitatur sua etiam probabilitate ex loco; sic ut causam illius non debere prodere aduersario Claramontio videar: tamen si iam summoto illo, cum Tychone solus congregiar, probabilitas ex mea parte maior erit. Nisi quod compositionem facturi fuisset in hunc modum: ut Cometa quidem ex natu-ra sua occidua siue impellentis, habeat rectitudinem motus: ex natura vero loci cœlestis, immista fuerit eius motui, circula-

ritas illa, motus concomitantiae, seu luxationis totius Systematis; quam etiam hac vice, dum verba Hypothesi Tychonis accommodo, concessi. Si de motuum circularitate tantum Cometæ indulsissem, puto Tychonem futurum fuisse contentum. Quam enim æquum se præbiturus fuerit, videre est ex fol. 193. Tomi II. Progymnasmatum : ubi is etiam in suo ipsius circulo Cometicæ æqualitatem desiderat: & quia illam obtainere non potuit, culpam in imperfectionem corporis perituri coniecit. Quam æquis, putas, auribus, excepturus fuerit hanc meam assertionem, Ab ipsa rectitudine traiectionis reali, æquabili, conueniente corpori temporaneo, causam illam deriuari; quæ ipsum cum circularem Cometæ motum proprium poneret, impediuit, quo minus æqualem illum facere posset?


32. Quod minorem attinet, ea ex mea positione demonstrari tota posset: sine ea non potest facile nisi per declinationem circuli illius imaginarii, quem Terra Tychoni describit in systemate per accidens; idem motu non suo, sed luxatione systematis. Eò remitto curiosos, Geometriæ capaces.

33. Nunc in Hypothesi non mea sufficit hanc palmam in medio ponere, & thesin interim defendere. Prodeat, inquam, aliquis qui mihi sub Luna, vel in Lunæ sphæra, talem lineam rectam demonstret, quæ diuisa in partes æquales, saluet obseruationes. Facile est rectam ducere, & partes in ea designare, quæ saluent obseruata: possunt tales infinitæ duci: sed non erunt eæ partes æquales, non etiam continuæ & ordinatæ vel crescentes vel decrescentes: pars enim paruæ erunt, pars ante & post longæ aut vicissim. Et ubi computator vel Geometra locali longitudinis Cometæ sibi consecutus esse videbitur, quam proxime; iam nouus illi circa latitudines consurget labor: semper reueletur ad ima Sisyphium saxum. Hæc de negatiua Minoris.

34. Ad comprobationem affirmatiæ partis, rursum effectum meæ demonstrationis oculos pono: refutet eum calculo, qui potest.

In plano Eclipticæ, Systematis Tychonici, ex centro Solis, Aducatur recta AB versus  $26^{\circ} 22' \text{.ii.}$  Qualium igitur semidiame-

ter TA orbis Solis est 100000. talium partium in AB numerentur à Sole A 35272: quæ vbis terminantur, ex illo ipso puncto B educatur recta BC in Eclipticę planō priori ad angulos rectos. & in plagam eam, in quam Sol tendit: sit autem eius longitudo ab angulo recto B, partium earundem 165553. pro C vltima visione Cometæ; & ab eodem angulo, longitudo 52423. pro I prima visione Cometæ; ut sic Cometa super huius lineaे vestigiis, ipse altior in Septentrione, traiecerit spacio dierum 60. ( scil. à 13. Novemb. in 12. Januarii,) partes 113130. quæ longitudo superat altitudinem Solis à Terra sita autem motus eius æqualis partium sc. 1885 $\frac{2}{3}$ . in dies singulos. Dico, his suppositis, & applicata luxatione annua totius lineaे cum toto systemate, quanta competit diebus 60°; quod omnibus Astronomiæ peritis expeditum est, cōputari obseruata loca longitudinis Cometæ in Ecliptica exacte. Iā super hac linea vel vestigio, erigatur planū ad angulos rectos planō ecclipticæ, & in planō surgat perpendicularē sectioni cōmuni seu vestigio BIC, singulæ ex singularū diurnarum portionum terminis, quorū primus est I, vltimus C: prima perpendicularis IK, ducta pro 17. Nouembris, sit lōga partes 8629, vltima CL pro 12. Decembris sit 126507, & connectantur harum duarum termini KC iam præfiniti, per rectam: hæc erit pro ipsissima trajectoria, eritq; augmentum diurnum perpendiculariū 1965 $\frac{2}{3}$ .



Dico

Dico his suppositis, accedente luxatione trajectoriæ, ut prius, (cuius luxationis repræsentandæ causa, in Schemate vides omnes lineas geminatas) computari obseruata loca latitudinis Cometæ ab Ecliptica, nusquam dimidio gradu deficiens ab obseruatis.

Possunt quidem in vicinia lineaæ iam descriptæ, inueniri infinitæ aliæ, quarum aliqua fortè etiam latitudines exprimet scrupulosius; quærat si cui est ocium, ego alias non tentavi. Illud scio, spaciū hisce lineis describendis non relinqui valdè laxum.

35. Ex ea verò, quam ego descripsi, sequitur, Cometam initio distitisse à terra partes 55000, quod est plus quam dimidium distantiae Solis à terra: quæ continet interualla Lunæ à terra, Antecessoribus quidem circiter 20. mihi verò 59. Ergò Cometa plus quam decuplo, aut mihi plus quam tricecuplo fuissest altior ipsa Luna, medius inter sphæras Veneris & Mercurii: inde verò ruens, traieciisset totam Sphærām Veneris, & ad Martialis sphæræ confinia fine perueniisset. Hanc ego tibi pilam obiicio Claramonti paulò maiorem: paruula est illa Tychonica, lude cum hac ad lubitum & satietatem. Reuertor nunc ad seriem defensionis.

*Ad Caput XXI. fol. 228.*

*Et XXII. fol. 230.*

I. **H**A CTENVS igitur de Cometa anni 1577. de quo agit Tomus II. Progymnasmatum. Cum autem Brahæus passim in eo spem sparsisset secuturi Tomi tertii de aliis etiam in Cometis: accidit interea, vt cum Illustrissimo Landgrauio Hassiæ, eiusque Mathematico, crebras Tycho permutaret literas, materiis Astronomicis refertas, quas inter erant etiam disputationes aut mentiones de Cometis annorum 80. 85. 90. 93.

Cum autem hic Tychonis congerro tanti nominis anno 1592 fatis concessisset: Tycho consilium cepit, Epistolas illas edendi, orsusque typum, procedentibus adhuc operis in Tomo I. Progymnasmatum, aut suspensis, vt solebat, quippe priuatæ Typographiæ.

graphiæ possessor; tardenec ante annum 1596 Tomum Epistolarum hunc primum absolvit. In his mediis laboribus versantem occupauunt turbæ illæ, quibus exasperatus, anno sequenti Patriæ nuncium remisit, transiitque in Germaniam, cum Exemplaribus plerisque Tomi I. & II. Progymnasmatum; quorum ille Præfatione & Epilogo carebat, & compendio Lunarium Restitutionum, sæpius reuisorum; hic vero expectabat socium Tomum III. de Cometis annorum sequentium. Hoc Tycho consilio usus, Exemplaria Operum, præterquam Tomi I. Epistolarum, parcissime spargebat: interimque & Mechanicam Astronomiæ partem adornauit, ut damnum instrumentorum, sedibus suis reuisorum, conseruatione memoriae quodamtenus pensaret: & Catalogum mille fixarum compleuit ex. poluitque: & Tomum Secundum Epistolarum excudere ce- pit: nec tamen à continuatione Observationum remisit, & in Lunæ Theoria omnibus meditationum copiis extruenda oc- cupatissimus erat.

2. Dubitet aliquis, quicquam horum vel solum geri potuif- se si quis perpendit, hominem tot curis districtum, cum supel- lectile copiosissima, Instrumentorum, Typorum, Librorum, Exemplarium, cum uxore & gregi liberorum, pluribus ex eo locis domicilium fixisse & refixisse, quam superuixit annos. Anno enim 1597 ex insula Huenna Hafniam Daniæ Metropolim, ex hac, Balti traiecto, Rostochium, Rostochio ob grassanem pestem, Vandesburgum in Holsatiam inuitatus à Ranzouio, transiit: Anno sequenti 1598. vocatus à Rudolpho II Roman. Imper. longinquam profecionem adornauit ex Holsatia in Bo- hemiam: sed cum pestis Pragæ grassaretur, VVitebergæ substi- tit. Anno 1599 VViteberga Pragam, Praga Benaticam in arcem Cæsaream transiit, hic instrumenta intulit, hoc ego ē Styria e- uocatus, illum initio anni 1600 inueni, conflictantem cum im- peritia locorum, hominum linguæ, morum: nec eotamen se- gnius observationibus incumbentem, & scribendis ad varios Epistolis.

Eodem anno & Pragam, vt reuerteretur arce deserta, impe- O trauit,

travit, & ædes ibidem bis mutauit, & instrumenta sua maiora exitinete recepit, naui subiecta, direxitque anno 1601. sequenti mortuus est.

3. Tum demum Progymnasmatum Tomi, Primus & Secundus, opera hæredum, prodierunt in Lucem; Tertius verò inter distantia reliqua cum ipso authore concidit. Hic si lucem vidisset; plus aliquando Claramontius, quod ageret, haberet. Nunc paucula supersunt in Epistolarū Tomo, properanti calamo fusa, ut fit, de Cometa anni 1585. in q̄ Claramontius insurgit. Ea vtrū sic conuellat, vt hunc Cometam anni 1585. cœlo exturbet, videamus: trāsmisso Cometa anni 1580. vt vult author, in consequētia.

4. Secutus est Tycho in comprobationibus, viam iam semel calcatam in Cometa anni 1577. incepit enim à probabilitibus argumentis, de circulo proxime directo seu maximo, deque regularitate diurnorum in decrementis Quæ duo, cum Scipio in fol. 230. perioribus satis esse profligata gloriatur, & ego igitur, hanc à me gloriationem sic esse confutatam & confusam, vicissim glorior, vt de probabilitate harum rationum, per Claramontii quidem exceptiones, nihil decedat; & si non planè de ipsissimo æthere necessitatē inferant, saltē ex aëris elemento Cometā hunc penitus eiiciant, áq; terrarū confiniis notabili interuallo submoueāt.

5. Quod verò ad priorem rationē Scipio hoc amplius adiicit, fateri Tychonem, eius circuli variabilem fuisse inclinationem ad Eclipticam: eoq; minus pugnare assertionem Tychonis, de circulo maximo: hic tandem reperit locum Ioles pulex in cute Herculis, vbi spiculum suum defigeret. Exciderit sanè hoc Tychoni, versanti tunc in contemplatione Hypothesum Lunę, vt q̄ verum est de vera Lunę via, id ipse ad apparentem viam Cometę transferret perperam. Scilicet hoc rectè contendit Scipio, quantum Tycho variabilem deprehendit inclinationem illius circuli maximi, quem quoque die per duo Cometæ loca apparentia cogitando traduxit, tantū via Cometæ apparenſ, ex diuinis illis arcubus cōposita, recessit à perfectione maximi circuli. Nam hoc idem etiam de Luna verum esse, Tycho ipse alibi, cōſideratius scribens, concedit; nō ordinatur tot⁹ Lunę circuitus,

ne quidem si eum Parallaxi exuas, non inq̄ ordinatur sub perpetuo, circulo maximo, propter & nodorum translationem, & limitum librationem menstruam. Esto inquam hoc ita.

6. Attamen Tycho, coniectis oculis, & in huius elementaris mundi motuum flexus inordinatos, fluctuantes, & vt tu de ipsis etiam Cometis assertis, Serpentinos, & in illius Cometarum circuli maximi ( animo concepti ) declinationem, minimo discriminine, & ordine constanti variatam, qualis est ordo etiam in Luna, nihilo magis in probabilitate deficit, præsertim, si hoc argumento potissimum eò dirigat, vt ortum ei ex terra & viciniam, neget Elementorum.

7. Agnouisses potius Claramonticandorem Astronomi, & scrupulositatem non valde necessariam, in confessione minimi discriminis inter hunc Cometam & priorem anni 1577. exque eo fidem eius commendasses.

8. Meo quidem arguento supra proposito, necessaria planè est libertas illa, & quasi relaxatio à circulo maximo: quia id argumentum sic est comparatum, vt causas complectatur deuiationum huiusmodi, si quando eæ, vt in hoc Cometa, apparent. Adeò nihil officitea, loco Cometæ cœlesti, vt eum potius in meo arguento astruat. Qua de re plura tunc dicam, vbi non hunc tantum anni 1585. sed & alterum anni 1590. à tuis quærelis vindicauero.

9. In quantum verò hæc interlocutio refertur ad secundam rationem Tychonis, supra probatū est euidenter, nihil ad hoc, vt de regularitate decrementorum in diurnis, feramus iudicium, nihil inquam interesse, maximus sit circulus, in quo Cométa incedit, an ab eius directe paululum deflectat.

10. Sed contra secundam rationem illud ex antiquo, quasi nouum, infert Scipio, quod ordinem in decremente non vult agnoscere, nisi sit inter diurnos proportio continua: quam su- *Ad Cap.*  
pra dixi, ne quidem in Planetis dari: & tamen in eorum decre- *V. Nu-*  
mentis ordo est talis, qualem celebrat Tycho, pro documento *mer. 9.*  
*rei cœlestis.*

11. Hic tamen pudenda magis utitur *ad dñm Scipio*, cum po-

tuisset multò maiori cum existimationis cura, adducere dies aliios. Causatur enim die 21. Octobr. Anno 1585. abundantiam minus quam vnius minuti, quod omnes qui Astronomiæ habent experientiam, ridebunt effusissime. Ne dicam, quod ad continuam proportionalitatem Tycho suis cum usurpationi-

*fol. 230.* bus senon obligauit. Hæc nimirum est illa effluentior Scipionis. *fol. 234.* doctrina, puto saluam dicere voluit.

*fol. 229.* 12. Iam Tertiam Tychonis rationem numerat Scipio eam quæ est de parallaxibus, quæ ex diuersis sitibus Cometæ intra unam diem, animaduerti potuisset, si qua fuisset, Methodus Tychonis elegans, & compendiosa est, ex distantiis Cometæ à fixis ad distinctas duas eiusdem diei horas, primum computauit Cometæ declinationes & Ascensiones rectas, ex his postea distantiam mutuam binorum talium locorum ad diuerias horas Nam hæc distantia arguebat arcum promotionis Cometæ, competentem horis interlapsis. Iisdem verò horis interlapsis promptum erat etiam admetiri portionem de diurno, horarum scilicet 24. & comparare inuicem, quod utraque ratione horis interiectis obuenerat.

13. Hic Claramore ius cum nihil haberet noui, quod huic egregiæ viæ quærendi parallaxes opponeret, quod non iam supra sit à nobis penitus protritum: mirum tamen, quam se ver-

*fol. 231.* bosum præste: utque instantias ille suas nobis annumeret quasi digitis.

14. Negat, cum est Parallaxis in ambiguo, posse ad eam eruendam procedi ex vero viso que motu.

15. At nos supra diximus, hoc esse conclusionem negare,stantibus præmissis.

16. Arguit secundo, Tychonem modulum veri motus, horis competentem interiectis depromere ex diurno viso: respondimus pro Tychone (quod Scipio in ipso viri contexture reperit inculcatum in Epistolis; exprobrat tamen, quasi ignorauit omissum in Cometis libro) respondimus inquam.

17. Esi termini visorum locorum à veris distent; sicut tamen interiecta veris, & quarti spaciis inter visos: propterea quod exactis.

exactis horis 24. idem situs, eoque & eadem parallaxis reuertatur.

18. Scipio hoc ruinæ in causa Tychonica frustra speratæ fulcrum. Quellere nititur, dicens errorem errore munir. Qui sic bone vir? Primum quia Scipio, quorsum hęc ex Tychone adducta verba pertineant, dubitat. Quid si de veritate dubitet, non de errore? Num hoc illi aut infrequens aut priuum?

19. Deinde sensum verum eundem, quem ego modo dixi, proponens; ait, hoc Tychoni nocere, quod linea motus veri Cometae per verticem Tychoni non transuerit: & prouocat ad librum suum I. fol 99.

20. Atqui propositio quidem illa Scipionis vera est: Corollarium vero in Tychonis sententia concipienda erroneum. Non negat Tycho (Epistolarum Tomo I. fol. 18. in parenthesis) Cometam post integros diurnos redditus aliquantulam parallaxin pati: sed negat ea parallaxi causari differimen, aliquod sensibile inter diurnos, verum & visum: Itaque pro vero diurno, visus usurpari potest. Cur nos hic ad propositionem illam tuam alegas Scipio, cum nihil eius simile, quod in illius corollaria recessis, hic tribuas Tychoni ipse? Num ludos nobis facere cogitas, ut pueris, & verba vendere?

21. Totum putabam, quod non concoquebas te euomuisse circa hanc æqualitatem: ecce vero ructum etiamnum vnum, dilatum vltra sequentis rationis vexationem, in folium 233 234. Viderit tibi dicens, Tychonem argumentari ab æqualitate (à proportionalitate voluisti dicere) temporis ad proportionalitatem arcuum, putavisorum. E: hoc refutas. Triumpha igitur te ipsum. Tycho ex proportionalitate temporis, colligit proportionales arcus veros: quibus cum deprehendat esse æquales arcus visos: ex eo concludit, parallaxin esse nullam, quæ illum magnam tuilemmatis differentiam horum arcuum causetur.

22. Negat quartò differentiam, in illa demonstrationis Tycho: fol. 232. comparatione, futuram fuisse tam paruam, hoc est unius solum minimi: si non refractio parallaxi attenuasset. At-

qui refert ipse fideliter, Tychonem ex altitudine magna Cometam immunem à refractione præstissee.

23. Sed Scipio hoc infra pollicetur se euersurum, libro suo III. demonstraturumque, quod Landgrauius in Cometa anni 1577 in alt. gr. 31° passus sit refractionem 11° 7'. gr. Hem vobis Mathematici, tibi que imprimis, Galilæe, promissionem amplissimam. Nunquid iamdudum aures ad pruritum scalpit? Et tamen inducas illi largiri cogimur? Hæc igitur ad defensionem Rationis Tertiæ, quæ ex collatione obseruationum in diuersis locis, Cometæ parallaxin refutat.

24. Quartam numerat Scipio Tychonis rationem, quod Cometa anni 1585. cum rueret versus capellam, distantias ab ilia nunquam in uno die plus minusve variauerit, quam proportio horarum interceptarum ad diurnum ferret.

25. Hic queritur Scipio, non esse expressas à Tychone obseruationes ipsas. At qui reperiet eas in Tomo obseruationum, si quando prodierint, Epistolæ breuitas non permittebat illi prolixitatem hanc.

26. Deinde excipit. Non omnem distantiam Cometæ à fixa constantiam, per diuersas diei horas, trahi posse in negationem parallaxeos. Et rursum nos reuocat ad librum suum primum.

27. Quas ego quidem propositiones pronuncio tenebras, culpa partim Typographi, partim sculptoris, partim demonstratoris. Nihil opus est his ambagibus. Breuissime quod ineſt in re ſic eſtamur Geometræ: Cum verticales circuli, in quibus ſpectatur Phœnomenon & fixa, arcum distantiae eius viſibilis à fixa ſecuerint angulis rectis, aut ſi magna eſt parallaxis, angulis, qui dimidio parallaxeos deficiant à rectis: tunc parallaxis nihil alterat distantiam loci viſi à fixa. Cum verò angulus eſt obliquior dicto, aut angulus planè nullus, vt ſi distantia cum verticali coincidat: tunc videndum, fixa ne ſit propior vertici, in eodem puta verticalis quadrante: tunc enim parallaxis facit excedere distantiam viſibilem; at ſi Phœnomenon ſit proprius vertici,

vertici , parallaxis eius distantiam à fixa visibilem præstat minorem.

28. Iam quid horum in Exemplum propositum quadret, non opus est, nos ex annotatione Scipionis fol. 93. petere. Globus ipse cœlestis nobis loquetur: semper capella fuit vertici propior, quam Cometa , magis tamen in quadrante mundi occidentali, quam in Orientali. In hoc enim, angulus inclinabat ad rectitudinem: in illo euanescebat magis atque magis. Semper igitur maior fuisset visa distantia Cometæ à Capella, quam vera, magis tamen in profundo noctis, quam in eius initio : si quidem parallaxinis fecisset. Et ita etiam fuisset cum veris distantiis, quæ interim lapsu aliquot horarum fuerunt mutatae, progressu Cometæ. Cum igitur ultra hanc mutationem ex verò motu , nihil relinquetur , quod parallaxi posset ex posita regula præscribi ; rectè arguimus, Cometam parallaxi caruisse sensibili.

29. Frustraque nobis Claramontius suos libros , Capita, <sup>fol. 232.</sup> Propositiones, Corollaria, Annotationes : suas parallaxes verticales: suas rationes rationum temperatrices, vices, victas inculcat: Disputator aduenit, demonstrationes Tychonis euer-surus: habet terminos ad hoc satis claros apud Mathematicos cæteros ; iis vtatur: suos verò terminos, suos conceptus mentis proprios , iis reseruet, qui ad ipsum discendi causa venturi sunt. Hostisne à nobis petat, vt iis armis, quæ porrigit ipse, nos defendamus , contra suos insultus; non duello finiendum est hoc certamen ; sed aut expugnatione, aut repulsa & strage hostis.

30. Opponit aduersarius & hoc , quod supra se dicit demonstrasse, quam sit lubricum & ruinosum fundamentum, Regularis ad amissim Cometæ motus ; cui tamen innixum ait hanc quartam rationem. Et ego igitur in superioribus demonstravi, quam ineptè Claramontius nodum in scirpo querat, & quam efficiat planè nihil cum suis cuniculis, in proruendo hoc fundamento: monstravi etiam, quatenus hoc fundamento fulciatur ratio ista, quatenus propter ster,

31. Quintam Tychonis rationem pro Cometa anni 1585. numerare debuit, quæ à diuersorum locorum obseruatis ducitur in ipso scrupulo conuenientibus. Ateam iam fol 219. præmisit, numeratque quartam sparsarum. Audiamus igitur quid Claramontius contra fol 222.

*fol. 219.* 32. Primum reiicit illam ad ea, quæ supra contra Tychonis rationem similem differuit: & reperiet ibidem Lector etiam nostras defensiones.

*fol. 222.* 33. Deinde negat Landgrauii obseruationes cum Tycho-nicis in minuto conuenisse, quia Tycho fateatur ipse dissen-sum 6. minutorum in fixis. Discrimine verò tot minutorum concessio, poisse parallaxin Lunari æqualem subsistere.

34. Ingeniosus saltem est Claramontius in varietate com-mentorum. Si distantiae à fixis utriusque obseruatori repertæ sunt eædem, quid iam ad rem, quod ii in locis fixarum tantundem etiam, calculo peracto, in loco Cometæ in Ecliptica dfferunt? Non est id discriminem Cometæ proprium, non etiam ad eius pa-rallaxin transferri potest. Aut transfer si diis placet ad paralla-xin ipsarum etiam fixarum.

*A. fol.* 35. Tertiò negat, omnem identitatem, distantiarum Co-  
*222. ad metas à fixa diuersis in locis obseruatarum, ad hoc sufficere, vt*  
*fol. 228. Cometa Parallaxi careat.*

36. Concedo non omnem: at neque omnis distantia seruit extruendæ simul longitudini & latitudini Cometæ. At ubi tot comparauerimus distantias, quot sufficiunt definiendæ longi-tudini & latitudini: tunc sufficit identitas harum, ex duorum locorum distantiis extracta, ad abnegandam Parallaxin.

*fol. 222.* 37. Quartò ad refractiones confugit Scipio. At in Cometa hoc anni 1585. à Refractionibus, iam tum exploratis, minus est periculi, quam in priori, anni 1577. tuacis nondum exactè perspectis.

38. Tantum cum dixisset Scipio; ad extremum seipsum in-crepat: cum Tycho non omnia expresserit, quæ ad dijudican-dum requirantur, frustra ergo se iudicare. Expectet igitur edi-tionem Obseruationum.

39. Adhuc

39. Adhuc igitur Cometa anni 1585. in cœlo est, & Claramontius, hostis, existimationem eruditionis suæ Astronomicæ frustra in hoc bellum impendit, repulsusque hinc, ad alium Cometam transit.

*Ad Caput XXXII. fol. 234.*

*Et XXIV. fol. 236.*

1. **C**V M de Cometa anni 1590 Tycho solemnia proponat argumenta; Claramontius etiam solemnibus ea futilitatibus allatret: opera& pretium me fuisse facturum censeri possem; si vtrumque Cometam coniunxissem: nisi morem gerere aduersario, eiusque vestigiis omnibus insistere, statim initio proposuissem.

2. Repetit igitur initio querelam, quod Tycho rationum *fol. 236.* summas nuncupauerit; fundamenta, ab obseruationibus de- sumpta, omiserit, in que aliud tempus reiecerit.

3. Repeto ego excusationem Tychonis. Scripsit & vulgauit Epistolas, in quibus plerunque plus esse solet significationum, quam demonstrationum: quia Epistolæ breuitate gaudent; in demonstrationibus tedium abundat lectionis. Et Tomum quidem III. Progymnasmatum de Cometis reliquis non perfe- cit: at obseruationes Cometæ anni 1590 extant; possemque eas hic inserere: sed præstat, Claramontium expectare editionem obseruationum omnium.

4. Secundo loco prouocat Scipio ad solutiones suas priores: *fol. 237.* prouoco ego ad connexiones & adstrictiones meas fortiores. Quæ enim ipse soluisse se putauit in terra sui captus, ego demōstrauil ligata manere in cœlo demonstrationum.

4. Veruntamen cum Cometa hic diebus 1. 2. Martii non oc- cideret in freto maris Balthici; nouam Tycho commoditatem nactus, quam in cæteris Cometis non habuit, obseruandi pa- rallaxin, eam non neglexit. Ea forma quidem obseruandi dif- fert: at reuera cum aliis modis coincidit, qui parallaxin decli- nationis detegunt. Nam Cometa in circuli Meridiani parte

existens septentrionali, parallaxin habet eandem & declinationis & altitudinis. Cumque tunc sit humilimus ; plurimum etiam differt eius parallaxis , si quam habet , à Parallaxi eiusdem, altissimi facti. Atqui declinationes in diuersis sitibus Tycho obseruauit non differre ab inuicem plus , quam requirerbat mutatio motus diurni , horis interlapsis analoga. Ergo parallaxis , in declinatione mutauit nihil , ac proinde nulla fuit.

5. Gratulari debuit Arti nostræ Claramontius, de tot commoditatibus Observationum, deque Tychonis industria , qui commoditatibus suis nuspia defuit. *Ἄτε πιθανόν* dixeris in ipso peruersa ingenii Philosophici. Nam spretis omnibus, quæ maximi æstimantur à Philosophis, nec satagens viarum ad inuestigandam veritatem : ad id solum respicit, quod ipse sibi proposuerat peragendum , qua iure,qua iniuria : ad conuellenda scilicet ea, quæ à Tychone bene sunt constituta. Breuiter dimisla veritate virum persequitur ; ex eius debellatione gloriam aucupatur , si vel veritatem ipsam super ea re impendat.

6. Vedit Tycho, Cometam si in Septentrione cœlum mediaret, refractis ob humilitatem radiis instrumenta ferire , eoque refractiones ab eius altitudine remouendas : & quia non adeò exacte fidendum erat tabellæ refractionum diebus omnibus ; per fixam igitur altitudinis eiusdem indagauit die eodem refractionis auferendæ quantitatem.

7. Hic ergo Claramontius locum designauit suo insultui, qua Tychonem se vidit munire operosius , infirmiores eas partes ratus. Munitionem inuasit ipsam. Negat credenda esse Tychoni omnia quæcunque de Refractione dicit. Cur autem? Quia, inquit, Tycho Refractionem intra pauca minuta continet, quæ ipse Scipio extendat in multos gradus. Scilicet hoc refutare est. Ais tu? Ego nego: falsus igitur tu.

fol. 237.  
8. Sed & modum quaisfat, quo Tycho refractionem à Cometæ altitudine remouit. Non sequitur inquit, fixæ refractiones est tanta, ergo & Cometæ, tempore eodem, in altitudine eadem.

dem. Cur autem? Quia fixa distat à centro Terræ longius, quam Cometa. At nos iam ostendimus (verba Scipionis) quæ pro-<sup>fol. 237.</sup>  
piora sunt centro, maiorem refractionem pati. Neque tu hoc ostendisti, neque verum est. Aut hallucinaris, sub vocabulo Refractionis, parallaxin subsumens: nam de hac verum esset affirmatum: aut si sciens de Refractione scripsisti, alegandus es in scholas opticorum, ut discas, nihil interesse ad Refractio-  
nis angulum, longus an breuis sit radius, qui in medium densius  
incident refringitur.

9. Nam etsi & Tycho videri possit imbutus hac erronea o-  
pinione; propterea quod in Sole & Luna maiores statuit refra-  
ctiones, quam in fixis: at causæ ad illas augendas concurrunt  
plures, de quibus partim in opticis, partim alibi: illæ verò causæ  
nihil ad Cometas pertinent.

10. Secunda Claramontii instantia repetit toties iam pro-<sup>fol. 237.</sup>  
culcata: de regularitate motus diurni, qua conuulta, quod fru-  
stra iactat: frustra etiam sperat, ruiturum Tychonis argumen-  
tum: ut quod partim non nititur regularitate scilicet, illa, quæ  
est circuli magni, partim firmissimè ea nititur: quia contra re-  
gularitatem, quæ est in diuersorum dierum sitibus consimili-  
bus, nihil potuit Claramontius dicere: hac verò parte regulari-  
tatis constat cognitio motus diurni, eiusque partis proportio-  
nalis horis interlapsis.

11. Nec nos leuiter Tychoni credimus afferenti regularita-  
tem: nec eam afferit ille absqueulla probatione: cum Clara-  
montius ipse probationem ex hac ipsa Tychonis ratione ter-  
tia exscriperit: datis enim declinationibus duorum die-  
rum deinceps in situ consimili, data etiam declinatione  
in situ intermedio, horis analoga, iam constat de regulari-  
tate.

12. Tertia instantia prodit iterum consuetam Claramon-<sup>fol. 237.</sup>  
tii audaciam, coniunctam cum impudentia probrofissima. Ob-  
seruationes Tychonis in dubium vocat, eo quod altitudo Co-  
metæ obseruata non respondeat expresso Azimutho.

## TYCHONIS HYPERASPISTES



Atqui ex tribus datis, ut solet fieri, duo ipse si-  
bi fingit ad lubitum, AC distantiam Poli à  
vertice, & CAB Azimuth ipsum præcimum,  
quod Tycho ipse nec determinauit exacte, nec  
ad demonstrationem adhibuit. His positis, &  
assumpta AB distantia à vertice, quantam ob-  
seruauit Tycho, colligit Scipio CB quatuor  
scrupulis maiorem, quam Tycho, non dico,  
collegit computando, sed t. obseruauit per Armillas.

13. Atqui cur tu Claramonti auctiorem facis AC quam  
hoc loco Tycho? Aut cur fallis, dicens sic proditurum maio-  
rem CB, qui ad oculum prodibit minor? Cure etiam CAB  
statuis 88° 10' quem per verba Tychonis posses 88° i. assumere?  
tunc coeuntibus AC, AB, rursus minor futurus est CB.  
Hiccine tibi ludus placet? vt more agyrtae fallas insuetos sche-  
matum oculos? tuisque fautoribus, & in iis Principi viro, cui  
minime oportebat, imponastur pissimè?

*fol. 138.* 14. Vult etiam, inquiramus in eius calculum. Non lubet: su-  
perius nobis scientiam soluendi triangula suam approbauit,  
fruatur hac laude ingenii, cedatque nobis vicissim confessio-  
nem fraudis, in assumpsis obtrusæ.

15. Quod si parcensuit Claramontius *fol. 239.* de iis dubitare  
Obseruationibus, quatum eonfortes falsas se reperiisse gloria-  
tur, per falsam mirum & incerta assumpsa: & nos igitur par-  
ceamus, Claramontio, fidem obseruationibus non expressis de-  
roganti, fraudem in expressa commissam, obiectare, ea que ob-  
seruatione vera deprehensa, tanto minus de nondum expressis  
dubitare.

*fol. 239.* 16. Denique contra pugnantem instantiis iunctis, pronun-  
ciabimus ex solutionibus iunctis: Claramontium in obiectione  
differentiæ 5. minitorum deprehendi fraudatorem, in Refrac-  
tione Tyronem imperitum, in æquabilitate motuum æsti-  
manda, nullius cerebri: & sic quanti vis pretii hominem.

*fol. 235.* 17. Audet & *fol. 235.* obiicere Tychoni vel lapsum memoria,  
vel inconstantiam, quod altitudinem Poli in suo loco statuit

anno 1578. Gr. 55. m. 53. sequentibus 55. 54. 15. Nec in Exercitio virtutis colendæ tantum profecit, vt disceret, tertiam esse causam, profectum in melius, amorem veritatis, & ingenuam errorculorum tam minutorum confessionem : adeoque & huius ipsius emendationis confessionisque denunciationem publicam, libro ipso II. Progymnasmatum fol. 31.

18. Quæ in postrema instantia obiicit, quasi Tycho confundere fol. 239-  
deret parallaxin declinationis, cum differentia parallaxium de-  
clinationis ; eius criminis simile quid supra recidit in ipsum au-  
thorem. De Tychone verò dicere tale quid potuit, probare non  
potuit. Affirmat nudè, nego ego nudè. Ad fferentia verò paral-  
laxium declinationis per differentiam Parallaxium ( vt Scipio,  
verticalium, vt cæteri Astronomi ) Altitudinis, ad ipsam Par-  
allaxin Horizontalem progredi, quod ille requirit, pro im-  
perio scilicet, est Roma Linzium iturum, transire Argentora-  
tum.

*Ad Caput XXV. fol. 240.*

1. **A**B S O L V I omnia, quæ libro secundo Claramontius contra Tychonem protulit. Quæ sequuntur Caput XXV. fol. 240. ea sunt contra Gemmæ, Mœstlini præceptoris quondam mei, & Röslini, amici, dum viueret, mei rationes. Quæ quatenus indigebant lima aliqua, vt ad amissim veritatis quadrarent, iā satis perpolita sunt à Tychone Braheo ipso: qua-  
tenus verò Claramontius suis in eas copiis insurgit, iam defen-  
sa in superioribus censeri possunt. Quare Caput hoc præter-  
mitto vicissimque Claramontio, in compensationem transmissi  
capitis, propono rursum, vt in Cometa anni 1577.

2. Nouum argumentum, quo obtinetur, etiam Come-  
tas annorum 1585. 1590. supra Lunam fuisse; po-  
nendo, illos traieciisse motu æquabili  
per rectam.

Primum enim quod Cometa anni 1590. tuitus est circulum

maximum exactè, prior verò anni 1585. variauit inclinationem suæ orbitæ ad Eclipticam gradibus 2. faciens illi paulatim propriorem; ex hoc patet, sagittam arcus illius quem Sol confecit intra dies vndecim apparitionis Cometæ anni 1590. non habuisse proportionem sensibilem ad lineam Cometæ trajectoriam, adque perpendicularē ex Terra in illam: adeoque fuisse quam proximè parallelas trajectorias, Solis curuam & Cometæ rectam; contra in Cometa anni 1585. sagittam arcus, quem Sol diebus 38. apparitionis confecit, ad dictas lineas in proportione fuisse sensibili; & Cometam initio fuisse terræ propinquum, Trajectoriam verò discessisse à Solis arcu trajectorio, idque angulo inclinationis trajectoriæ ad arcum Solaris itineris satis magno.

3. Et quia hæc sagitta est 5448. qualium radius Quadrantis est 100000. efficit verò in latitudine graduum 2 $\frac{1}{2}$ . non plus quam 2. gradus: Sicut ergò 2 $\frac{1}{2}$ . ad 2 $\frac{2}{3}$  circiter (vt in crasso computo licet abuti arcubus qui sunt minores 30. gradibus, pro rectis sinus) sic remotio arcus 2 $\frac{2}{3}$ . velut à subtensa arcui trajectoris Solis, ad remotionem arcus 2 $\frac{1}{2}$ . ab ipso arcus medio: quarum remotionum differentia, cum censeatur numero 2. vt ergò 2. ad sagittam 5448. sic 2 $\frac{2}{3}$ . ad 87168. quæ sunt circiter septem octauæ partes altitudinis Solis: In Cometa igitur anni 1585. oportet nos esse contentos hac argumentatione à latitudine deducta, quia hic fuit toto apparitionis tempore in Hemisphærio Solis opposito, & motus directi. Traiecit igitur multò longius ipso arcu Solaris trajectorio. A longitudinis motu non expeditū est in hoc cometa argumentari, quia plurimæ possunt dari trajectoriæ, propinquæ & remotæ, quæ diurnos longitudinis quam proximè repræsentant.

4. Rursum autem à latitudine discimus, cū eius decrementa fuerint initio, teste Rothmanno 0.54. cum esset Cometa meridionalis, fine, eius iam septentrionalis factæ incrementa 0.10. proportionem igitur interualli Cometæ & Terræ initialis ad interuallum finale, fuisse circiter sub quintuplam & eo maiorem.

5. Exacta quidem hæc nondum sunt, quia Theorematæ trajectoria,

iectoria, nondum omnia constituta sunt; estque miscenda proportio secantum ad suos radios diuersorum circulorum. Ut autem Claramontius gustum habeat eorum quæ adhuc desiderantur: referam ecce Theorema his ipsis horis erutum, quod in numerum olim erit referendum: Nunc enim non vacat. Traiectoria plerunque est obliqua ad planum Eclipticæ: habet ergo potestate partes parallelas illi piano, mixtas partibus illi perpendicularibus diurnas utrasque, & alterutras inter se æquales ex suppositione. Quando ergo latitudinis apparentis augmenta diurna fuerint æqualia: tunc erit ut perpendicularis duarum, è diebus proximis, longior; ad distantiam suam à Terra, in piano Eclipticæ; sic permutatum, decrementum diurnum, distantia perpendicularis alterius, ad decrementum perpendicularis diurnum, quod perpetuo ponitur eiusdem quantitatis. Vtere si libet Claramonti hoc Theoremate, meque in expolienda hac contemplatione præuertere.

6. Sed ad Cometam anni 1585. reuertor. Hic si die  $\frac{7}{8}$ . Octobris distabat à Terra septem octauis partibus distantia Solis, & id in oppositum ferè Solis; fuit igitur altior sphæra Martis apud Tychonem. Et si in fine distitit non plus quam quintuplum distantia primæ, fuit igitur altus quatuor semis sphæræ Solis semidiametros; appropinquauitque sphæræ Iouis. Consentit Observatio circa caudam, quam nullam ostedit, quamuis initio ad  $32^{\circ}$ . gradus distaret ab opposito Solis, fine ad  $13^{\circ}$ . Est autem in hoc Cometa argumentatio à latitudine tanto certior, quamuis nondum cōstitutis necessariis Theorematibus; quod non obtinuerit magnam ab Ecliptica latitudinem.

7. At in Cometa anni 1590. multò pluribus adiumentis à longitudine sumus instructi; quia motum is directum habuit in Hemisphærio Solis. Diurnus enim longitudinis primus  $7.54'$ . metas figit nobis altitudinis 13000. circiter, qualium altitudo Solis à terra est 100000. qua super meta disputandum, altiorne Cometa fuerit an humilior. Quod si fuisset humilior, caudam initio decem gradus longam non tam celeriter minuisse, tandemque penitus amisisset.

Rursum si fuisset humilior; in circulo magno viderit toto durationis tempore non potuisset; quia sagitta arcus trajectoris Solis, ut supra dictum, importasset proportionem sensibilem, ad distantiam trajectoriæ à Terra. Ut non iam dicam, non dari in regione humiliori, locum describendæ trajectoriæ rectæ, diuinorum portionum æqualium, quæ satisfaciat obseruatis. Fuit igitur superior proposita meta; illa verò meta duo & amplius interualla lunaria (secundum me, sex) continet. Si initio fuit altior duabus (vel sex) semidiametris sphæræ Lunæ, necesse est, ut in fine fuerit altior quam 60000. de 100000. distantia Solis, ob diurnum longitudinis  $\frac{1}{4}$ . i altior igitur quam 12. (mihi 36.) semidiametris sphæræ Lunæ. Non opus est ipsissimam veram altitudinem indagare, quæ trajectoriam admittat partium æqualium, diurnos longitudinis exactè repræsentantem. Nam quæ hactenus sunt allata, sufficiunt ad dogma Tychonis stabiliendum, Cometam in genere supra Lunam fuisse. Quare desinam: quærat ipse Claramontius, & inueniet talem locum in æthere Tychonico, ut supra in simili argumento pro Cometa anni 1577. est dictum.

*Ad Caput XXVI. fol. 244.*

*Et XXVII. fol. 246.*

1. PROPOSITVM meum fuit in hoc libello Tychonem defendere, pulcherrimæ molitionis authorem, cuius obseruationes certas, demonstrationesque ad fidem faciendam sufficienter instructas sciebam: ut non tam pro Tychone Magistro, quam pro ipsa veritate afferenda, videri debeam pugnasse.

2. Nunc verò Claramontius dimisso Tychonis Tomo II. Progymnasmatum, alium etiam authorem, de Cometis anni 1618. scribentem, nomine non expresso, aggreditur: cuius mihi neque liber visus, neque dexteritas in obseruando cognita est. Ignoscat igitur mihi, quisquis est, si patrocinium eius inoratus non suscipio: ignoscant cæteri, si super iis, quæ perperam forte habent, aduersario eius Claramontio soli, in præiudicium authoris,

thoris, non credo, eo que neque talia corrigenda, neque monendos cæteros censui.

3. Quantum quidē ex Claramontii verbis coniicio, author, quis cunque sit, in via est, nec Geometriæ cognitione, quod Claramontius illi obiicit, caret; & superest ingenio. Quin etiam virtus elucet Cap. XXVIII. fol. 248. modestiæ & veritatis, sartæ tectæ conseruandæ; dum nihil iactat, quod in eius præiudicium vergere possit: elucet & iudicium in discernendo usū demonstrationum sciarum, hoc est in circumscribendo loco altitudinis in Mundo, intra quem eius obseruata testimonium dicere possint. Quale quidem iudicium in Claramontio merito requiro, quod ille si adhibuisset; & minus ars nostra de sua estimatione per librum eius deperderet apud inexercitatos, & minus mihi natum esset laboris in refutando libro.

4. Lubet tamen non sine spicilegio pagellas has ad finem usque libri II. percurrere. Folio igitur 249. & sequentibus apparet tandem liquidissimè, quod initio defensionis huius musando tetigi: quantas Claramontius tenebras in doctrinam parallaxium inuehat, nouatione terminorum; dum parallaxin verticalem appellat, quam nos parallaxin altitudinis. Nam Astronomi quidem cæteri correlata agnoscunt, parallaxin altitudinis, Horizontalem maximam, & verticalem nullam, sidus enim in vertice caret parallaxi: at verò noster Obscurimentius voce verticalis non eleuationem sideris, sed circulum insinuat, & abolita voce altitudinis, cuius cognominis parallaxis omnis, est sanè in circulo verticali, Parallaxin verticalem, contra parallaxes declinationis, Asc. Rectæ, longitudinis, latitudinis, distantiæ à fixa, &c. contra distinguit. Quis hoc ferat in homine nouo? suadeo authori, cuius hic se Claramontius aduersarium gerit, ut si responsurus est, nequaquam se patiatur adigi ad usum vocum, ab hoste præscriptum; neque totum genus Parallaxium altitudinis, vnius speciei (vel quasi) vocabulo, parallaxes verticales appellitet.

5. Hæc quidem cautio suam iam habet utilitatem, cum dimissis parallaxibus ipsis, ad earum differentias indigetas &

expendendas progredimur. Nam Claramontio quidem parallaxum, ut ipse usurpat, verticalium differentiæ, nullo quantitatum vel altitudinum discrimine, hoc nominis ius sibi vindicat: at nobis cæteris Astronomis è parallaxibus altitudinis, illæ maximas habent differentias, quæ locorum vertices circumstant, eoque sensu nobis verticales dicuntur: illæ contra minimas ac pene nullas, quæ in locorum Horizontes procumbunt, ipsæ per se singulæ existentes maximæ.

*Ad Caput XXIX. fol. 254.*

1. Ex hoc capite rursum apparet, quanto cum detrimen-  
to veritatis, Claramontius circa Refractiones halluci-  
netur. Argumentum enim, quod hic refert ex authore inno-  
minato, de genere optimorum est, si necessariis requisitis in-  
struatur, si nimirum cometa fixam aliquam diuersis locis, lon-  
geque dissitis, eodem momento (quod pro diuersitate meri-  
dianorum aliter atque aliter numeretur) exacte tegat. Hisce  
tamen omnibus in promptu positis, Claramontius nihilominus  
excipere vult contra, obtentu refractionum; quæ cum diuersis  
locis sint quantitatis diuersæ, fieri ergo posse, ut Cometa fixam  
vnico loco tecturus ob parallaxin, alteri non tecturus ob eandem,  
tegat iam loco vtrique illam, ob refractionum permutatam  
cum parallaxibus proportionem.

2. Nimirum de coniunctione censuit idem dici posse, quod  
de distantia aliqua maiuscula à fixa in eodem verticali. Atqui  
res habet longe aliter. Nam vt supra ad caput XXIV. Numero  
8. & iam dudum in Opticis fol. 112. monui, refractio duorum si-  
derum coniunctorum, in quolibet loco est vna & eadem, sine  
discrimine recessus siderum à centro Terræ. Itaque quanto  
Cometa videbitur altior loco uno quam altero ob Refractio-  
nem, tantò etiam fixa illi coniuncta videbitur altior ob ean-  
dem. Ita nunquam præstabit refractionem diuersitas sidera vi-  
deri coniuncta, quæ parallaxum solarium diuersitas præstat  
disiuncta in locis terrarum dissitis apparere.

3. Illud obiter expedit annotare; stellam illam, qua cum  
iungi

iungi Cometa visus est die 13. Decembris, non esse decimam in Ptolemæo, sed vel 17. vel 18. Tycho hic alio locationis ordine est vsus. Et quia harum vna scribitur, Romæ quidem ferè, Coloniæ ex parte, tecta fuisse à Cometa, addantur & reliquorum locorum testimonia: Lincii enim eius diei manè cauda velut ab his stellis assurrexit, Oeniponti & VVitebergæ earum inferior hora 3. proprist med. noct. distabat 20. minutis ad sinistram. Magdeburgi Cometa per medios transire visus est. Hæ omnes relationes de uno & eodem situ possunt accipi.

*Ad Caput XXX. fol. 255.*

**E**T si nihil huic capiti statui interloquendum, illud tamen extra capitis metas obiter incidit: id quod author, hic oppugnatus, colligit ex amplitudine & copia materiæ in corpore Cometico, multò euidentissimè demonstrari ex motu trajectorius rectilineæ; Cometam scilicet ex terra ortum haud esse. Quinque enim Cometarum trajectoriæ à me sic ordinatae sunt (nec aliter potuerunt) ut nequaquam in tellurem competerent, neque prorsum continuae neque retrorsum. Sed iis trajectoriis hæc insinuatur assertio; ruere Cometas ex profundo ætheris, propterque terram ferri, inque diuersam eiusdem ætheris profunditatem sese subducere.

*Ad Caput XXXI. fol. 158.*

**V**Æ hic vel ab authore innominato, vel à Claramontio op<sup>r</sup>pugnatore, tangitur opinio mea Kepleri, de formatione caudæ cometarum per radios Solis post corpus cometæ collectos inque materiam cœlestem densam impactos, ex Opticorum meorum fol. 267. ea tunc ad considerandum tantum proposita fuit, statimque paragrapho penultimo antiquata rursum, iniecta mentione opinionis alterius, de effluxu reali ex corpore cometæ, seu ex pulsione à radiis Solis facta: quam opinionem in libello de Cometis annorum 1607. 1618. excolui studiosius, veroque similiorem reddidi: nec occurrit hactenus quicquam, quod potius amplectar.

*Ad Caput XXXII. fol. 259.*

**M**IRAM Claramontii vel peruvicaciam in contradicendo, vel infelicitatem in tractandis perspicillis, vulgarissimo iam eorum vsu, qui negare ausit, Lunæ discum per illa repræsentari maiorem solito. Hæc cine Italus Cæsennas, tanta vicinitate Venetiarum? Cum mihi Germano Venetiis allata vitra contingit explorare, quibus vnica Lunæ macula vix quadragesimā occupans partem diametri, in tanta explicatur latitudinem, ut assurgentem ex illa veluti fossa rotunda, umbilicum, inque eius meditullio rursum depresso lacunulam agnoscere detur clarissimè. Veruntamen ut nihil ne obiter quidem dissimulem: adhuc quidem circa diametros planetarum ex tubo Optico æstimatas, aqua mihi hæret; cupioque super ea re cum peritis, eorumque Chorago Galilæo, conferre pluribus.

FINIS EXAMINIS LIBRI II.



## AD LIBRI III.

*Caput I. fol. 261.*

**A**B SOLVTO libro II. qui profitetur dissolutionem Ratiōnum Tychonis pro Cometę loco cœlesti videri poterat satisfactum muneri meo; et si librum Claramontii tertium, quo demonstraturum se pollicetur Cometas sub Luna esse, præteritem intactum; ut qui stantibus Tychonis demonstrationibus, contradictoriam astruentibus, verum utique non tuebitur, coque demonstrationes nullas continere potest. Verum quia & Tychonis defensionem & veritatis assertionem initio suscepī, cogor hanc quoque postremam libri Claramontiani partem ad rationis examen reuocare, ut qui & ipse à vexatione Tycho-

nis

nis exorsus, in oppugnanda veritate, per argumenta ex libro II. Progymnaſmatum petita & peruersa, penetotus insumi-  
tur.

1. Caput primum Syllogismo peripatetico absoluitur : cœ-  
lestia regularibus moueri motibus. Non sic Cometas, non igi-  
tur esse cœlestes.

2. Si cœlestia dicit corpora perennia mundi mobilis, Mun-  
do ipsi coæua ; facile largiar vel sine argumento, Cometas hoc  
ſensu cœlestes non esse, quippe qui oriuntur & occidunt.

3. Si cœleste dicit, quicquid in cœlo quocunque tempore, fol. 262.  
discurrit ; probet igitur motus uniformem, ut ait, uniformitatem  
de omnibus quæ in cœlo discurrunt. Nam contradictriam  
philosophi veri tuentur: nec sub Luna omnia esse mortalia, non  
utique animos hominum, non hunc ipsum telluris globum: nec  
supra Lunam omnia æterna & regularissimi motus.

4. De Planetis ipsis vulgo notis, demonstrauit ego in Com-  
mentariis Martis, & repetii Epitomes Astronomiæ lib. IV. Eo-  
rum motus naturam potius redolere, quam mentem: esse scili-  
cet uniformiter, non uniformes, sed difformes, idque contra  
Platonis, Aristotelis & Ptolemæi fauorabilem opinionem, quam  
hic Claramontius proratione adducit. Scilicet motus omnes  
tribui ego corporibus ipsis lucentibus, non sphæris Eccentri-  
cis, Epicyclis, &c. fictitijs, quibus corpora affixa, & per suam  
quietem, inuehantur. Iis enim per Tychonem, obſeruatione  
Cometarum & refractionum, è cœlo sublatis, restat globis ipsis  
lucentibus nihil aliud, quod eos impellat, nisi natura ( cœlestis  
illa quidem ſectæ) cauſæ que partim in ſitæ mobilibus, partim à  
motore globo extrinſecus accedentes; naturales utræque, qua-  
rum inter ſe contentione mutua, fit neceſſitate Geometrica, ut  
paffio illa, quam circumgyrationem dicimus, corporibus illis  
lucentibus, ut corpora ſunt, imprimatur uniformiter difformis,  
ſemper ſcilicet in Aphelio tarda, ſemper in Perihelio velox, cer-  
ta utrimque mensura.

5. Atque utinam vel hoc ſolum tuto liceret affirmare ſem-  
per in Aphelio illos eſſe tarditatis exactiſſime æqualis & ſic et-

iam in aliis consimilibus Eccentrici locis: neque de hac quoque uniformitate difformitatis, aliquid iuberent detrahere in calculo, Observations V Valtheri & Regiomontani satis copioſæ, cum Ptolemaicis & Tychonicis comparatæ; quod Tycho dum viueret nondum fecerat, quæ de re alibi.

6. De Cometis vicissim hanc ego tueor sententiam, eorum aliquos moueri, quamdiu mouentur, uniformitate uniformi, sc. æquabilissime, aliquos difformi sc. celeritate continuo ordine vel crescente vel decrescente. Ita penesunt permutandæ inter Planetas & Cometas qualitates motuum. Alia igitur est statuenda motuum differentia, ut sc. perennia gyrentur in orbem, interitura rectis traiiciant lineis.

7. Probet igitur de nouo Claramontius, omnia, quæ mouetur supra Lunam, in sua redire spacia, confectis orbibus: nam ego instantiam profiteor, adducta Cometarum in cœlo traitione rectilinea.

8. Scio aliam fuisse Tychonis sententiam: qui tamen licet circulares Cometis motus vindicaret, de perfectione nihilominus, qua Planetæ pollut, Cometis aliquid remisit. Et inculcat hoc Claramontius ipse fol. 263. Sed mihi iam ad Rationes Claramontii oppugnandas transgresso, libertas maior concedi debet à verbis & placitis Tychonis, quam superiori libro, ad defendendas Tychonis rationes.

9. Claramontius Tychonem eodem inducit folio, nunc asserentem Cometarum motus regularitatem, nunc negantem. At utrumque Tycho bene & sine contradictione. Nam comparatione Planetarum, Tycho minus arrogat regularitatis Planetis: comparatione verò motuum Elementarium, regulares Cometicos & ordinatos recte prædicat.

*fol. 264* 10. Claramontius ne difformitatem quidem uniformē permittit Cometis: sed cum folio vertit & sensum vocabuli motus; ludit æquiuocatione, de motibus loquens apparentibus, cum de veris in cœlo; sermonem ingressus, loqueretur.

*fol. 264* ii. De Cometa quidem Regiomontani, mirum quam oscitantे Iacobo Zieglero (qui eam observationem ex chartis Regiomon-

giomontani, puto in Italia relictis excerptis oscitent omnes transcriptores, eundem cometam qui visus est anno 1472. de quo & Pontanus, conferentes in annum 1475. vel 1476 quibus annis nullus cometa fulsit.

12. Rectam verò in cœlo trajectoriam assignare, diuisam in portiones diurnas æquales, uniformitate utique uniformi, quæ apparentias illius cometæ tanta subtilitate repræsentet, quanta sunt descriptæ; hoc, inquam, inter Astronomica problemata est, & præstaboid infra in Response ad caput XVII.

13. De Cometis anni 1585. & anni 1590 idem dictum est libro II. Sic igitur ex omni parte dissolutam habet Claramontius rationem primam; habentque Cometæ, submota ea, portas cœli apertas.

*Ad Caput II. fol. 264.*

1. PRIMA hac velitatione peracta, iactisque veluti pilis, *fol. 264*

Piam Claramontius Veteranos, scilicet, immittit, sed quos ego dudum occidi. Nimirum vtrò in lucri parte nobis imputat ea, quæ capite XI. libri II. à Numer. 47. in 20 plurimorum errorum, falsitatis, & manifestæ vesanæ coarguimus. Summa hæc erat: Tycho ex applicatione obseruationum vnius diei diuersarum, eruit differentiam in parallaxibus, summum trium minutorum: nec hanc tamen omnino certam, propter instrumentorum rationem: & addit, si parallaxes fuissent Lunaribus æquales; quadruplo plus, eoque amplius, à parallaxibus futurum fuisse discriminis.

2. Claramontius ergo ( si bene ariolor, obscurissimis enim *fol. 169.* est) componit quadruplum hoc, cum illo simplio, affirmatque, *170.* hinc colligi parallaxin, quarta parte maiorem Lunari, eoque *171.* Cometam sub Luna fuisse. *fol. 266*

3. Cura autem ad id stultitiae processit, vt ex fictione Tycho-*corre-*  
nis & ex obseruatione eiusdem, quasi veram parallaxin compo-*cto.*  
neret? Quia nimirum se ipse decepit in calculo, ratus se ex posi-*fol. 169.*  
tione parallaxeos Lunaris computare, quod secus ei accidit, *170. 171.*  
eoque se Tychonem in manifesta *λογισίᾳ* deprehendisse: quod *Vide ad*  
*etsi*

*Lib. II.* et si fuisset, et si Tycho iacturam hanc in calculando fecisset,  
*Cap. XI.* non magis tamen iam error Tychonis, quam prius fictio eius.  
*Nu. 19.* dem Claramontio accessisset in lucri parte, ad conflandam ve-  
 ram parallaxin maiorem Lunari. Nihil est hoc argumento puti-  
 dius, ad Cometas sub Lunam redigendos.

4. Sequitur alius ex hisce veteranis, ex fol. 193. cap. sc. XIII.  
 libri II. Tycho comparatis suis cum Haggecio obseruationi-  
 bus, inuenit discrimen distantiarum, Cometæ à fixa, summum  
 į. At posita parallaxi, quæ sit æqualis Lunari, discrimen non po-  
 tut esse maius, quam į 18°. Major igitur fuit Cometæ, quam  
 Lunæ parallaxis.

5. Satis supra Lib. II. Cap. XIII. Num 15. 16. demonstrata est  
 huius ratiocinationis infirmitas. Tycho non nisi consensus cau-  
 sa, tangit obseruationes aliorum, de quarum certitudine ipse  
 adeò certus, ut de propriis, esse non potuit. Nec de identitate  
 horæ, cautum est vtrōque loco. Nec fidendum est instrumen-  
 tis de minuto, ad asserendum aliquid, de ipsissima meta, orbe  
 Lunari, cis an ultra stet sidus: at bene ex discrimine tam paruo,  
 capi potest argumentum in genere, de loco, à terris valde re-  
 moto. Non est igitur huic differentię trium minutorum in di-  
 uersorum hominum obseruationibus tanta fides, ut certissi-  
 mum Cometæ locum arguant.

6. Tum autem hæc ipsa & plura alia Claramontius Tycho-  
 ni obiicit, quoties huic diuersorum locorum obseruationes  
 coeunt propius, parallaxin excludentes: cur ergo iam his non  
 attentis argumento à discrimine tam paruo inter distantias di-  
 uersis locis obseruatas pro se vtitur vt necessario, & quidem  
 fol. 265. præcipuo? Cur fateri oportere contendit, quod, ob causas dictas,  
 oportet minime; Cometas, scilicet sub Luna esse?

fol. 265. 7. Quid igitur venditat nobis sequentem calculum, Paral-  
 266. laxis maximæ & distantiaæ Cometæ à Terra? Bonum sane Ty-  
 267. rocinium, vt à discipulo; at rancidum, vt ab artifice,  
 corre-  
 268. Cometis locum in Mundo me-  
 tante.

*Ad Caput III. fol. 269.*

**N**IHL habet hoc caput, nisi indicem dicendorum. Ex hoc tamen illud noto, quod Claramontius demonstraturum se professus, quod Cometa sub Luna fuerit, ne vnum quidem afferat argumentum, ab accuratis vnius diei obseruationibus, uno loco habitis, omnia ab obseruationibus diuersorum locorum: quod genus argumentorum Tycho in postremis habuit. Plerorumque autem quibus fudit, obseruationes variantur; ut inuenias bigas, quae Cometam in coelum attollunt; alias quae sub Lunam locant: quasdam etiam, easque crebras, quae contrarium Parallaxibus praestant, eoque rem ad impossibile deuoluunt.

*Ad Caput IV. à fol. 269 ad fol. 294.*

1. **T**Oto hoc capite nihil profitetur Claramontius nisi exercitium calculi, ad suum problema conformati. Quare ne quis patiatur sibi oculos impleri, veluti tot foliis Claramontius in demonstratione versaretur suscepit dogmatis. Quinimo monet ipse, se longitudinem maiorem, quae obuenerat Landgrauio, dare Tychoni, & latitudinem maiorem, quae obuenerat Tychoni transcribere Landgrauio: id est, se fingere ad libitum principia calculi, quod non est demonstrare.

2. Igitur ille quidem totis 25. faciebus ad rem agit nihil: ego verò ex hoc pari obseruationum, argumentum euidens extruo, quo demonstratur, nos his obseruationibus Landgrauianis, in tali coniugio uti tutò nequaquam posse.

Cum enim ad hanc eandem diem 1. Decembris, horis Obseruationis, Cometa utriusque loco Cassellis & Vraniburgo, vergeret ad occasum: conueniebat utique, si parallax in habuisset, ut is Tychoni Borealiori spectaretur Meridionalior, Landgrauio Meridionaliori, Septentrionalior. At nunc accedit contrarium: nam ex Obseruationibus Landgrauianis colligitur locus dimidio fere gradu australior, & simul bona parte gradus promotor. Recidit ergò res in contrarium Parallaxibus.

3. Id quidem fatetur Claramontius cap. VII. fol. 316. vtròe  
sæpius vsu venire: at ne suopte se gladio iugulet: refræctiones  
caußatur. Atqui & altus fuit cometa: & si maxime fuisset hu-  
milis, nihil tamen proficeret refræctio: quia de parallaxi loqui-  
mur Horizonti pene parallela; cum Refræctio nihil operetur in  
latus, rotum in altum. Quod licet Claramontio discere, suoque  
Astronomico libro hinc augere.

4. Ut non dicam, quod eadem vtròbique fuerit altitudo co-  
metæ, eadem igitur & Refræctio: nulla in ea culpa diuersitatis  
huius: conuincuntur igitur obseruationes erroris.

5. Nec veniunt in contentionem Tycho & Landgrauius:  
concedit ipse Landgrauius Tychoni, excusatque se, quod Ma-  
thematico tunc caruerit: necdum instrumenta correxerat:  
quin & obseruandi modo lubrico est vsus, per tempora, Azi-  
mutha & Altitudines, non per distantias à fixis, quæratio tu-  
tior esse solet.

Vna igitur hac exceptione, repelli possunt omnes argumen-  
tationes ab obseruationibus Landgrauii deductæ: quamuis v-  
nica sola sequatur.

6. Nam quod Claramontius protestationem Tychonis falsi  
fol. 290 arguit, qui nullam ait se deprehendisse parallaxin ex compara-  
tione suarum cum Landgrauianis: ea re demonstrat, quam  
iniquo sit animo in delectum aduersarium. Non enim de co-  
meta is anni 1577. tunc loquitur, sed de cæteris, postquā Land-  
grauius & Obseruatorem Mathematicum & instrumenta me-  
liora habuit. Quanquam & de iis Obseruationibus cometæ,  
annii 1577. verum est, nullam ex iis elici parallaxin. Quæ enim ad  
impossibile redigunt, ineptæ sunt ad hanc indaginem.

*Ad Capit. V. fol. 294.*

*Et VI fol. 314.*

1. **C**REDO vnam solam bigam reperit Scipio Obserua-  
tionum Landgrauii & Tychonis, quæ proratione Pa-  
rallaxeos, vt ait, se se recte habuerunt.

fol. 304 2. Eius igitur tractatione, alias 20. facies implet: & tamen in  
308. medio hæret, conflictatus cum contradictionibus, dum arcum

duabus

duabus methodis quæsitum, qui prodire debebat idem, differentem <sup>15</sup>. fere gradibus elicit.

3. Quare commotus, mendum potius vult suspicari in suppositionibus Tychonis. At frustra est, neque misericordia mo<sup>ueor</sup> laborantis in cassum, neque iniuria quam Tychoni intentat, vt errorem illi suum per omnes calculi sui ambages quæsitum & detectum eam : quærat alios opitulatores me ociosiores.

4. Non dicam, quod motum cometæ apud Tychonem de-<sup>fol. 294</sup>  
ducit ab Hora 6. ad momētū observationis Cassellanæ; quod <sup>Ad lib.</sup>  
superiori libro, à Tychone factum; ipse in controversiam tra-<sup>II. Cap.</sup>  
xit; legi, quam illi intentabat, ipse non parens. Liceat illi sanè de-<sup>XI. Nu-</sup>  
ducere: quia Tychoni licitum fuit. <sup>mer. 6.</sup>

5. Quin ego hoc illi amplius vel sine calculo libenter ultrò concedo, si locus cometæ momento temporis eodem, duobus in locis, tam paucis altitudinis Poligradibus ab inuicem differentibus, visus est in hac sua altitudine cum differentia minutorum <sup>15.</sup> longitudinis & <sup>14.</sup> latitudinis, parallaxin nasci maio-rem Lunari, partibus bene multis.

6. Earum partium numerum num legitima methodo colli-gat Scipio, valde dubito. Nam video, si Geometricè agamus, aliā ex longitudinibus prodituram parallaxin Horizontalem, aliam ex latitudinibus; nisi ex composito fuerint hæ inter se contem-peratæ.

7. Scipio vero si utrolibet Terræ loco, cometam per suam longitudinem & suam latitudinem in suum verticalem infert, *Vide ad* si in eo cometæ suam altitudinem computat, si altitudines inter *Lib. II.* se comparat, quantas alterius terreni loci, locus cometicus re-*Cap. XV* præsentasset: & si ex hac comparatione de Horizontali fert iu-<sup>à Nume</sup> dicium; in eum incurrit errorem, quo se priores Mathematici, <sup>ro 17. in</sup> eosque lecitus Tycho, obstrinxerunt, dum compendia incau-tius captant. <sup>24. de-tectum.</sup>

8. Mihi tutior ratio videtur, planum agere per utrumque locum terræ, & per locum cometæ; eique parallelum planum per centrum terræ; in hoc plano vertices respectu locorum ter-

ræ statuere, & cometæ ab iis declinationem in hoc eodem plano numerare cometæ parallaxin ex longitudinis & latitudinis visæ differentiis, conflatam in vnum. Nam si nullus in obseruationibus error est, incident etiam utraque cometæ loca visa, cum mutua eorum distantia, in planum idem. Ut quia longitudinum differentia est  $15^{\circ}$ . latitudinum  $14^{\circ}$ . & latitudines  $13^{\circ} 45'$   
 $13^{\circ} 59'$ .

76. I — 3008 — 142031

o. 15 - 543452

546460 — — o. 910

76. I — — — 142030. 090

14 — — — o. 840


20. 18. — — — 1. 750

Ergò composita parallaxeon differentia in plano est  $20^{\circ}.18'$ . In plano inquam, si nullum in obseruando vitium; & parallaxeon quidem quæ competit distantiae à vertice plani, qui è regione respondet verticibus locorum.

9. Ut quia cometa Cassellis fuit non alio gr.  $8^{\circ}.10'$ . fuerit igitur in ipso Horizonte, & quia loca differunt in longitudine non plus quam  $6^{\circ}.15'$ . nihil igitur differant. Tunc verticalis Cassellarum primarius, seu sectio æquatoris & Horizontis signabit verticem plani respectu Cassellarum. Et quia Azimuth Cassellis fuit  $65^{\circ}$ . declinasset igitur cometa à vertice plani  $25^{\circ}$ . respectu Cassellarum: Differentia altitudinum Poli est  $4^{\circ}.36'$ . subtensa 8026. Ad  $65^{\circ}$ . adde  $2^{\circ}.18'$ . dimidium de  $4^{\circ}.36'$ . vt fiat  $67^{\circ}.18'$ . Ut igitur Parallaxeos  $20^{\circ}.18'$ . sinus 590.50. ad 8026. sic sinus  $67^{\circ}.18'$ . scil. 92254. ad 1252000. distantiam cometæ à loco in superficie Terræ, scilicet Cassellis.

Distaret igitur cometa etiam à centro Terræ fere 1252000. parallaxin Horizontalem exhibens non maiorem quam  $4^{\circ}.34'$ .

$8063$ $852252$ $—$ $260315$ $513100$ $—$ $252785$	
--	--



10. Sitamen agendum esset accuratius: tunc primum in triangulo inter P. Polum. H. Huennam, & A, Cassellas quereretur Azimuth Cassellarum ductum per Huennę verticem: quod est,  $36^{\circ} 15'$ . HAP.

H P.	34.	5.	15.	—	57900	—	18852
------	-----	----	-----	---	-------	---	-------

A P H.	6.	15.	0.	—	221763	—
--------	----	-----	----	---	--------	---

				279663	—	187
--	--	--	--	--------	---	-----

				33.	55.	25.	—	—		—	18665
--	--	--	--	-----	-----	-----	---	---	--	---	-------

P A.	38.	42.	0.	—	—		—	—		—	
------	-----	-----	----	---	---	--	---	---	--	---	--

				4.	46.	35.	—	—		—	348
--	--	--	--	----	-----	-----	---	---	--	---	-----

				227320	—	535	—
--	--	--	--	--------	---	-----	---

H A P.	36.	15.	—	—	52543	—
--------	-----	-----	---	---	-------	---

Sed cometæ Azimuth - - -  $65^{\circ} 0.$  P A C.

Ergo inter cometam & communem  
maximum duorum locorum compl.  $78^{\circ} 45'$ . H A C.

Iam cum sit inter Cassellarum verticem & M, punctum verticum medium,  $2^{\circ} 57'$  scilicet A M inter eundem & cometam  $8^{\circ} 50'$  scilicet A C, & angulus interceptus H A C. vel M A C.  $78^{\circ} 45'$ : Habebitur & latus M C , inter cometam & punctum verticum medium; eritque  $8^{\circ} 16'$ . Et ut sinus huius, ad sinus anguli  $78^{\circ} 45'$ . ita sinus  $8^{\circ} 50'$ . ad sinus anguli A M C ad punctum verticum medium  $100^{\circ} 49'$ .

TYCHONIS HYPERASPISTES<sup>11</sup>

2.	57.	296500	—	—	—	133
78.	45.	1940	—	—	—	
		298440	—	—	—	128
9.	35.	—	—	—	—	5
81.	50.	1019	—	—	—	
81.	15. 0.	—	1	—	—	188306
		1166	—	—	—	188434
79.	11.	1793	—	—	—	167308
79.	18 $\frac{3}{4}$ .	—	—	—	—	11661

Tertiò igitur ducto circulo maximo per locum cometę Cassellis visum, & per punctum N quadrante ab hoc punto medio M in communi maximo distans, formatur triangulum à CN arcu huius circuli, inter C cometam & N, sectionem cum Coryphæo locorum, ab MN quadrante Coryphæi, & à MC iam inuenito 8°. 15'. Estque angulus arcui oppositus NMC 79 ii'. Ergo arcus NC circuli per cometam inuenitur 7°. 18 $\frac{3}{4}$ : distat igitur Cometa à vertice plani sui, qui designatur ab arcu per punctum verticis medium in ipsum perpendiculariter ducto, distat inquam 10°. 41'.

Iam igitur in hoc plano absoluamus reliquum. Est enim iam Terræ arcus 2. 57' subtensa 5150. angulus in plano Cometæ constitutus ad locum medium 79. ii'. cum tangente circulum Cassellis. Eset autem 80. 30' cum subtensa, si planum idem esset cum Meridiano. Nunc sit cum eo 79. 12'. Angulus ad cometam, est iam dimidijs prioris sc. 10. 8' fere, vt sit alter ad subtensam 100° 38'. Ergo distantia cometæ brevior à subtensa esset 1717000. nec multo longior à centro terræ.

79. 11.	—	1793
5150	—	296555
		—
10. 8.		298348
		582728
1717000.	—	284380

11. Quare parallaxis Horizontalis  $\frac{3}{2} \cdot 20$ . Non verò  $\frac{9}{7} \cdot 10$ . vt  
fol. 314. 315. Claramontius.

12. Quod verò dixi, diuersam prodituram parallaxin Hori-  
zontalem per differentiam parallaxeon longitudinis, ab illa,  
quæ per differentiam parallaxeon latitudinis elicetur, id sic et-  
iam patebit clarius. Assumit enim Claramontius illam quidem  
 $15'$ . hanc verò  $14'$ . Iam vero si per differentiam latitudinum  $14'$ . o-  
perer, elicurus sum Horizontalem non multò minorē quam  
modo per  $20' \cdot 18'$ . puta circiter  $2' \frac{2}{3}$ . quia hæc latitudinis diffe-  
rentia se extendit à Meridie in septentrionem, pene ut locorum  
Terræ distantia. At si per  $15'$ . longitudinis operer, cum cometa  
fuerit humilimus, nec magnum discrimen altitudinum in v-  
troque Terræ loco, quippe cometa versus occasum existente,  
cum locorum distantia à septentrione tendatur in meridiem,  
tanta parallaxium differentia conficiet ingentem parallaxin i-  
psam totalem in Horizonte. Ex quo sequitur, si parallaxis non  
maiorem in altitudine præstítit differentiam, quam  $14'$ , ean-  
dem in longitudine nequaquam præstare potuisse differentiam  
maiorem sc.  $15'$ , sed omnino perexiguam: non obstante, quod i-  
psæ parallaxes longitudinis per se sint valde magnæ versus Ho-  
rizontem.

13. Conuincitur igitur hæc obseruationum assumptio erro-  
ris manifesti: vt dubium nullum supersit, locum cometæ ex A-  
zimuthis & altitudinibus & temporibus Landgrauii non elici-  
iustum.

14. Potest autem in iis esse vitium, quod in locum longitu-  
dinis & latitudinis redundet in tractationem parallaxium ( per  
diuersarum eiusdem diei horarum obseruata, quæ inuenitura apud  
Tychonem Tomo I I. progymnasmat. à fol. 217. in 244.) non adeò copioso redundet. Nam quia manet eodem loco,  
manet situs instrumenti, manet Horologium: cohærent igit-  
tur inter se bono vinculo, tam Azimutha, quam horæ, suntque  
interualla iusta: tereti in si peccant, æquali peccant; & illa qui-  
dem secum omni subtilitate in demonstrationem veniunt, isti  
non nisi crassa & superficiaria positione.

*fol. 314.* 15. Etecce fundamenta Claramontii, quibus ille suam demonstrationem superstruit, parallaxum scilicet Lunaribus maiorum. Observations ex una parte vitiosae sunt, methodus *avāndanū*, & erroneous calculus, denique & à seipso dissentēs, & certiore methodo conuictus falsitatis. Hoccine est demon-  
*In Ti-*  
*tulo, præ-*  
*fatione,*  
*fol. 268*  
*in me-*  
*dio fol.*

strare? Hæccine fides pollicitationis tuę Claramontię Me vero  
 ineptum & amentem, qui tempus his refutandis perdo; quam  
 me pœnitet, semel pedem in hoc Augiæ stabulum intulisse.

*314. in  
titulo.*

*Ad Caput VII. fol. 316. Quod additamenta solum pollicetur  
ad Rationem priorem.*

**S**ATIS de hoc ad Cap. IV. Niſi quod ex modo dictis, Refractionis Asylum arctius occluditur Claramontio, in biga observationum capit is prioris. Cum enim differentia ibi longitudinum pronunciet quidem secundum Parallaxin, & sic contra refractionem, sit vero vitiosa, testimonio differentiæ latitudinum, reperta: vitium hoc non causabitur Refractio, sed teget potius de eo etiam maius aliquid, quod præter id, quod excusa re potest parallaxis, peccauit obſeruatio: niſi refractionum diuersitas inter hæc duoloca ponatur valde euidens. Atqui tunc per refractionem tam magnam turbabitur id quod per parallaxin ex longitudine putabatur optimè constitutum. Ita nusquam fere pedem mouet Scipio, quin grauiſſimè impingat.

*Ad Caput VIII. fol. 317.*

i. **T**O T V M hoc caput eiusdem est farinæ cum priore: Obſeruationes Mœſtlini, seu loca potius cometæ in Ecliptica designata, quæ Claramontius adhibet, non sunt ad necessariam huic processui subtilitatem limata; non ignauia Obſeruatoris, sed quia rarissime cometa in ipsissimas duas lineas incidit, per binas quamque ſtellæ, ductas.

2. Apage Claramontium, qui cum vix extremam manum obſeruationibus adhibuerit, audet iudicium suum interponere de vnu fili certo, & hoc contra Typhonem. Vſus est sat certus si breui ſpacio diſtent fixæ, ſi inter medias cadat cometa. Athoc

vſu

vſu venit rarissime. Quod si filum per longe diſſitas dirigas, iam distorquentur oculi, titubant manus, aut Cometa amittitur, aut stellarum altera. Sin æſtimatione vtaris, quantum excederit Cometa è linea, quantumuis propinquarum: iam nihil erit certi, fallitur æſtimatio; nec vila exercitii diuturnitate reddimur ab hac aberratione penitus tuti.

3. Sic cum ſint comparata funda‐menta: non mirum eſt Claramontio etiam varias prodire parallaxes, varia interualla Co-  
metæ à Terra; vt interdum, proximus iis, interdum aliquot fe-  
midiametris terræ distans, quandoque & Lunæ vicinus, per al-  
lias longe ſupra Lunam eſſe conuincatur: plusculæ obſerua-  
tiones cum Tychonicis comparatæ etiam rem penitus ad imposſi-  
bile deducant.

4. Immerito igitur Tychonem taxat Claramontius , ac ſi fol 319. principium petat, reiiciens obſeruationes eas, quæ à ſuis diſſen- fine.  
tiant, cum parallaxis pro cauſa diſſensus allegari potuerit. Non  
reiicit enim eas tantum propter diſſenum à ſe, ſed quia diſſen-  
tiunt à ſeipſis, quia diſſensus quantitas inconstans, quia paralla-  
xeos contrarium aliquæ pŕeftant, nec à Refractione excusari  
poſſunt. Sed nec principium petit Tycho, cum diſſenum arguit  
Mœſtlinianorum à ſuis; demonstrationem enim pŕemisit eui-  
dentem, parallaxin fuiffe nullam quæ illum diſſenum cauſare-  
tur. Si enim parallaxis fuiffet tam euidens eodem temporis mo-  
mento, locis diuersis; eandem etiam ipſe animaduertifſet, di-  
uersis diei horis, loco eodem. Plura capite ſequenti de Mœſtlini  
obſeruatis, Num. 4.

*Ad Caput IX. fol. 320.*

1. E ODEM censu eſt & hoc caput in quo ex obſeruationi-  
bus Gemmæ cum Tychonicis comparatis, ſe putat ar-  
gumenta pŕifcari parallaxium : quia Gemma plerisque diebus  
minores prodit Cometæ longitudines in Ecliptica , quam Ty-  
cho.

2. At ô bone, non comparas obſeruata Gemmæ, ſed loca  
Eclipticæ ex obſeruationibus quacunque methodo deducta.

Demonstravit autem Tycho, inter hæc duo discrimen ingens  
 esse in Gemma: distantias enim à fixis radio captas (cuius tu in-  
 strumenti vsum Gemmæ multis argumentis haud frustra ar-  
 rogas) à suis quam minimum dissidere: loca tamen Eclipticæ,  
 his iisdem distantiis arguenda, plerumque anticipare apud  
 Gemmam.

*fol. 320.* 3. Quid ex his potuit aliud colligere Tycho quam Gem-  
 mam vsum esse circino & globo forte veteri? Nam si Gemma:  
 doctrina triangulorum esset v̄sus, nequaquam tantum fuisse  
 peccaturus in locis Eclipticis. Nunquam tu sc̄. os aperis in Ty-  
 chonem, Scipio quin aliquid adiicias ad cumulum insignis tuæ  
 in carpendo Tychone temeritatis.

4. Et quæ hæc malum *μανούθια*, quod tam hic in Gemmæ  
 quam supra in Mœstlini scriptis obseruationes, ex quibus vel i-  
 psi, vel Tycho, parallaxin nullā vel minimè quantitatis arguunt,  
 eas tu negligis; ad demonstrationes inde extructas, aures clau-  
 dis & oculos, contentus memoria eorum, quæ libro secundo  
 in genere contra deblaterasti: vicissim vero loca Ecliptica, q̄ non  
 sunt immediate ex obseruatione, queque vitium suscipiunt, vel  
 ex catalogo fixarum, vel ex globo & circino, quamuis sint per  
 illas ipsas obseruationes, nec aliter, methodo non legitima con-  
 stituta, tu assumis; contrarium ex iis demonstratus eius, quod  
 illi ex obseruationibus ipsis adduxerunt? Nec hic respicis Gem-  
 mæ in computando indiligentiam? non tuam existimationem?  
 qui fateris vtrò, Gemmæ loca Ecliptica quandoque contra-  
 rium parallaxi facere, eoque illa loca reiicis.

5. Nimirum sic constant demonstrationes Geomanticæ &  
 pleræque Genethliacæ: de magno numero prædictionum,  
 quæcunque eueniunt, ex argumentum trahuntur veræ artis,  
 annotantur, celebrantur, exaggerantur; quæ verò fallunt,  
 plurima scilicet pars, earum obliuiscimur, nec vt argumenta  
 falsæ artis recipimus, quia scilicet veram esse cupimus: vt etiam  
 Claramontius, & Cometas sub Luna esse, & delectum sibi ad-  
 uersarium victum & protritum cupit.

*fol. 322.* 6. Valde ais admirandum, duos hos viros in eo inter se (&  
 cum

cum Tychone) conspirasse, ut Cometam illum dicerent cœlestem.

7. Et nobis cæteris Mathematicis vicissim valde mirum accidit, te, nouum scilicet Herculem, aduersus non duos solum, sed planetres contendere, Cometas sub Luna esse ; falsamque eorum methodum arguere, quam Tycho & ipse iuit, & in cæteris, quamvis rigidissimus illorum censor, improbare non potuit.

8. Neque illi se confoderunt suopte gladio, quantisper obseruationes distantiarum, præsertim à fixis admodum vicinis, proferunt, iisque inter demonstrandum vtuntur. Nam quod postea differunt in locis Eclipticis : id demonstrationes eorum attinet nihil. fol. 322.

### *Ad Caput X. fol. 323.*

**Q**UAM breue verbis, tam probris prægnans est hoc caput. Maximis enim Röslini aberrationibus, contrariarum quidem qualitatum, prolatis, sic vt alteræ parallaxin inferrent immanem, reliquæ manifestam impossibilitatem, parallaxi contrariam: concludit sic : *Ex quibus differentiis nemo non videt, quantum infra Lunam fuerit Cometa. Ex quibus, inquam ego, nemo non videt quantum Claramontio infra frontem secesserit pudor, infra cerebrum mens.*

### *Ad Caput XI. fol. 323.*

**P**E CVLIA RI lemmate capitis, ostentanda fuit summa viri vanitas: qui nihil in hoc capite, præterquam hæc duo : Primum, concludit, puta ventos reti, & aquam cribro : deinde, proponit, tresscilicet in aere. Satis superque propositionum fuit toto libro, & iam modo fine capitilis X. de portentosis refractionibus.

*Ad Caput XII. fol. 324. & XIII. fol. 326. & XIV. fol. 327.  
& XV. fol. 328.*

1. **Q**uo d modo sub finem capitum X. diarium, id iam in horum capitum materia apparet verissimum : & frontem Claramontio periisse, & cerebrum: Frontem in eo quod harum rerum imperitissimus, audet obloqui Tychoni, perito artifici; quodque id, quod tot argumentis conuincitur ex vitio alterius observationis esse, audet ipse nuda asseveratione sine argumento Refractioni tribuere, susque deque habita Tychonis diligentia, ( 2 ) qui in ipso Horizonte refractionem non maiorem inuenit 34 minutis, Largitus hoc insuper Rothmanno, in penitiori Germaniae continente , puto Cassellis, etiamnum euenire minores illas , quæ paululum supra Horizontem eleuantur, adeoq; ibi citius etiam desinere esse sensibiles, quam sidera ad 20. gradum altitudinis perueniant.

3. Cum è contra præclarus iste Opticus Claramontius, vt id quod Observationis error est, audeat in despctum Tychonis, transscribere Refractioni, plus quam 11. graduum magnitudine eam inducit, & per coniunctionem parallaxeos, Refractionem pene 20. gr.

4. Nec minus effrons in hoc est petulantia , quod cum autores hi, Mæstlinus, Gemma, Röslinus suarum sibi observationum essent optimè consci, neque tamen iis tantum tribendum censerent, quominus Cometam in æthere fuisse statuerent, & hoc non in cuiusquam gratiam, sed pro se quisque, Claramontium tamen libido incessit, submissò refractionis commento, illos suis met observationibus transformatis conuincere, vt scilicet Tychoni quem penitus conficiendum statuit ægrè faceret, eiusque Observationes, observationibus contrariis nolentium & reclamantium conuelleret.

5. Cerebrum vero totum amississe videtur ea re, quod non pensitat, in pellucidis omnium densissimis, vt sunt aqua, vitrum, Crystallus, refractionem in altitudine 30. gr. non inuentam esse à Vitellio maiorem gr. 10.

6. Am-

6. Amplius, Refractiones admetiri gradibus altitudinis in ea proportione, in qua parallaxes iis accommodat Geometria, id verò est cum ratione insanire : cum Parallaxum differentia versus Horizontem euaneat, refractionum sit maxima.

7. Denique res eo redibit fol. 327. ut omnes omnino errores *fol. 327.* obseruationum, quin imo omnia somnia, omniū Horologiorū *Ψευδογραφήματα*, commissa à Tyronibus imperitissimis, per refractiones excusemus, si eas ad lubitum magnas licet assumere: & nunc quidem assumere, nunc remittere: Licebit nimirum omnibus excusare suos errores, Solis ortum præproperum cauſando.

8. Ut prodigio sit res similis, fieri potuisse, ut vel minima pars Astronomiæ potuerit constitui, dum tantam incertitudinem, tantæ quantitates importauit refractio.

9. Nam quod fol. 328. discriminem introducit Scipio, inter si. *fol. 328.* dera & Cometas, causa altitudinis, quasi, quæ humilia, plus refringerentur, ea re testatur extremam suam imperitiam in hoc negocio, ut paulo superius est dictum ; cum in aqua radiorum, qui à longe & qui de propinquō ad idem punctum densi, cum eadem inclinatione allabuntur nulla sit in Refractione diuerſitas.

10. Iure igitur Claramontius cum hoc egregio sc. arguento exsiblatur; qui affirmatiuam conclusionem in secunda figura probat, per falsam duas præmissas. Nam neque maiorem, refractionem patiuntur quæ humiliora sunt; neque Cometa patitur tam magnam refractionem : sed Claramontianæ mentis acies refringitur ab erroribus obseruationum, ad refractionis confitam causam, à baculo in angulo, ad Croesi diuitias.

11. Quæ vero de refractionibus magnis Land'grauii & Nouæ Zemblaæ afferentur? Exempla sunt illa in ipso punto Horizon- tis, & subito remittunt, primum atque Sol vel minimam acqui- rit altitudinem, adeò ut Sol Oriens sensibiliter compressus vi- deatur; quia pars eius Horizonti contigua magnam patitur re- fractionem, pars summa, ut dimidio gradu eleuacionis, iam subito notabiliter minorem.

12. Hæc subitanea magnæ refractionis Horizontalis attenuatio, in primis statim gradibus altitudinis adeo est euidens, ut quandoque Landgrauio Venus toto Horæ quadrante visa sit hærere in ipsissimo fere Horizonte, quia inter descendendum contrario refractionis opere sublata fuit, semper inferiori punto maiori quantitate.

13. Iam enim superius ex Opticis meis repetii, ut demonstratum, Geometricè cohærere inter se, Refractiones, altiores quidem, minores Cassellis, quam Vraniburgi, Horizontalem verò maiorem illic quam hic: quia ille locus altior, aërisque superficie vicinior.

14. Quid? quod etiam de illa Nouæ Zemblæ apparitione plures indicaui occasiones, quam solam refractionem: quibus Sol altior apparere potuit 4. aut 5 gradibus: nec indicaui solum, sed etiam manifestis speculorum experimentis comprobaui, sed quæ non possunt applicari nisi sidere in ipsissimo Horizonte viso, & per veritatem adhuc infra existente: nec quicquam attinent Cometam in altitudine aliqua supra Horizontem.

15. Ita omnibus modis deseritur Claramontius cum sua portentosa refractione in Cometa eleuato, deseritur inquam ab his exemplis, Cassellarum & Nouæ Zemblæ, frustraque se iis palliare studet. Cluso verò hoc subterfugio per Refractionum exitum, comprehenduntur errores manifesti, locorum Eclipticorum Cometæ ex his authoribus cum Tychonicis comparatorum: eo que neque illorum socii, ex quibus aliqua magna non refactio, sed parallaxis videtur elici, fidem merentur; nec sunt eius pretii, ut cum manifestis & indubitate Tychonis observationibus contendantur.

*Ad Caput XVI. fol. 329.*

1. **B**A SILINDAM quandam ludere videtur hæc Tycho-  
nis aduersaria simia, in qua sit & Rex & Regina & Au-  
læmagister, & Camerarius, & Marescalcus & Capellanus, &  
Consiliarius, & plurimus vbique Morio: adeo omnes libri Ty-  
chonici partes sine exceptione in suam contrariam Hypothe-  
sin traducit Claramontius: ut hoc capite ne illos quidem mi-  
norum

norum gentium obseruatores, Haggecum, Nolthium, Scultetum, VV incklerum, quorum scripta examinavit Tycho, omisserit, quin etiam ab iis demonstrationes contra Tychonem emendicaret.

2. Quanquam æquum est ignoscamus homini, quod suo in  $\delta\mu\omega\psi\eta\Phi\varsigma$  ducitur genio: similis simili gaudet. Hinimirum Cometam ausi sunt sublunarem facere: volupe est, munire se auctoritatibus, huc quanti ponderis: VV inckleri puta & Nolthii. Nam Scultetus & Haggecius viri fuerunt, in certa parte scientiarum obseruandi, non contemnendi.

3. At iidem per literas à Tychone admoniti, de sua sententia facile sese deduci sunt passi, ut patet ex Tomo II. Progymn. Tychonis fol. 366. & 442. ut non habeat causam Claramontius eorum consensum iactandi. Et Haggecius quidem sententiam publice retractauit: Scultetus verò cum ad Reip. Patriæ munia transisset, manum, quod aiūt de tabula subduxit, nec id magno cum posteritatis damno intermisit: nihil enim eorum quæ ex eo Tycho fol. 422. speranda putauit, euenisset, ( 4. ) non fuisset adempta Claramontio occasio, de hoc Cometa minus recte iudicandi, seu potius proteruiendi; non enim hac in re sese passus est impediri à Clarissima & ingenua Haggecius retractatione, quin eum vel inuitum, ad testimonium pro se dicendum protraheret nihilominus.

5. Sed quia Claramontius nihil attendere vult ad virorum horum rationes, nihil ad eorundem retractationes: quia recusat expenderere responsiones Tychonis, & examen ipsarum Observationum accuratissimum ( quanquam hoc erat æquissimum. ) Et quia satis habere dicit, ipsas eorum obseruationes, earumque differentias conferre, perinde ac si essent exactissimæ, perinde ac si tam facile esset opus, cautè & diligenter obseruare: repetantur igitur omnia illa, quæ prius ad consimilem abusum locorum Eclipticorum, à Mœstino, Gemma, Röslino proditorum ego dixi. Quibus per pensis, facile videbit Lector, non ita secure sibi contemnendum esse examen ipsarum simpli- cium et obseruationum in distantiis à fixis, q̄ Tychonem instituit.

Eo

Eo verò lecto mirabitur micam superesse vel iud cii vel pudoris in Claramontio, quod eas obseruationes pro fundamentis venditare audet demonstrationum suarum egregiarum.

*fol. 330.* 6. Nam quis sibi temperet ab ira, quando hoc ipso loco Claramontius, medium terminum demonstrationum suarum Mathematicarum, petit à moralibus, non vero ab ἡθεσι, sed à κακοηθείᾳ à suspicionibus nequissimis de homine fide, moribusque antiquis & verè Germanis: quæ suspiciones mihi complecti vindentur vim calumniæ acerbissimæ, criminatiois iniustissimæ, conuicci denique grauissimi, ipsæ fontem reddent animi immittis infensi, peruersi & deprauati.

Vellet Tycho, inquit, pudet tamen aperte poscere, ut concedamus, solas eius Obseruationes retinendas, reliquas penitus explodendas. Audi vipera ex Argo, digne & Græconomine, quod scis: Nec Ptolemæum puduit poscere, ut maior suis obseruationibus habeatur fides, quam veteribus Chaldæorum & Dionysii: nec Tychonem, ut suis de Cometa hoc, potius quam VVinckleri, Nolthii, Sculteti, Haggecii: nec hos duos ultimos vicissim puduit id Tychoni concedere. At solas suas obseruationes, quæcunque retinendas, reliquorum omnium penitus explodendas; hoc verò tam non voluit Tycho, quam tu non vis imitari mores viri huius καλοκαγάθου Φιλαλήθου. Nihil ipsi magis erat in votis, quam ut suam in obseruando diligentiam & sedulitatem omnes Mathematum professores imitarentur; & si quispiam ad eam aspirasset, illi & fuit impense, & prædicauit industriam, ubi & usus est eius Obseruatis in ipsorum Planetarium restitutionibus. Duo vero cum dicunt idem, non est idem: Negat Tycho quibusdam Obseruationum certitudinem; negat Claramontius Tychoni.

*fol. 330.* 7. Sed nec illud hoc loco valdè mirum, malos bonorum imitari verba. Actum est, inquis, de rebus Astronomicis, si unius solius viri obseruationibus sit standum. Imò tunc actum erit de Astronomia, si Claramontii eorumque, quos ille, quoties lubet vel expedit, allegat, Obseruationes pari cum Artificum obseruationibus

uationibus iure degent, nec solius eius, qui diligentior est cæteris, & exercitatiōnē obseruatis sit standum.

8. In Sculteti certè obseruationibus egregie nobis Scipio, quod solent ex fæce homines, fīcus ostendit, nolo enim Græco uti vocabulo: dū dissimulat differentiam inter Sculteti & Tychonis obseruationes totorum  $23^{\circ}$  graduum. Scit enim se tantam parallaxum differentiam, quæ nescio quid monstri in parallaxes totales ingereret, nequaquam refractione adiuuare, nisi eas etiamnum augere velit: eoque totum id esse ex errore loci Cometici à Sculteto proditi. Ipse verò omnes omnino errores obseruationum, in despectum Tychonis, cum suscepere it defendos: hunc tamenormem dissimulat, silentio præterit, & post sepem se subducit.

9. Fallor? an illa tanta parallaxeon differentia, vincula eius problematum rumpit, problemata ipsa redarguens, ut nō Geometrica? Nimirum differentiæ longitudinum visarum  $23\frac{1}{2}^{\circ}$ . & latitudinum  $11\frac{1}{2}^{\circ}$ . differentiam in circulo magno faciunt  $26^{\circ}$ , & imperant certum in sphæra circulum magnum in cuius planum nequaquam incidunt simul Huenna & Görlicium, quippe eidem fere meridianō subiecta loca.

10. Posito tamen, quod sint duo loca Terræ in eodem plane cum his duobus locis Cometæ, distantia in circulo magno grad.  $5^{\circ}.14'$  quantum distant Görlicium, A. P.  $50^{\circ}.40'$ . & Vra-

 niburgum, A. P.  $55^{\circ}.54'$ . differantque in iis loca Cometæ visa per  $26^{\circ}$ . lubet inquirere, quantum à Terræ superficie eleuetur phœnomenon tale, si phœnomenon alteri loco in Horizonte visum fuerit, alteri  $26^{\circ}$ . grad. alatum, id est, si planum per centrum Terræ transierit. Operatio est hic subiecta,

C O.	$\frac{5}{2}$ .	14					
I C O.	$\frac{2}{2}$ .	37.	3	0	8	6	6
C I O.	26.	0.	8	8	2	4	6

C O I. 28. 37. 7 3 6 1 6.

Complemen. 2 9 9 8 1 4.

C I. 9 9 7 4.

Secans A I. - 1 0 0 4 9 1

E I. - - 4 9 1

C I A. 84° 20'.

Proditque secans, qui radium excedit ducentesima parte semidiametri, quæ continet paulo plus quam 4. millaria Germanica, & Parallaxis totalis fit 84° 20'.

II. Intercedat vero locus verus Cometæ (ut è centro Terræ visus) inter vertices locorum mediis distet scilicet locus visus ab alterutrius loci vertice gr. 13°.

A I O. 13. 0. - 1 4 9 1 8 7.

I A O. 2. 37.

I O A. 15. 37. - 1 3 1 2 3 0

Compl. 1 7 9 5 7 -

A I. Secans 1 1 9 6 6 9

E I. 1 9 6 6 9

C I A. 56° 41'

Tunc secans qui prodit in margine, radium excedet paulò minus quinta parte semidiametri Terræ, quæ continebit 180. millaria. Hæc est summa altitudo à loco terræ, cui perpendiculariter immineret tale Phœnomenon, existente parallaxi totali 56° 41'. si omnia largiamur.

12. At non possumus omnia largiri, fuit enim Cometa non verticibus, sed Horizonti vicinus. Magis igitur ad 4. millaria, quam ad 180. appropinquat eius distantia, si adhuc alterum largiamur, ut planum per centrum Terræ transuerit.

13. At

13. At quia ne hoc quidem largiri possumus, applicabit igitur se planū ea parte, qua cometam habet, applicabit se inquam ad alteram partem Globi Terræ & adhuc minuet amplius hanc distantiam Cometæ à Terræ superficie; eritque metus, ne forte Terras, ut quondam Phaeton, adurat.

14. Et tamen etiam hic adhuc largimur falsum illud, utrumque terræ locum in planum duorum expressorum Cometæ locorum incidere.

15. Hoc igitur fateri Claramontium oportuit, errorem puto obseruationum Sculteti; nec obtrectandum Tychoni, errores hos detegenti, quasi æmulo Sculteto ob oculos adducto, cuius obseruatis maior insit fides, quam examini Tychonis.

16. In Nolthii Obseruatis dum firmamenta Scipio quærerit suis tam magnis parallaxibus; vidit utique sibi ea firmamenta prius esse defendenda. Nam Tycho ea, ut fidei dubiæ, rationibus evidentibus coarguerat. Quomodo verò ea defendit Claramontius? More non equidem disputatoris ingeniosi, sed ducacis fœminæ, quæ sat habet si obloquatur, si linguæ vibret a-culeos, si pugat aduersarium. *Non memorat sanè Tycho, Nolthianas* fol. 332. *longitudines & latitudines*: quia non memorauit eas neque Nolthius ipse. Hac vero omissione neque confirmauit obseruatiōnes Nolthianas ipsas, quod optandū erat Claramontio, & beneficium in reos contulit, ut minus nugarum Claramontii sic sit.

17. Solitus is est haec tenus, id quod primum est in obseruatione, dimittere, quamuis demonstrationi parallaxeon sit aptissimum, seque conferre ad illas longius deductas per calculum, etiamque incuriosius ( ob nullum in parallaxibus rimandis usum ) computatas longitudines & latitudines, quæ hac vice sunt amissæ. Gaudet enim magnis earum dissonantiis inter diuersos obseruatores; nec vñquam fere aliter cadit, quin aut magna parallaxeos, aut contrariæ magna refractionis argumentum, ludere & illudere cupienti, præbeat error talis.

18. Huic igitur petulantiae locum in obseruatis Nolthii non esse, ægre fert Scipio, omissionem, quæ Nolthii est, Tychoni im- fol. 332. putat: suggillat huius diligentiam in examinando effectu cal-

culi Nolthiani : quia calculum ipsum Nolthius non posuerat:  
 fol. 332. Ait, *Tychonem*, cum ex dedomenis Nolthii parallaxin adhuc maiorem elicerit, multa comminisci, plures versare coniectarus, ut incertam reddat obseruationem.

19. Neque falsi quicquam Tycho comminiscitur, neque in eo est, vt quam certo inuenit peccantem, incertam demum reddat obseruationem: sed potius, vt excuset illam de errore, prolati occasionibus & difficultatibus, quæ certissime solent occupare vel obseruantem vel computatem. Non igitur cauillatur Tycho obseruationes Nolthii, sed tu cauillaris Tychonis

fol. 332. in eae legitime coarguenda diligentiam: Cauillaris artem ipsam, refractionibus abutus: qua ratione omnis obseruationum certitudo negatur, vereque, quod tu Tychoni immerito imputas, totum negocium Astronomicum ruit.

20. Et quænam dic sodes, est illa euidentia, ex qua tu concedis nobis ab obseruationibus aliorū esse recedendum? Si hæc non sufficit euidentia, dissensus Nolthianorum à cæterorum authorum obseruationibus, quam allegat Tycho? Si tu Refractionum enormitates, omni euidentia euidentiores, in parato habes, quibus obseruationes, quorumcunq; qualescunque, quominus ab iis recedendum sit, tueris: quibus refractionū nebulis effusis, lux hæc non lux est amplius, quibus videntes nos cæci efficimur.

21. Winclerum vero quod non spreuit Claramontius, quin etiam ab illius obseruationibus parallaxes suas emendaret, benigne fecit: similis pars est, vt simili gaudeat. Ille est, qui Aquila altitudinem meridianam plus 12. gradibus obseruauit minorem iusto: quod cū per refractionem Scipio non possit excusare ( hæc enim auget altitudines non minuit ) restat vt parallaxes expeditat, quibus opituletur populari suo, parallaxes scilicet fixarum. Taceo insanos huius obseruatoris errores cæteros, apud Tychonem visendos. Fruatur hoc teste suo Claramontius, triumphet de Tychone: nos cæteri Pæana accachinnabimus.

*Ad Caput XVII. fol. 332.*

1. Si controversia hæc non inter Mathematicos, sed inter Rhetoras agitur, nuspam melius stetit Claramontius, quam hoc ipso loco. Cometarum aliquos sub Luna esse, probat exemplis eorum, quos Tycho ipse videre non potuit: & nititur authoritate Regiomontani, de Cometa anni 1475 (vtego puto, 1472) & Vogelini de alio, anni 1532. Cumque Tychone Regiomontano se credere significauerit: Claramontius utriusque viri authoritatem in contentionem adducit; congeriem facit probabilitati. Motus est ille Cometa uno die triplo longius quam Luna: & tribuitur illi parallaxis à fide digno Mathematico.

2. Quid si victoriam hic illi largiamur, ut Rhetoris quid profecerit rogo ad rei summam? Nimirum ipse ego Mathematicus & Physicus nō propter ista probabilia, nec propter demonstrationem Regiomontani, sed sola consideratione Hypotheseos meæ, qui Cometiis traiectionem tribuo rectilineam, nolim diserte negare, Cometam illum Regiomontani, propter terram, proprius ipsa Luna, traieciisse; sic tamen, ut ruens ex profundo ætheris, in oppositam profunditatem rursum fuerit receptus.

3. Atqui nec propterea proculcandam, cum Claramontio, propino Tychonis existimationem, negandaque ea, quæ ipse desuis Cometiis, quos ipse vidit, demonstrauit: nec ipse Tycho de Regiomontani Cometa diserte negauit, sub Lunam eum venisse. Qui potuisset enim hoc, cum Cometam ipse non viderit? Sed id solum dixit, *se non credere*, id est, verisimile id sibi non fieri, ut qui sit edoctus, exemplis suæ ætatis Cometarum, alta illis patere coeli spacia.

4. Quod vero Regiomontani authoritas posset obtendi: refugium ab ea Tycho habuit ad rei difficultatem & modos eruendæ parallaxeos valde lubricos, quos Regiomontanus vel docuit vel usurpauit.

5. Et scriptum quidem Regiomontani de Cometa anni 1475. ipse vidi nunquam: non enim omnem euolui Tychonis Bibliothecam; nec hic Cometa adiunctus est libello Regiomontani de magnitudine & loco Cometæ, quæ Noribergæ edidit Schoner?

Video vero eundem Regiomontani libellum de Cometa anni  
 fol. 264 1475. neque Claramontio visum esse : vt qui nihil habet de eo,  
 333. nisi quæ ex monimentis Iacobi Ziegleri relata legit apud Da-  
 nielem Sandbeckh, libro de quadrante. Ego ne Iacobi quidem  
 Ziegleri Astronomicorum quicquam præter commentaria in  
 Plinii lib. II. videre potui: in quo opere, quod impressum est Co-  
 loniæ anno 1550. fol. 244. hæc solum extant : Ioannes Regio-  
 montanus Cometen sua ætate obseruavit, designans per sin-  
 gulas noctes, quem cursum teneret, accepta indicatione ab A-  
 sterismis, quibus pro tempore accedebat, siue ab aliis recede-  
 bat. Extatque hodie opusculum authoris de eo Cometa. Non  
 dicit, extare in typis publicis : & suspicor, ei in animo fuisse li-  
 brum Problematum Cometicorum, huius occasione conscri-  
 ptorum. In Cardani verò Commentariis super Ptolemæi qua-  
 dripartitum, video eiusdem Iacobi Ziegleri, vt verborum for-  
 malium exscriptoris ex obseruationibus Regiomontani fieri  
 mentionem.

*Vide* 6. Si est, quod suspicor ; hoc est, si nihil vspiam extat typis  
*Num.* publicis de Regiomontani descriptione huius Cometæ præter-  
 quam in Ziegleri libro nescio quo: habemus proculdubio con-  
 45. 46. fectam rem, illam de qua supra ad finem capituli I. Libri III. Nu-  
 mero 2. scilicet sphalma fuit Ziegleri, 1475 scribentis, ex manu-  
*Vide* scripto Regiomontani, non dextrè lecto, transfusum inscripta  
*Nu. 48.* authorum ceterorum, cum Regiomontanus ipse proculdubio  
 51. 54. scripsit 1472. charactere binarii obsoleto: Evidem Cardanus  
 55. 56. ipse, post folia duo libri allegati, cum de caudæ Cometicæ ad  
 57. 59. certas stellas applicatione differens, exemplum huius eiusdem  
 Cometæ repetiisset, historiamque rerum consecutarum ac-  
 commodasset: subiicit ista: Quanquam Antonius Mizal-  
 dus Monslucianus, ex quo Historiam hanc desumpsi-  
*Vide* 45. 48. mus, nescio quo pacto, dum hæc scribit, non sibi con-  
*Num.* stat, modo ad 1465. modo ad 1472. Cometæ visionem  
 57. 59. transferens.

7. Fuit super hac re mihi controversia etiam cum Petro  
 Cru-

Crugero, Mathematico Dantiscano. Cum enim in libello meo Cometico, fol. 94.95. Ego quidem verba Regiomontani ex Cardano petita de anno 1472. intellexisse: ille hoc emendandum ratus, simul etiam alii quæstioni, quæ non est aliena ab hoc loco, præbens occasionem, sic ad me scripsit. Hoc demonstrandum est, quomodo per trajectoriam videri possit aliquis Cometa ( Exempli gratia illi Regiomontani anni 1475 non 1472 qui Pontani & V Valtheri est) perambulare ultra semicirculum, non Zodiaci, sed orbitæ suæ propriæ. Hoc posse fieri motu rectilineo, dicit Pag. 95: mihi videtur impossibile.

8. Ei rescripti ego, primum de anno Cometæ: quem ille nominat V Valtherum, non V Valtherum esse, sed Regiomontanus ipsum: huius enim est obseruatio illa, diei 20. Ianuarii anno Nu. 60. 1472. penultima quidem omnium Regiomontani, vnicula vero simile. in hoc Cometa, earum, quæ sunt impressæ in libello, cui à Torqueto nomen est. Nam inter 23. Febr. & 26. Septemb. eiusdem anni nulla fuit à Regiomontano habita obseruatio Noribergæ: quia is in eunte Vere abiit in Italiam, unde reuersus est mense Septembri; quod inuenitur annotatum in Observationibus Solis.

9. Respondi amplius, Pontani Cometam eundem esse cum Regiomontani: idque probavi ex collatione descriptionum, Nu. 47. ex que identitate tempestatis anni, quam Regiomontanus quidem exprimit, à 13. Ianuarii ad finem Februarii: Pontanus vero signat & annum & tempestatem, statione Saturni & Martis. Eodem argumento vel coniectura redigebantur & illa in vnu, quæ sunt in Regiomontani Torqueto & quæ eius, ex Iacobo Zieglero petita sunt. Ita conficiebam (accedente præsertim Mizzaldi fluctuatione inter 1475. & 1472. & mero historiarum silentio de anno 1475) diuersos, quos putabat Crugerus, Annorum 1475. & 1472. esse vnum illum anni 1472.

10. Etsi constat interim (ex Camerario, testimonio Pindari sui, qui hoc ex patre audierat) sub cædem Caroli Burgundi fuluisse alium etiam Cometam; quem ideo Camerarius ad annum 1477. ascribit, fol. 305. mei exemplaris: cuius Cometæ & Carolus

Ius V. Imperat. quandoque mentionem fecit, tanquam qui mortem auro suo materno, Carolo Burgundo portenderit. Hunc autem Cometam Regiomontanus viuendo non fuit affecitus: quippe qui anno priore 1476 6. Iulii Romæ peste fuit extinctus. Fallitur igitur Camerarius, qui mortem eius inter effecta Cometæ illius anni 1477. ascribit.

*Vide*      II. De quæstione annexa hunc ad modum respondi. Non  
*Nu. 61.* affirmare Theorema meum de Orbita propria Cometæ, quod  
*dece-* manent et trajectione rectilinea, plus semicirculo confici de ea  
*ptionis* possit, sed de Eclipticis Cometæ locis, quod ea totum Zodiacū  
*occasio-* peruagari possint. Etsi Cometa anni 1472 id non habuit: dece-  
*nem ex* ptus hic est Camerarius: qui ex eo, quod Cometa ex Libra in A-  
*cōiectu-* rietem peruenit, ab uno quasi extremo in alterum, putauit, id  
*ra Regio* esse 12 signa Zodiaci absoluere. Neque causam nos dixi habe-  
*mōtani* re, cur dicamus, Cometam hunc plus quam semicirculum con-  
*non ve-* fecisse. Sic enim sonare verba descriptionis, ut nisi adiuentur,  
*ro ex ob* contradictionem inuoluant: verbis vero adiutis, non sequi plus  
*seruatio* semicirculo, &c.

*ne ali-* 12. Hæc cum perscrissim ad Crugerum respondens ipse,  
*qua.* Tandem quidem inquis agnosco, Cometam hunc Regiomon-  
 „ tani ex Zieglero, eundem fuisse qui Pontani, qui in Tor-  
 „ queto. Veruntamen aduersatur eius motus, Trajectoriæ lineæ  
 „ rectæ. Nam pertuum Theorema 21. Cometa non potest traii-  
 „ cere plus quam semicirculum orbitæ propriæ. At opposui Co-  
 metam hunc Regiomontani (supple quod is plus quam semi-  
 circulum absoluere, quia ex Australi septentrionalis factus in  
 „ opposito signo rursum factus est Australis.) Tu ut trajectoriam  
 „ tuam in hoc etiam Cometa dari posse probes, suspicaris, pro spi-  
 „ cæ nomine, forte legendum, Arturi. Ego corruptionem nomi-  
*Vide* „ nis suspicari non possum, s. quidem pro 2 scribi potuit facile, sed  
*infra* „ spica pro Arturo, non item. Et nomen spicæ iteratur paulo post  
*Num.* „ sequenti Paragrapho de distantia Cometæ à Terra, his verbis:  
 52. „ Considerando itaque maximam diuersitatem aspectus caput Cometæ à spi-  
 „ ca, stella sibi vicina, &c. Procul dubio, velut è toto contextu liquet,  
 „ ista omnia consignauit Astronomiæ cœlique bene gnarus: talis  
 autem

autem quidni discernere potuisset inter spicam & Arcturum,  
vel etiam Vindemiatricem?

13. Quod admones de occaſu Cometæ Heliaco cum stellis  
Ceti, aliud hoc esse, & item aliud, coniungi cum stellis Ceti: be-  
ne habet. Neque enim vñquam sensi, cometam ad ipsas Ceti  
stelleras apparenter peruenisse: sufficit cometam è latitudine Au-  
stralí ascendisse per septentrionem, indeque appropinquasse  
Zodiaco, quem transierit iuxta medium Arietis, segmentum i-  
gitur suæ orbitæ confeoit semicirculo maius.

14. Monstrosum futurum esse motum cometicum secun-  
dum positiones Theorematistui XXI. etiamnum dico, Nec es-  
se est enim, cometam talem primis 15. diebus conficere integrū  
Eclipticæ quadrantem, sequenti semestri, semicirculum, vlti-  
mis 15. diebus denuo integrum quadrantem. Quis tale motus  
monstrum vñquam fando comperit? Monstrosus, aīs, apprimè fuit  
motus Cometæ Anno 1472. Da quæ posui, dabis ipsa monstra. Atqui,  
dari non possunt, quæ posuisti, scilicet, pro spica assumendum  
Arcturum. Quin si etiam darentur; Monstra tamen illa non da-  
rentur. Non enim cometa Regiomontani primis diebus fuit  
velocissimus, sed intermediis. Cuius caput, ait textus, tardierat mo-  
tus, donec vicina vel spice, &c. velocissimus autem fuit, à sinistra Bootis  
digrediens: iterumque dum graderetur per pisces Septentrionalem, valde  
remittebatur motus eius. Pontanus ait, istam celeritatem motus  
accidisse, cum primum Saturnus & Mars directi fieri cœpissent, quod  
isto anno factum est in Febr. Non igitur in principio cometa hic  
velocissimus fuit. Hæc ad me Crugerus ad oppugnandam tra-  
iectionem rectilineam.

15. Adiungam igitur & responsionem meam, vt Lectoris ta-  
edium, ex perpetua Claramontii petulantia conceptum, hoc in-  
teriectu disspellam. In hanc nimirum incubui partem, vt proba-  
rem, latitudinem huius cometæ initio nequaquam Australē  
fuisse. Nullum me dicebam præsidium querere in correctione  
Textus Regiomontani. Sed cum sim conuictus rationibus, ca-  
put cometæ in prima statim apparitione fuisse septentrionale:  
iam me causam hanc habere cum Crugero communem; quo-

Vide

Nu. 49.

modo igitur sucedentibus diebus post primam apparitionem posuerit (voce Italica, ut mihi videbatur) *auicinarsi alla spica*, an non legendum *Arturo* aut *Vindemiatrici*: aut si retinendum *spicæ*, quo igitur sensu hoc? Nec enim cum peterem, ut daret aduersarius, quæ posueram, hoc à me positum esse, innuere me voluisse, quod legendum sit *Arturo pro spicæ*; sed locutum me esse de positionibus mei Theorematis XXI. quæ sint omnino possibles, saltem Geometricæ, quoad lineæ situm, & traiectionis lentitudinem.

Vide  
infra

Nu. 52.

*similem**Eberi**intelle-**ctum.*

Vide

Nu. 49.

16. Rationes verò seu argumenta, cur Cometam initio statim septent ionalem crederem, duas attuli. Primum. *Erat*, inquit obseruator, *sub Libra cum stellis Virginis*, donec aduincinaret *spicæ*. Hoc ego sic intellexi, quod priusquam Spicæ, quocunque sensu, approximaret, cum stellis fuerit Virginis. Et sic legit Crugerus in meo responso. At nunc reperio me deceptum esse vobula vicinaret, quam Crugerus mihi intruserat; cum aliter perscriptum sit in Cardano. Donec, id est, quantisper propinquum esset Spicæ. Non est igitur opus, ut doceam, quo sensu Cometa approximauerit spicæ: non propinquauit enim, sed discessit potius ab illa. Erat enim inter initia propinquus spicæ, respectu reliqui sui itineris: & hoc tam diu, quamdiu erat motus tardi. Nam die septima post primam apparitionem iam non amplius propinquus erat spicæ, sed ad 50. grad. ab illa remotus, ut testatur Obseruatio perscripta in Torqueto. Sed ad argumentum reuertar.

17. Erat enim inter initia cum stellis Virginis. Iam vero omnes omnino sideris huius stellas monui esse boreales, excepta spica, & vna vicina Magn. 6. quibus vicinior erat Cometa initio, quam diebus sequentibus. Fuisse igitur Cometam borealem, & ipsum.

18. Alterum erat argumentum: Cum Sol Ecliptica incedat, cauda Cometæ in Solis tendatur oppositum: non utique posse eam nisi in Austrum tendi, si caput Australis, nec nisi in Boream, si boreale. Iam verò caudam initio statim latam esse ad capita

capita geminorum, quæ sunt Borealia multum: caput igitur etiam ipsum boreale fuisse in principio apparitionis.

19. Addidi, non videri Obseruatorem, in illa curiosa & verbosa descriptione omissorum fuisse annotationem hanc, quo loco signi Libræ, Cometa Zodiacum transuerit; si non potius in tio statim in Boreali plaga fuisset, &c.

20. Cum igitur nec obseruator affirmet, Cometam ex Australi Hemisphærio ruisse; & argumentis euidentibus comprobetur, fuisse statim initio borealem: nulla necessitate nos vrgeri, ut eius motui plus de Orbita sub fixis propria tribuamus, quam semicirculum: Nondum igitur expugnatam esse trajectoriam rectam: confirmari potius euidentissime. 1. motu tam initii, quam finis tardissimo, medio vero velocissimo. 2. Cauda in medio longissima. Hactenus ex Epistola mea ad Crugerum.

21. Nunc filum orationis, initio huius capitatis dimissum, requiram. Dicenda enim est causa, cur Braheus diffisus fuerit demonstrationi parallaxium huius Cometæ, qua Regiomontanus est usus: quantum quidem à me, non inspectis demonstrationis ipsius verbis, fieri poterit.

Illud enim solum habeo ex Tychone, distantias Cometæ à spica fuisse captas, ex quibus Regiomontanus elicuerit parallaxin & graduum. Ex iis vero quæ Crugerus adducit, ultra Vide quam in Cardano extat, hoc habemus, Obseruationem hanc §o. factam fuisse primis statim diebus apparitionis, quando Cometa erat adhuc tardus & vicinus spicæ. Denique ex ductu itineris Cometæ constat, spicam propemodum incidisse in eum continuatum retrorsum, sic sit Cometa, quasi recta discederet à spica. Hisce datis & in sphæram illatis, consideremus iam conditiones huius obseruationis. Patet enim Cometam ortum esse Noribergæ ante medianam noctem; oriente verò Sole, stetisse in quadrante cœli occiduo: patet amplius, distantiam spicæ & Cometæ in ortu, vel paulo supra, fuisse penè parallelam Horizonti, sic ut ei nihil vel parum nocuerit refractio: at verò in medio cœli & ultra, distantiam

hanc sese applicuisse circulo verticali communi; sicuti etiam ea non multum tunc differre potuit à circulo latitudinis fixæ vel Cometæ. Vnde sequitur parallaxes huius distantiae & parallaxes latitudinis fuisse propemodum easdem. Atqui cum Luna in Libra oritur, quanquam parallaxis altitudinis in ortu maxima est, minimum tamen de ea cedit latitudini; quia cancer, altissimum signum in meridiano versatur. Vicissim cum Luna in Libra culminat: omnis fere parallaxis altitudinis cedit latitudini; ut sic aliquanto plus decedat latitudini, per parallaxin, Luna culminante, quam oriente. Hæc ad Cometam translata, cum sis habuerit aliquam latitudinem septentrionalem, sic ut non ultra 20. gradus inferius culminauerit, quam oriente Cometa culminauerat gradus Eclipticæ: patet, per exiguum fuisse discrimen parallaxium latitudinis, & sic etiam distantia à spica, Cometa culminante & eodem oriente: vix enim quarta pars parallaxeos totalis intercedit, & parallaxis culminantem posterius, proprius admouebat spicæ quam orientem prius, si Cometa interim motu proprio non adauxisset hanc à spica distantiam. Sed quia interim Cometa proprio motu, sine parallaxi considerato, discedebat longius à spica: fieri equidem potuit, ut vel crescere videretur distantia, parallaxi totali existente parua; vel decrescere, magna; vel denique consistere, parallaxi motum ex libella pensante. Quodnam igitur horum fuerit Observatum, id opinor in narrationem, si quis eam integrum habet, esse relatum. Hæc igitur potuerunt esse circumstantiæ Observationis.

Vide  
50.

12. Cum autem sit consentaneum Regiomontanum profecisse in huius Cometæ Exemplo, quod & nos hodie solemus: eoque problemata sua sedecim, hac occasione conscripsisse: age igitur consideremus iam illa. Quatuor modis docet insidiari parallaxi altitudinis. Primo si Cometam contingat aspici in Nonagesimo gradu Eclipticæ, ut tunc eius locus Eclipticus verus patescat; deinde si contingat illum in Meridiano aspici, ut patescat hinc eius Ascensio recta vera; tertio si extra meridianum quidem, at æqualibus horis ante & post culminationem; quarto denique, si nullum horum contingat, ut nihilominus in cognitione.

gnitionem quæsiti veniatur. Primus modus reducitur in secundum & traditur problematibus V. VI. VII. VIII. Secundus est in problematica III. Tertius in IV. Quartus, denique in II. problema. Omnium idem est fundamentum, obseruare duo Azimutha, duas altitudines, duo tempora. Nam verticalem quidem semper eundem obtinent, locus uterque verus & permutatus, declinationis vero circulum non semper eundem, sed quo magis à meridiano locus cometæ discesserit, hoc magis ab inuicem differunt circuli declinationum, veri & visi loci.

23. Iam vero Cometa hic et si in principio commemoratos casus omnes admisit: Culminavit enim tribus aut quatuor horis antequam Sol oriatur, & in Nonagesimo ab ortu fuit hora vna ante Solis ortum: Quia tamen Regiomontanus ultimum à me numeratum casum, præter rei naturam, primum ponit, problema statim secundo: vero simillimum est, siquidem vlo ex his quatuor modis vsus est, hoc ipso illum esse usum; proculdubio quia non semper erat serenum, quo temporis momento. Cometa in altissimum cœli locum fuit enīsus.

24. Iam vero priori parte Refutationis huius, ventilatum Lib. II. hoc est, quibus, quamque necessariis causis motus Tycho, certitudinis minus detulerit huic Regiomontani secundo Problemati. Nimirum concurrunt ad hanc methodum obseruata s. 6. 17. multa, diuersarum rerum, per diuersi generis instrumēta, quo- 24. 25. rum aliqua suapte natura certitudinem exactissimam respūt: horologia dico, quæ vel tensione laminarum vel ponderum defluxu mouentur.

25. Quod si momenta per fixarum altitudines potius eruantur, quod videtur suggerere Regiomontanus, iam ne' ab his quidem omnis necessaria præcisio sperari potest. Documento nobis esse possunt obseruationes Regiomontani aliæ. Si fixæ meridiano sit vicina, laxe arguit; si Horizonti, refractio vitium offert minutulum, sed quod in hac methodo luamus magno da- mno.

26. Quid & quod fixarum loca Regiomontano nondum erant exactissime cognita? Quid quod radius, instrumentum

Regiomontani, non expeditissimum, inter omnia instrumenta, sui præbet usum? Quoties obseruationes Regiomontaninos in rem præsentem adducunt, radio peractæ?

27. Sed quid ego hæc cum problema Radio locū non det? Imo vero quidni de radio querar? cum Regiomontanum ipsum audiuerimus testantem, quod demonstratio nitatur obseruatatis Radii. quo indicio commonefactus Tycho, Tomo II. Progymn. fol. 157. censuit, Regiomontanum diffissum methodo sui problematis, aliam, per distantiam à fixa secutum esse: quam tamen queritur non sufficienti certitudine testatam, nobis esse relictam: hanc quoque inter cæteras causam tangens, cur huic asseuerationi Regiomontani, de parallaxi Cometæ sex graduum, fidere non possit.

Vide  
50.

28. Videat, qui copiam habet descriptionis integræ Regiomontani, num etiam legitima sit collectio motus proprii, qui horis interlapsis respondet. Nam quia diurni erant inæqualissimi, primi sc. & vltimi pene nihil, mediis quadraginta graduum: ex eo apparet, etiam horario, vnius diei de eadem intensione crescente & in singula momenta maiori, participasse. Hæc igitur ex Tychonis latere possunt afferri; vt constet, Tychonem iure dubitasse de perfectione demonstrationis, quam Regiomontanus iactauit, qua Cometam sexta solum parte Lunaris interualli à terris dimouit.

29. Quibus ego iam, quod consentaneum est superioribus, etiam ex mea parte hoc adiicio: posita traiectione cometæ æquabili rectilinea, necessariū fieri, vt cometa (etsi concedamus ipsum proxime terram venisse in durationis medio) tempore tñ initii, quando Regiomontanus in eius parallaxes inquisiuit, in profundo æthere fuerit. Id sic demonstro. Visus est à 13. Ian. vsq; in fine Februarii per dies 47. die 20. Ian. latitudine iam æquabat sinistrum humerum Bootis, vt patet ex obseruatione, quæ est in torqueto: quare post biduum circiter aut summum post triduum, peruenit ad sinistram Idoli manum. *Inde vero digressus, inquit Regiomontanus, confecit uno die gr. 40° circuli magni.* Fuerit hoc post dies 10, die 23, Ianuarii. Tangens gr. 40° est 83910, Tan-

gat

gat trajectoria circulum, centro visu descriptum & dissimuletur motus Solis (& sic etiam motus concomitantiæ seu systematis, trajectoriæ secundum Tychonem) dierum 10. sit autem hic trajectionis modulus diurnus scil. 83910. Ergo pro diebus 10. erit pars tangentis seu trajectoriæ 839100. & cometa erit per gradus 83° 13'. remotus à fine illius diurni, sed per 43° 13'. à sinistra manu Bootis versus spicam. Si ergo, cum proximus terris esset, distitit, ut vult Regiomontanus, decem circiter semidiametris Terræ; oportet ut initio destiterit 100. semidiametris, & sic altior Luna fuerit. Quanta vero proh Deum, euadet distantia sub finem apparitionis, post dies scilicet 37. ab hoc diurno maximo? sumatur 83910. tricies septies, prodit 3104670. cuius arcus est 88° 7'. qui à fine diurni illius maximi porrigitur in linum piscium aut inferius. Interimque cometa fiet 370. semidiametros terræ altus: si quidem in medio, cum esset maximus diurnus, fuisset 10. semidiametros à terris remotus, ut Regiomontanus affirmat. Apparet ergo, etiam hoc supposito, Cometam initio parallaxin infra vnius gradus magnitudinem habuisse, quando Regiomontanus illi dabant gr. sex.

30. Quinetiam ad absurdum deducetur negotium: si ponamus initialem parallaxin fuisse tantam, quantam Regiomontanus dixit. Esto enim tanta; & secundum eam Cometa sit tantum 20. semidiametros à Terris remotus: accedent igitur partes mediæ huius trajectoriæ ad propinquitatem vnius semidiametris terræ, circa diem 23. Ian. poteritque Cometa parallaxin facere, ex oppositisterræ locis inspectus 53°. graduum, hoc est in Horizon: e 26° ½ gr. Et quis est tam stupidus, qui tantæ parallaxes effectum non statim animaduertat post paucas horas, deprehenso cursu Cometæ tortuoso & irregulari.

31. Atqui nullum huius inæqualitatis vestigium extat in descriptione Regiomontani: sed quantum iudicare possumus, circulus sphæræ maximus exprimitur: quia loca per quæ transiuit cometa, nominantur ista: per stellas Virginis prope spicā; inter polos in medio 69, cum latitudine gr. 77° (sic legendū pro 67° suadent verba, per polos) inter pedes Cephei: per pectus Cassiopeiae: per ventrem Andromedæ: per Piscem Septentrionalem: versus stellas Ceti.

Non est igitur annotata descriptio insignis, quare parallaxis 26°. gr. aut propinquitas vnicæ semidiametri Terræ non fuit in medio: in principio igitur cometa fuit supra Lunam, in fine multo magis: si quidecim concedatur mihi trajectio æquabilis rectilinea.

32. Videre licet egregium consensum huius hypotheseos, cum verbis Regiomontani. Ut si cometa in mane diei 24. Ianuarii fuerit velocissimus: tunc simplici trajectoria (posthabito iam eius motu Systematico, ipsi cum Planetis communis) producent hi diurni à 13. Ianuar. 8°. 47'. 1°. 57'. 1°. 22'. 1°. 33'. 1°. 2'. 58'. 1°. 27'. 1°. 22'. 1°. 3. 41'. 1°. 27'. 31'. 1°. 40'. 0'. & iam eodem ordine retrogrado decrescentes: vñque in 4 Febr. die 14. Febr. 8°. 11'. die 24 Febr. 8°. 6'. & 1. Martii 8°. 3'. quæ omnia verbis Regiomontani conueniunt.

33. Quæ igitur Tycho Tomo III. copiosius forte, more suo, de hoc cometa anni 1472. dicturus fuerat: eorum gustum ali-  
fol. 333. quem habet hic Claramontius. Desinat igitur queri cauillator, se nihil habere de promisso examine horum cometarum, præ-  
ter verba Tychonis s. ( 34. ) desinat contendere cum Ty-  
chonicis ex aduerso Regiomontani, & Vogelini obseruationes  
fol. 334. & ratiocinationes. Neque enim pat est, ut circa tantam paralla-  
xim detectis imperfectionum occasionibus, maiorem illis quam  
Tychoni, fidem habeamus; hoc est, ut videntibus oculis cæcos  
nos profiteamur. Nam monstrosa quidem est omnino paralla-  
xis 6. graduum, in tam arcta circuli maximi custodia: monstro-  
sior tamen multo, demonstratio illa Claramontii, ad quam hic  
prouocat, fuit cum supra ex collatione non obseruationum, sed  
locorum Eclipticorum Tychonis & Landgrauii parallaxin il-  
lam extrueret.

fol. 333. 35. Desinat denique Rhetorculus, qui Tychoni Rhetori-  
cum colorem obiicit, importunam instituere comparationem  
inter Regiomontanum & Tychonem. Evidem Regiomonta-  
no Tycho plurimum tribuit, multiplicem in eo eruditionem  
passim predicauit, ingenii palmam ipsi cessit ultro: peritiam ta-  
men instrumentorum, ad obseruationes maxime idoneorum,  
& dexteritatem in obseruando Tycho sibi præcipuam vindicare

care & iure potuit, & ob veritatis amorem omnino debuit.

36. Rebus sc. ipsis loquentibus, inepta est & vilis in confitendo, vel etiam in profitendo & arrogando, modestia. Nec enim viri est ingenui & fortis simulatio moderationis amore, sic auram captare popularem, ut interim rerum gestarum, hoc est observationum veritas, suo destruatur patrocinio. Quid multis? Stat coram hoc iudicio totus fixarum Exercitus, Observationibus Tychonis perenne & irrefragabile perhibens testimonium; quod quoties seruus accendit lumina vesper, cognoscere possunt omnes, qui usum legitimum instrumentorum, laboremque in eo non auersantur. Vide de hoc fol. 295. Tomo I. Epistolarum loquentem ipsum Tychonem.

37. De Cometa anni 1556. seorsim agit Claramontius, diurnum 15<sup>o</sup> gr. in argumentum trahens loci sublunaris: puta natus ad hoc, vt obtrectetur omnibus fere paragraphis, omnibus verbis Tychonis.

38. Supra cum Tycho probabilitate hac vteretur in contrarium, ex motu tardo locum æterium colligens; Claramontius contra excepit, argumentum explosit, necessarium nihil inferre dixit. Iam cum & ipse versetur in augendis suis demonstrationibus, egregiis puta illis; cur legem, quam sancire volebat Tychoni, non seruat ipse; cur non affert necessaria? cur gloriatur, vt de demonstratione, quod in hoc argumento non prior fecit Tycho? *Tycho, ais, hæc de analogia inter motus & loca meras geras & falsitates arbitratur.* Tu, inquam is es, qui supra hanc à Tychone adhibitam, at simul & limitatam probabilitatem, geras & nugas es arbitratus; nec moderationem dogmatis, quam inculcauit Tycho, attendisti: nunc postquam quæ reieceras, ipse tibi sequenda censes, miser Tycho cum sua moderatione bis à te vapulat ex causis contrariis.

39. Quæ in cœlo discurrunt, ea libera ferri, quo sum cunque incitentur, impetu naturali, Tycho dixit; *Tu hæc, ais, esse* fol. 335. contraria iis, quæ alias Tycho de cœlo; negans id esse particeps qualitatum elementarium. Qui sic, bone vir, contraria? Quid ve facit ad naturam continentis, naturalis impetus, velox an tardus, continentis?

40. Facit, inquis, cœlum liquidū, quod est aëris & aquæ, &c. At facis tu durum, quod est terræ & Saxorum. Sunt hæ differentiæ corporis, ut corpus; non verò, ut vel cœlestē vel Elementare. Aliud est pellucere & penetrari, aliud fluere, pati, & corrumphi. Aliud est, cedere corpori cœlesti locum curriculi, aliud, recipere corpora, eximia elementorum fæce exhalantia, supra-que compacta, ut putrescant iterum.

fol. 335. 41. Tycho causam dixit cur probabilitatis analogiam non etiam ad cætera sub Lunam locanda extendat: quia Cometa anni 85. celer fuit, & tamen supra Solem. Claramontius clamat Tychonem occèctatum amore positionis, hoc dicere: dum non videat se principium petere. Quin de hoc queri, utrum Cometa aliquis in cœlo esse possit?

42. Ego vicissim clamo, Claramontium furere, amore contradictionis, studio inquam contradicendi, eoque confundere summa imis. Hoc enim quæritur, num celeritas sit argumentum idoneum humilitatis: Hic Tycho non nudè affirmat de exemplo suo, ideo supra Solem fuisse, Cometam, quia celer, quod esset sanè vitium; sed altitudinis argumentum habet aliud, parallaxin: itaque legitima hinc fit instantia. Non enim si Solem Claramontius furens lucere negat in meridie, propterea is non lucet. Si demonstrationibus obloqui sufficit, nullam Claramontius concedet scientiam, ducem se præbebit Pyrrhoniis.

fol. 335. 43. Non itaque Tycho positionem, velut possessionem, tueritur sine iure, sed probat eam bonæ fidei: munita positione progreditur, ius disceptaturus. Nec tu poscere aliquid amplius potes de demonstratione Cometæ anni 85. quam observationes; quæ in faluo sunt, in meis manibus sunt, videbis eas, cum bono Cæsare. Quanquam quod tu poscas Tychonem: quod eleues; quod de ridiculo habeas? Quod conculces? Quod sus Mineruam poscat? tam alienum à captu suo, quam ille est alienus à mundicie? Nimirum in demonstrationibus de Cometa anni 1577. demonstrasti qui vix sis: progrediatur alius cometa, si cui subsuntant præcordia; experietur ille vires tuas; scilicet.

44. Sed quid ego multis? Omnem hic Athletha victoriam ponit in verborum iactantia; prouocat ad reprehensiones suas iustas, ad detectas fallacias. Age sane regrediamur & ad illas (fol. libri sui 230. & seq. capite sc. X XII. libri sui II.) & ad meas defensiones; ut finis hoc loco sit altercationis.

## APPENDIX

*Ad Caput XVII. Libri III.*

45. **C**VM iam transmittendum ad Typographum esset exemplar, neque spaciū superesset mutandi ea quæ præscripsi de Historia huius Cometæ, copiam nactus sum Cometographiæ Antonii Mizaldi, cuius supra, Numero 6. facta est mentio. Quæ igitur libri illius inspectio conferre visa est ad elucidationem historiæ, textusque nostri vel confirmationem vel emendationem; hæc fere sunt.

46. Primum profitetur etiam ipse Mizaldus, se historiam huius Cometæ & verba Regiomontani ex eodem Zieglero descriptissime, Librum verò Ziegleri nuncupat Conceptiones eius in Genesin: folio 83. & 98. exemplaris Parisiensis editi anno 1549.

47. Secundo historiam eandem quam Cardanus supra, ex Iouiano Pontano transscribit fol. 75. 85. cui historiæ non est ap-positus certus annus.

48. Tertio, in fine libri primi historiam Cometæ distinctis verbis sic orditur: Idibus Ianuariis, inquit, Anno Domini Millesimo quadringentesimo supra quintum & septuagesimum. fol. 95. & 85.

49. Quarto, habet eadem verba, quæ Cardanus refert: Do- nec propinquum esset spicæ.

50. Quinto, finit cum historia, nec pergit ad textum de par- allaxi eius; cuius initia supra retulit Crugerus. Adhuc igitur ex- pecto, vnde Crugerus illa descripscerit.

51. Sexto, ponit Catalogum Cometarum. fol. 229. ex dicta- tione Pauli Eberi, in quo occurrit & Annus 1472. Cometa in- signis: ubi apparet authorem illum voluisse ipsa Regiomontani

verba paraphrasticè reddere, sed infelicitamen euentu scribit, In Libra, prope stellas Capricorni. Puto eum qui excepti pinxit signum  $\eta$  Virginis, Typographum verò id accepisse pro signo  $\mathcal{L}$ , quod cum illo quodammodo conuenit in appendice.

52. Septimo, pro verbis: Donec propinquum esset (Crugero, vicinaret) spicæ, scribit ille, Donec peruenit ad Arcturum, ductus eadem coniectura qua & Ego supra:

53. Octavo, sic sonant verba; Ad stellas Ceti usque peruenit. Ibi superueniente Sole occultatus est. Sed quia aliter sonant verba Regiomontani: censeo Crugero & mihi manendum in sententia.

54. Nono, annus 1472. multis characteribus confirmatur; sc. quod anno præcedenti 27. Nouembris fuerit Eclipsis Lunæ in Geminis, ibi q; paulò ante coniuncti Saturnus & Mars: quod fuerit annus 32. Imperii Friderici III.

55. Decimo affirmat Eberus diserte, hunc eundem esse, quem Pontanus descripsit in Meteoris carmine, & in Commentario super Centiloquium Ptolemæi oratione soluta, fol. 230. Id etiam ex iisdem circumstantiis, stationum Saturni & Martis à Pontano additis colligi potuit. Nam à Nouembri anni 1571 in Februarium anni sequentis, Martem motu retrogrado circa idem Saturni sidus oberrare, consentaneum est Astronomiæ.

56. Undecimo notetur obiter, quod Eberus errare in anno non potuerit, cum alleget scriptum cuiusdam Gurcensis de eodem cometa, qui latitudinem capitum prodiderit 26. Millaria Germanica, caudæ 81. longitudinem vero plus quam quatuor millia Milliarium.

57. Duodecimo, ad marginem annotauit Mizaldus, se supra hunc ipsum Cometam ex Zieglero descriptissimè putat fol. 95. Atque hoc est, quod Cardanus monuit, Mizaldum de anno sibi non constare. Supra enim verbis expressissimum 1475. scripsit; eoque etiam fol. 259. inter annos Cometis insignitos, relatum esse puto etiam 1475. Etsi legendum erit fortasse 1477.

58. Tredecimo enim, in eodem Eberi Catalogo fol. 230. scribi-

scribitur Cometa ille anni 1477. subniger, eoque diuersus ab illo Regiomontani. Et confirmatur Annus cæde Caroli Bur-gundi

59. Decimoquarto, Mizaldus ipse in auctario huius Catalogi fol. 241. reuertitur ad Cometam Eberi magnum eumque adscribit ad annum 1472. ex Matthia Palmerio Pisano, qui eum perticam appellauit: confirmatque annum euentibus subse-cutis.

60. Quindecimo, nota obiter, quod ibidem, fol. 142. ex Obseruationibus Regiomontani Cometa ad annum 1491. exscri-bitur circa principium V. id factum oscitantia: Non sunt enim Regiomontani, sed Waltheri iis coniunctæ; quo tempore Re-giomontanus ab annis 15. inter viuos esse desierat.

61. Sextodecimo, adhuc ex fol. 95. verbisque Regiomonta-ni libet & ista asscribere: *A Libra in Arietem, &c.* Et secundum na-turam sibi asscribendam (puta cœlestem) motum continuasse debebat, donec iterum reuersus in Libram apparuisset: & forsitan taliter motus fuit; quoniam in occasu (Heliaco) magna adhuc erat quantitatis: tamen pro-pter figuram (configurationem) eius ad Solem, & maxime in plagiis (Terrarum) Septentrionalibus, agrè in fine apparitionis suæ videri po-terat, nisi Meridiem (Africam) versus in diebus Aprilis, si motus sui re-gularitatem seruasset.

### *Ad Caput XVIII. fol. 336.*

1. **F**INEM instare laboris huius infœlicis & sterilis eminus-sentio, Claramontius enim, magis magisque proficit in-peius. Morti proximi delirare solent. Utinam vero errores hu-ius capitum turpissimi, præfixi essent in titulo libri; nemo ex Le-ctoribus fuerit qui refutationem aliam requirat, quive homi-nem adeò manifestè insanientem refutatione dignum cen-seat.

2. De Cometa anni 1580. scripserunt Mœstlinus, Rothman-nus, Röslinus, Thaddæus Haggecius: omnes testati, cursum ei-per ætheris spacia transactum esse. Eiusdem Cometæ obserua-tiones Tycho in Tomum III. de phœnomenis ætheris reserua-

bat. Eo verò dudum è viuis exempto, supersintne illius anni obseruationes ipsæ, incompertum habeo. Loca quidem ipse cometæ, ut erant ex obseruationibus eius computata, ante multos annos transscripsi in Exemplar libelli Mœstliniani de Cometa eodem.

Promisit etiam Tycho fol. 267. Lib. II. Progymn. se demonstrationes explicaturum, quibus hic ipse quoque cometa supra Lunam decurrisse comprobetur.

3. Possem rursum ipse meum quoque suffragium addere, argumento, petito, à trajectoria rectilinea, diuisa in diurnos æquales. Quo loco coniecturam mihi præbebit artificiosissimā, illa repentina mutatio latitudinis in fine, de qua Mœstlinus, & Tycho fol. 268. Tomi II. Progym.

Quamdiu enim trajectoria motu systematico mota fuit in plagam dextram sui ductus ; latitudes prouenerunt ex sola inclinatione trajectoriæ ad planum Eclipticæ, cogitatione cōtinuum. Postquam verò motus iste linea systematus contendit in plagam, eandem, in quam ferebatur & ipse cometa in sua linea: discessio cometæ à terra cepit conduplicari, inclinatio-  
nis perpendiculum elongari, tantoque apparere breuius.

4. Sed sufficit hac vice consensus Mathematicorum doctissimorum. Contra hunc vero iam insurgit Claramontius; cui galea est impudentia, Thorax ignorantia, telum temeritas : qui per argumenta perque elenchos incedens, ab ipsis, ducit opes animumque hostis delecti diuitiis. Inuenit scilicet, etiam hic quod in argumentum traheret magna in hoc Cometa parallaxeos.

5. Quantæ vero? Colligit quæso animos, vosque aduersus terrorem munite, si dixero. Totorū inquam  $6\frac{1}{2}$ . gradum. Non vñitatum nec tenue est, quod defendit: non igitur mirandum, si id absurdæ etiam & monstrofa methodo munitum eat.

6. Cassellis inquit fuit altitudo meridiana Cometæ perpe-  
tuò 18. minutis minor, quam pro ratione Eleuationis Poli, re-  
spectu Vraniburgi. Hæc 18. minuta sunt differentia parallaxeon  
Cassellanæ & Vraniburgicæ: magnas igitur oportet esse paral-  
laxes,

laxes, quæ in tam paruo discrimine poli Altitudinum, differre possunt minutis 18. seu 17. (quia vnius minuti error in perpendiculari inuentus detrahitur.)

7. Quid agis Claramont? Aut ubi tibi mens? Cassellis est Polus depresso, meridianus altior, Cometa etiam altior, in meridiano existens, Parallaxis igitur minor, tantoque cometa etiam hoc nomine altior: tu vero ex Tychone probasti, non excessum altitudinis, sed defectum. Hoc ne demonstrare est? dicere que ipse non intelligas? que iugulum petant antedictorum? Maior ne in te supinitas, dicam, an temeritas? Stultitia an procacitas? Qui te speraueris cæteris Mathematicis per Italiam (nā in Germaniam, commodo nostro, non importati sunt libri tui) impo siturum hac asseuerationis confidentia?

8. Nam præsensisti hanc exceptionem, ei que præcidenda, longam opponis ratiocinationem: infelix æque, atque temerarius, si in ea comminiscenda te ipsum inuoluisti, nec prius quam te extricares, à præscriptione huius damnosissimi argumenti, manum continuisti: corruptissimus verò mortalium, si quid ageres, vidisti, nec tamen destitisti, Lectores omnes pro dericulo habere, incautis insidiari, animaduertentes indignatione commouere, refutationis labore fatigare.

Audiamus tamen ἀπορία tua, dignum Hercle patella operculum: certant verborum ineptiæ cum realibus erroribus. Cometa hic, iniquis, venit ad Meridiani semicirculum inferiorem, ibique visus est; non in superiorem.

9. Atqui hic solum superior Meridiani semicirculus nobis semper sublimis & in conspectu est; at illum sub pedibus Styx atra videt, manesque profundi. Vixum ergò esse cometam ait, cum is sub terra esset; cum Sol nobis diei lucem offunderet?

10. In tanta absurditate huius affirmati, tam inopinabili, licetne tibi subvenire, interpretatione voculæ Semicirculus? Id faciam equidem; sed veniam dabis si te grauius læsero: non potui enim hac vice mitius agere. Inferiorem tu semicirculum Meridiani dixisti illum, qui est infra Polos, et si pars eius adhuc supra Horizontem.

11. Si hoc voluisti, succedet tibi sane hoc, quod Cometa in parte Meridiani septentrionali infra Polum, humilior futurus est Cassellis, quam Vraniburgi: maior igitur parallaxi illic, quā hic; eoque & deficiente Cassellis altitudine: id ipsum scil. quod factum ex Tycho ne adducis: at succedet cum maximo tuo damno & pudore: Cometa enim primum Australis, post in boream, ubi maxime, euagatus ad 42. gradus latitudinis in signo Sagittarii, eoque ab æquatore non ultra 28. grad. declinans in boream, hic inquam, Te Astronomicarum rerum prætore, Cassellis & Vraniburgi non occidit, in septentrione culminauit. O me amentem, qui authorem tam futilem refuto. Sed desistam ab hac mea interpretatione. Inuitum enim qui seruat, & sic seruat ab una mortis imagine, ut in diuersam is ruat, idem facit occidenti.

12. Reuertor igitur ad priora. Cum enim hæc 18. minuta cōtrarium quid sint eius, quod parallaxis efficere solet: patet recte Tychonem super ea re litem intendisse ipsis obseruationibus fol. 337. Landgrauii; neque tantum *nisi sum esse eas eneuare*, sed re ipsa illas confutasse: nec *pro arbitrio eas reprehendisse*, sed prout veritas ipsa postulabat.

13. Sanè quidem etiam testem adducit secum facientem, Taddæum Haggecum, cum suis obseruationibus Pragensibus: ne rursus à Claramontio contemnatur, ut solus stans.

14. Quid, quod in ipsa æqualitate perpetua huius defectus, inest argumentum, vitiosi situs instrumenti. Cometæ enim distantiam à Terra mutant, eoque & Parallaxin: hæc vero 18. minuta causam sapiunt constantem, quia & ipsa constantia erant.


fol. 339. 15. Non degenerat conclusio: nam in ea Tycho oneratur luculentissimo figmento, *Cometam hunc ab illo repositum esse supra ipsam octauam sphaeram*, & adducitur textus ex eius Tomo II. Progymn. pag. 442.

16. Libet Ciceronē imitari, quærendo: Quid? Egone te hodie literas doceam A sine: qui non intelligas, interrogationi Tychonis (*Num ob id supra fixas*) subesse vim negādi? Versatur enim in

in ea ipsa restrictione analogiæ, inter motus & loca, quam priori capite vexatam à Claramontio in libertatem vindicaui : Nec contentus exemplo Cometæ anni 1585. qui velocior Sole, supra Solem tamen fuerit, affert etiam exemplum Cometæ huius, de anno 1580. qui cum in primo motu, tardior esset ipsis fixis, infra fixas tamen necessariò collocandus sit.

17. Ne sit hoc caput sine fructu penitus, apponam in gratiam dissentium, demonstrationem popularē, ex qualicunque appareat phænomeni, obseruati ex tribus locis, non in eodem, cum phænomeno, plano constitutis ( ut sunt quidem Tubinga Moestlini, Cassellæ Rothmanni, Argentina Röslini, Praga Haggeci, Vraniburgum Tychonis locūs: ) non posse esse magnam parallaxin, nisi eius magnitudinis aliquis sensus ex observationibus saltem binorum ad latus distantium locorum animaduertatur.

Sit primo D C A E F G, planities perpetua; in ea turris A B; stationes D. C. sint in linea cum A; statio E, extra lineam; sint K. T. O. altiores partes montium, ultra A B turrim: F G, pes montis. sit A D B angulus altitudinis incognitus, ut & A C B: nota tamen differētia C B D.  
o. 18. videbitur B, fastigium ex D in T, ex C in K. penè cūdēm locum in montanis tegere.



tegere. At idem vertex B, ex E lateraliloco inspectus siquidem parua & vicinalocis est linea A B, pene quidem eundem re-præsentabit altitudinis angulum A E B, at angulum latitudinis EBC faciet insignem EAC. Nam ex C. teget partem montis Fk, at ex E, partem GO: & sic puncta montis k. O. distabunt insigni interuallo ad latus; et si, quo ad altitudinem, nō multum different. Pluribus non est opus, nisi ut imagineris, CA, DA, EA, quasi Horizontes esse, B. Cometam, D. Pragam: C. Vrani-burgum; E. locum ad Rhenum; k. T. O. fixas. Iudicet iam Lector si cometa tam est propinquus terris, vt facit parallaxin  $65^\circ$ . gr. et si differentia parallaxium altitudinis k T, non sit maior 18. mi-nutis: an non nihilominus maxima sit futura differentia paral-laxium ad latus k O vel TO. Quod cum ex obseruationibus lo-corum diuersorum non appareat; destruitur igitur magna par-allaxis, & Cometa remouetur à terris longissime: & sic differen-tia parallaxium altitudinis  $65^\circ$ . 18. tollerari his circumstantiis non potest.

18. Ex hoc eodem fonte ( ut obiter hoc, commode tamen intericiam) poterit etiam decidi liticula, super traiectione, quæ anni superioris 1623. mense Nouembri die 17. ad vesperam in Alsacia quidem & Suevia vix dum occaso Sole, in Austria verò iam luce crepera, conspecta est: quam liticulam publicis libel-lis agitarunt duo amici mei, Habrechtus Medicus Argenti-nensis, & Schickhardus Orientalium linguarum professor Tu-bingensis. Nam quia traiectionis illius seu globi lux clarissima subito reluxit, oculosque spectantium perculit, tam in Suevia quam in Austria in eadem propemodum altitudine ab horizō-te, quantum ex relationibus spectatorum colligere possum: ex eo recte concluditur: & illud ipsum momentum fuisse princi-pium incensionis, & in hac 70. vel 100. milliarium Germanico-rum distantia, nullam fecisse parallaxium altitudinis insignem diuersitatem: eoque globum valde altum à superficie Terræ fuisse, in comparatione ad hanc distantiam locorum. Secus au-tem fuisse, si in Suevia quidem cum illa in libellis expressa ele-uatione versus orientem reluxisset subito: in Austria vero visa esset

esset ex Horizonte occiduo paulatim quasi exoriri, sensimque incitatiore cursu & crescente claritudine super capita ferri in orientem. Tunc enim colligi potuisset, multo illam minori interuallo, quam est distantia locorum, à superficie Terræ intermedia eleuatam exarsisse.

*Ad Caput XIX. fol. 341.*

**P**ROCVLCATO capite priori, ut dignum erat, nullum iam amplius momentum est situm in hoc: quod prioris est veluti appendix. Nec opus erat tanta opera, ad demonstrandum, si parallaxes Cometę culminantis, humiles & Horizonti contermina, duorum locorum sub eodem Meridianō sitorum, nec ultra  $4\frac{1}{2}$  gradus in Altitudine Poli differentium; Hæ inquam parallaxes si differant vnicō minuto, parallaxes ipsas insignis fieri magnitudinis necessariò. Transtat igitur hoc caput. Nisi quod tandem in corollario sputum adhuc vnum in Tychonem conjectum detergendum videtur. Nam Claramontius ex hac propositione particulari inferi, licet in Cometa anni 1585. observationes Tychonis & Landgrauii in minuto conuenerunt, posse tamen dari parallaxin maiorem Lunari. Nihil inquam in hoc exemplum sequitur. Nam primo, loca non fuerunt sub eodem meridiano; deinde Cometa non semper culminabat; tertio non erat in Horizontem depresso. Maneat igitur illius cometę causa integra, censeturque ex suis propriis meritis.

*Ad Caput XX. fol. 343.*

1. **N**IHL quidem attinet hoc caput Tychonem. Quicquid enim fiat de cometa anni 1618. manent tamen inconclusa, quæ ipse de suæ experientiæ Cometis perscripsit. Sed quia tamen & ego de hoc ultimo cometa scripsi, vsus positione trajectoriæ, in partes diurnas successiue diminutas diuisæ, quia cœlestes ei campos ad currendum patefecit; Videndū nunc est, num quid Claramontius demonstret in contrarium.

2. Initio fatetur author, libellum suum esse parum munatum observationibus. Tanto minus igitur est quod mihi ab eo metuam. Nam sine observationibus accuratis nihil conficiunt Theorematæ, nihil problemata.

3. Loco igitur observationis capitis cometæ profert Scipio observationem longitudini, caudæ, diuersæ diebus diuersis. Die inquit 18. fuit 7. gradibus longior, quam dic 4. ergo hoc fuit ex eo, quod cauda appropinquauit vertici. Obscure loquitur Scipio & initio sine schemate: ignorat igitur, si aliquos eius verborum sensus excutio, quos ipse fortasse non voluit esse. Primum consentaneum est rei, qua de agimus, ut Appropinquationem hanc intelligamus de linea caudæ; quasi diceret, Appropinquauit, ergo maior est visa, lege optica simplici: Hic pro voce vertici, sumenda esset vox, Oculo, & Appropinquatio intelligeretur de linea recta; ea que continua per dies quam multos, sensu vocis Grammatico.

4. Demus antecedens (etsi secundum me discesserat potius à terris lōgius) num inde aliquid sequetur in parallaxin, aut in locum cometæ sublunarem? Commune argumentum est: Si cometa fuit, & sub Luna, parua appropinquatio suffecit, quæ illos 7. gradus adderet longitudini: sin altus in æthere, tanto & maiori appropinquationis spacio fuit opus. Sic enim Solis corpus, cum hyeme sit vno minuto maius, quam æstate, septem semidiametris Solaribus appropinquauit: & Lunæ corpus eodem augmēto apparens, septē Lunaribus semidiametris vicinus est factū: Quanto ille altior, hæc humilior, tanto maiores illius semidiametri, tanto minores huius. Nec tamen ideo vel hæc vel ille in sphæram Elementarem detruduntur, nihiloque secius, semidiameter Terræ ad Solis interuallum proportionem habet valde sensibilem. Nihil hæc appropinquatio ad magnitudinem Terræ pertinet: At bene ad magnitudinem distantiae à Terra. Hoc enim verissime inde colligeres, si omnia recte haberent; hanc appropinquationis longitudinem valde fuisse sensibilem, collatam cum totalibus distantiis cometæ à Terra: quanta verò fuerit vel una vel altera in semidiametris Terræ; ex hac methodo non sequeretur. Non licet in Geometria somniari,

5. Miror tamen, si hoc vult Claramontius, quo fine applicet Azimutha & altitudines? Non enim disertè hoc indicat; solum  
inge-

ingeniosam & nouam inuentionem, fol. 344. prædicat. Cætera fol. 344.  
hoc loco Cimmeriæ sunt tenebræ. Nisi tamen fallor, hoc ille  
vult, posito quod cometæ cauda tendatur in circulo verticali,  
sitque caput deorsum: Tunc finis caudæ paruam habebit par-  
allaxin, exortus à capite, magnam. Ita longior videbitur cauda,  
quam sine parallaxi videretur. Ascendant iam caput & cauda  
altius, attenuabuntur parallaxes, magis tamen extremitatis  
caudæ, quippe altioris. Ita differentia parallaxium initii, & finis  
caudæ auctior erit, tantoque & longior apparebit cauda.


6. Si hoc vult Claramontius, supponens, eodem interuallo  
remota fuisse à terra, tam initium quam finem caudæ, aut eius  
longitudinem saltē, eodem utroque angulo inclinatam fuisse  
ad lineam ex terra eductam, & eandem mansisse distantiam  
veram cometæ à centro terræ, à 4. in 18. Decembris: eoque di-  
uersas cometæ altitudines ab horizonte usurpans, tanquam ex  
vno & eodem die: abusus ad hoc indicandum, voce *appropinquauit*: tunc ille sane miræ magnitudinis elicit parallaxes, ut qua-  
rum differentiarum differentia septem integros gradus efficit.  
Valeat igitur cum his positionibus suis indemonstratis, super-  
que iis, ut vult, Turre in aere extruat.

7. Imo vero, nisi me decipiunt omnes conjecturæ, Scipio,  
quanto altius se putabit supra primum illum sensum assurrexis-  
se: tanto fuit infra secundum demissior. Nihil de hac paralla-  
xium subtilitate volvit animo, nudum & simplicem sensum ap-  
propinquationis extulit ex libellis sphæricis, in quibus probatur,  
terræ semidiametrum non esse sensibilem ad distantiam fixa-  
rum, argumento illo. Quod distantiae mutuae fixarum, in verti-  
ce versantium, instrumentis dimensæ, non inueniantur maio-  
res, quam projectarum in horizontem: cum tamen, in vertice  
versantes, oculo sint propiores una semidiametro terræ, quam  
orientes vel occidentes. Hunc eius genuinum esse sensum, vel  
saltē fundamentum, patebit tunc, si verba (*etenim die 4. dista-  
bat gr. 64 Et c.*) non faciamus initium argumentationis sequen-  
tis, sed exegesis appropinquationis antecedentis. Hoc etiam  
modo perinde erit, siue verticali, siue cuicunque alii circulo

cauda subtendatur, quam libertatem Scipio profitetur, folio 345.

8. Age igitur, si hoc voluit Scipio, potius quam textum eius deprauatissimum, ob ruditatem Chalcographi, per totas 8. facies emendem, potius inquam de novo computabo; quid ad mentem Scipionis efficiatur. Sit longitudo vera caudæ eadem utroque die: videatur vero priori  $2^{\circ} 1'$  posteriori  $2^{\circ} 8'$  grad. longa: quæritur quantò propior oculo sit facta? Supponitur autem, eodem angulo utrobique fuisse inclinatam, ad lineam visoriam: qui rectus an obliquus fuerit, nihil admodum interest: at aliquantum interest ad caput cometæ fuerit rectus, an in medio longitudinis caudæ.


Sit primò ad caput cometæ C. sit CED.  $2^{\circ} 1'$ . Ergò EDC  $69^{\circ}$ .



Qualium ergò DC est 100000. Erit CE 188073, DE 260509, COD  $2^{\circ} 8'$ . Ergò ODC.

$62^{\circ}$ . Qualium ergò DC 100000, erit CO, 188073, DO 223093. Appropinquavit ergò caput C, oculo O, per 72436, cauda per 66038. Sit secundo C medium caudæ, & CED  $10^{\circ} 30'$ , EDC  $79^{\circ} 30'$ , CE 539552, DE 548740. Et quia iam COD est  $14^{\circ}$ . & ODC  $76^{\circ}$ . Erit CO 401078 & DO 413357. Appropinquavit ergò medietas caudæ C per 38474, caput & finis caudæ per 35383: qualium dimidia caudæ longitudo est 100000. Et proportio distantiarum capitis cometæ ab oculo, erit illuc ea, quæ 260509, ad 188073: hic ea, quæ 548740, ad 413357.

9. Quæritur, quæ futura sit proportio semidiametri Terræ, ad has lineas, si hæc sit proportio linearum mutua, in distantiis capitis à vertice  $64^{\circ}$  &  $37^{\circ}$ ? Sit B, centrum Terræ; BE, semidiameter; BC, BK distantia capitis à centro; EG, EK, eiusdem ab oculo. Sit A, vertex; AEC,  $64^{\circ}$ ; AEK,  $37^{\circ}$ ; & EC primò 260509, E, K, 188073: quæritur EB & BK: Ductis perpendicularibus CN, KI in BA: Erit, qualium CE 100000 talium CN 89879 & NE 43837. Sed qualium CE



CE 260509. Erit CN  
234143, & NE 114200.  
Sic qualium E K fuit  
188073, erit in hac p-  
portione KI. 113187,  
& IE 150596. Erat  
autem NE 114200.  
Ergo IN est 36396:  
& CR, differentia  
KI & CN, 120950.

Est autem quadratum CK compositum ex quadrato huius  
differentiae CR & ex quadrato KR vel IN: Cui si adiun-  
gatur rectangulum sub duplis KI & CN scilicet sub KG  
& CF: coaceruatur quadratum, CG diagonalis in Trape-  
zio circuli KGFC: danturque triangulorum KGC, GKF  
latera omnia: quare & anguli inuenientur, stantes in circum-  
ferentia circuli. Ita & diagonalis cum dupla CN, id est, CF  
468186, constituunt triangulum CKF obtusangulum. De-  
missa igitur perpendiculari KR ex obtuso in latus maius CF,  
pars eius maior RE arguet cum diagonalii KF angulum a-  
cutum ad circumferentiam, KFG cuius duplum in centro  
KBC subtendit Ck. Ut autem sinus anguli centralis B ad  
Ck, sic sinus anguli ad C vel k, ad CB vel AB. In Trian-  
gulo igitur CBN rectangulo, ut CB ad rectum, ita CN ad  
CBN. Erat autem EN 64°. Ita Parallaxis ECB innotescit.  
Ergo in CEB ut sinus CBE ad CE, sic sinus ECB ad  
EB. Vel e contrario, in noua dimensione, ut sinus ECB ad  
EB 100000. Sic CEB residui sinus, (vel complementi CEN)  
ad CB.

10. Hæc via, quærendi semidiametrum circuli, ex inscri-  
pto quadrilatero, æqualium duorum oppositorum laterum, da-  
tis lateribus; etsi subinde viritur canone sinuum vel logarith-  
morum: longa tamen est & tædiosa. Ego, duce Cossa, breuius  
transigo, dimissa formatione quadrilateri, tantum ad scita pro-  
portionem duorum sinuum KI, CN ad differentiam sinuum  
com-

complementi IN, in hunc modum: Ablato kI à CN, restat CR 120956, cui addo duplum ipsius kI, fit 347330, Aggregatum maius. Addo etiam ad IN, duplum ipsius NE, fit 264796 aggregatum minus: differentia 82534, est pars vna de EB duplicata. Aufero etiam à CR, ipsam IN: residuum 84560, ducō in aggregatum majus: factum diuidō per IN: prodit 806963 pars altera de duplicata EB. Ita fit EB. 444749: Tota igitur NB est 558949, quæ cum NC, detegit NCB  $6\frac{9}{10}$ . Erat autem NCE  $2\frac{9}{10}$ . parallaxis ergo ECB prodit  $4\frac{1}{2} 16\frac{1}{2}$ . Eodem modo tota IB fit 595345, quæ cum kI comparata, detegit IKB.  $79\frac{9}{10} 14'$ . Erat autem IKB,  $53^\circ$ . Ergo EkB parallaxis cometæ altioris erat,  $2\frac{9}{10} 14'$  & differentia parallaxium est  $15\frac{1}{2}$ . In noua igitur dimensione, ut sinus EkB ad EB 100000, sic sinus AEk ad Bk 272300. Ita distitisset cometa à centro terrenæ non totas 3. semidiametros.

II. Tentet eadem methodo, si quis habet oculum, etiam proportionem alteram CE ad kE, quæ est 548740. ad 413357, quantam ea sit proditura parallaxin & altitudinem cometæ, mihi sufficit enormem magnitudinem detexisse, quæ per se ipsam satis arguit, quod hæc caudæ cometiceæ auctior apparens longitudo non sit ex appropinquatione caudæ ad oculum.

12. Etsi quidem etiam sine computatione ista, illud solum suffecisset admonere, plurimas esse causas à Scipione dissimilatas, quæ caudæ apparentem longitudinem varient. Sunt enim 1. Eius generatio & consumptio naturalis. 2. Inconstantia in emicatione. 3. Oculorum diuersitas in agnoscendo fine caudæ; 4. Claritudo noctium à Lunæ præsentia. 5. Inclinatio ad radios visorios. His quinque perpensis, facile apparet, non omnia transcribenda esse ipsi appropinquationi, quam quidem alias & ego inter causas prolixitatis caudæ recipio. Nihil ergo valet hæc cauda cometæ ad cometam in aerem detrudendum.

*Ad Caput XXI. fol. 152.*

1. **A**FFVLGERE mihi videbatur aliqua lux Observatio-  
num cometæ huius. Verum deceptum me sensi, cum  
viderem,

viderem, prodire Scipioni distantiam Arturi & Spicæ  $32.27'$  quæ est certo  $33.2'$  nec nisi pauculis minutis sit minor, occidente spica, ob refractionem. Ergo inter crassiores obseruatores manet Claramontius: quorū ergo bonum collegi numerum in libello meo de nuperis Cometis.

2. Quod igitur demonstrationem attinet, nixam obseruationibus duorum locorum: cum differentia altitudinum Poli non sit maior  $2.$  circiter gradibus, in tanta propinquitate non posset certi quid de parallaxibus extrui, si vel accuratissime esset vtrinque obseruatum. Nec Tycho usus est hoc argumento alter, nisi ad consensum cum fortioribus demōstrandum: quamuis Obseruationes comparabat locorum longius distantium.

3. Quanto minus igitur laborandum est, obseruationibus crassis existentibus, hominis inexercitati. Et habemus confitentem ipsum Scipionem, qui dubitat num nocuerit sibi refractione. Est autem ipsi refractione intritum, in quod omnes obseruationum errores, ut bucellæ, sunt immerse. Argumentum igitur hoc à Cometa anni 1618. deductum nullum est; nec video demonstratum, Cometam sub Luna fuisse.

### *Ad Caput ultimum fol. 356.*

IN hoc capite Claramontius conclusa serie demonstratio-  
num Geometricarum, quales eas videri vult, & Peripateticus,  
producit ἴδεξα, iungitque agmina.

Quia igitur Claramontius triumphum canit, veluti parta vi-  
ctoria, affirmans Rationes Opticas & Geometricas apertissime  
& necessario veterem sententiam, quod Cometæ in Elementa-  
ri regione sint, concludere: postulat res ipsa ut summam huius  
Athletæ Demonstrationum & nos conclusionis nostræ loco  
subiiciamus oculis:

I. Allegat in hac conclusione, ex Cap. XVII. Regiomonta-  
num & Vogelinum, qui Cometis nonnullis parallaxin, Lunari argumē  
maiores tribuant. At monuiego, ut verum illi de suis demon-  
strarint, nostros certe nō vidisse. Nec sequi si vnuis sub Luna sit Clara-  
omnes esse. Lunam ipsam in cœlo esse, nō dimidio sui superiori, mon-

sed toto globo: cœlum etiam infra Lunam patere, vsque ad Elementorum confinia. Tum autem ostendi, commoda ipsis instrumenta, & necessariam, ad opus iactatum, obseruationum subtilitatem defuisse. Et vero in Geometricis non auctoritate constant demonstrationes, sed auctorum rationibus. Iam rationes Claramontii propriæ, quas ille demonstrationes appellat, hæc fuerunt.

2. Secundo Cap. I. Non necessariis, sed probabilibus nititur, cœlum non recipere motus, intensione & remissione variabiles, principium petens, experientia enim testatur contrarium, et si Cometarum motus plerunque sunt æquabiles in linea recta.

3. Tertio Cap. II. Sequi statuit exemplum Braheicæterorum, in modo demonstrandi. Assumitq; ea, quæ Tycho de suis met ipsis Obseruationibus, ut minimæ quantitatis dubia, præcidit, assumit & alia, quæ Tycho ex fictione elicit, ea velut delirans componit; in nexus ipso errat imprudens, catenam ex arenis nectens. Hæc tamen debebat esse præcipua demonstratio: quia meliores in hac re non sunt, nisi ex obseruatis vnius & eiusdem diei, uno loco.

4. Quarto ex Haggecii, Obseruatoris non exercitati, cum Tychone vero comparati, erroribus minimis, veritatem, velut ex scoria aurum, fabricat. Secundas partes huic argumento tribuens, quod eo Tycho ipse pro sua sententia usus erat, cum tamen Tycho hoc argumenti genus non pro præcipuo, sed tan- tum inter consequaria habebat.

5. Quinto Cap. III. IV. V. VI. VII. in eodem argumentandi genere manens, argumenta iam conquerit industria propria, sed adhuc ex alienis. Landgrauii igitur multis (quæ rem etiam ad impossibile quandoque deducunt) unam solam ad votum inuenit, quam cum una Tychonis compararet. Ex ea parallaxin extruit monstruosam, grad.  $\frac{7}{10}$ . nec id methodo demonstrativa, nec calculum sine contradictione potuit expedire. Et ostendit ego certissima demonstratione, obseruationem Landgrauii esse erroneam, vel in longitudine vel in latitudine, co- que

que ineptam & tantam subtilitatem.

6. Sexto Cap. VIII. Ex obseruatis Mœstlini cum Tychonicis comparatis ratiocinatur: ubi easdem, ut modo, querelas incurrit. Obest ei insuper & hoc, quod Mœstlinus filo obseruavit, quæ ratio scrupula tam minuta non profitetur, ut ex iis foras elatis, & cum Tychonicis comparatis, parallaxis totalis elicatur, Lunari æqualis. Obest & hoc, quod Scipio valde inter se dissidentia diuersis operationibus elicit.

7. Septimo Cap. IX. argumentum emendicat, à Cornelio Gemma, sed absurdissimo conatu: obseruationes ipsas (ut & in Mœstlino) dimitit, quibus demonstratio niti debebat; & vice earum adhibet loca Cometæ in Ecliptica, ex obseruationibus ipsis, quæ paulo sanores sunt, extructa perperam, cumque Tychonicis comparat.

8. Octauum in ordinelocum, Cap. X. tenent Obseruationes, imo potius, loca Ecliptica Röslini cum Tychonicis comparata: sed illa in maxima sunt varietate, ut & superiorum nonnulla: sunt igitur ineptissima ad subtile parallaxium negotium. Captat auiculas retibus ceruariis.

9. Nonum, quo ad consilium, totum est ex Claramontiani ingenii fœtura propria, τέκνον puta γνήσιον: nititur tamen alienis obseruatis adhuc dum, à Capite XI. in XV. Cum enim agnouisset, obseruationes illas pauculas, quas in argumentum parallaxeos excerpserat, dispersas esse in magno numero erronearum: totam igitur erronearum farraginem per Refractiones excusat, ut portentosas; ipse refractionum rudissimus, tandemque ex ipsa absurditate, tantum Refractionum agnita, nexuit argumentum stramineum hoc: Radii ex cœlo venientes, non habent tantas refractiones, Cometæ habent tantas, quicquid enim Tycho deprehendit errorum, id refractio fuit Cometæ: ergo Cometæ non sunt in cœlo.

10. Decimolocorum rursus Cap. XVI. se munit authoritatibus quatuor authorum, quos Tycho, ut recusaret, adduxit; qui Cometam testati sunt esse sublunarem: sed ii partim ipsi reuocarunt hanc sententiam, partim tantos in obseruando errores

commisissē sunt deprehensi (per quos tamen astruxerunt suam hanc sententiam) ut Philosophum merito pudere debeat talium authoritatum; ut taceam, quod authoritas nuda nihil demonstret.

11. Undecimum tamen nihilominus argumentum necit ex illorum obseruatis tam fallacibus, cum Tychonicis comparatis, eodem ineptiendi genere, quod supra extrusit IV.V.VI. VII. VIII. Sed crescit ipsi absurditas cum numero. Inuenite enim expressa loca Ecliptica, quæ cogitur ipse fateri esse erronea, nec vel ad speciem saltem, à Refractione iuuari posse. Exemplum Cometæ Regiomontani ex Cap. XVIII. iam primo loco fuit numeratum.

12. Huic vero indidem accedit duodecimum argumentum ab Exemplo Cometæ anni 1556. quod eiusdem notæ est, cum primo horum. Ab exemplis enim in Cometam anni 1577. nihil necessario concluditur. Aut si numerandum est inter argumenta, pro generali Theoremate: Cometas sub Luna esse: rursum hoc Scipio pridem eneruauit ipse, negans id esse necessarium.

13. Tertiumdecimum argumentum, Capite XVIII. dictum est ex loco dialectico contradictionis & erroris & impossibilitatis. Cometa anni 1580. Obseruatus est à Rothmanno & Tychone, cum differentia minutorum 18, qua differentia contraria in partem tendit, quam solet Parallaxis. Ergo Cometa ille habuit parallaxin maximam 6<sup>o</sup>. graduum: quo pacto ille forte 90. milliaria fuisset à superficie telluris, in altum elatus: cum tamen duorum illorum vterque pro se per diuersas eiusdem diei horas, plane nullam inuenierit parallaxin.

14. Ex Capite XIX. numerabimus argumentum eius decimumquartum, quod est à Poisse ad Esse, iuncta particula SI. Cometa sc. anni 1585. est obseruatus à Tychone & Landgrauianis, intra unius minutu differentiam, quod si darentur omnes conditiones; à Scipione requisitæ, tunc hæc unius minutu differentia admittere posset parallaxin paulo maiorem Lunari. Ergo Cometæ sunt in Regione Elementari. Et haec tenus semper alie-

nisi cum vitulis arauit: iam porro suas proprias opes explicabit.

15. Quintumdecimum enim est Cap. XX. iungitq; vulpes in currum, & mulget hircos. Cometæ cauda in diuersis diebus, diuersaque altitudine à Terra, diuersam visa est habere longitudinem: Ergo hoc fuit ex parallaxi, quæ fuit ingens: ac proinde Cometa fuit yicinus terræ.

16. Sedecimum, ex Cap. XI. nititur obseruationis propriæ, cum vna Romana, comparatione. Conatus hic vltimus, specie tamen aliquam habet, sed effectum nullum; quia Obseruationi eius propriæ desunt requisita necessaria; deprehenditurque ea erronea in distantiis, adeo ut ipse Scipio illi diffidat. Hinc tamen sequitur, Cometas in regione Elementariesse. Eia plaudite. Et hactenus quidem fuerant Claramontii demonstrationes Opticæ & Geometricæ, quibus ipse ait se iam addere probabilia. Quod igitur iam attinet hanc probabilitatem sententiæ anti-  
quæ, quam Claramontius hoc Cap. velut in postremum agmen fol. 357.  
locauit: primum iniquum postulat, vt demonstremus, aliquam mutationem in stellis, iam à tot sæculis cognitis esse factam. Nullum hæc Philosophia ciuem è cœlo eiicit; at nouis hisce longibarbis ius, in eo aliquantis per peregrinandi, postulat. Nec enim, si fixis non adnascuntur, vt nouæ partes, errores isti temporarii, propterea nulli eorum alta cœlorum palatia frequenter.

Quanquam, quod de partibus corporum perennium Claramontius mentionem iniicit, id facile ventilari potest, ex Galilæi aliorumque certissimis obseruatis, Macularum in corpore Solis, omnium cœlestium nobilissimo, re, priusquam in omniū oculos incurrere cepit, & que incredibili & inopinabili: quam Claramontii similis aliquis Peripateticus, vel cum sanguinis impendio profligandam censuisset. Quod Exemplum adeo est affine nostro negocio; vt in ipsos fontes, vnde hæc Cometarum corpora pullulent, digitum intendere videatur. Comparet igitur hoc, qui vult, cum meorum Cometorum libro II. qui est de Physiologia Cometarum, cumque libelli, de stella Serpentarii, Capite XXIII. & XXIV. Qui Cometas & dissolui per-

suasissimum habeo: nec ideo tamen cœlum ipsis nego; & cum indulgeo, non ideo & stellasillas perennes iisdem interitus legibus subiicio. *Generatio, inquit Salomo, præterit & generatio aduenit: Terra autem in æternum stat.* Quantò minus cœlo nocebunt hi advenæ. Sic igitur res habet etiam cum probabilitatibus Claramontii.

Iamque iunctis agminibus & accinctus, inflat Claramon-  
 fol. 356. tius lituos, & pompam producit: *Non leuiter recedendum, dicens, ab antiquo Philosophiae dogmate.* Habet sanè hoc axioma suum locum, itaque & Tychoni visum est. At cum subiungat hanc con-  
 fol. 357. fessionem ingenuam, si sint demonstrationes certissimæ Geometricæ, in contrarium, exuere nos oportere veterem falsitatem, & nouam veritatem induere: Habebit igitur Tychonem excusatum; qui cum esset sibi conscius huiusmodi Demonstrationum, à communibus placitis se deduci passus est. Cumque Claramontius existimauerit, se videre Rationes Tychonis, longè abesse à demonstrationis certitudine, esse deceptorias, prænæque dispositionis & ignorantiam præscientia inducere: iam igitur postquam hanc ego blemiam ab oculis eius abstensi, ut cognoscere possit, non Tychonis rationes à demonstratione, sed suum in his rebus iudicium ab earum captu abfuisse: nec illius rationes deceptorias, sed suas instantias pueriles & imperitissimas; nec in argumentis Tychonis, sed in suo cerebro prænæam fuisse dispositionem, nec Tychonem præscientia ignorantiam inducere, sed sc̄ ne vel ipse vel alii, ex ignorantibus scientes efficiantur, hactenus omni styli importunitate pugnasse: par est, ut suum ipse præceptum obseruans, veritati vietas det manus: nec in antiquo placito, cuius professores pertinaces falsa pro verissimis venditant, permaneat; sed in doctissimorum huius sæculi Mathematicorum (quos Germania, quos Europæ Provinciæ cæteræ, cum primis Italia habet) partes meliores transfreat. Nisi fecerit, & si nihilominus perrexerit, scribendo, veritatem oppugnando, speciosis librorum titulis studiosorum profectui insidiando; causa non est, quin hoc expectet meliorum de se iudicium: sese hominem esse corruptæ mentis, in quo certet cum imperitia temeritas; eoque nec audiendum, neque omni-

omnino curandum porro, vel refutandum ; sed inter eos, qui principia negant, ex arte nostra relegandum & cauendum.

## C O N C L V S I O E T P R O - testatio.

**H**Æc igitur opera mihi pro Tychonis Brahei , Magistri quondam mei , placitis vindicandis,fuscepta esto : veritas ipsa,quæ statà Tychonis partibus , patrocinio tali , Scio, non indiguit apud intelligentes. Sed cum post annos 20. à morte authoris, nouitius iste, ex improviso, coortus esset aduersarius: demonstrandum fuit succrescenti posteritati: non cum assertore suo, mortuam esse veritatem ipsam. Sufficere poterit Exemplum hoc in annos bene multos. Quisquis est, qui iudicium hoc meum damnabit ; sciat is , officium se damnare. Mea res ipsius siageretur, equidem tanta futilitate liber est, vt spreturus eum fuerim.

Adeoque protestor iam nunc; nisi prodierit Claramontius posthac instructior ab arte nostra; siue Tychonem vexandum sibi sumat, siue me ipsum, meaque opera, quæ in Mathematica Philosophiæ parte edidi: nihil mihi causæ futurum, cur defensionem moliar, librumq; publice scribam. Hypotheses, quæ ego sequor si telo Iouis arrepto fulminauerit : si dicam mihi, vt quondam Aristarcho Cleanthes , violatarum religionum ob Vestæ Sacra loco mota, scripserit : abunde satisfacet Astronomis , æquipollentia in Commentariis Martis demonstrata, in Harmonicis inculcata, in hoc ipso libello vsurpara ; quærent & Physici Moembaλυκεῖον aliquod, quod huic irruenti Tauro obiciant, in quod ille vires suas explorans , amoenissimos scientiæ huius fœtus dimittat intactos.

Hoc vnum vel Amulethum esto contra pestes huiusmodi circumvolitantes; vel Antidotum , si qua inuaferit. Sed deposita contentione , prouolemus ad Hymnum cum Claramontio decantandum.

Laus

*fol. 360.* Laus Deo Creatori Cœlestium & Elementarium, 'Perennium & mortalium, visibilium & inuisibilium : ad cuius beatum, in his etiam terris, consortium, (ad quod sanctissimo affectu aspirati Claramontio votis adiungor) nulla quidem perducit schola vel semita, trita à multitudine errantium, nullum cōsilium, vel authoritas, opinantiū falsa; nulla deceptionis Peripateticæ, quantumuis antiqua, cathedra; sed in ipsis veris Operibus manuum eius prompta discendi voluntas, & sapientiæ potentiaque eius indefessa contemplatio , meditatioque die & nocte], quod nos vel ipse Peripateticorum Pater docet Aristoteles. At nobis Ecclesiæ Sanctæ filiis, præster Pater lumen, ut depulsis errorum tenebris , à rudimentis istis luminis Naturæ traducti ad lumen gratiæ, proficiamus ad lumen gloriæ: sicque Deum hic à tergo contemplati in operibus manuum eius , post hanc mortalitatem , cum glorioſo cœtu sanctorum in cœlo triumphantium, videamus eum à facie ad faciem, per Christum Iesum Dominum nostrum.

Amen.

F I N I S.



PEN-

## APPENDIX HYPERASPISTIS

*Seu*SPICILEGIUM EX  
TRUTINATORE  
GALILÆI.

Vo tempore Antitychonem Claramontiis sum nactus, contigit mihi simul, ut inspicerem Galilælibrum Italico scriptum idiomate contra Lothatium Sarsium: qui cum libellum edidisset de Cometis anni 1618. cui titulum fecerat Libram Astronomicam, in quo plurima Galilæi mentione: Galilæus vicissim libello suo nomen dedit, Trutinatori. Ex hoc inquam libro, eiusque folio 22.23. monstratus est mihi locus, in quo Tychonis Brahei ψευδογράφημα producitur; ad quam mentionem respondi ego in Hyperaspiste ad Libri II. Cap. XIII. Num. 26.

Erat libri possessor in transitu, nec mihi concedebatur spaciun, totum per uolitandi. Attamen passim voluendis foliis vidi crebro occurrere iam Tychonis, iam Kepleri nomina. Postquam igitur Viennam veni, quamuis Hyperaspistes dimittendus esset è manibus, in que Typographum transmittendus: non intermissti tamen, quin Trutinatorem hunc ad perlegendum commodato peterem.

Ex ea lectione suspetui mihi, hoc veluti Spicilegium, quod Hyperaspisti meo in commeatum summitterem: quod Lector æqui bonique consulat, rogo. In controversiis quidem, quæ Sarsium inter & Galilæum agitantur, iudicem me non fero; quod ea res ultra metas huius meæ defensionis euagetur: at sic ubi Galilæus causam Tychonis attingit, ea loca dissimulanda mihi non fuerunt, ne defensionem hanc frigide suscepisse, aut mala fide peregisse videri possem.

i. Quod igitur attinet ψευδογράφημa illud, ostendi Ego loco  
*deceq* Aa      supra

supra allegato , verè errorculos illos sese intra vocabuli huius  
 ambitum continere ; nihil scilicet aliud esse , quam *Διάγενης*  
<sub>Quam</sub> *ψόλος* , Schema scilicet demonstrationi diuersissimæ compa-  
 refero *Ad lib.* ratum initio , iam quasi violenter contorum ad demonstra-  
 II. Cap. tionem non suam ; quæ applicationis difficultas Tychoni locu-  
 XX. Nu- tiones *ανύρρητος* & insolentes expresserit : quæ si à Claramontio &  
 mer. 8. à Galilæo expresse & exactissime ad literæ sonum examinentur  
 & trutinentur , in ipsa prima Geometriæ principia sint impa-  
 ctura : ut neque credibile sit , hominem qui totos libros scripsit  
 Geometricis demonstrationibus instructos , illa vel pueris no-  
 tissima ignorasse ; neque magni res ingenii , peccata tam eviden-  
 tia detexisse . Etsi concedendum & hoc fuit , calculum in has  
 redactum angustias schematis impertinentis , explicare se citra  
 damnum numerorum non potuisse : quod tamen damnum ni-  
 hil attineat scopum argumenti , sed tantum per conditiones po-  
 sitas ex abundanti , impunitatis spe concepta , tanto perseuera-  
 uerit licentius .

Galilæum quidem ego iure habeo excusatum , ut qui expro-  
 brarit ista non Tychoni , quasi rem magni ad fidem dogma-  
 tum momenti , sed aduersario suo Sarsio , cui videri queritur Ga-  
 lilæus , se intellectum suum debere mancipare intellectui alio-  
 rum , puta Tychonis operibus . Hanc ille seruitutem à se non in-  
 iuste repellit , producta hac labecula , quæ eius viri libro conti-  
 git . Quod vero Galilæus fol . 24. allegat & laudat Claramontium  
 Tychonis oppugnatorem , id illi puto excidisse ad primam fa-  
 mam editi Anti-Tychonis . Quod nisi fallor , pœnitabit eum  
 huius præconii , ubi , quam male res à Claramontio sit gesta , re-  
 sciuerit .

2. Martem terris propiorem ipso Sole fieri , assumit Sarsius  
 fol 20. veluti demonstratum à Tychone : Nimirum , ut illud ob-  
 tineat , quod est Tychonicum Copernico commune , Martis  
 cursum Eccentricum circa corpus Solis ordinari . Etsi vero de-  
 texi Ego ante annos 15. in Commentariis de motu Martis , dece-  
 ptionem aliquam , quæ Tychoni fuit obtrusa à suis Calculato-  
 ribus : quos cum ipse vellet ex observationibus computare  
 paral-

parallaxin Martis ; illi à mente Tychonis aberrantes , computarunt ex Diagrammate Copernicano , quod manus operatio- ni adhibita testatur , in qua fuit posita parallaxis Solis 3. minu- torum , ut certissime demonstrata , quare Martis parallaxis pro- diit ad 6. circiter minuta : cum Ego ex illis ipsis obseruationi- bus quas Tycho proposuerat , computem Martis Acronychi parallaxin non maiorem 2. minutis : attamen res manet eo- dem statu : Martis stella ex Parallaxi 2. minutorum sit propior ipso Sole , vt cuius parallaxis maxima non excurrit usque ad 3. minuta , ut hactenus creditum fuit . Ex tractatione enim Eclipsum Lunæ , crebro vel nulla vel unius solius minutipar- allaxis elicetur , quandoque immanis , prout fuerint conditio- nes umbræ & circumstantiæ Physicæ vel aeris terreni , vel æthe- riæ substantiæ , circa Solem ipsum fusæ ; quæ varietas negotium hoc subtilissimum , altitudinis Solis à centro Terræ , eiisque pa- rallaxeos , plurimum perturbat : ut testatus sum in Epitoma A- stronomiæ ante 3. annos edita .

Quod si quis in Methodum , qua Ptolomæus est usus in con- stituenda Solis altitudine , inquirat diligentius : demonstratio- nis quidem artificium egregium summis extollet laudibus ; as- sumpta verò pronunciabit suspectissima , tanquam ad hoc ipsum , quod Ptolemæus à veteribus transsumpserat , euincendum subornata .

In compensationem tamen huius damni , elicio Ego ex Sola- riū Eclipsum obseruatione Parallaxin Solis , quæ quam plu- trumis Eclipsibus satisfaciat , non maiorem uno minuto : confir- moque hanc Solis altitudinem , paulo minorem tripla creditæ hactenus , confirmo inquam rationibus Archetypicis : quæ , ne- scio quomodo cæteris , mihi saltem egregie satisfaciunt . Sic i- gitur Parallaxis Solis trium minutorum , à Tychone secure mi- nus concessa veteribus & credita , per potiores ratiocinationes à me redacta est ad unum minutum , Parallaxis vero Martis in Solis opposito in Cancro , obseruata est à Braheo duorum cir- citer minutorum , & sic maior Solari : quibus positis , sequitur , Cursus Martis circa Solem ordinari , quod ex Tychonis Hypo-

thesibus inculcauit Sarsius. Et vicissim, si quis recipit Hypotheses Tychonis, vel etiam Copernici in hac parte, ob causas alias; ille ex Parallaxi Martis Acronychii minutorum 2, demonstrat Parallaxin Solis non maiorem vno minuto: quo argumenti genere Ego sum vsus in Epitoma & alibi. Hæc quidē sic sunt comparata, Parallaxis Solis potius ex Hypothesi elicetur, quam Hypothesis ex Parallaxi: Non tamen existimo, Galilæum hoc artis nostræ διποτέλεσμα velle negare: Sed cum Eurydicen Orpheo suam inuidisset infandus Orcus, Thracia puellas obtruderet alias: ipse totum reliquum sexum perosus, linguam haud equidem consulto, sed acerbitate doloris victus, in ipsam etiam Eurydicen strinxisse fertur.

3. Fol. 25. Talem instituit Hypothesium comparationem Galilæus, apud Ptolemæū & Copernicum esse Systema Mundi integrum, summo cum artificio constructum, & ad finem perductum: quale quid in Tychone ipse nondum videat. Ut Tychonis Ego Hypotheses Galilæo priuatim comprobem, causa nulla est; & vetat ingenuitas: non potest enim latere Galilæum, non cæteros, mea de hac materia sententia. Sed quia hæc à Galilæo instituta comparatio, publice cæteros, qui magnis rationibus adducti Tychonem potius sequuntur, impedi re videtur in fructu, ex Tychonis Hypothesibus capiendo: excutienda illa fuit paulo diligentius. Ac primum si Galilæus integritatem Systematis desiderat, diffiteri, rogatus, non poterit: Systema Mundum etiam apud Tychonem tradi integrum. Terra immobilis est in centro, circum eam Luna, Sol, & Sphæra fixarum; tantis distinctæ ab inuicem interuallis, ut Solem inter & fixas quinque planetæ reliqui ordinem & proportionem cursum eandem obtinere possint, quæ inter ipsos est apud Copernicum, tres nimirum superiores laxioribus circulis insistentes regionē illam semper includunt, in qua Terra cum Sole reperi tur, duo vero inferiores, circulis contractioribus terram inter & Solem transeunt, illam ab isto secludentes. Motuum transsumptio est orbibus dictis analoga. Ita Systematis Tychonici integritas ex Ptolemaico & Copernicano componitur. Nam quod

quod attinet Sphæræ illas imaginarias, Nonam, Decimam, & si omnes persequamur ineptias, Undecimam : eas Tycho exemplo Copernici, ipsas quidem relinquit Ptolemæo : effectui vero illarum, qui sit obseruationibus consentaneus, Tycholocum in Systemate iam descriptio sic se repertum sperauit, sicut Horologio locus inueniri potest in domo sub tectum educta: ut non minus Systema Tychonis integrum haberi debeat, deficiente Sphæra nona & decima, quam domus, deficiente Horologio.

At dixerit Galilæus, hoc à Tychone nondum esse præstatum, atque id ipsum esse, quod verbis supra scriptis ipse sit causatus. Quod si præstetur etiamnum: tunc rem aut ad orbes illos Ptolemaicorum supernumerarios recidere, aut ad motus aliquos Terræ secundum Copernicum. Fortassis, inquam Ego. At quid si non sit opus repræsentatione illorum effectuum? Quid si Obseruationum talium iactatio vana fuit apud veteres? Quid si non mancum Systema supra descriptum, Tychonis, sed superfluum Copernici & Ptolemaicorum, quod has minutias attinet? Seponatur hæc pars Astronomiæ, in qua supplere, quod Galilæus desiderat, est demonstrare id esse superfluum. Quantisper non expedit omnem de his animi sensum Tycho aliasve aliquas Astronomorum idoneus tantisperce teri rerum à se ipsis constitutarum incerti sunt.

4. Transeamus ad aliam comparationis particulam. Summum agnoscit Galilæus artificium in Ptolemæo & Copernico. Si instes utrum æquale in utroque negabit, potiores Copernico deferet. Non igitur summum in Ptolemæo. Iam vero Tychonici Systematis membra collecta sunt ex Ptolemaici non summe, & ex Copernicanis summe artificiosis: nee Ptolemaicum auersatur hic Galilæus, ob partes secundas: minus igitur auerbitur Tychonicum, ut quod plusculum trahit de perfectione Copernicanæ.

5. At Tycho suum Systema ad finem nondum perduxit, id est, ut Ego intelligo, numeros & calculum Orbibus nondum applicauit. Nihil hoc ad rem, cur minus acceptabile sit Systema

**Tychonicum.** Nam ut in Commentariis Martis demonstravi, omnes vel Ptolemæi vel Copernici, vel etiam mei numeri possunt applicari omnibus tribus Systematibus, in quantum generalia sunt Systemata, reliqua nobis libertate in omnibus formis ex æquo, mutandi orbiculos particulares, eorumque quantitates, vel etiam transferendi orbes ad causas Physicas, Geometriæ subiectas.

6. Quo nomine si Galilæus Systema Tychonis pronunciat nullum fol. 26. hoc est, nihil in eo, quod non sit vel Tychonis vel Copernici in effectu: nihil habeo quod opponam. Nam etsi credendum est omnino Tychoni affirmanti, se Hypotheses illas suas inuenisse non ex intuitu Copernicanarum, sed proprio Marte: nihil tamen hoc impedit, quo minus inter se consenserint utræque in effectu. Sit exemplo nobis Copernicus ipse: Quis negabit, inuentum esse Systema illud, mobilem inter Planetas Terram faciens, à Copernico, Conceptus Aristarchi penitus ignaro? Nihilo tamen minus eadem ad vnguem fuit utriusque suppositio, ut ex Archimede, Plutarcho, ipsoque Aristotele, qui illam refutat, probari potest.

Quæ quidem duorum tot sæculis ab inuicem distantium in unum conspiratio, consensusque non ex composito procuratus, maximum in se persuasionis argumentum complectitur.

Sic igitur nullum est Tychonis Systema, sicuti nullum est Copernici: immo minus habet Copernicus quo de ut proprio glorietur, quam Tycho, cum id quod ille tradit, totum sit vnius Aristarchi; hic propriam tamen habeat compositionem ex Ptolemaici & Copernicani diuersorum membris singulis.

7. Ibidem negat Galilæus Ptolemaicam Hypothesin refutari potuisse à Tychone, Copernico vel aliis; à se refutatam esse vsu Telescopii, in obseruatione variationis discorum Martis & Veneris, quarum ista quadraginta, illa sexaginta vicibus maior fiat in Perigæo quam in Apogæo: hac enim re argui, motus illorum curricula circa Solem ordinari.

Nihil est quidem illa tua, Galilæi, obseruatione pretiosius, nihil

nihil ad totā Astronomiam astruendam præstabilius. Si tamen liceat mihi te propitio, quod sentio dicere : videris mihi admōnendus, colligas cogitationes , in illa vastitate rerum plurimārum inter se connexarum à ducturationis & agmine memoriæ, paulo longius aberrantes.

Neque enim refutat tria hæc obseruatio præstantissima Ptolemaicarum Systema ; neque astruit, sidera hæc circa Solem flectere gyros suos. Refutat quidem cùm hæc tua obseruatio, tum Systema ipsum Ptolemaicum, refutat inquam traditiones Ptolemaicorum de variatione minima, Diametrorum , rudem visum sequentes : quo in opere vestigia posuerunt etiam Mœstlinus in Epitoma, & ni fallor , Regiomontanus : confirmat vero eadem tua Discorum obseruatio proportionem ad Eccentricum,tam Epicycli in Ptolemæo, quam Orbis Solis in Tychone, vel Orbis Magni in Copernico; confirmat denique circuitum circa Solem, communē & Tychoni & Copernico, obseruatio non ista quantitatis Diametrorum, sed altera, quam alias tu nobis liberaliter impertiuisti, Phasium Veneris, æmularum Lunæ. Et Veneris quidem apparentiam attenuat in latitudinem phasis ista: Martis vero diameter, cum Soli is opponitur, tota est , nec quicquam subsidii paratum in Phasi habet, cur non 60. vocibus maior nudis oculis appareat, quam in coniunctione. Itaque circa Venerem quidem, illa Ptolemaicorum traditio excusationem inuenit ex phasi , circa Martem non inuenit. At utrinque magna satis est excusatio, quod usum Telescopii ignorarunt.

Hæc ego monenda duxi , non quasi tu vel nescires , qui nos ea docuisti, vel recolligerete sine mea opera non posses ; sed ut Lector tui libri , vel me monitore utatur, ad capiendum , quid tutetibilo loco allegato velis : vel expectandam sibi censeat tuam declarationem , si mihi minus fidendum existimat. Gratulari tamen tibi poteris de sociotaliū hallucinationum Tychone ipso, loco abste producto, quem primum in hoc Appendice supra considerauit.

8. Porro & illud addit fol. 26. Galilæus: Non se credere, gratiam  
& bene-

& beneficium illud, quod à supernaturali lumine, ad Philosophos redeat, obtineri potuisse à rationibus vel experientia Tychonis: ut scilicet videarent, se errare cum Copernico. Non possum facere, quin Galilæo meum hic consensum faciam testatum: quin imo censeo, Tychoni ipsi luminis illius supernaturalis aliquantulum per rimulam angustam irradiasse, cuius ille ductu reflexerit oculos ab hac veluti stella clarissima Systematis Copernicani ad Systema suum proprium, hoc est, ad compositum ex Copernicano & Ptolemaico. Hoc igitur de Tychone credere, iis expedit, qui Hypotheses illius sequi malunt. At qui sunt oculis paulo firmioribus, illis non statim ad primum Solis exortum euane- scunt sidera cætera, præsertim si seorsim illum, seorsim ista, sua quodque in regione & plaga contueantur.

9. Fol. 33 34. De Sarlio affirmat Galilæus, quod dimisso Aristotele, inclinet in opinionem Keppleri, quod Cometa possit esse Reflexio. ] Obscure de mea Opinione; mitte tamen verbum, Quod possit esse. In Opticis ante 20. annos docui Cometam, animi gratia, repræsentare in pariete: atque id sit per meram Reflexionem à globo vitreo velsolido, velaqua repleto, ad parietem album, in Camera conclusa latitantem, sic vt Lax Solis per unicum idque angustissimum foramen irradiet, speciei radiosæ pars in parietem incidat, pars, obiectu marginis extremi de vitro, intercipiatur. Hoc tunc propositum fuit experimentum manuarium: at Cometis ipsis veris, in sublimi visis, non fuit à me applicatum. Quod si quis etiam id applicare vellet, illi statuendum esset, in patentibus illis Mundi campis, aliquid reale, quod habeat rationem vitrei globi, aliud quod esset loco parietis. Ita Cometam non sola conformaret Reflexio.

10. Eodem libro disputavi de motu Cometarum, alio loco de formatione, non Cometæ, sed caudæ Cometicæ, cuius loci mentio etiam in Hyperaspiste est facta Ad lib. II. Cap. XX XI. Quod igitur hunc locum attinet, primum distinguere ego soleo inter Repressionem & Refractionem; quorum vtrumque communiter dicitur Reflexio. Et prius quidem ludicrum per Repercussionem existit: at cauda veri Cometæ, in hoc iam à me tacto

tacto Opticorum loco , fингitur formari per Refractos in pel- lucido Cometæ capite Solis radios : Hæc rectè Galilæo dici- tur *Opinio* : neque ego illam sub alio titulo ibi loci proposui: quippe quam statim rursum aboleui, subiuncta veriori senten- tia. Consideraui namque , si cauda Cometæ per talem refrac- tionem formaretur , oportere post caput Cometæ materiam esse densiorem reliqua vel aura vel æthere, veluti nebulam; cum radii Solis in puro & sudo æthere non adhæreant, sed transeant inconspicui. Tum autem perquam inepta fuerit huiusmodi materia, repræsentandæ & deflexionis & incuruationi caudæ. Quibus argumentis effectum , vt hæc mea Opinio , esset non mea, sed exponeretur in ipso ortu & abdicaretur, adoptata con- traria, quam hactenus & pro mea agnosco & educo : quæ Co- metas tam ipsos, quam eorum barbas, crines vel radios corpora statuit, densitatis & raritatis gradibus & inter se & ab ætheris purissima substantia differentia : Caput quidem, veluti nebu- lam congregatam, quadam tenus pellucidam; Syrma verò illud seu Comam, effluvium ex capite, per radios Solis expulsum in plagam oppositam , in cuius effusionem continuam caput i- psum denique insumatur & consumatur ; vt sit cauda veluti mors capit is.

ii. Fol. 35. referuntur verba Sarsii, in quibus alter locus O- pticorum meorum, de motu vero Cometæ excutitur. Liceat i- gitur & mihi verba Sarsii vicissim excutere. **S A R S I.** *Quamuis Keplerius motum Cometæ per lineas rectas explicare contendat; vidit ta- men , in quas se difficultates indueret.* **K E P P L E R V S.** Prima ea fuit Conceptio trajectoriæ rectilineæ, nondum tentatis Nume- ris. Prudentis erat, cautionibus verborum adhibitis, sic indu- re melaqueis Enunciati , vt tamen etiam extricare me rursum possem. Difficultates non videbam, sed timebam, si motum in recta statuisse æquabilem.

**S A R S I.** *Quare neque ad Terram perpendicularē esse voluit motum hunc, sed transuersum.* **K E P P L E R V S.** Non equidem ea re, quod tra- jectoria recta præ circulo difficultates aliquas esset habitura: sed quia velut oppositū est in adiecto, cometæ motū per trajectoriā

saluare, & Trajectoriam ipsam è terra educere. Scilicet hoc ipsum inter causas fuit, cur motum cometæ Trajectorium rectilineum tribuerim: quod ante constitit, cometam è Terra non exire, sed præter terram ferri, appropinquando ab una plaga & à Terra recedendo in alteram. S A R S I. *Quare neque aequalem esse voluit motu trajectorum.* K E P P L E R V S. Dixi, non ea re, quod viderim difficultates, sed ea, quod metuerim: & vt haberem has intensiones & remissiones, (ordinatas quidem,) ad manus, quibus me, si ferret usus, è difficultatibus expedirem. At minus mihi difficultatum fuit obiectum in Cometis Annorum 1472. 1577. 1580. 1585. 1590. 1607. 1618. quam illo tempore, cum Optica, libellumque de Stella Nova ederem, metueram. S A R S I. *Voluit motu in principio & fine remissum, celerem in medio.* K E P P L E R V S. Id illo quidem tempore, non equidem ob demonstrationes aliquas Geometricas ex Observationibus Cometæ: sed ex mera contemplatione Bolidum seu ignium artificialium, quos Raketaulos Germani dicimus. Nam hi sub principium, flamma nondum concepta totis loculis, cunctantur, seque tardè dant in motum; fine durationis iterum languescunt. Similia cernimus etiam in stellis, Autumno maxime, cadentibus: etsi languoris huius aliquid, præsertim finem versus, etiam opticè potest excusari.

Nunc postquam Cometas, modo commemoratos, tractauimus nullam admodum magnam reperio causam, cur motum hunc rectilineum versus utrumque terminum languidorem statuam: itaque relinquo hanc inæqualitatem in dubio.

S A R S I. *Hunc motum rectum præterea fulciendum terra & ipsius motu circulari existimauit.* K E P P L E R V S. Perinde ac si quis de circulari Tychonis motu diceret eadem; hunc illū præterea fulciendum existimasse motu totius Machinae diurno. Non falso quidem, at neque propriè, dicimur hospitem tegere primum culcitram, tum præterea etiam tecto domus. Hospitem enim qui exceptit, eo ipso sub tectum dudum recepit. Ita Cometæ ego in Systemate Copernici, spaciū assignauī ad traiiciendum per lineam rectam: at in Systemate illo, propter Cometam, traiicit etiam

etiam (sed motu circulari) nauis illa quæ spectatorem Cometæ vehit. Vis scire, Sarſi, quid existimauerim Ego? **S A R S I.** Vt omnia Cometarum phænomena explicares. **K E P P L E R V S.** Nimirum hoc existimaui: quarundam apparentiarum in latitudine Cometæ, rationem reddi non posse, expositione motus circularis simplicis in vno & eodem plano, at posse, ex ante posito motu spectantis, omnia sideria communiter afficiente: etiamsi nulla noua ponantur principia, iuxta traiectoriam rectam. Et vero nosti legem philosophandi, Platoni probatam vnicē,  $\epsilon\varsigma\ \bar{\epsilon}\nu\ \chi\bar{\mu}\bar{\eta}\bar{\lambda}$ ,  $\tau\bar{\delta}\tau\bar{o}\bar{v}\ \delta\bar{\omega}\bar{\kappa}\bar{\omega}\bar{\kappa}\bar{\alpha}\bar{\iota}\bar{m}\bar{\tau}\bar{\theta}\bar{e}$ , puer  $\bar{\iota}\bar{\chi}\bar{\mu}\bar{\nu}\bar{\omega}\bar{\zeta}\bar{\sigma}\bar{\theta}\bar{e}\bar{o}\bar{o}$ . **S A R S I.** Quæ nobis Catholicis nulla ratione permittuntur. **K E P P L E R V S.** Prauam vel querelam, si recte, vel seruitutem, si male. Miseriam imò conditionem rerum temporis subiectarum, quæ diuellit inter se cohærentia penitusque connata. Nam Catholico certè Copernico, cum ad Paulum III. scribebat, mihi que, cum anno 1604. & 1605 imitarer, nullaratione interdicebantur. Sed doceat suam Perillus magire bouem. Et nisi me fallit omnis coniectura, formidat Sileni frontem, quam pinxit ipsa minio, inepta Ægle.

**S A R S I.** Ego igitur opinionem illam, quam piè ac sanctè tueri non licet, pro nulla habendam duxeram. **K E P P L E R V S.** Mihi nelibeat, quod iure non licet; neu contingat, ut non habeam pro nullo, quod ducam habendū pro nullo. Tibi vero Sarſi, si qua videtur inesse concinnitas in traiectoria recta; causa nulla est, quin ea fruaris etiam in Systemate Tychonis luxatili. Quod enim à me fulta est, te censore, traiectoria recta, motu terræ; fulciet eam æque firmiter Tycho, motu Systematico Concomitantiae, qui rapiat ipsam etiam traiectoriam rectilineam; Si cui ad ista credenda robur & æstribplex circa pectus. Vide conclusionem Hyperaspistis, & ad Lib. II. Cap. XX. Num. 21.

Attamen videtur æquum postulare Galilæus, fol. 37. Ut, quod pro nullo habendum putas, destruas, ut impossibile; utque falsitas talium propositionum, quæ declaratae sunt repugnare Sacra Scriptura, demonstretur, si potest, etiam rationibus naturalibus.

12. Reuertor ad Galilæum, qui fol. 36. Tychoni tribuit æqui-

uocationem, ut appellat, quod pro eodem usurpet, sub circulo magno incedere, & in directum incedere. Dubito, satisne asse-  
quar, quid criminis detur. Nulla Tychoni fuit necessitas, ut di-  
ceret : Omnia quæ in directum incedant, videri ex omnibus  
terræ locis sub eodem circulo magno. Hoc sane falsum esset de-  
iis, quæ sic incedunt, vicina terris. Nec hoc ille voluit, Ea quæ sub  
circulo magno incedere evidenter, verè circulari moueri motu.  
Nulla hoc necessitate demonstrationis sequi dixit : coniectu-  
ram saltem probabilem putauit, si illud sit, & hoc esse. Vide ad  
Lib. I. Cap. I V.

13. Fol. 87 88. Tycho adducitur, subscribens Haggecio, ar-  
gumentanti à puritate luminis, ad conditionem cœlestem lu-  
centis. Sanè quantisper in hac opinione sumus, lumen corporis  
**esse** proprium, coniectura laudabilis est. Quod si patescat, lu-  
men illud nihil aliud esse quam resplendescientiam : quicquid  
per argumentum hoc fuit acquisitum, id vindicat sibi Sol, tan-  
quam fons primus omnis resplendescientiæ. Non versatur Ty-  
cho in iisdem cum Galilæo terminis. Itaque vim patitur Ty-  
cho fol. 90. dum Galilæus & Sarsius luctantes inter se sibi Ty-  
chonem compellunt crines suos commodare.

14. Quam fol. iii. Galilæus reiicit argumentationem, ea Ty-  
chonis est: Nulos esse cœlestes orbes, superficiebus distinctos,  
eo quod nullæ sint stellarum refractiones, nisi tantum minutu-  
læ, circa ipsum Horizontem. Perpendiculares Sphæræ, inquit Gali-  
læus, perueniunt ad Terram radiis, perpendiculares vero non refringun-  
tur. At ô Galilæe, si sunt Orbes, oportet eos esse Eccentricos.  
Nulli igitur in terram veniunt, radii perpendiculares sphæræ,  
nisi tantum in Apogæo & Perigæo. Valet igitur argumentum,  
te non inuito, qui & ipse solidos negas Orbes, fol. 129.

15. In primis aduersus Hyperaspisti meo videtur esse locus,  
fol. Galilæi 122. 123. Vbi Sarsio, authoritatem Tychonis super al-  
titudine Cometæ alleganti, respondet Galilæus in eum ferè  
modum, quo & Claramontius: Tychonem, cæterosque nomi-  
nis alicuius Astronomos, inter se differentissimos esse. Et vt titur  
Dilemma: si veræ obseruationes omnes, Cometa fiet Appa-  
rentia

rentia vaga: si falsæ, carent auctoritate. Ad determinandum verum Cometæ locum; è differentissimis Obseruationibus, illas à Tychone eligi, quæ conducant eius instituto.

Etsi ad has exceptiones ipsas satis est ab Hyperaspiste responsum: postulat tamen authoritas Galilæi, vt Lectoribus etiam aliquid dicatur. Nimis Galilæus hic defendit libellum non suum, sed Guiducci: qui et si multa à Galilæo habet, illa tamen suopte iudicio proposuit & tractauit. Iam Galilæus illius defensor, quid faciat aliud, quam vt Guiducci vestigiis insistat, vt ea dicat, quæ Guiduccium dicturum consentaneum erat. Certè quod Galilæum ipsum attinet: is demonstrationum Geometricarum & gnarus est, & fautor si quisquam alias: nouit idem quid distent æra luminis, quidque intersit inter Tychonis in obseruando diligentiam incredibilem, interque cæterorum plerorumque supinitatem popularem, in hoc exercitio omniū difficilimo. Non est igitur credibile, ipsum sic falsitatis arguere omnium omnino Mathematicorum Obseruationes, vt in his etiam ipsius Tychonis comprehendantur. Quod si non omnes falsi: quis Tychone potior habeatur à Galilæo, non equidem video. Nec hoc dicet, si complurium obseruationes sint falsæ: propterea omnium, & sic etiam Tychonis, auctoritatem esse nullam. Si personam nudam respicimus, Tycho unus è multis est, eoque nomine habebit eius auctoritas aliquid mali propter vicinum malum: sin autem auctoritas moribus & circumstantiis totius exercitii & diurni atē coalescit; quis adeo confidens est, qui hic Mathematicorum quemquam cum Tycho ne velit contendere? Neque fundamen tum ille dogmatis sui de loco Cometarum cœlesti reposuit in Obseruationibus aliorum sc, in suis propriis: nec cum cæteros iuxta contemnere nolle, Obseruationes eorum à nudo consensu cum suis elegit: sed iisdem eas notis æstimauit, quibus suas proprias à promiscuis cæterorum distinctixerat. Quibus consideratis, spero Lectores esse iudicaturos non sic excepisse Galilæum contra aduersarium suum Sarsium, Tychonis auctoritate sese efferentem inuidiosius: vt id ipsi etiam Tychoni seorsim in argumento pro-

prio fraudi esse voluerit, aut esse posse sperauerit.

16. Fol. 129. Rursum Sarsio, Galilæi Antagonistæ, *insufurrat in aarem timide*, nescio quis pellaculus, motum Terræ, quo admisso, non sit opus, prorutis Orbibus solidis, rectum Cometis adscribere motum. O improbam suggestionem, si falsa: suspectum vero clandestini consili, auscultatorem, si tacitis hisce *susurris* patent eius aures; ô verò verè *timidum tenebrionem*, si quod credi par est, vera se putat suggestere Sarsio: versutulum denique, qui quæ dissona, quæ auribus aspera fore præuidit, submissa voce dictat, tuta præferens fol. 137. credideris illum inter Canum excubias ad destinatas tendere fores veritatis, adeo & cupidus est ne foribus arceatur, & cautus, ne mordeatur. Nihil est opus fluctuatione ista, Sarsi; si non placet Terræ motus, qui suam apparentiam admisceat, ut Planetis omnibus, Eccentricas Orbitas metantibus, sic etiam Cometis, recto impetu ruentibus: licet igitur tibi eius loco, motum realem concomitantia ab ipso, quem hic sequeris, Tychone suppeditatum, sic admiscere recto Cometæ motui, sicut idem motus realis admisci perhibetur circularibus Planetarum motibus: nulla te necessitas vrget, si Tychonis Systema probas, rectum Cometis intra Systematis limites adimere motum, assignare circularem. Factitatum id vides ab Hyperaspiste meo, in Cometis tribus, Ad Lib. II. Cap. X X. Num. 21. & Cap. X X V. Numer. 2. imitari potes in omnibus.

17. Fol. 339. 140. Vexatur à Sarsio Cometa idem Regiomontani, quo de tam multa Ego ad Lib. III. Cap. X VII. Num. 2. in 33. Videone Sarsio quidem lectam vel Regiomontani descriptionem totam vel Ziegleri conceptiones in Genesin. Video errorem eundem, quem Crugerus agnitus abiecit; quasi Pontanus de diuerso scripsiterit Cometa, quam Regiomontanus. Auctarium insuper hoc adiecit Sarsius, quod in fine velox fuerit, Cometa: quod redargui quidem ex verbis Poëmatis, ut ambiguè sonantibus non posset; nisi prosa Pontani conferretur. Sed ex ambiguis non rectè argumentatur Sarsius.

18. Quod supra Tychoni accidisse notaui, vt Sarsio & Galilæo

læo inter se pugnantibus ipse exciperet iustus ab utroque: idem fol. 141, 143. Galilæi mihi vsu venit: pertrahor in partes obtestantium inuicem & vindicantium: quin imo velut arbiter constitutus, sententiam pronunciare iubeor, sed communis arbitrorum fortuna, ut neutri parti satisfaciant. Verum scripsit Sar-sius in genere hoc, quod cum Tycho existimauerit caudam cometæ anni 1577. Optica aliqua ratione incuruatam apparuisse, primus Ego, quod sciam, de refractione mentionem iniecerim; quippe, qui id negauerim fieri posse per parallaxin; sed neque per nudam & simplicem refractionem radiorum Solis in corpore Cometæ, qua refractione cauda ipsa formari concipiatur, repræsentari posse refractos specie curua: nisi si quis post primam refractionem radiorum, factam in capite, plures alias post caput in substantia ætheris fieri statuat, in eandem curuitatis plagam: imo potius Refractionem continuo tractu spaciis augescentem, utpote in substantia ætheris, continua incrementis post caput Cometæ semper magis magisque condensata: quæ imaginatio cum nequeat aptari legibus opticis, nec detur intelligi, quid sit superficies, non superficies; Superficies quidem, quia inclinata ad radios ex capite prodeentes, quia refringendi potestate pollens; non superficie, quia continua inter se, non discreta, densationis incrementa: has inquam ob causas, refractionem talem, cuius effectus requireretur ad incuruandam caudam, ut monstrosam & Chimæræ portentum, explosi. Recte igitur fictionis meæ verba intellexit Galilæus reiiciendamque affirmat; recte etiam Sarsi us, eandem à me ibidem esse reiecitam. Neque tamen statui litem sub iudice relinquendam: sed prima data occasione, in libello scilicet de Cometis annorum 1607. 1618. disertè dixi, quid de caudæ & formatione & incuruatione sentirem. Recte non minus Galilæus, ait, *verba hæc mea non esse accipienda de speciali illa refractione, quæ fit in nostro aere: de hoc sane incuruationis modo nunquam ego cogitaui, quamuis sit verissimus, Tychoni etiam ipsi ex alio effectu notissimus.* Sic enim incuruatur quotidie penes nos vniuersiisq; circuli stellæ diurni arcus, ut quamuis stella in ipso Æquatore versetur: tamen linea

linea descensus, eius in Horizontem, vel ascensus, si per ali-  
quantum spaciū altitudinis maneret tota conspicua, appare-  
ret incuruata.

Hoc tamen est insuper addendum; quod utrum ad rem fa-  
ciat, qua de contendunt duo illi; non liquet; quippe cum li-  
brum Guiducci non viderim: Nimirum incuruatio ista per  
quam exigua erit, quippe in qua caput, & cum eo exortus cau-  
dæ, à totalineæ caudæ longitudine nihil ultra dimidium gra-  
dum deflectit, semper quidem sursum, versus verticem; nec a-  
liter, nisi quando caput ipsum fuerit Horizonti proximum; nec  
vnquam totus semissis vnius gradus in hac curuatura inest, nisi  
vbi ipsa etiam cauda pene tota in Horizontis planum fuerit  
proiecta, sic ut capite oriente vel occidente, finis caudæ non su-  
peret 2° gr. altitudinem.

Quas casus angustias si quis considerauerit, merito dubita-  
bit, num de illa caudæ Cometicæ incuruatione, quæ satis cre-  
bra, satisque euidentes, satis etiam constans esse solet per diuersas  
diei horas, quicquam sibi vindicet excusetque refractio ista ra-  
diorum in nostro aere. Certè ex hac causa non fuit Cometæ il-  
lius Australis anni 1618. curuatio insignis, vt quæ extremas po-  
tissimum partes Comarum occupauit; quam ob rem Acinaci  
Persico comparatus fuit.

19. Quin etiam aliud quippiam hoc loco moneri Lectores  
fuerit opportunum; cuius melibellus ille nuperus Wilhelmi  
*Con-*  
*Schickardi*, cuius in Hyperaspiste ad Lib. III. Cap. X VIII. Nu-  
*fundit* mer. 18. fit mentio, admonuit. Fateor, non omnino verum est,  
*Schick-* quod negaui, Ea quæ sunt rectæ, non posse citra Refractionem,  
*hardus* in cœlo repræsentari curua, vel cum Parallaxi, vel etiam sine ea.  
*sepa-* Cum hanc negationem perscriberem, verabantur in animo  
*randa*: projectiones visibilium rerum in Planum: & notæ sunt præce-  
*Coeunt* ptiones Graphicæ seu Perspectivæ, quæ quantacunque diuer-  
*versus* sitate propinquitatis terminorum alicuius rectæ, semper eius  
*punctū* Rectæ vestigia repræsentatoria super plano picturæ in rectam  
*visio-* itidem lineam ordinant. At verò visus noster nullum planum  
*nis in* protabellæ habet, in qua contempletur picturam Hemisphærii;  
sed

sed faciem illam cœli: super qua videt Cometas, imaginatur si-  
bi Sphæricam instinctu naturali visionis : in concauum vero pictu-  
Sphæricum si proiectatur pictura rerum rectis lineis extensa-  
rum, earum vestigia non erunt lineæ rectæ, sed mehercule cur-  
uæ, circuli nimirum maximi Sphæræ , si visus in eius centro sit, et arum  
ut docemur de projectione circulorum in Astrolabio. Hæc in-  
realiū, quam concedenda est caudæ Cometæ curuitas, qualis est cur-  
uitas in arcubus circuli maximi. At memineris vicissim, de hac dio vi-  
curitate quæstionem nullam esse apud Astronomos , ut pote sionis  
quæ quadret ad rectitudinem filii , contra cœlestem apparen-  
tiam extensi: nam de illa loquimur incuruatione, quæ excedit lelæ ex-  
metas arcus de circulo maximo , quam notamus applicati fili eunt ,  
discrepantia. De ea verum est etiamnum , quod in opticis per-  
scripsi, in illa quæ sunt verè recta, nulla parallaxi posse detorque-  
ri in talem curuationis speciem.

Hæc icturæ:  
vicis-

sim curuantur nō super plano picturæ, sed in imaginatione visi Hemisphærii omnes  
rectæ reales & inter se parallelæ, & curuantur versus verumque latus rectæ ex o-  
culo in se perpendiculis; curuatur inquam neque realiter neque pictoriæ, sed ap-  
parentur solum, id est, videntur curuari. Quidigitur quæres, Nunquid ea pictura,  
quæ exaratur in plano, representatio est apparentia huius parallelarum ? Est, in-  
quam, & non est. Nam quatenus consideramus, lineas versus utrumque latus cur-  
uari: oculi radium cogitatione perpendiculariter facimus incidere in medianam par-  
allelarum: oculum ipsum seorsum collocamus, extra parallelas. Cum autem omnis  
pictura in plano, sit angusta pars Hemisphærii aspectabilis: certè planum obiectum  
perpendiculariter radio visorio iam dicto, nullam complectetur partem apparentia  
curuatarum utrinque parallelarum: quippe cum apparentia hæc se recipiant ad  
utrumque latus, finemque Hemisphærii visui. Quando vero radium visuum co-  
gitatione dirigimus in alterutrum punctorum, in quo apparenter coeunt paralle-  
la, sic ut is radius visius sit quasi medius parallelarum: tunc pictura in plano arti-  
ficiosa , est huius visionis genuina & propria representatio. At neutrobius  
consentaneum est Natura, ut pingantur curvæ, quod folio 98. desiderabat Scri-  
ptor.

Hæc igitur ex Lectione libri Galilæi occurserunt loca, quæ mihi vel Typhonis, vel mea ipsius causa excutienda fuerunt: reliqua libri materia, vt est referta plurimis & rationibus & experimentis, diligentia non vulgaris, ita suam apud studiosos Philosophiæ laudem & gratiam, vt obtineat, æquissimum esse pronuncio.

### FINIS APPENDICIS.

## INDEX RERUM IN HOC LIBRO MEMO- RABILIVM.

*Primus numerus Librum, secundus libri Caput, tertius segmentum capitis indicat.*

### A.

#### ANTI-TYCHONIS PARTIVM Contenta, Dispositio, & Examen.

DE Libro I. qui tradit doctrinam Parallaxium, generalia Præf. 7. Habet is liber capitulo X I. Ergo de Capite X. vide 2. 2 I. 27. | 2. 22. 27. Et de Capitis XI I. prop. IV. vide: 2. 2 I. 20. & de prop. XI. vide 2. 4. 14. & 20. | 2. 22. 20.

LIBRI III. CAP. I. II. III. Argumentum Typhonis primum à Circulo motus Cometae maximo. Id dilatatur per duas species motus cœlestis 2. Et per causas motuum Physicas & Metaphysicas. 3. Per verisimilitudinem cognitionis motuum & Loci. 4. Denique per authoritates Philosphorum & Theologorum.

• Cap. IV. Considerantur Claramontiane solutiones huius argumenti. Vbi an argumentum necessarium. 1. An traiectiones sublunares subordiantur circulo magno. 2. Dissimilitudo hic inter missum & Cometæ apparentiam. 3. An Stella Magorum faciat instantiam. 4. 5. An motus ex aliqua Stella, & libramentum gravitatis componant apparentiam circuli maximi 6. 7. 8. An Sidus aliquod rei sublunari conciliet motum concentricum 9. 10. An gravitas 11. An Cometæ ad centrum latus 11. An Cometæ motus sub circulo maximo incesserit. 12. in 28. An omnes locorum Cometæ distantiae spectauerint ad idem Eclipticæ punctum. 29. 30.

# I N D E X.

Cap. V. Secundum (in numeratione Claramontii) Tychonis argumentum à motu regularitate. Eam esse constantiorem quam in sublunaribus. 6. Quæ sit cœlestium motuum regularitas. 7. Quo sensu Cometa proportionaliter motum diminuerit. 8.

Cap. VI. Consideratur instantia, & calculus Scipionis, idem Eclipticae punctum tetendit Cometa.

Cap. VII. Tertium Tychonis argumentum à celeritate motus Cometæ, ut probabile defensum, non vt necessarium.

Cap. VIII. Quarta Tychonis argumentatio à concinnitate via Cometæ, inter Tropicos.

Cap. IX. Diluuntur oblocutiones Claramontii contra rationes istas iunctas.

Cap. X. XI. Quinta & principalis ratio Tychonis à nullitate Parallaxeos Cometæ per distantias à fixis ad diuersas horas eiusdem diei. 2. 21. 27. Effugia Claramontij per fictionem Tychonis 2. 10. 10. Per differentiam veri & visi motus. 13. Per minimas discrepancias. 23. Per refractiones. 25.

Cap. XII. Sexta ratio Tychonis, qui nullitatem parallaxeos probat ex collatione obseruationum suarum cum obseruationibus aliorum in diuersis locis. Sic etiam 2. 21. 31. & 32.

Cap. XIII. Diluuntur obiectiones friuole Claramontij contra obseruationes Tychonis ipsius. Vsque 14. Contra obseruationes aliorum, 15. 16. 17. Contra fictionem Tychonis, & secundum eam institutum calculum hallucinantem, demonstrationis labeculam, & ruporoyias, damno ad principalem demonstrationem plane nullo. Vsque 35.

Cap. XIV. Septima ratio Tychonis, vbi nullitas Parallaxeos probatur ex Obseruationibus diuersarum horarum eiusdem diei. Huius processus differentia à priori capitis XI. 4.

Cap. XV. Diluuntur exceptiones Claramontij contra vias altitudines. 3. 4. Contra diuersitatem altitudinem obseruatarum à computatis. 8. 9. 11. Contra declinationem quasi alienam. 13. Contra fictionem parallaxeos magna. 14. Processus verior ex Tychonico conuerso. 18. 19. Contra discrepantiam altitudinem viarum & pro viis computatarum. 28. Contra errores in obseruando. 32. Ob refractiones. 35. 36. Contra subtilitatem inobseruabilem. 42.

Cap. XVI. Octaua ratio Tychonis, Processus Regiomontani priori cognatus.

Cap. XVII. Diluuntur exceptiones Claramontij ob Refractiones. 2. Processus hic in exemplo Tychonis continuatus. 5. Eius instructio tutior. 7. Ob refractiones. 8. 9. & seq. Cur Tycho hoc subtili & difficiili processu vtatur. 15. in 18. Temporis obseruati immistio causa perturbationis. 23.

Cap. XVIII. Obseruationes Tychonis contra calumnias & fraudes Claramontij defensa.

Cap. XIX. XX. Rationes Tychonis aliae sparsa paſsim, obiectionumque contra eas solutio. Prima similis illi capitis XII. per meras aliorum obseruationes, sed diuersis locis habitas, eadem hora. Scipio elusurus argumentum, casus recenset, qui faciunt instantiam;

I N D E X.

tiam; sc. omittit causam argumento proprium. 7. Redarguitur parallaxi latitudinis. 8. Argumentatio pro Cometa anni 1585. loco cœlesti. 21. 22. 23. vsque 33.

Cap. XXI. XXII. De Cometa anni 1585. eum cœlestem fuisse: quia sine parallaxi. 12.

Cap. XXIII. XXIV. De Cometa anni 1590. & que eius loco cœlesti obiicit Claramontius, ea diluta. 8. Ob refractiones. 9. Ob regularitatem. 10.

Cap. XXV. Rationes aliorum pro loco cœlesti Cometa anno 1577. defensa contra Claramontium.

Cap. XXVI. XXVII. XXVIII. De Cometa anni 1618. rationes Anonymi, & Claramontij refutationes, superficiaria ratione consideratæ.

Cap. XXIX. Diluuntur obiectiones Claramontij, contra argumentum ab apparetia Cometæ cum eadem fixa Ibi obseruatione plurium locorum eadem die. 3.

Cap. XXX. Argumenta mole Cometæ, expensum. Ex trajectione probatus materie ortus cœlestis.

Cap. XXXI. De cauda Cometæ, Soli opposita, an inde locus eius cœlestis?

Cap. XXXII. Ratio pro Cometa anni 1618. loco cœlesti, à tubo optio, obiter expensa.

**L**ibri III. Caput I. Primum argumentum Claramontij pro Cometarum loco Elementari, à motus irregularitate, examinatum.

Cap. II. Argumentatio secunda Claramontij ex parallaxi Cometæ, quam ex obseruatis Tychonis se putabat extruere, ex que diversitate distantiarum in diuersis locis, quantitatis minima. Eius profligatio.

Cap. III. Index est sequentium, ex quo ostenditur demonstrationes eius niti fundamentis incertis.

Cap. IV. Ex coniunctis Landgrauij & Tychonis, parallaxin se putat extruere: assumit autem obseruationes, destruentes demonstrationem. 2. Confugit ad refractiones. Repellitur.

Cap. V. VI. Ex una copula Obseruationum duarum, altera Tychonis, altera Landgrauij, ex que earum differentia in longum & latum, quæ est de vitio obseruationis alterius, demonstrat ipse parallaxin & altitudinem Cometæ à centro Terra. Multis modis confutatur.

Cap. VII. Additamentum ad rationem precedentem profligatur, adempta illi refractione.

Cap. VIII. Ex Tychonis & Mæstlini copulatis obseruationibus parallaxeos extremitio, deiecta.

Cap. IX. Ex Tychonis & Gemma copulatis, eadem, & ineptiora.

Cap. X. Ex Tychonis & Ræslini erroribus comparatis.

Cap. XI. In concludendo & proponendo consumptum, exploditur.

Cap. XII. XIII. XIV. XV. Ex erroribus, quos Tycho in aliis detexit, per refractionem palliatis, parallaxes extruit, sed refutatur.

Cap. XVI. Authoritate & obseruatis eorum, qui Cometæ parallaxin tribuerunt, astruit parallaxin Cometæ. Errores eorum defendit, non omnes tamen potest, per sua principia; Cometam facit pene Terram contingere.

Cap.

# I N D E X.

**Cap. XVII.** Authoritate Regiomontani pugnat pro parallaxi Cometarum, presertim illius anno 1472. Sic etiam Cometa anni 1556. Refutatur verbis Regiomontani.

**Cap. XVIII.** Ex Cometa anni 1580. eiusque observationibus, quibus qui tunc vixerunt, parallaxin destruxerunt, ipse probat parallin, sed per obs. quae euertunt demonstrationem.

**Cap. XIX.** Appendix est ad priora, Infert enim, et si obseruata locorum vicinorum vix uno minuto differant: hinc tamen insignem fieri parallaxin; ubi reddit ad Cometam anni 1585. Scilicet offenditur, deficere requisita.

**Cap. XX.** Parallaxin Cometæ anni 1618. astruit per diuersas longitudines caudæ obseruatas.

**Cap. XXI.** Ex duorum locorum nimis vicinorum obseruationibus, hunc Cometam sub Lunam detrudere nititur.

**Cap. XXII.** Ab inductione experientia non sufficientis, probare nescitur, Cometas, ut noua sidera, cœlum non ingredi.

## HACTENVS ANTI-TYCHO.

**A**lhazen, Arabs, de Parabola. 2.  
13.25. Altitudo 3.20.6. Minuto  
temporis variabilis sensibiliter 2.18.32

Anomalia Äquinoctiorū & motus fixarum dubia. App. 3. Antiquis à dogmatibus non facile recedēdum.  
3.22.6. Archetypicæ rationes 2.8.5.  
Archimedes de Parabola. 2.13.25.

Aristarchus Copernici Hypothesium author. App. 6.

Aristotelis Topicorū usus. 2.4.1.||  
2.8.2. Eius sententia de circulari motu. 2.4.9.|| 2.20.24. De animalium periodis. 2.5.6. De motu siderum æquabili 2.5.7.|| 3.1.4. De proportione motuum ad orbes 2.7.5. Quomodo natura elementaris sit annexa motibus cœli 2.8.6. De ventorum altitudine 2.20.26. & 27. Mathematicis & Astronomis defert 2.17.26. A Typhone ut tractetur 2.18.7. & 8.

Astra vid. stellæ. Astronomia locū dat Inductionibus 2.4.26. Non est sine imperfectionibus minutissimis 2.6.3. Azimuth 3.20.6.

**B**arth. Scultetus. v. 1. Bernh. Waltherus. v. 1. Bolides. App. 11.

Braheorum familia per Daniam & Sueciam. Vid. Tycho.

## C

**C**œlestis aurē qualitates 3.17.40  
Cœlestium motus qualis 3.1.3.  
Cœlum an constans & immutabile.  
2.8.8.|| 3.22.3 & 4. Cœli motus vid.  
Motus. Camerarius de Cometa anni 1477. 3.17.10. Cardanus de cometa anni 1472. 3.17.49. Carolus V. Caesar de cometa anni 1477. 3.17.10. Cassellanæ obseruationes de an. 1580 3.18.6. Christiana Philosophia 2.3.5.2  
4.4. Cimbric⁹ aer qualis 2.18.16. & 17

**CIRCVLI** tantum maiores inter se inclinarē reputantur 2.4.13. Circulorū maximorum officiū in distatiis stellarum. 2.4.21. in diurnis motibus & tota Astronomia 2.11.9. Quomodo probentur tria puncta sub uno maximo 2.4.21. & 22. An idem circuliter, & sub circulo magno. App. 12.

# I N D E X.

Circuli Tropici ex terra orti, paralleli præcipui, eorum prærogatiua.  
2.8.3., & 4. & 5.

Circulus Verticalis primarius. 2. 6. 9.

Circulus semimeridianus inferior quis. 3. 18. 9. & 10.

**Claramontius Anti-Tychonis**  
Author:

Admonetur legis à seipso rogatæ, & emendationis. 3. 22. 10. Agyrra. 3. 24. 13. Αμεθόδευτος. 2. 17. 2. Astronomiam euertit & ignorat. 2. 2. 15. | 3. 15. 8. | 3. 16. 7. | 2. 18. 25. | Calculator bonus. 2. 6. 1. | 2. 24. 14. | hæsitans. 3. 6. 2. | Cauillator. 3. 16. 19. Contemptor artis. 2. 22. 5. | & artificum. 3. 18. 7. Decipit seipsum. 2. 11. 19. | 3. 2. 3. | 3. 4. 1. Demonstrator absurdus. 3. 3. 0. | 3. 6. 15. | 3. 9. 5. | 3. 15. 1. & 15. | 3. 16. 17. | 3. 20. 4. & 8. | Dialecticus malus. 2. 2. 21. | 2. 6. 5. | 2. 7. 8. & 10. | 2. 11. 3. & 19. & 21. & 26. & 27. | 2. 17. 3. & 14. | 2. 20. 10. | 2. 22. 14. & 15. | 3. 11. 0. | 3. 15. 10. | 3. 17. 42. | Discipulus arrogans, in ordinem redigitur. 2. 17. 21. & 22. | 2. 22. 29. | 2. 27. 5. | 3. 18. 16. | 3. 22. 10. | Eques. 2. 18. 2. Errores omnium excusat vel parallaxi vel refractione. 2. 13. 15. | 2. 15. 10. | 3. 15. 7. | 3. 16. 20. | Falilit 2. 24. 13. | Fingit principia ad lubitum 2. 24. 12. | Gloriosius 3. 22. 2. | Illudit arti 3. 16. 17. Imponit principi 2. 24. 13. Improudus 2. 11. 17. Inconsideratus 2. 5. 8. Inexercitatus 3. 21. 3. Ingeniosus 2. 22. 34. In Keplerum vult scribere Præf. 4. Innominatum oppugnat 2. 27. 2. Inuoluit seipsum 2. 11. 26. | 3. 6. 7. Italicia aeris imperi-

tus. 2. 18. 17. Loquitur imperfecte 2. 2. 19. & 21. | 2. 15. 31. inconsiderate. 2. 5. 8. Ludit Lectorem 2. 22. 20. | 2. 24. 13. | 3. 1. 10. | 3. 16. 8. Momus 2. 18. 25. Nescit quid dicat 2. 2. 23. | 2. 15. 12. | 2. 17. 19. & 20. Nomenclator malus 2. 5. 9. & 11. Ostentator 2. 22. 29. | 3. 20. 3. Peripateticus 2. 7. 7. | 2. 11. 31. | 2. 15. 39. | 3. 22. 1. & 4. Personarum acceptor 2. 17. 1. Querulus 2. 11. 2. 2. | 2. 17. 25. | 2. 22. 11. | 2. 24. 10. Somniator in Geometria 3. 20. 5. Tyro bonus, malus artifex 3. 2. 7. Verbosus 2. 22. 14.

**Claramontius Tychoni** sponte confessa obiicit velut noua 2. 6. 2. | 2. 11. 24. | 2. 15. 29. | obtrectat 3. 16. 15. | 2. 17. 1. & 34. | Tychonem armis ab ipso concessis oppugnat 2. 9. 1. | 2. 17. 10. Arguit vere 2. 13. 18. & 19. Tychonem allegat male 2. 2. 21. | 2. 13. 34. Alienis onerat 2. 5. 9. | 2. 6. 4. | 2. 22. 21. | 3. 4. 6. | 3. 6. 3. | 3. 18. 15. Depravat 2. 17. 28. Iniuria afficit 2. 6. 5. | 2. 11. 12. | 2. 18. 1. & 27. | 2. 18. 2. | 3. 16. 6. Cum retorsione. Tychonem non intelligit 2. 5. 10. | 2. 11. 20. | 2. 15. 7. & 29. | 3. 2. 3. Negligit 2. 5. 10. Persequitur ex odio 2. 24. 5. | 3. 15. 5. | 3. 16. 6. | Suggillat 3. 16. 18.

**Claramontii Tychonomastigis**  
Ακυρολογίαι 2. 2. 13. | 2. 4. 12. & 13. | 3. 20. 8. Anti-Tycho simia operis Tychonici 3. 16. 1. A Galilæo commendatus. App. 1. Anti-Tychonis encodium. Præf. 1. & 7. Dispositio. vide Anti-Tycho. editio vitiosissima 2. 22. 27. | 3. 20. 11. Claramontii arrogantia 2. 17. 21. & 26. | Assertiones vanæ 2. 6. 5. Astronomicón libri 3. 4. 3. Audacia

# I N D E X.

dacia 2.24.12. | 3.9.6. & 7. Calumniae 2.17.28. | Captus angustus 2.2.16. | 2.15.45. | 3.22.10. Centuræ aliorum 2.4.12. Confidentialia 2.6.4. Contradictiones 2.5.12. | 2.6.5. | 2.11.25. | 3.2.6. | 3.9.4. Crambe 2.15.40. & 41. Criminationes 2.17.26.

Demonstrationum , vel quasi , Synopsis 3.22.2. Diligentia 2.6.5. | 2.11.1. | Dilucidationes irritæ 2.14.1. Dissimulationes 2.4.2. & 5. & 12. | 2.18.32. | 2.22.16. | 3.16.8. Errores 2.2.14. | 2.4.14. & 15. | in refractione 2.29.2. | in Parallaxi 3.6.7. | 3.18.1. & 11. Eruditio Præfat. 2.7. | 2.11.30. | 2.15.17. | Existimatio perdita 2.22.39. | Fraudes 2.18.29. | 2.24.15. & 16. Furor 3.17.41. Conclus. Futilitas 2.20.1. | 3.18.31. Gloriationes vanæ 2.11.2. & 3. & 5. & 32. | 2.22.4. & 30. | 2.24.3. & 10. | 3.17.38. insignis & summa 3.22.9. cum retusione decenti. Hallucinatio in numeris 2.11.18. in aliis 2.24.18. Ignorantia 3.18.4. Parallaxium 2.2.14. Imaginatio falsa & superba 3.22.10. Immodestia 2.11.12. Impatientia 2.11.31. | Imperitia 2.15.42. | 2.17.26. | 2.22.16. | 3.8.2. | 3.15.1. & 6. | 3.22.10. Importunitas 3.12.10. Impudentia in obtructando 2.13.14. | 2.24.12. | 3.10.2. | 3.15.1. & 4. | 3.18.4. | Inaduententia 2.15.27. Inconstantia 3.17.38. Ineptiae 2.20.14. | 2.22.1. Iniquitas 2.18.29. | 3.6.4. Insania 3.2.1. | 3.18.1. Incititia Grammaticæ 3.18.16. Insolentia retusa 3.22.10. Inuentio ingeniosa iactata 3.20.6. explicata 3.20.7. & 9. Iudicium corruptum 2.24.5. | 3.17.44. | 3.22.10. Kænoñ-

θεα 3.9.4. | 3.16.5. Maledicentia 2.17.26. Malignitas 2.17.26. Novationes Præfat. 2. | 2.24.18. | damnosæ 2.27.4. & 5. Observations aut nullæ 3.20.3. aut vitiosæ 3.21.1. & 3. Obscuritas 2.2.14. | 2.4.6. & 14. | 2.7.7. | 2.11.25. | 2.15.1. | 2.22.27. | 3.2.2. | 3.20.6. Oratio & multila & superflua 2.2.24. Oscitantia 2.4.2. | 3.18.7. Peruicacia 2.32.0. Petulantia , procacitas & proteruia in turbandis de industria Lectoribus 2.18.31. | 3.15.4. | 3.16.4. | 3.18.7. | 3.22.10. Prolixitas non necessaria 2.11.22. | 2.15.5. | 2.17.2. | 3.3.0. | 3.4.2. | 3.6.1. | 3.19.1. | 3.20.11. Simplicitas 2.24.16. Soros foro repulsi 2.24.16. | 3.22.9. Stultitia 2.22.18. | 3.2.2. | 3.18.7. Stupor 3.10.2. Subterfugia friuola 2.11.16. Suspiciones nequam 3.16.5. Temeritas 2.6.5. | 2.17.26. | 3.8.2. | 3.18.4. & 7. Triumphi vani 2.5.13. | 2.6.3. | 2.22.16. & 29. | 3.6.15. | 3.11.0. | 3.17.44. | 3.22.2. & 5. & 6. Claramontii votum sanctissimum. Conclus.

Clavius de Parabola 2.13.25.

Cometarum Physiologia 2.3.4. & 5. & 6. | 2.4.4. & 8. Cometæ quomodo cœlestes 3.1.2. Cœlestes probabiliter ob puritatem luminis. Append. 13. Cometarum motus apparenſis per parallaxin tortuosus 2.4.25. Eorum motus rectilineus probabilis. 2.20.21. vniiformiter vniiformis an. 3.1.6. Cometarum ortus an ex Terra 2.20.17. | Append. 11. Cometarum motus causæ Append. 9. An aliqui parallaxin habeant 3.4.5. Cometæ cauda quid 2.31.1. | Appen. 10. Arguit

I N D E X.

Arguit capitilis plagam à Zodiaco 3.  
17. 18. Ut fiat curua per refractionem Append. 18. Parallaxis Cometæ demonstratio per caudam 3. 20. 4.  
Caudæ essentia quæ Append. 9.

Cometa Pontani & Regiomontani idem 3. 17. 55. Annis scilicet 1472.  
3. 1. 11. | 3. 17. 1. & 12. Append. 17. Is non plus semicirculo conficit 3. 17.  
11. & 13. & 20. & 61. Eius magnitudo 3. 17. 56. Is cœlestis demonstratus per Trajectoriam rectam. 3. 1.  
12. |

Cometa anno 1475. nullus 3. 1.  
II. | 3. 17. 6. & 45. in 57. Cometa anno 1477. 3. 17. 10. & 58. & 59. Cometa anno 1491. 3. 17. 60. Cometa anno 1556. 3. 17. 37.

Cometæ anni 1577. motus demonstratus qui trajectoriam rectam 2. 20. 19. Cometa anni 1580. 3. 18. 2. Cometa anni 1585. 2. 20. 18. & 34.  
35. | 2. 25. 4. | 3. 1. 13. | 3. 17. 43. Distantia eius à centro Terræ etiam testimonio caudæ 2. 25. 6. & latitudinis 2. 21. 3. & 4. | 2. 25. 6. Cometæ anni 1590. altitudine ex cauda & latitudine 2. 25. 7. | 3. 1. 13. Cometæ anno 1618. 3. 20. 1. | 3. 21. 1. Figura Aci-nacis App. 18.

Copernici Systema habet superflua Append. 3. est artificiosum, Append. 4. An ipse Systematis inven-tor, Append. 6. Catholicus. Append. 11.

Crugetus Mathematicus Danti-scanus 3. 17. 8. & 12. & 50.

D

Daniae aer & refractiones cuius-modi. vid. Cimbricus.

Draco volans anni 1623. Nou. eiusque altitudo. 3. 18. 18.

E

E Berus de Cometa anni 1472. 3.  
17. 51.

Elementarium motus regulares qui 2. 5. 2. | 2. 20. 24. | Exempla 2. 20.  
27. Elementaris natura, ut annexa motibus cœli 2. 8. 6.

F

Anton. Fabricius Montepulcia-nus. Præf. 2.

Fixæ, vide stellæ.

G

Alilæus Geometra. Append. 15. Guiduccii sui personam sustinet, dum ab Observationibus excipit Append. 15. Æstimator idoneus Observationum. Append. 15. Rigidus Tychoniani Pseudographematis censor. 2. 13. 26. Galilæi obseruata de cœli nouitatibus & maculis Solis 3. 22. 4. præstantissima, Append. 7. Cur laudet Anti-Tychonem Claramontii, Append. 1. Cur contra Hypothesin Copernici loquatur. Append. 2. 7. Eius oscitatio Append. 7. Sarsio suspensa verba obiicit, Append. 11. Negat solidos orbes, Append. 14. Eius existimatio de Tycho-ne mitigata, Append. 15.

Corn. Gemmæ de Cometa anni 1577. 2. 25. 1. Observationes inartificiales. 3. 9. 1. & 4.

Genethliacæ & Geomanticæ de-monstrationes, vel quasi. 3. 9. 5.

Ghetaldus de Parabola. 2. 13.  
250.

Fr. Ghe-

I N D E X.

Fr. Gheuaræ subtilitas ridicula  
in Parabola & Eclipsi 2.13.25.

Gurcensis de Cometa anni 1472.  
3.17.56.

H

**H**Abrechtus de traiectione anni  
1623.3.18.18.

Thad. Haggecius Observations  
Cometæ anno 1577. vitiosæ 3.16.1.  
De Cometa anni 1580. 3.18.2.&  
13.

Hassiae refractiones 3.15.11.

Hypothesium trium comparatio.  
Append.3. Numeri omnibus com-  
munes Append.5. Corrigenda par-  
ticularia in singulis. Append.5.

Hypotheses Ptolemæi

Hypotheses Coper-  
nici

Hypotheses Tychonis } vide ibi.  
Brahe

Hypotheses Keplero  
probatae }

I

**I**TALICUS aer & Refractiones .2.18.  
17.

K

Keplerus author Hyper-  
aspistis.

Cur contra Anti-Tychonem scri-  
bat Præf.2.

Tychonem cur defendat 2.14.12|  
2.27.1. | 3.1.0. | Append.1. Eius  
Hypothesin seu Systema cur hic de-  
fendat. Append.3. Tychoni quan-  
tum tribuat Præf.3.&6. Conclus.  
Mutauit in Theoria ☽ aliquid, au-  
thor scilicet appendicis ad Progy-  
mnasmata Tychon. 2.18.22.&23.

Cometam anni 1472. sub Lunam  
admittit, et si is supra Lunam etiam  
incepsit 3.17.2.&29. Multus in Tru-  
tinatore Galilæi. Append. Vim pati-  
tur, litigantibus inter se Sarvio & Ga-  
lilæo. Append.18.

Kepleri cum Tychone necessi-  
tudo, Præfat.2. A Tychone prouo-  
catio 3.1.8. | Dialogismus cum Sar-  
sio Append.11. Exceptio contra E-  
quitem.2.18.2. Excusatio generalis,  
& protestatio. Conclus. Excusatio  
de examinato libro III.3.6.3. Excu-  
satio de correctione loci vnius in  
Saggiatore. Append.7. Excusatio de  
Hypothesibus Append.8.

Keplero probatæ positiones fa-  
mosæ 2.20.20.&32. Append.3.

Kepleri Hypothesis motus Co-  
metarum, seu Traiectoria Cometæ  
recta 2.20.32. | Append.10.11.16.  
In Cometa anni 1618. Sententia de  
loco Cometarum 2.17.28. Calcu-  
lus pro Cometa anni 1472.3.17.32. |  
Argumentum pro loco Cometæ  
anni 1577. & 1580.1585. cœlesti 2.  
20.19. | 2.25.2.in 7.

Pro loco cœlesti argumentum ex  
deuiatione à circulo maximo 2.22.  
8. Demonstratio nondum perfecta;  
eius tamen Theoremeta aliqua. 2.  
25.4.&5. Calculus altitud. Co-  
metæ ex parallaxi portentosa 3.16.10.  
De Essentia Cometæ Append.9. De  
formatione caudæ Cometæ 2.31.  
0. | Append.10. Calculus ex ap-  
propinquatione caudæ pro paral-  
laxi & altitudine Cometæ 3.20.11.  
De Cometæ ortu & materia 3.22.  
4.

# I N D E X.

**K**epleri popularis demonstratio  
Parallaxeos in latum 3.18.17.

**K**epleri intentia, quibus regularitas competat 2.5.4.&6.&7. De Parallaxi ☉ & modus ex Eclipse ☉ Append.2. De motu concomitantiæ Tychon. Append.11. De motu stellarum 2.7.10. 3.1.4.&5. Disputatio cum Crugero super Cometa anni 1472.3.17.8.& 15. Ventilatio liticulæ inter Schikhardum & Harechtum. 3.18.18. Observatio aggerum ☽.2.32.0. Ratione Archetypicæ Append.2.

**K**epleri Astron. pars Optica 2.18. 21. Append.9.10.11. Commentaria de motibus Martis 3.1.4. De stella Serpentarii.3.22.4. Epitome Astronomiæ Copernica æ.3.1.4. Physiologia Cometarum.3.22.4.

## L

**L**Andgrauius cum Tychone non pugnat circa refractiones 2.18.18 & 9. Obs. in cometa anni 1577. propria non tuerit pertinaciter.3.4.5. In aliquibus errorculi. 3.6.13. in observationibus Cometæ anni 1580.3. 18. 12. In Obsru. in Cometa anni 1585. constans error instrumenti. 2. 21.33.

Lunæ motus apparet, non perfecte sub circulo maximo 2.4.20.& 21. Tortuosus 2.4. 28. Eius Orbis proportio ad terram 2.20.35.

Lunæ diameter ampliatur Tubo optico.2.32.1. Ex appropinquatione apparet maior 3.20.5.

## M

**M**OEstlini filum 2.4.2. Contra eius motum Cometarum cir-

cularem. 2. 20. 24. De cometa anno 1577. loco cœlesti 2.25.1. Eius observationes 3.8.1. De Cometa anni 1580.3.18.2. D. Hypothesibus Ptolomæi iudicium ex apparentibus diametris App 2.

**M**aginus à Claramontio reprehensus 2.4.12. De speculo vistorio 2. 13.25. Maranus Gheraldus de eodem ibid. Maris accessus regularis quomo 2.8.5. Martis parallaxi minor Solari antiquorum, maior Solari vera Append.2. Eius Phases Append.7. M ssilium motus quales.2. 5.9.& 8. 2.20.24.& 25. Miz. Idus 3. 17.45.& 57.

Motus tarditas & velocitas, vt arguat locum in mundo 2.18.5.

Motus species arguunt differentias mobilium 2.20.25. Finitus finitorum 2.20.25.

Motus uniformiter vel diffiformiter uniformes. 3.1.3.

Motus diurni visi veris æquales. 2.21.17.

Motus stellarum. v.16.

Mundi regiones, quod discrimen faciant inter creaturas incolentes 3. 1.3. Quas motus species recipiant. 3. 1.7. 3.22.4.

## N

**N**Illicursus metæ 2.8.5.  
Nolthius 3.16.1.

Nouæ Zemblæ Refractiones. 3.15. 11. Ei Sol immature ortus, ex quibus causis 3.15.14.

## O

**O**bservationum subtilitas & errores quanti.2.15.32.

Certi-

I N D E X.

Certitudo ex vitiolis. 2.15.33. Ex aliis Argumentis 2.15.37. An peiores ob crassum aerem Septentrionis 2.18.6.&17.

Orbes nulli, App.14.

**P**Almerius de Cometa 1477. 3.  
17.59.

Parallacticæ doctrinæ Scriptores  
Præfat.7. Doctrina insidiosa 2.15.18.  
& 19. Origo Parallaxium 2.4.15. Ef-  
fectus in altitudine sideris deteg-  
nida 2.15.38. 2.22.12. Parallaxis quo  
discrimine afficiat motus, primum  
& secundum 2.4.18.

Parallaxeos probandæ argumen-  
tum à circulo motus maximo 2.4.17

Processus demonstrationis pat-  
allaxium varii. 2.10. pertotum. | 2.20.  
8. | 3.21.1. | 2.25.2.&c.3. | 2.11. per to-  
tum. 2.12. per totum. 2.13.18. usque  
35. | 2.14. per totum 2.15.3.&4.&c.11.  
& 13. Error Mathematicorum in  
hoc processu detectus 2.15.18.

• Processus Reginomontani 2.16.  
pertotum. | 3.17.23.&c. | 2.17.5.&7.  
& 15.&16.&c.18. ille temporis inter-  
ualla adsciscit incommoda. 2.17.23.

• Parallaxeos eruendæ processus  
insignis 3.6.8.&9.&10. | 3.18.3. Ex  
parallaxi portentosa calculus altitu-  
dinis 3.16.10.&11. Cur non perto-  
tius, sed per totarum differētia pro-  
cedendum, & ubi totis uti possimus.  
2.15.43. Exemplum parallaxeos sen-  
su notabilis 2.20.15.&16. Quæ di-  
stantiarum identitas neget Paralla-  
xin 2.21.35.&36. Parallaxium spe-  
cies à loco in Sphæra 2.28.4. Hori-  
zonti parallela 3.4.3.

Paulus III. P.M. Append.11.

Peripateticorum opinio de motu  
stellarum 2.7.10.&11.

Perpectiuæ rectarum fundamē-  
ta. App.19.

Philosophiæ constitutio qualis 2.  
17.29. In ealocum non habet Pali-  
nodiæ 2.18.6.

Physicæ rationes vt iungendæ A-  
stronomicis in locatione Cometæ.  
2.15.38. Planetæ. vid. Stellæ.

Plato, de æquabilitate motuum  
cœli. 3.1.4. Lex philosophandi Ap-  
pend.11.

Pontanus de Cometa anni 1472.  
3.17.9.&47.

Porta de Parabola 2.13.25.

Proclus de generatione anima-  
lium 2.5.5. Proportionis vox lata 2.  
5.8.

Ptolemæi methodus indagatæ  
parallaxeos  $\odot$  suspecta. App.2. Eius  
Hypotheses refutantur in apparen-  
tia diametrorum. Append.7. Eius de  
Physiologia cœlestium sententia 2.  
1.5. | 2.4.4. De motuum æquabili-  
tate. 3.1.4. refutatur 2.5.7.

R

**R**adii usus infidus 3.17.27.  
Refractiones an vitient obser-  
uationes Parallaxium 2.11.29. | 2.15.  
35.&c.36. | 2.17.2. | 2.20.8. | 2.21.22.  
& 23. | 3.7.1. Earum quantitas 2.11.  
29. | 2.17.12.&c.13. | 3.15.3. Varia per  
loca 2.18.16.&c. | 3.15.2.&11. Quā-  
do exploratæ 2.21.37. Earum apud  
Tychonem certitudo 2.24.6. An di-  
uersæ in diuersimode distantibus 2.  
29.2. | 3.15.19. Nil agit in latum 3.4.  
3. Sunt in ipso Horizonte 3.15.12.

# I N D E X.

**L**oci vnius refractio & maior & minor , quam alterius , diuerso respe-  
ctu 3.15.13.

**R**ecta incuruat in cælo. Append.  
18. In Aqua quantæ 3.15.6.

**R**epercussio Reflexio. Append.  
9.10.

**R**egiomontani processus & li-  
bellus parallacticus 2.16.2. | 3.17.5.  
& 22. Acumen 2.17.1. Obserua-  
tiones Planetarum quid noui doceant  
3.1.5. De Cometa anni 1472. 3.17.6.  
& 31.& 48. Iudicium de Hypothe-  
sibus Ptolemæi ex apparentibus  
diametris Append. 7. Mors. 3.17.  
10.

**R**öslini obseruationes Cometæ  
anni 1577. erroneæ 3.10.1. De eius  
loco cœlesti 2.25.1. De motu circu-  
lari Cometæ 2.20.24. De Cometa  
anni 1580. 3.18.2.

**R**othmanni Obseruatio Come-  
tæ anni 1580. 3.18.2. Cometæ anni  
1585. 2.25.4.

## S

**S**Alomo de terræ durabilitate 3.  
22.5.

**S**arsiis Append.1. Fluctuat cir-  
ca rectilineam træctionem Co-  
metæ. Append.16. De Cometa Re-  
giomontani Append.17.

**S**axum cælo , vt delapsum 2.5.  
6.

**S**chickhardus, de træctione an-  
ni 1623. Nouembri controværsia  
cum Habrechto 3.18.18. Eius sen-  
tentia de picturis perspectiuicis ex-  
cussa Append.19.

**S**cultetus. 3.16.1.

**S**ectariorum malimores. 2.28.8.

**S**olis ortus immaturus 3.15.14.  
Eius Parallaxis ex Eclipsibus. Ap-  
pend. 2. Ex Obseruationibus &  
Theoria Martis Copernicana. Ap-  
pend.2.

**S**phæræ nona decima, &c. nulla.  
Append.3.

**S**tellarum motus inæquabili et  
æquabiles. 2.5.7.& 8. | 3.1.3. Qua-  
vi moueantur 2.7.10. | 3.1.4. Earum  
motus non constantissime per om-  
nia sæcula æquabiles. 3.1.5.

**S**stellæ fixæ motū habent non pro-  
portionatum loco 2.7.9. Exaltitu-  
dine fixæ , tempus non accuratissi-  
me habetur. 3.17.25. Earum refæ-  
ctiones, & meatus diurni incuruati  
Append.18.

**S**tella Magorum 2.4.4.& 5.

**S**stellæ cadētes vnde motus prin-  
cipium habeant. App.II.

## T

**T**elescopii seu Tubi Optici usus.  
2.32.1.

**T**eratoscopia quid 2.8.3.

**T**erra etiam durabilis & constans 3.  
22.5.

**T**heologos verentur Physici. Ap-  
pend.8.11.

**T**opica non sunt friuola : eorum  
usus in scientiis 2.8.2.

## Tycho Brahe.

**A**ntiquorum dogmatum fautor,  
& cur ab iis interdum recedendum  
sibi putauerit 3.22.7. Commentus  
est nihil 2.18.12. Constans in verita-  
te , non pertinax in suo sensu 2.18.  
11.& 12. Crines luctantibus inter se  
com-

I N D E X.

commodat suos. App. 13. Deceptoris à Logistis suis circa parall. ⊖ App. 2. Fauit bonis obseruatoribus, non eos spreuit 3.16.6. Fide dignus author 2. 17.18. Fidē iure poscit 3.16.6. Geometriæ peritus. Append.1. Hypothesium arbiter. Appen.3. Injurius in Aristotelem non fuit 2.18.7.& 8. Inuentor noui Systematis Append. 6. Morosus in quos 2.18.9. De motu stellarum causis quid sentiat 2. 7. 10. Nolthii obseruata cur omiserit 3.16.16. Obseruator palmarius Append.15. Obseruationes aliorum ut tractet. Append.15. Orbis destruit, argumento Refractionum 3. 1.4. Append.14. Poli sui altitudinem à se statutam correxit recte 2. 24.17. Refractiones assecurat 2.24. 6. | 3.15.2. | Diuersas in ⊖ & ☉ cur ponat 2.24.9. Cum Regiomontano comparatus 3.17.1.& 34.& 35. De Regiomontani Cometa quid statuerit 3.17.3. & 21. Sphæras 9. 10. 11. non habet. Append.3. Theologos est reueritus. Append.8. Verax 2.13.4. | 2.18.15. Veteribus nimium credidit. Append.2.

• Tychonis æquiuocatio Append. 12. Ακυρολογίαι 2.2.12. | 2.4.12. | 2. 13.31.& 32.& 34. Append.1.

Tychonis argumenta probabília 2.4. Append.12.13. Sunt fœcunda 2. 5.3 Iuncta pugnant 2.9.2. Communia aliqua 2.13.15. | 2.17.4. Argumenta demonstrativa. 2.24.4. & 10. Vide Anti-Tycho. Item, Parallaxes.

Tychonis delectus inter argumen-  
ta.3.21.2. Authoritas quæ. Ap-

pend.15. Calculus fictionis vitiosus  
vnde. Append.1.  
Tychonis candor 2.18.13. & 14. |  
2.22. 7. Contradictiones nullæ 2.  
18.4. | 3.1.9. | 3.17.39. Diligentia 2.  
18.20. | 3.15.2. Diagramma sensus  
duplicis. App.1. Epistolarum libri 2.  
22.1. Errores imputati 2.13.17. & 18.  
& 19. & 29. & 35. | 2.15.23. | 2.18.26. |  
Incredibiles Append.1. Innocui 2.  
13.35 | 2.15.26 | 2.18.26. Aliqui ve-  
re nulli 2.13.23. & 24. & 27. & 30. |  
2.15.15. | Append.1. Excusationes  
2.13.20. & 34. & 36. | 2.22.5 | 3.22.  
7.& 8. Existimatio apud Galilæum  
Append.15.  
Tychonis familia nobilissima 2.  
18.2. Fictio infœlix 2.13.17.  
Tychonis Fides 2.22.7. Fixarum  
mille Catalogus. 2.22.1. Hallucina-  
tio 2.13.28. | 2.15.20. | Append.7.  
Historia Impressionum, Studiorū,  
Itinerum 2.22.1. & 2. Hypotheseos  
vis 2.20.22. Appendix.3. vide Tych.  
Systema. Hypothefis motus Co-  
metæ 2.20.30. & 31. | 3.1.8. | In-  
dustria 2.24.5. Instrumenta, quando  
perfecta 2.17.11. | Iusta 2.18.33. | 2.  
20.13. | 2.22.1. | Lib. labecula Ap-  
pend.1. Lunæ Theoria 2.22.1. Me-  
chanica 2.22.1. Mors 2.22.2. Mo-  
tus Systematicus seu concomitan-  
tiæ. Append.11. & 16. Notitia cum  
Landgrauio 2.22.1. Obseruationes  
an certissimæ & quatenus 2.15.  
32.in 38. | 2.18.13.in 17. | 2.22.1. |  
3.2.5.& 6. Earum editio promissa 2.  
22.25. & 38. | 2.24.2. | 3.17.43. Ea-  
rum fides fraude Scipionis certior  
2.24.15. A Tychone iure commen-

# I N D E X.

datæ 3. 17. 26. Obseruationes quæ annum 1582. antecesserunt 3. 18. 2. Processus vnius Tychonici repetitio correctior 2. 15. 25.

Tychonis Physiologia Cometa-  
rum 2. 4. 4. Persuasio de omnibus  
Cometis 2. 17. 27. Progymnasma-  
tum Tomi II. editio qualis 2. 13. 12.  
Tomi I. & II. 2. 22. 1. & 3. Tomus  
III. non scriptus 3. 1. 2.

Tychonis Profectus 2. 18. 24. &  
25. | 2. 24. 17. | Pseudographum v-  
nicum 2. 17. 26. | Append. 1. Sche-  
ma à mente alienum 2. 13. 21. & 34.  
duabus diuersis demonstrationibus  
applicatum improprie 2. 13. 22. &  
30. & 32. | 2. 20. 8. | Append. 1. Sub-  
tilitas necessaria 2. 15. 42. | 2. 17. 6. &  
16. Systema Tychonis utile, inte-  
grum, eius descriptio. Compositum  
ex Copernici & Ptolemaico. Ap-  
pend. 3. Artificiosum. Append.

4. Non caret suis numeris. Ap-  
pend. 5. Corrigendum in particula-  
ribus. Append. 5. At nullum. Ap-  
pend. 6. Mobile. Append. 16. Quam  
recipiat proportionem motuum ad  
orbes. 2. 7. 5. Vide Tych. Hypoth.

V. W.

**V**eneris Phrases quid doceant.  
Append. 7. Cur diameter eius  
tam parum varietur apud Ptole-  
mæum. Append. 7.

Ventorum altitudo quanta 2. 20.  
25.

Vitellio de Parabola 2. 13. 25.

Vogelinus de Cometa anni 1556.  
3. 17. 37.

**W**Altheri obseruata quid do-  
ceant 3. 1. 5.


Wincklerus 3. 16. 1.

Z

**Z**iegleri de Cometa Regiomon-  
tani 3. 1. 11. | 3. 17. 46.

F I N I S.






**UB WIEN**



+AM24362290X

**UB WIEN**



+AM243622807

**UB WIEN**



+AM243622704

